



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

### **Правила пользования**

Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

### **О программе**


Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.



3 2044 009 530 650

014 42357.40

Harvard College  
Library



FROM THE BEQUEST OF  
**JOHN HARVEY TREAT**  
OF LAWRENCE, MASS.  
CLASS OF 1862









Hand





ՄԱՏԵՆԱԳՐՈՒԹԻՒՆՔ

Ն Ա Խ Ն Ե Ա Յ

---

Ե Ղ Ի Շ Է




ՍՐԲՈՅ ՀՕՐՆ ՄԵՐՈՅ

# ԵՂԻՇԷԻ ՎԱՐԴԱՊԵՏԻ

ՄԱՏԵՆԱԳՐՈՒԹԻՒՆՔ

ԸՍՑ ԸՆՏՐԵԼԱԳՈՅՆ ԸՆԹԵՐՅՈՒԱԾՈՑ ԳՐԶԱԳՐԱՑ



Ի ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

ՅԱՄԻ 1859 ՌՄՅԸ

~~OL 42511.5~~

OK. 42357.40



*Treat of mind*

Elisaeus Warda pet

# Ե Ղ Ի Շ Է Ի

Վ Ա Ր Դ Ա Պ Ե Տ Ի

Վ Ա Ս Ե

Վ Ա Ր Դ Ա Ն Ա Յ

Ե Ի

Հ Ա Յ Ո Ց Պ Ա Տ Ե Ր Ա Ջ Մ Ի Ն

Դ Ա Ի Թ Ի Ե Ր Ի Յ Ո Ի Մ Ա Մ Ի Կ Ո Ն Ի Հ Ա Յ Տ Ե Ա Լ

Բանն վասն որոյ պատուիրեցեր՝ արարի, ուլ քաջ վասն Հայոց պատերազմին հրամայեցեր, յորում բազումք առաքինացան քան զսակաւս : Ընչանազրեցի յայսմ եօթն յեղանակիս . առաջին զժամանակսն , երկրորդ զիրացն պատահումն յիշխանէն արեւելից , երրորդ զմիաբանութիւն ուխտին եկեղեցւոյ , չորրորդ զերկառակութիւն ունանց բաժանելոց ՚ի նմին ուխտէ , հինգերորդ զյարձակումն արեւելեայց , վեցերորդ զընդդիմանալն Հայոց պատերազմաւ , եօթներորդ զյերկարումն իրացն խռովութեան :

Յայսմ յեօթն գլուխս կարգազրեալ և եզեալ ծայրալիր պարապմամբ զսկիզբն և զմիջոցն և զկատարածն . զի հանապազորդ ընթեռնուցուս , լսելով զառաքինեացն զքաջութիւն և զյետս կացելոցն զվատթարութիւն , ոչ յանձին կարտութիւն երկրաւոր առատ գիտութեան լրման , այլ այցելութիւն երկնաւոր անտեսութեանն՝ որ մատակարարէ յառաջգիտութեամբ զհատուցումն երկուցունց կողմանցն , որ երեւելեօքն զաներեւոյթն գուշակէ :

Եւ յառաջ , ուլ մեծ ՚ի գիտութեանն յստուծոյ , առ ինչ արդեօք հրամայեցես , քան եթէ հրամայիցիս լաւագունացն : Արպէս երեւի ինձ և քեզ և այնոցիկ որ դեգե-

րեցին յիմաստութիւն՝ երկնաւոր սիրոյ է նշանակս այս ,  
 և ոչ երկրաւոր փառասիրութեանն . որպէս և ասացին  
 ուննք 'ի քաջ պատմագրացն . ( ) ուգութիւն է մայր  
 բարեաց , անզուգութիւն ծնող չարեաց : Սրպէս և մեր  
 իսկ հայեցեալ 'ի սուրբ սէր քոյոյ հրամանիդ , ոչ ինչ  
 դանդաղեալ վեհերեցաք հայեցեալ 'ի մեր տգիտու-  
 թիւնս : Վանգի բազում ինչ է սրբութիւն՝ սատար լի-  
 նել անօրութեան , որպէս աղօթք՝ գիտութեան , և  
 սէր սուրբ՝ միաբան օգտից :

( ) որ և մեր ընդ հրամանին քում ընկալեալ , յօժա-  
 րութեամբ ձեռնարկեցաք զայս ինչ , որ է միութարու-  
 թիւն սիրելեաց և յոյս յուսացելոց , քաջալերութիւն  
 քաջաց , կամակարութեամբ յարձակեալ 'ի վերայ մա-  
 հուան , առաջի տեսանելով զգորագլուխն յաղթութեան ,  
 որ ոչ ումեք ոտնհար լինի թշնամութեամբ , այլ անդ  
 ուսուցանէ զիւր անպարտելի զօրութիւնն : Այլ ահա ո  
 որ կամեցի՝ ընդունի իբրեւ զնահատակ առաքինի : Այլ  
 քանգի բազմադիմի է նահատակութեանդ անուն , և նա  
 բազմադիմի շտրհս բաշխեաց ամենեցուն . զոր և մեծ  
 իսկ քան զամենայն՝ սէր սուրբ յաննենդ մտաց գիտեմք :

Այս պարգութիւն զվերնոցն բերէ զմանսութիւն .  
 զոր և մեր 'ի բեզ տեսեալ , մտացաք զմեր բնութիւնս :  
 Այլ ահա վերաբերիմք ընդ բեզ ձախրելով , և իբրեւ  
 բարձրաթռիչս եղեալ՝ զամենայն փաստակար մրկածին  
 օտովքս անցուցանիցեմք . և փոքր 'ի շատէ ծծելով յա-  
 նապական վերին օդոցն՝ առնուցումք զգիտութիւն 'ի  
 փրկութիւն անձանց և 'ի փառս ամենայաղծ եկեղեցւոյ :  
 Աստի բազում սուրբ պաշտօնեայքն զուարթութեամբ  
 կատարեսցեն զսպաս վիճակին իւրեանց՝ 'ի փառս Հօրն  
 բոլորեցուն . ուր ընդ նմին սուրբ Արորդութիւնն ցնծա-  
 ցեալ բերկրիցի յանարտմական յիւրում էութեանն :

Արդ որովհետեւ ընկալաք զհրաման պատուիրանի  
 յաննախանձ քոյոց բարուց բնութեանդ , սկսցուք ուս-  
 տի արժան է սկսանել . թէպէտ և ոչ յօժարիցեմք զթը-  
 շուսուութիւն մերոյ ազգիս ողբալ : Ահա ոչ ըստ կամաց  
 արտօսարալիր ողբովք ձառագրեմք զբազում հարուածս ,  
 յորում պատահեցաք և մեք իսկ ականատեսուք լինելով :

# ԱՌԱՋԻՆ ՅԵՂԱՆԱԿ

ԺԱՄԱՆԱԿԻՆ

Քանզի 'ի բառնալ ազգին արշակունեաց, տիրեցին աշխարհիս Հայոց ազգն Սասանայ պարսկի, որ վարէր զիւր իշխանութիւնն օրինօք մոզաց . և բազում անգամ մարտնչէր ընդ այնոսիկ, որ ոչ ընդ նովին օրինօք մտանէին, սկիզբն արարեալ յամացն Արշակայ արքայի որդւոյն Տիրանայ, և կռուէր մինչև յամն վեցերորդ Արտաշեսի արքայի Հայոց, որդւոյն Ստահրաշապհոյ: Աւերբեւ զնա ևս մերժեաց 'ի թագաւորութենէն, 'ի նախարարն Հայոց անկանէր թագաւորութիւնն . զի թէ պէտ և գանձն յարքունիս պարսկաց երթայր, սակայն այրուծին Հայոց բովանդակ 'ի ձեռն նախարարացն առաջնորդէր 'ի պատերազմի: Ասն որոյ և աստուածպաշտութիւնն բարձրագլուխ կամակարութեամբ երեւելի լինէր յաշխարհին Հայոց 'ի սկզբան տէրութեանն Ասպհոյ արքայից արքայի մինչև յամն յերկրորդ Յազկերտի արքայից արքայի որդւոյ Առամայ . զոր եգիտ սատանայ իւր գործակից, և զամենայն մթերեալ թոյնն թափեաց 'ի թաց, և ելից զնա իբրև զպատկան դարան դեղովք: Աւ սխաւ եղջիւր ածել անօրէնութեամբ, և գոռալով հող հանէր ընդ չորս կողմանս երկրի . և թըշնամի և հակառակորդ երեւեցուցանէր իւր զհաւատացեալքս 'ի Քրիստոս, և նեղեալ տազնապէր անխաղաղասէր կենօք:

Քանզի յոյժ սիրելի էր նմա խոռովութիւն, արիւնհեղութիւն, վասն այնորիկ յանձն իւր տարաբերէր, եթէ յ' թափեցից զգառնութիւն թիւնից, կամ ուր բացատրեցից զբազմութիւն նետիցն: Աւ առ յոյժ յիմարութեան իբրև զգազան մի կատաղի յարձակեցաւ 'ի վերայ աշխարհին Յունաց . եհար մինչ 'ի քաղաքն Արծ-



բին, և զբազում գաւառս Տոռոնոց աւերեաց ասպատակաւ, և զամենայն եկեղեցիս հրձիգ արար. կուտեաց զաւար և զգերի, և ահաբեկ արար զամենայն զօրս աշխարհին:

Իսկ երանելին Թէոդոս կայսր, քանզի խաղաղասէր էր ՚ի Վրիստոս, ոչ կամեցաւ ելանել ընդ առաջ պատերազմաւ. այլ այր մի Մնատոյ անուն, որ էր նորս սպարապետ արեւելից, առաքեաց առ նա բազում զանձիւք: Եւ արք պարսիկք, որք փախուցեալ էին վասն քրիստոնէութեան և էին ՚ի քաղաքին կայսեր, կալաւ և ետ ՚ի ձեռս նորա: Եւ զամենայն զօր ինչ ասաց ՚ի ժամանակին՝ կատարեաց ըստ կամաց նորա, և արգել զնա ՚ի բազում բարկութենէն. և դարձաւ անդրէն յիւր քաղաքն Տիգրան:

Եւ իբրև ետես անօրէն իշխանն, եթէ յաջողեցաւ չարութիւնն նորա, սկսաւ այլ ևս խորհուրդ յաւելլուլ, իբր որ զի ՚ի հուր բորբոքեալ յաւելլով բազում նիւթս փայտից: Վրանզի ուստի սակաւ մի կասկածոտն էր, անտի աներկիւզ հաստատեցաւ. վասն այնորիկ դրողուցոյց զբազումս ՚ի սուրբ ուխտէն քրիստոնէից, էր՝ զոր բանիւք սպառնալեօք, էր՝ զոր կապանօք և տանջանօք: Եւ զոր չարաչար մահուամբ վախճանէր. յափշտակութիւն աննէր ընչից և արարոց, և մեծաւ անարգանօք տանջէր զամենեսեան: Եւ իբրև ետես՝ եթէ վայրատեալ ցրուեցան ՚ի բազում կողմանս, ՚ի խորհուրդ կոչէր զպաշտօնէայս ձախակողմանն, որք կապեալ էին ՚ի կռպաշտութեանն անյուժանելի հանգուցիւք, վառեալք և ջեռեալք իբրև զՏոնոց առ այրել զուխտ սուրբ եկեղեցւոյ:

Վրանզի էին իսկ այնպիսիքն բնակեալ ՚ի կեանս իւրեանց իբրև ՚ի թանձրամած խաւարի, և ոգիքն արգելեալք ՚ի մարմինն իբրև զկենդանի ՚ի գերեզմանի, յորս ամենեւին չժագէ նշոյք սուրբ լուսոյն Վրիստոսի: Եւ և արջք օրհասահանք ընդ վախճանել շնչոյն հօրագոյնք կռուին. յորոց և իմաստունքն տեղի տուեալ փախչին ՚ի նոցանէն: Եւ յապիտի իմն եկեալ հասեալ է վախճան տէրութեանն. եթէ հարկանին՝ չգգան, և եթէ հարկանեն՝ չիմանան. և իբրև ոչ գտանի արտաքին թշնամի, ընդ անձինս իւրեանց մարտ եղեալ կը-

ուռին : ՚ի դէպ իսկ ելանէ բան մարգարէին 'ի վերայ նոցա . Ղըր, ասէ, առ քաղցի իւրում շրջեսցի և կերիցէ զկէս անձին իւրոյ . նման դմին և Տէրն ինքնին ասէ . Ղը մենայն տուն և Թագաւորութիւն՝ որ յանձն իւր բաժանի, ոչ կարէ կալ հաստատուն :

Ղըր զի կոծիս, զի սրցիս, զի այրիս, զի բորբոքիս, զի չչիջանիս . զի կոչես 'ի խորհուրդ զայնոսիկ, որոց զողինն ձեր 'ի ձէնջ քաղեալ՝ հանեալ է զանապահանդ յապա կանութիւն, և զապականելի մարմինդ զէշաքարչ արարեալ՝ իբրև զազիր մեռելոտի 'ի բաց ընկեցեալ : Ղպաքէն զայդ կամիս, զի ծածկեսցի խորհուրդ ամբարշտութեանդ . տեսջիր յորժամ յայտնեսցի, ապա գիտասցես զելք կատարածի դորա :

Ղքեն մոզքն . Ղըբայ քաջ, աստուածքն ետուն քեզ զտէրութիւնդ և զյաղթութիւն, և ոչ ինչ կարօտն նոքա մարմնաւոր մեծութեան, բայց եթէ 'ի մի օրէնս դարձաւցանես զամենայն ազգս և ազինս, որ են 'ի տէրութեան քում . յայնժամ և աշխարհն Յունաց հնազանդեալ մտցէ ընդ օրինօք քովք : Ղըր զբանս զայստիկ վաղվաղակի կատարեա դու, արքայ . զոր գումարեա և գունդ կազմեա, խաղա գնա դու յաշխարհն Վուշանաց . և զամենայն ազգս ժողովեա և անցո ըստ պահ դուռն 'ի ներքս . և դու անդէն արա քեզ բնակութիւն : Յորժամ արգելուս և փակես զամենեսեան 'ի հեռաւոր օտարութեան, կատարին խորհուրդք կամաց քոց . և ուպէս երեւիս մեզ 'ի դենիս մերում, տիրես դու և երկրին Վուշանաց, և Յոյնք իսկ ոչ ելանեն ընդ քոյ իշխանութիւնդ : Ղայց միայն զազանդ քրիտոննէից բարձ 'ի միջոյ :

Հաճոյ Թուեցաւ խորհուրդն Թագաւորին և մեծաւ մեծացն, որ էին 'ի նմին բանի . հրովարտակս գրէր, պընդադէսպանս առաքէր յամենայն տեղիս տէրութեան իւրոյ : Ղը այս է պատձէն հրովարտակին :

Ղը ամենայն ազգս տէրութեան իմոյ՝ Ղըրեաց և անարեաց, բազմացի 'ի ձեզ ողջոյն մարդասիրութեան մերոյ . դուք ողջ լերուք, և մեք մեզէն ողջ եմք զիցն օգնականութեամբ :

Ղը անց զձեզ ինչ աշխատ առնելոյ խաղացար գնացար

յերկիրն (Յունաց, և առանց գործոյ պատերազմի՝ սիրով մարդասիրութեամբ նուաճեցաք զամենայն երկիրն մեզ ՚ի ծառայութիւն. դուք զբարի զմտաւ ածէք, և անսպառ լերուք յուրախութեան. բայց բան զայս կատարեցէք վաղվաղակի, զոր ասեմք: Սեք ՚ի մտի եղաք անվրէպ խորհրդովք խաղալ գնալ յաշխարհն արեւելից, աստուածոցն օգնականութեամբ դարձուցանել ՚ի մեզ զտէրութիւնն Վուշանաց. դուք իբրեւ ըզհրովարտակս զայս տեսանէք, անխափան վաղվաղակի այրեւձի գումարեցէք առաջի քան զիս, յանդիման լերուք ինձ յապարաշխարհին:

Ըստ այսմ՝ պատճենի հրովարտակ եհաս յաշխարհն Հայոց, ՚ի Սրաց և յԱղուանից և ՚ի Սփնաց, ՚ի Օսդէից և ՚ի Կորդուաց, յԱղձնեաց և բազում այլ տեղեաց հեռաւորաց, որոց ոչ էին օրէնք երթալ զայն ճանապարհ յառաջ ժամանակաւ: Վունդ կազմէր ՚ի Հայոց մեծաց զազատ և զազատորդի, և յարքունի տանէ զոստանիկ մարդիկ. ըստ նմին օրինակի ՚ի Սրաց և յԱղուանից և յաշխարհէն Սփնաց, և որ այլ ևս ՚ի կողմանց կողմանց հարաւոյ, մերձ ՚ի սահմանս տաճկաստանի և ՚ի հռոմեց աշխարհն և ՚ի Կորդուաց և ՚ի Վրացն և ՚ի Օսդէիցն և յԱրգնարդիւն. որք էին ամենեքեան հաւատացեալք ՚ի մի կաթողիկէ առաքելական եկեղեցի:

Եւ անմեղութեամբ ոչ գիտացեալ զերկդիմի միտութեաւորին, խաղացին գնացին յիւրաքանչիւր աշխարհաց ըջմտութեամբ և անտրտում ինդութեամբ և տիրասէր խորհրդովք, կատարեալք զսպաս զինուորութեան աներկբայ վաստակովք: Բարձին եւս ընդ իւրեանս զաստուածային սուրբ կտակարանս բազում պաշտօնէիք և բազմագոյն քահանայիք: Բայց հրաման տուեալ աշխարհի՛ ոչ իբրեւ յակնկալութիւն կենաց, այլ իբրեւ ՚ի վճարումն վախճանի. յանձն առնելով միմեանց զոգիս և զմարմինս: Օ ՚ի Թէպէտ և խորհուրդ Թաղաւորին չէր յայտնեալ նոցա, սակայն կարծիք ՚ի մտի էին ամենեցուն. մանաւանդ իբրեւ բեկեալ տեսին զգորութիւնն Յունաց առաջի նորա, յոյժ հարեալ խոցեցան ՚ի խորհուրդս իւրեանց:

Բայց քանզի պատուիրանապահք էին սուրբ կտակաւ

րանայն Մատուծոյ, հանապազ յիշէին զպատու իրեալնս՝ ի Պաւղոսէ, եթէ ծառայք հնազանդ լերուք տերանց ձերոց մարմնաւորաց, մի սուտակասպարք և առ աչս աչառու լով, այլ սրաք մտօք ծառայել իբրեւ Մատուծոյ, և մի իբրեւ մարգկան. քանզի ՚ի Տեառնէ է հատուցումն վաստակոց ձերոց : Եւ ամենայնիւ այսու բարեմտութեամբ յուղարկեալք յաշխարհէ և յանձն եղեալք սուրբ Հոգւոյն, յանդիման լինէին, փութով կատարեալ զհրամանն, և զամենայն արարեալ ըստ կամաց նորա : Եւ յո՞րախ լինէր թագաւորն, իբր այն եթէ կատարեցան կամք կարծեաց նորա. և ահա առնէր ընդ նոսա զայն ինչ, զոր պաշտօնեայքն ամբարշտութեան նորա խրատեցին :

Եւ իբրեւ ետես թագաւորն զամենայն կազմութիւն և զբազմութիւն գնդին բարբարոսաց, որք սրտի մտօք եկեալ էին ՚ի վաստակ արքունի, առաւելապէս ուրախ եղև առաջի մեծամեծացն և ամենայն բազմութեան զօրաց իւրոց : Եւ վերին երեսս թաքուցանէր զկամն մտաց իւրոց, և սկսանայ առատապէս պարգեւէր զնոսա : Եւ զայն գնաց միանգամայն ՚ի վերայ տէրութեան Հոնաց աշխարհին, զոր Վուշանս անուանեն. և զերկեամ մի կուտեալ, օչ ինչ կարաց ազգել նոցա : Եւ պարձակեաց զմարձիկնս յիւրաքանչիւր տեղիս, և զայս ՚ի նոցա տեղիս փոխանակ առ իւր կոչեաց նովին պատրաստութեամբ : Եւ յսպէս ամ յամէ սովորութիւն կարգեաց, և իւր անդէն քաղաք բնակութեան շինեաց, սկսեալ ՚ի չորրորդ ամէ տէրութեանն իւրոյ մինչև յամն մետասաներորդ թագաւորութեանն :

Եւ իբրեւ ետես՝ եթէ հաստատուն կացին Հոռովք յուխտին իւրեանց՝ զոր եղին ընդ նմա, և դադարեցին իրայլ ընդուրք ելանել ընդ պահակն Հորայ, և յամենայն կողմանց խաղաղութեամբ բնակեաց աշխարհ նորա, և ՚ի նեղ և սէրկ զթագաւորն Հոնաց, քանզի աւերեաց զբազում գաւառս նորա, և յաջողեցաւ տէրութիւն նորա, աւետաւորս առաքեաց ընդ ամենայն ատրուշանս աշխարհին իւրոյ. յլուք սպիտակօք և գիսաւոր նոխազօք առատացոյց զզոհս կրակին, և խիտ առ խիտ թանձրացոյց անդադար զպաշտօն պղծութեան իւրոյ. սպակօք և պատուովք մեծարեաց զբազումն ՚ի մոզաց և զբազմագոյնս ՚ի մոզպետաց : Եւ յա եւս հրաման յափշտաւ

կել զքրիստոնէից զինչս և զստացուածս, որք էին 'ի մէջ պարսկաց աշխարհին :

Եւ այսպէս հպարտացաւ բարձրացաւ 'ի միտս իւր, 'ի վեր քան զմարդկային բնութիւնս ընդվզեալ ապարթանէր, ոչ միտյն յիրս մարմնական պատերազմացն, այլ մեծ ոմն զինքն կարծէր քան զբնութիւն հայրենի կարգին . վասն այնորիկ կեղծաւորութեամբ թագուցանէր զինքն ըստ կարծեացն, և որպէս երևէր իմաստնոցն՝ յանմահից իմն կարգի դնէր զինքն : Եւ յոյժ էր ցատուցեալ ընդ անունն Վրիստոսի, յորժամ լսէր՝ թէ տանջեցաւ, խաչեցաւ, մեռաւ և թաղեցաւ :

Իբրև այսպէս օր ըստ օրէ 'ի սոյն միտս ցնորեալ դանդաչէր, մի ոմն մանկագոյն 'ի նախարարացն Հայոց ընդդէմ բանս եղ և ասէ . Երբայ քաջ, դու ուստի գիտես այդպիսի բանս խօսել զՏեանէ : Եւս պատասխանի թագաւորն և ասէ . Իմ իսկ առաջի ընթերցան զգիրս մտորութեանն ձերոյ : Եւս պատասխանի անդրէն պատանեակն և ասէ . Ինդէր, արբայ, ցայդ վայր միայն ետուր ընթեռնուլ . այլ յառաջ ևս մատուցկարդացումն, և լես անդ գարութիւնն, գայտնութիւնն առ բազումն, զվերացումն յերկինս, զնստելն ընդ աջմէ հօր, գիտստումն երկրորդ գալստեանն՝ զհրաշակերտ յարութիւնն առնելով բոլորեցունց, զհամառօտ հատուցմունսն արդար դատաստանին : Իբրև լուաւ զայս թագաւորն, 'ի խոր խոցեալ վեր 'ի վերոյ ծիծաղեցաւ, ասէ . Իմե նայն այդ խաբէութիւն է : Եւս պատասխանի զինուորն Վրիստոսի և ասէ . Եթէ հաւատարիմ են քեզ մարմնաւոր չարչարանքն նորա, հաւատարմագոյն ևս լիցի քեզ երկրորդ ահաւոր գալուստն նորա :

Եւ զայս լսելով թագաւորին՝ բորբոքեցաւ իբրև ըզհուր հնոցին 'ի Վաբիլոն, մինչև իւրքն իսկ անդէն դեռ եւս իբրև զքաղաքեացիան այրեցեալ լինէին : Յայնժամ զբոլոր բարկութիւն սրտմտութեանն եհեղ յայրն երանելի, որում անուն էր Վարեգին : Կապեալ ոտիք և կապեալ ձեռօք գերկեամ մի տուաւ 'ի չարչարանս, և հանեալ 'ի բաց զտէրութիւնն 'ի նմանէ, ընկալաւ զվճիռ մահու :

# ԵՐԿՐՈՐԴ ՅԵՂԱՆԱԿ

ԻՐԱՏՆ ՊԱՏԱՀՈՒԹՆ ՅԻՇԻԱՆԷՆ ԱՐԵՒԵԼԻՑ

Որոց ողիքն թուլացեալ են յերկնաւոր առաքինու-  
թենէն, յոյժ ընդ ահիւ անկեալ է բնութիւն մարմ-  
նոց . յամենայն հողմոց շարժի և յամենայն քանէ խոռ-  
վի և յամենայն իրաց դողայ . երազագէտ է այնպիսին  
'ի կեանս իւրում, և յանգիւտ կորուստն յուզարկի 'ի  
մահուան իւրում: Արդէս և ատաց ոմն 'ի հնումն . Ս'ահ  
ոչ իմացեալ՝ մահ է, մահ իմացեալ՝ անմահութիւն է:  
Ար զմահ ոչ գիտէ, երկնչի 'ի մահուանէ . իսկ որ գիտէ  
զմահ, ոչ երկնչի 'ի նմանէ:

Այս ամենայն չարիք մտանեն 'ի միտս մարդոյ յան-  
ուամնութենէ: Այր զրկի 'ի ճառագայթից արեգա-  
կան, և տգիտութիւն զրկի 'ի կատարեալ կենաց . լաւ  
է կոյր աչօք քան կոյր մտօք: Արպէս մեծ է հոգի քան  
զմարմին, այսպէս մեծ է տեսաւորութիւն մտաց քան  
զմարմնոց: Աթէ կարի ոք առաւելեալ իցէ աշխարհա-  
կան մեծութեամբ՝ և մտօքն աղքատագոյն, այնպիսին  
ողորմելի է քան զբազումն . որպէս և տեսանեմք իսկ,  
ոչ միայն 'ի չափաւոր մարդիկ, այլ և որ մեծն է քան  
զամենայն: (Ը)ազաւոր եթէ ոչ ունի զիմաստութիւն ա-  
թոռակից իւր, ոչ կարէ 'ի վիճակին իւրում վայելուչ  
գոյ: Իսկ եթէ առ մարմնաւորս այսպէս, որչափ ևս ա-  
ռաւել առ հոգևորն: (Ն)որ մարմնոյս հոգի է կենդա-  
նութիւն, իսկ մարմնոյ և հոգւոյ միտք են կառավար . և  
որպէս առ մի մարդ՝ այսպէս առ բոլոր աշխարհս: (Ը)ա-  
զաւոր ոչ զիւրն միայն տացէ պարտիս, այլ և որոց եղև  
պատճառք 'ի կորուստ:

Իայց մեք թէպէտ և չունիմք հրաման բամբասել  
զիշխանս, և ոչ գովողք կարեմք լինել այնմիկ՝ որ աս-  
տուածամարտն լինին: Այլ զանցս իրացն պատմեմ, որ

'ի նմանէ ընդ սուրբ եկեղեցիսն էանց, և ոչ դանդաղիմ. ոչ բամբասասէր մտօք, այլ ճշմարտութեամբ զեւր իրացն ասելով ոչ լռեցից. ոչ 'ի կարծ ընդոստուցեալ, և ոչ 'ի լուր զարթուցեալ. այլ ես ինքնին անձամբ անդէն 'ի տեղւոջն պատահեցի և տեսի, և լուայ զձայն բարբառոյ յանդգնաբար խօսելով. իբրև զՏողմ սաստիկ՝ զի բախիցէ զծով մեծ, այնպէս շարժէր և տատանէր զամենայն բազմութիւն զորաց իւրոց: Այլ հանդէս առնէր ամենայն ուսմանց, և ընդաճէր զամենայն մտգութիւնն և զբաւոյնութիւնն և զամենայն ուսմունս աշխարհին իւրոյ: Արկանէր 'ի ներքս և զբրիտոնէութիւն կեղծաւորութեամբ, և ասէր զայրացեալ մտօք. Հարցէք, քննեցէք, տեսէք. Թող որ լաւն է՝ ընտրեալ կայցուք: Այլ փութայր որ ինչ 'ի մտին էր զի վաղվազակի կատարեսցէ:

Իսկ 'ի կողմանց կողմանց քրիստոնեայքն որ 'ի զօրուն էին, իմացան զՏուրն՝ որ 'ի ծածուկն վառեալ բորբոքէր, և կամէր հրդեհել զլէրինս և զդաշտս առ հասարակ: Սէռան և նոքա անծախական հրոյն, և սաստկապէս պատրաստեցան 'ի փորձութիւն գաղտնի մեքենայիցն: Ականս այնուհետև բարձր բարբառով, սաղմն սիւք և երգովք հոգևորօք և մեծապայծառ վարդապետութեամբ յայտ յանդիման մեծի բանակին զպաշտօնն ցուցանէին, և աներկիւղ առանց զանգիտելոյ՝ ո՞ր ոք և երթայր առ նոսա՝ ուսուցանէին կամակար: Այլ Տէր յաջողէր նոցա նշանօք և արուեստիւք. քանզի բազում հիւանդք ընդունէին զբժշկութիւն 'ի հեթանոսական զօրուէն:

Իսկ անօրէն իշխանն իբրեւ գիտաց, եթէ յայտնեցաւ խորամանկութիւն խորհրդոյն, և պատրաստեալ Տուրն՝ մինչևեւ ուրուք՝ ինա փչեալ, վառումն նորա յայտնի իմալցաւ երկիւղածացն Աստուծոյ, սկսաւ ծածուկ նետիւք խոցոտել զմիտս իւրոյ չարութեանն. և անբժշկական վէրս յօգիս և 'ի մարմինսն տեսանէր: Արթ շանթէր գալարէր իբրեւ զօձ թիւնաւոր, մերթ պարզէր գոչէր իբրեւ զառիւծ զայրացեալ. զելոյր, գլորէր, տապալէր երկգիմի մտօք, զխորհուրդս կամացն կամէր կատարել: Վնազի ձեռն արկանել և ունել ոչ կաբէր, վասն զի ոչ էին համագունդ 'ի միում վայրի առ նմա, սկսաւ այ-

նուհետեւ յառաջ կոչել զկրօններս, յաւազաց և զանարգս 'ի պատուականաց և զտգէտս 'ի գիտնոց և զանարիս 'ի քաջ արանց . և զի մի մի թուիցեմ, այլ զամենայն զանարժանն յառաջ մնատուցանէր, և զամենայն զարժանաւորսն յետս տանէր . մինչեւ զհայր և զորդի քակէր 'ի միմեանց :

Թէպէտ և ընդ ամենայն ազգս առնէր զանկարգութիւնս զայս, առաւել ընդ հայոց աշխարհին մարտընէր . քանզի տեսանէր զնոսա ջերմագոյնս յաստուածպաշտութեանն . մանաւանդ որք էին յազգէ նախարարացն հայոց, և անմեղութեամբ ունէին զուրբ քարոզութիւն Մաքեղոցն և զմարգարէից : Ատորէր զմանս 'ի նոցանէ ոսկւով և արծաթով, և զբազումս այլով և սառատ պարգևօք . իսկ զմանս ազարակօք և մեծամեծ գեղօք, և զմանս պատուովք և իշխանութեամբք մեծամեծօք . և այլ եւս մնտի յոյս ոգւոցն առաջի դնէր : Այլ այսպէս հրապուրէր և յորդորէր հանապազ . Աթէ միայն, ասէ, զորէնս մոգութեան յանձին կաջիք, և ըզձեր մոլորութիւնդ սրտի մտօք դարձուալիք 'ի ճմարտութիւն երեւելի մերոյ գիւցսգնական օրինացս, 'ի մեծութիւնս և յաւագութիւնս հասուցից հաւասար ինց սիրելի նախարարացս, առաւել եւս զանցուցից : Այլ այսպէս կեղծաւորութեամբ խոնարհեցուցանէր զինքն առ ամենեսեան, խօսելով ընդ նոսա 'ի պատճառս սիրոյ . զի խորամանկութեամբ որսալ մարթասցէ ըստ առաջին խորհրդական խրատտուացն : Այլ զայս առնէր սկիսեալ 'ի չորրորդ ամէն մինչև 'ի մետասան ամն իւրոյ տէրութեանն :

Այլ իբրեւ ետես, եթէ ոչ ինչ յարգեցաւ ծածուկ հնարագիտութիւնն, այլ ընդդէմքն յոլովագոյն գործէին, քանզի տեսանէր զքրիստոնէութիւն՝ որ օր քան զօր յորդորեալ տարածանէր ընդ ամենայն կողմանս հեռաւոր ճանապարհին ընդ որ ինքն անցանէր, սկսաւ հաշել և մնշել և հառաչելով յոգւոց հանել : Հայտնեաց կկամայ զծածուկ խորհուրդան, ետ հրաման բարձր բարբառով և ասէ . Ամենայն ազգ և լեզուք՝ որ են ընդ իմով իշխանութեամբ՝ դադարեցեն յիւրաքանչիւր մոլոր օրինացն, և միայնոյ եկեցեն յերկրպագութիւն արեգական, զոհս մատուցանելով և աստուած անուանելով, և



սպաս ունելով կրակի. և 'ի վերայ այսր ամենայնի և զմոգութեան և սօրէնս կատարելով, զի մի ինչ ամենեւին պակաս առնիցեն: Օ այս ասելով քարոզ կարդայր 'ի մեծի կարաւանին, և պատուէր սաստիւ 'ի վերայ զնէր ամենեցուն, և դեսպանս ստիպաւ արձակէր յամենայն տազս Հեռաւորս. զղոյն պատուէր հրամանի առ ամենեսեան արկանէր:

Ըրդ 'ի սկզբան երկոտասան ամի Թագաւորութեանն իւրոյ գունդ կազմէր անհամար բազմութեամբ, յարձակեալ հասանէր յերկիրն իտաղական: Օ այս տեսեալ Թագաւորին Վուշանաց, ոչ հանդուրժէր ելանել ընդ առաջ նորա պատերազմաւ. այլ խոյս տուեալ 'ի կողմանս ամուր անապատին, Թագստեամբ ապրէր հանդերձ ամենայն զօրօքն իւրովք: Իսկ սա ասպատակ արձակէր գաւառաց, տեղեաց, վայրաց. առնոյր զբազում բերդս և զքաղաքս, կուտէր զգերին, զառ և զպարու և զաւար, ածէր հասուցանէր յերկիր իւրոյ տէրութեանն: Եւ անդ այնուհետեւ յընդունայն եղեալ 'ի նոյն խորհուրդս, հաստատէր 'ի կործիս մոլորութեանն, ասելով ցպաշտօնեայս ամբարշտութեանն. Օ ինչ հատուցուք մեք աստուածոցն փոխարէնս այս մեծի յաղթութեանս, որ ոչ որ կարաց ելանել ընդդէմ մեր պատերազմաւ:

Եայնմ ժամանակի առ հասարակ միաբան մոգք և քաղեայք բարձին զձայնս իւրեանց և ասեն. Եւ տուածքն՝ որ ետուն քեզ զտէրութիւնդ և զյաղթութիւն 'ի վերայ Թշնամեաց քոց, ոչ ինչ են կարօտ խրնդրել 'ի քէն յերեւելի պատուականացս, այլ զի բարձցես զամենայն ուսմունս մոլորութեան մարդկան, և 'ի մի դարձուցես օրէնս զբազաշտական պատուիրանին: Հաճոյ Թուեցաւ բանն առաջի Թագաւորին և ամենայն մեծամեծացն, և մանաւանդ որ էին առաջակայք օրինացն: Խորհուրդ 'ի մէջ առեալ, յաղթէր խրատն: Ընդէն 'ի ներքոյ պահ դրանն արգելոյր զբազմութիւն այրուծիոցն հայոց և զլրաց և զլղուանից, և զամենեցուն որ էին հաւատացեալ 'ի սուրբ աւետարանն Վրիտտոսի: Եւ հրաման սաստիւ 'ի վերայ դռնապանացն առնէին, Թէ որ յարեւելա առ մեզ գայցէ՝ Թողցեն, իսկ յարեւելից յարեւմուտս՝ անանց լիցի ձանապարհ:

Եւ իբրեւ արգել և փակեաց զնոսս յամուր յանել

դառաղիդն, որ յիրաւի ասացի ամուր և անել, քանզի չիք անդ տեղի փախտի և թաքստի, վասն զի շուրջանակի թշնամիք են բնակեալ, յայնմ ժամանակի ձեռն արկանէր 'ի նոսա, և մեծաւ չարչարանօք և պէտպէս տանջանօք վատթարէր զբազումս 'ի նոցանէ, և ստիպէր ուրանալ զձշմարիտն | Կտուած և խոստովանել զերևելի տարերս : Իսկ զօրականքն առ հասարակ գեղեցիկ խորհրդով, քաջապէս զօրութեամբ միաբան աղաղակէին և ասէին . Ը կայ են մեզ երկինք և երկիր, ոչ երբեք հեղգացեալ եմք յարքունի վաստակս, և ոչ խառնեալ վատութիւն ընդ արութիւն քաջութեան . 'ի զուր անողորմ են հարուածքս 'ի վերայ մեր : Եւ բազմանայր գոչումն աղաղակի նոցա, մինչեւ ինքնին թագաւորն աւանատես լինէր իրացն յանդիմանութեան, և անդէն վաղվաղակի երդմամբ հաստատէր և ասէր . Ը թողացուցից ձեզ, մինչեւ կատարեսցիք զամենայն կամս հրամանաց իմոց :

Եւ ահա իշխանութիւն առեալ չարաչար սպասաւորացն, զի զչորս զինուորսն 'ի բուն աւագացն մատուցեն 'ի փորձութիւն տանջանացն : Եւ զառաջեալ դատեալ բազում հարուածովք 'նովին կապանօք անցուցին 'ի տեղիս արգելանին : Իսկ այլոցն խաբէութեամբ առ ժամանակ մի թողութիւն արարեալ, և զամենայն վնասուն պատճառս արկանէր զկապելովքն . և զայս անէր սատանայական խրատուն :

Եւ յետ երկոտասան աւուր հրաման տայր ընթրիս գործել առատութեամբ և աւելի քան զաւուրց սովորութիւն, և կոչէր զբազումս 'ի զինուորական քրիստոնէիցն : Եւ 'ի ժամ գահուն պատրաստութեան զիւրպանչիւր տեղիս շնորհէր նոցա զբազմականին : Եւ սիրով խոնարհութեամբ խօսէր ընդ նոսա ըստ առաջնում կարգին . զի թերեւս հաւանեցին ուտել զմիս զոհեալ, զոր ոչ երբեք էր օրէն ուտել քրիստոնէից : Ը բրեւ ոչ կալան յանձին ամենեքին, ոչ ինչ կարի ստիպեաց . այլ հրամայեաց 'նոցա մատուցանել զսովորական կերակուրն, այլ առեալ գինեօքն յաւելոյր 'ի տաճարին ըզխրախութիւն : Եւ անտի 'ի դուրս ելեալ 'ի սրահն արքունի, արգելին զովանս 'ի նոցանէ ձեռս յետս կապելով, և զխոնջանունսն կնքելով, և զգուռութեամբ պահե-

լով, էր որ զերկուս աւուրս և էր որ զերիս : Այլ բազում այլ եւս յանարժան հարուածս չարչարէին . զոր և ոչ ընդ գրով իսկ արժանի համարեցաք արկանել : Այլ զուսմանս 'ի նոցանէ հեռացուցին, և քարշեցին յաղնուական պատուոյն անարգեալ :

Այլ գունդս գունդս դարձեալ գումարէին 'ի նոցանէ յերկիր հեռաւոր, յամուրս անապատին 'ի մարտ պատերազմի թշնամեացն արքայի . և բազմաց իսկ և իսկ անդէն հասանէր վախճան մահու սրով : Այլ զամենեցուն զկարգեալ թոշական նուագեցուցանէին, և քաղցիւ և ծարաւով տառապեցուցանէին զնոսա, և ձմերոցի տեղիս՝ զգժնեայ վայրսն հրամայէին նոցա, և անարգա և վատթարս յաչս ամենեցուն զնոսա ցուցանէին : Իսկ նոքա առ սէրն Վրիստոսի յոյժ խնդութեամբ ընդունէին զամենայն չարչարանսն վասն մեծի յուսոյն որ 'ի Վրիստոս, և որ առաջոյ պատրաստեալն կայ պատուիրանապահ համբերողացն : Արչափ չարութիւն զանարգութիւն բազմացուցանէր, նոքա եւս քան զեւս զօրանային 'ի սէրն Վրիստոսի . մանաւանդ զի բազումք 'ի նոցանէ զգիրս սուրբս ուսեալք էին 'ի մանկութենէ, զանձինս մխիթարէին և զընկերսն քաջալերէին, և աշկարայ զպաշտօնն ունէին և բազմացուցանէին : Այսն որոյ և բազումք 'ի հեթանոսաց՝ որոց հեշտ և ցանկալի ձայնքն թուէին, քաջալերէին զնոսա, և ասէին բանս մխիթարութեան, իբրեւ թէ լաւ իցէ մարդոյ մահու չափ ձգնել, քան յայդպիսի օրինաց ուրանալ :

Իայոյ սակայն թէպէտ և նոքա առ սէրն Վրիստոսի յոյժ զուարթութեամբ խնդային ըստ ներքին մարդոյն, արտաքին տեսիլն կարի ողորմ էր յօտարութեանն : Իսկայիսի պատուական զինուորութիւն հասեալ էր 'ի չարաշուք անարգութիւն, և հայրենի ազատութիւնն չարաչար կայր 'ի ծառայութեան մարդախտոշ բռնաւորին, որ և ըստ հեթանոսաց օրէնս անցանէր արիւնահեղութեամբ . և ամենեւին չկարծէր, թէ գուցէ այսր ամենայնի վրէժխնդիր յերկինս : Այս և ոչ զերկրաւոր վաստակս ուրուք յիշէր . և որ մեծն քան զամենայն է ըստ մարմնաւոր կարգի, քանզի գոյին ոմանք 'ի նախարարացն հայոց, որոց զեղբարս նորա սնուցեալ էր մայրենի կաթամբ իւրեանց, առաւել եւս քան զամենեսեան զնոսա դատէր :

Եւ յայտ ամենայնի վերայ այլ եւս չարութիւն խորամանկեաց : Օ մի ոմն 'ի հաւատարիմ ծառայից իւրոց 'ի գործ առաքէր յերկիրն Հայոց, որում անուն էր Ղեկնչապուհ : որ եկեալ հասեալ հրամանաւ արքունի, զողջսն բերեալ զմեծ թագաւորին, և խաղաղասէր կեղծաւորութեամբ աշխարհագիր առնել ամենայն երկրին Հայոց 'ի թողութիւն հարկաց և 'ի թեթեւութիւն ծանրութեան այրեւծիոց :

Թէպէտ և 'ի վերին երեսս կեղծաւորէր, այլ 'իներջքս խորհուրդք չարագոյն ցուցանէին : Եւ զայն, զազատութիւն եկեղեցւոյն արկանէր 'ի ծառայութիւն . երկրորդ, միայնակեաց քրիստոնէայք՝ որ բնակեալ էին 'ի վանորայս, ընդ նովին աշխարհագրաւ էարկ . երրորդ, զհարկ աշխարհին առաւել ծանրացոյց . չորրորդ, բանասարկութեամբ զնախարարեանն էարկ ընդ միմեանս, և յամենայն տան արար խռովութիւն : Եւ զայս ամենայն առնէր, թերեւս զմիաբանութիւնն քակեսցէ, և զուխան եկեղեցւոյն ցրուեսցէ, և զմիայնակեացսն փախուսցէ, և զշնականսն վասնեսցէ . և առ յոյժ աղքատութեանն՝ ակամայ դիմեսցեն յօրէնս մոգուց : Եւ եւս չարագոյն հինգերորդն . քանզի որ հազարապետ աշխարհին էր՝ իբրեւ զհայր վերակացու համարեալ էր աշխարհականաց քրիստոնէից . գրգռեաց յարոյց զամբաստանութիւն 'ի վերայնորա, և հանեալ զնա 'ի գործոյն՝ փոխանակ նորա պարսիկ ած յաշխարհն, և միւս եւս մոգպետ դատաւոր աշխարհին, զի զեկեղեցւոյն փառսն աղաւաղեսցեն :

Բայց սակայն թէպէտ և ամենայն գործքս այս զրժնեայ էին, չեւ էր ուրուք ձեռնարկեալ յայտնի յեկեղեցին . վասն այնորիկ և ոչ որ ընդդիմացաւ նմա, թէպէտ և էր ծանրութիւն հարկացն : Բանզի ուստի արժանն էր առնուլ հարիւր դահեկանաւ չափ, կրկին առնուին . սոյնպէս և եպիսկոպոսաց և երիցանց զնէին, ոչ միայն շինաց, այլ և աւերակաց : Եւ բնաւ ո՞վ իսկ կարէ պատմել վասն ծանրութեան մտից և սակից, բաժից և հասից և հարկաց լերանց և դաշտաց և մայրեաց : Այլստ արքունի արժանաւորութեանն առնուին, այլ հինաբար յափշտակելով . մինչեւ ինքեանք իսկ մեծապէս զարմանալին, թէ ուստի այս ամենայն զանձ ելանէ, զիարդ շէն կայցէ աշխարհն :

Եւ իբրեւ տեսին, թէ այսու ամենայնիւ չկարացաք ձանձրացուցանել, յայնժամ յայտնապէս հրամանն ետուն մոզաց և մոզպետաց նամակ մի գրել ըստ ձախողակի դենին իւրեանց : Եւ է պատճէն նամակին այս :

ՍԻՏՐՆԵՐԿԵՏ ՎԳՐՈՒԿ հրամատար Լըրան և տաներան, հայոց մեծաց ողջոյն շատ :

Դուք գիտաաջիք, ամենայն մարդ որ բնակեալ է ՚ի ներքոյ Երկնի, և ոչ ունի զօրէնս դենիմագղէզն, նա խուլ է և կոյր, և դիւաց հարամանոյ խաբեալ : Վանգի մինչ չեւ էին երկինք և երկիր, Օրուան մեծն աստուած յաշտ առնէր զհազար ամ, և ասէր . Սերբեւս լիցի իմ որդի մի Արմիզդ անուն, որ արասցէ զերկին և զերկիր : Եւ յղացաւ երկուս յորովայնի, մի վամն յաշտ առնելոյ, և զմիւսն եւս ՚ի թերեւան ասելոյ : Իբրեւ գիտաց, եթէ երկու են յորովայնիս, Ար վաղ եկեացէ, ասէ, նմա սաց զթագաւորութիւնս : Իսկ որ էր ՚ի թերահաւատութենէն յղացեալ, պատառեաց զորովայնն և ել ՚ի դուրս : Ըսէ ցնա Օրուանն . Ո՛վ ես դու : Ըսէ . Արդին քո Արմիզդ : Ըսէ ցնա Օրուանն . Իմ որդին լուսաւոր է և անուշահոտ, դու խաւարային ես և չարասէր : Եւ իբրեւ կարի դառնապէս ելաց, ետ ցնա զթագաւորութիւնս զհազար ամ :

Իբրեւ ծնաւ զմիւս եւս որդին, անուանեաց զնա Արմիզդ . եհան զթագաւորութիւնն յԱրհմնէ, և ետ ց Արմիզդն . և ասէ ցնա . Հայժմ ես քեզ յաշտ արարի . արդ դու ինձ արա : Եւ Արմիզդ արար զերկին և զերկիր . իսկ Արհմն ընդդէմ չար գործեաց : Եւ այսպէս բարժանին արարածքս . հրեշտակք Արմիզդի են, իսկ դեւքն Արհմնոյն . և ամենայն բարիք որ յերկնից և այսր լինին՝ Արմիզդի են, և ամենայն վնասք որ անտի և այսր գործին՝ զայն Արհմն արար : Սոյնպէս և յերկրիս որ ինչ բարի է՝ զայն Արմիզդն արար, և որ ոչն է բարի՝ զայն Արհմն արար . որպէս զմարդ Արմիզդ արար, և զախտս և զհիւանդութիւնս և զանհաս Արհմն արար : Եւ ամենայն թշուառութիւնք և պատահարք որ լինին, և պատերազմունք դառնութեան՝ չարին մասին արարածք են : Իսկ յաշողութիւնք և տէրութիւնք և փառք և պաւտիւք և առողջութիւնք մարմնոց, գեղեցկութիւնք դի-

մաց և ճարտարութիւնք բանից և երկայնակեցութիւնք ամաց, այդք 'ի բարւոյն առնուն զգոյացութիւն. և ամենայն որ ոչ այդպէս է, 'ի նա չարին արարած խառնեալ է :

Եւ ամենայն մարդիկ մոլորեալ են, որ ասեն եթէ զմահ Մտուած արար, և չար և բարի 'ի նմանէ լինի. մանաւանդ որպէս քրիստոնեայքդ ասեն, թէ Մտուած նախանձոտ է, վասն թզի միոյ ուտելոյ 'ի ծառոյն Մտուած զմահ արար, և զմարդն էարկ ընդ այնու պատուհասիւ : Օ այդպիսի նախանձ և ոչ մարդ առ մարդ ունի, թող թէ Մտուած առ մարդիկ. զի որ զայս ասէ՝ նա խուլ է և կոյր և 'ի դիւաց Հարամանոյ խաբեալ :

Վարձեալ միւս եւս այլ մոլորութիւն ասեն. Մտուած, ասեն, որ զերկինս և զերկիր արար, եկն և 'ի կնոջէ ումեմնէ ծնաւ, որում անուն էր Սարիամ, և առն նորա Յովսէփ : Եւ զՏեո այսպիսի մարդոյ մոլորեալ են բազումք : Եւ թէ աշխարհն Հոռունց առ յոյժ յիմարութեան տգիտաբար մոլորեալ են, և զրկեալ են 'ի կատարեալ դենէս մերմէ, յանձանց պարմայեն զքնան իւրեանց. դուք եւս ընդէր զՏեո նոցա մոլորութեանն ցնորիք : Եւ զոր օրէնս տէրս ձեր ունի, վնոյն և դուք կալարուք. մանաւանդ զի և առաջի Մտուծոյ վասն ձեր համարս ունիմք տալ :

Ս'ի հաւատայք առաջնորդացն ձերոց, զոր նաճրացիսդ անուանէք, քանզի յոյժ են խաբեբայք. զոր բանիքն ուսուցանեն, գործովք ոչ կարեն յանձն առնուլ : Ս'իս ուտել, ասեն, ոչ են մեղք, և ինքեանք ուտել ոչ կամին. կին առնել արժան է, բայց ինքեանք և հայել 'ի նա ոչ կամին. կարասի որ ժողովէ, ասեն, յոյժ մեղք են, բայց զաղքատութիւն առաւել քան զյոյժ գովեն. յարգեն զԹշուառութիւն, և պարսաւեն զյաջողուածս. ծաղը առնեն զանուն բախտի, և զփառաւորաւն յոյժ այգանեն. սիրեն զանչքութիւն հանդերձից, և յարգեն զանարգս քան զպատուականս. գովեն զմահ, և պարսաւեն զկեանս. անարգեն զճնունդս մարդոյ, և գովեն զանորդութիւն : Եւ եթէ լսէ որ դոցա և 'ի կանայս ոչ մերձենան, աշխարհի վախճան վաղվաղակի հասանէ :

Եւ ես ոչ կամեցայ զամենայն ըստ մատանց ընդ զըրով արկանել առ ձեզ. զի բազում այն ինչ է, զոր խօսին

դուքա: Որ չարագոյն եւս է քան զոր գրեցաքդ, զԿստուած 'ի խաչ ելեալ 'ի մարդկանէ քարոզեն, և գնոյն մեռեալ և թաղեալ, և ապա յարուցեալ և վերացեալ յերկինս: Ոչ ահա ձեզէն իսկ արժան էր անդրէն դատատանն առնել վասն այդպիսի անարժան ուսմանց: Վեւք որ չարք են, ոչ ըմբռնին և տանջին 'ի մարդկանէ, թող թէ Կստուած արարիչ ամենայն արարածոց. զոր ձեզ ամօթ է ասել, և մեզ կարի անհաւատալի բանք:

Արդ երկու իրք կան առաջի ձեր. կամ արարէք բան առ բան նամակիդ պատասխանի, և կամ արիք 'ի դուռն եկայք, յանդիման լերուք մեծի հրապարակին:

ԱՆՈՒԱՆՔ ԵԳԻՍԿՈԳՈՍԱՅՆ, ՈՐՔ ՊԱՅՄԱՆԱՆՆԵՑԻՆ ՆԱԾԱԿԻՆ

Յովսէփ եպիսկոպոս Այրարատոյ, Սահակ եպիսկոպոս Տարօնոյ, Սեյէտ եպիսկոպոս Մանազկերտոյ, Լազնիկ եպիսկոպոս Բագրեւանդայ, Սուրմակ եպիսկոպոս Բզնունեաց, Տաճատ եպիսկոպոս Տայոց, Թաթիկ եպիսկոպոս Բասենոյ, Վասու եպիսկոպոս Տարուբերանոյ, Լըրեմիա եպիսկոպոս Սարդաստանի, Լազաղ եպիսկոպոս Սարգաղոյ, Լնանիա եպիսկոպոս Սիւնեաց, Սուշ եպիսկոպոս արծրունեաց, Սահակ եպիսկոպոս ուրշտունեաց, Բասիլ եպիսկոպոս Սոկաց, Վադ եպիսկոպոս Սանանդայ, Լըղիշայ եպիսկոպոս ամատունեաց, Լըղայր եպիսկոպոս անձեւացոց, Լըրեմիաս եպիսկոպոս ապահունեաց:

Այս ամենայն եպիսկոպոսք և բազում քորեպիսկոպոսք և պատուական երիցունք 'ի տեղեաց տեղեաց հանդերձ սուրբ ուխտիւ եկեղեցւոյ միաբանք և միահաւանք, միահամուռ ժողովեալք 'ի Թագաւորանիստ տեղին յԱրտաշատ, հաւանութեամբ մեծամեծ նախարարացն և ամենայն բազմութեամբ աշխարհին արարին նամակին պատասխանի:

Յովսէփ եպիսկոպոս հանդերձ ամենայն միաբանելովքս 'ի մեծամեծաց մինչեւ ցփոքունս՝ Սիհրներեսի մեծի հազարապետիդ Արեաց և անարեաց՝ բազում

խաղաղասեր մտօք բազմասցի ողջոյն առ քեզ և ամենայն մեծի սպահիդ Մըեաց :

Վ նախնեաց ունիմք սովորութիւն աստուածատուր պատուիրանաւ՝ աղօթս առնել 'ի վերայ կենաց թագաւորի, և անձանձրոյթ խնդրել յՄստուծոյ վասն երկայն ժամանակաց դորա, զի խաղաղութեամբ վարեացէ զտիեզերական իշխանութիւնդ, զոր աւանդեալ է դմա յՄստուծոյ . զի 'ի դորա յերկար խաղաղութեանն և մեք առողջութեամբ և աստուածայաշտութեամբ կատարեսցուք զկեանս մեր :

Վ ասն նամակին, որ քո 'ի մեր աշխարհս տուեալ էր, յառաջ ժամանակաւ մի ոմն 'ի մոզպետաց, որ կատարելագոյն էր 'ի դենիդ ձերում, և դուք առաւել քան զքնութիւն մարդկան 'ի վեր համարէիք զնա, հաւատաց նա յՄստուած կենդանի յարարիչն երկնի և երկրի, և բան առ բան ելլո՞ծ և իմացոյց ձեզ զօրէնս ձեր : Եւ իբրեւ ոչ կարացին բանիւ զդէմ ունել նորա, քարկոծեալ մեռաւ յՄրմշդէ արքայէ : Եւ եթէ հաւատարիմ համարիցիս զմեր բանս լսել, 'ի բազում տեղիս այդրէն յաշխարհիդ ձերում գտանին գիրք նորա . ընթերցիր, և անտի տեղեկանաս :

Մյ վասն օրինացս մերոց, ոչ ինչ աներեւոյթ են, և ոչ յանկեան ուրեք աշխարհիս քարոզին . այլ համատարած ընդ ամենայն երկիր, ընդ ծով և ընդ ցամաք և ընդ կղզիս . ոչ միայն ընդ արեւմուտս, այլ և ընդ արեւելս, այլ և ընդ հիւսիս և ընդ հարաւ և 'ի միջոցս լի է հոծութեամբ : Ոչ 'ի մարդ սպաստան, եթէ վերակացուատարածեսցի ընդ աշխարհս, այլ ինքն յինքենէ ունի զհաստատութիւն : Ոչ առ այլովք վատթարօքն վեհերեւի, այլ 'ի վերուստ յերկնուստ ունի զանսուտ օրէնսգրութիւնն . ոչ միջնորդաւ, զի մի է Մստուած, և չիք այլ ոք բայց 'ի նմանէ, ոչ երիցագոյն և ոչ կրտսերագոյն : Ոչ սկիզբն առեալ յուժեքէ լինել Մստուած, այլ ինքն ինքեամբ մշտնջենաւոր . ոչ 'ի տեղւոջ ուրեք, այլ ինքն ինքեան տեղի . և ոչ 'ի ժամանակի իմիք, այլ ժամանակք 'ի նմանէ գոյացան . ոչ միայն քան զերկինս երիցագոյն, այլ և քան զկարծիս մտաց մարդկան և հրեշտակաց : Ոչ ձեւանայ 'ի տեսիլ տարրեղէն, և ոչ անկանի ընդ տեսլեամբ ական . և ոչ միայն ձեռին չգննի, այլ և ոչ ընդ



միտս ուրուք հարկանի, ոչ միայն ընդ մարմնականացս, այլ և ոչ ընդ անմարմին հրեշտակացս. բայց եթէ ինքն կամի՝ իւրոց արժանաւորացն մտաց խնանի, այլ ոչ աչաց տեսանի. և մտաց՝ ոչ երկրաւորացս, այլ որ յԱստուածն են հաւատացեալ ճշմարտիւ :

Եւ անուն է նորա արարիչ երկնի և երկրի. իսկ յառաջ քան զերկին և զերկիր, որպէս ինքնագոյ՝ ինքնանուն է : Ինքն անժամանակ է, իսկ արարածոցս յորժամ կամեցաւ սկիզբն արար լինելոց, ոչ յընչէ, այլ յոչընչէ. զի ինչ՝ նա միայն է, և այլս ամենայն՝ ի նմանէ ընչացաւ : Իջ եթէ իբրեւ յետոյ իմացաւ և արար, այլ մինչ չեւ արարեալ էր նորա՝ ի կանախ գիտութեանն իւրուժ տեսանէր զարարածս. որպէս և այժմ՝ մինչ չև է գործեալ մարդոց բարի ինչ կամ չար, Ետուծոյ յայտնի են անգործք մարդոցն : Սոյնպէս և յայնժամ, մինչ չեւ էր արարեալ, ոչ խառն՝ ի խուռն ինչ ճանաչէր զանեղոն, այլ կարգեալ և յարմարեալ կային առաջի նորա իւրաքանչիւր մասանցն տեսակքն. իսկ մարդկան և հրեշտակաց՝ և տեսակքն և որ ՚ի տեսակին լինելոց էին :

Եւ քանզի արարող զօրութիւն է, ոչ կարէր խափաւնել զնորա բարերարութիւնն մեր չարութիւնս. որպէս և եղեւ իսկ, և ունիմք դատաւոր զաջն արարչին : Չե՞ք, որ զերկինս և զերկիր հաստատեցին, նոյնք և տախտակս քարեղէնս փորագրեցին և ետուն մեզ դպրութիւն՝ որ ունի զօրէնս խաղաղականս և փրկականս. զի գիտասցուք զմի Ետուած արարիչ երեւելեաց և աներեւութից. ոչ այլ և այլ, իբրեւ թէ ոմն բարի և ոմն չար, այլ մի և նոյն և համակ բարի :

Բայց եթէ թուիցի քեզ չար ինչ գու յարարածս Ետուծոյ, ասա համարձակ, զի թերեւս ուսցիս զճշմարիտն բարի : Օ դեւս չար ասացեր. գոն և դեւք բարի, զոր և դուք և մեք հրեշտակս անուանեմք. եթէ կամին՝ և դեւք բարի լինին, և եթէ կամին՝ և հրեշտակք չար լինին : Եւ ոչ և ՚ի մարդիկ երեւին, և առաւել ՚ի միոյ հօր որդիս. է որ հնազանդ և հպատակ է հօրն, և է որ չարագոյն քան զսատանայ : Եւ և ինքն իսկ մարդն առանձինն յերկուս բաժանեալ տեսանի, երբեմն չար և երբեմն բարի. և որ բարին էր՝ նոյն և չարացաւ, դէպ եղեւ՝ զի դարձեալ անգորէն՝ ՚ի բարի շրջեցաւ, և բնութիւնն մի է :

Բայց այն որ ասեան, եթէ վասն Թոբ միոյ մահ ա-  
րար Մտուած, վատթարագոյն է պատու մի մագաղաթ-  
քան զԹուզ. ապա եթէ բան Թագաւորին նկարի՝ ի նման,  
ո պատառէ զնա՝ մահու ընդունի զպատուհաս. իսկ արդ-  
չար արժան է ասել Թագաւորին. քաւ, ես ոչ ասեմ.  
այլ խրատ ՚ի գործ արկեալ զայլ ուսուցանեմ: (Յայն-  
ժամ էր Մտուած նախանձոտ, Թէ չէր պատուիրեալ  
չուտել ՚ի ծառոյ անտի. ապա եթէ յառաջագոյն ըզ-  
գուշացաւ, զգութ բնական սիրոյն իւրոյ յայտնեաց  
նման: Իսկ արհամարհելով մարդն՝ ընկալաւ զպատիժս  
մահունն:

Բայց այն զոր ասացեր, եթէ նձ ՚ի կնոջէ ծնաւ,  
յայդմ չէր արժան քեզ խորշել և փախել. զի ահա-  
ւասիկ Մրճմն և Որմիզդ ՚ի հօրէ ծնան և ոչ ՚ի մօրէ. ու-  
րում եթէ քաջ միտ դնես, և ոչ դու յանձն առնուս: Այ-  
միւս եւս այլ ծաղրագոյն քան զայդ. Ա՛իհր աստուած  
՚ի կնոջէ ծնաւ, եթէ որ ընդ իւրում ծնողին անկցի:

Այլ սակաւիկ մի եթէ ՚ի բաց Թողացուցանելի զփր-  
քումն տէրութեանդ, և ընկերաբար գայիր ՚ի պայքար,  
գիտեմ՝ զի իբրեւ այրովք ամենայնիւ յոյժ իմաստուն  
ես, և վասն ծննդեան Տեառն մերոյ ՚ի սուրբ կուսնն՝  
ոչ աւելաբանութիւն համարելիք, այլ առաւել քան զա-  
րարութիւնն յօջնչէ զաշխարհս՝ մեծագոյն զվերջին  
փրկութիւնն իմանայիր, ազատութեան մարդոյն զյան-  
ցաւորութիւնն դնելիք, և բարերարութեանն Մտու-  
ծոյ՝ զազատութիւնն ՚ի ծառայութենէ:

Վանզի յորժամ լսես եթէ յօջնչէ արար Մտուած զա-  
մենայն աշխարհս, բանիւ ծնունդ իմաստիւր զարարածս:  
Իսկ քանզի Մտուած որ զայս մեծ մարմին առանց չար-  
չարանաց ծնաւ, ապաքէն իբրեւ զհայր գութ ունի ընդ  
սման: Օ՛ի որ ինքն անապական է, և զարարածս առանց  
ապականութեան ծնաւ. իսկ սա կամօք գրորեալ ապա-  
կանեցաւ, և անձամբ եւս ոչ կարէր կանգնել կալ ՚ի վե-  
րայ ոտից: Ա՛ ան զի էր ՚ի հողոյ, անձամբ անձին արա-  
րեալ՝ անդրէն՝ ՚ի նոյն բնութիւն դարձաւ. իբրեւ ոչ եթէ  
յօտար գորութենէ չարի ինչ ընկալաւ ուրուք զպատիժս  
պատուհասին, այլ ՚ի յիւրմէ հեղգութենէն չսել բա-  
րերար պատուիրանին, խրատեցաւ ծառայական մասնն  
մահուամբն, զոր կրեաց յանձն իւր:

Արդ եթէ զմահ չար աստուածն արար, զինչ գոյացուած ին երեւի մահու 'ի միջի. և ոչ ինչ: Բայց զբարի Բնութոյ զարարածն խանգարեաց: Այլ է այդ այդպէս է, նման և բարի իսկ ասել ոչ մարթի, այլ կիսագործ ապականացու: Այլ որոյ Բնութոյ արարածքն ապականելիք են և եղծանելիք, նման անեղծ Բնութեան չմարթի ասել Տի՛ծն անդր թողէք զյիմարութեան զբարբանջմունսդ: Ա'իոյ աշխարհի երկու դեհապետք ոչ լինին, և ոչ միոյ արարածոց երկու աստուածք: Այլ է ժպրհեսցին և լինիցին երկու թագաւորք միոյ աշխարհի, աշխարհն եղծանի և թագաւորութիւնքն խանգարին:

Աշխարհս նիւթեղէն է, և նիւթքս որիչ որիչ են և ընդ միմեանց հակառակ. մի է արարիչ հակառակորդացս, որ ած է զսոսա 'ի սիրելութիւն հաւանութեամբ. որպէս մալեալ կակղէ զՋերմութիւն հրոյն՝ օդոյս հաւանութեամբ, և զապառումն բրտութեան օդոյն՝ հրոյն եռանդամբ, սոյնպէս և մանրամաղ փոշիացեալ հողս՝ ջրոյն խոնաւութեամբ զանգանի, իսկ զ'ի վայր ծորելի բնութիւն ջրոյն սալայատակ տրամացեալ հողոյն կափամբ:

Օ ի եթէ միաբանէին տարերքս, գուցէ ոք 'ի կարճամտաց և Բնութեան անապական զսոսա կարծէր. և թողեալ զարարիչն՝ արարածոյս զերկրպագութիւն մատուցանէր. վասն այնորիկ որ արար զսա, զգուշացաւ յառաջագոյն. զի հայեցեալ մարդիկ 'ի յանդիմանութիւն ապականացու տարերացս, անապական միայն զկառավար սորա իմացին, զմի և ոչ զերկուս. զնոյն արարիչ չորեքկին նիւթոյս, յորմէ ամենայնքս ծննդագործին հրամանաւ արարողին իւրեանց: Այլ շրջագայութեամբք չորեք յեղանակք կատարեալք՝ գործեն զտարեւոր սպասարութիւնն. և չորեքեան հային կամաց ակնարկելոյ արարչին իւրեանց. և անգգայութեամբ լծեալ են 'ի գործ հարկաւորութեանն՝ չյափշտակելով զկարգ պատուոյն 'ի միմեանց:

Այլ ասա պարզաբար ասացեալ դիւրատար լուսաւորութիւն յականջն ամենեցուն: Օ ի այն որ հուրն է, գոյացութեամբ և զօրութեամբ խառնեալ է յերիսն եւս մատունս. իբրեւ գտանի ջերմութիւնն յովովագոյն՝ ի բարինս և յերկաթս, և սակաւագոյն յօդ և 'ի ջուր, և

ինքն առանձին ուրեք ոչ երեւի: Իսկ ջրոյն բնութիւն գոյ առանձինն, գոյ և ՚ի խառնուածսն երիցն եւս մասանցն. յորովագոյն ՚ի հողաբոյս և սակաւագոյն յօդ և ՚ի հուր: Իսկ օդն թափանցանց է ընդ հուրն և ընդ ջուրն, և ՚ի ձեռն ջրոյն ընդ կերակուրս աճեցականս:

Եւ այսպէս խառնեալ են տարերջս այս, և գոյացեալ իբրեւ զմի մարմին, և ոչ կորուսեալ զիւրաքանչիւր բնութիւնս, և ոչ երբէք զկայան առեալ հակառակութեամբ, հայելով ՚ի մի իշխանս միխառնն, որ զխառնուածսն յարմարեալ կազմէ առ ՚ի բնակութիւն կենդանեաց ամենեցուն, և տեւողութիւն յարակայութեան բոլոր աշխարհիս:

Իսկ եթէ առ անբան աշխարհս այսպէս հոգ տանի Լստուած, որչափ եւս առաւել առ բանաւոր աշխարհս՝ մարդս: Օ որ և ձեր ոմն քաջ յիմաստնոցն ասաց, եթէ Սիհրն աստուած մայրածին է ՚ի մարդկանէ, և թագաւոր աստուածազաւակ է, և համհարզ քաջ եօթներորդաց աստուածոց: Եթէ հաւատալ արժան է առասպելաբանութեանդ, զոր դուք և գործովք իսկ կատարեալ ցուցանէք ՚ի դէնիդ ձերում՝ մեք ոչ եւս առասպելացն հաւատալք. այլ աշակերտք եմք մեծին Սովսիսի մարգարէին, ընդ որում Լստուած խօսեցաւ ՚ի մորենւոջն ՚ի Սինէ, և դէմ յանդիման օրէնս զրեաց և ետ ցնա. և ծանոյց զնիւթեղէն աշխարհն իբրեւ զարարածս, և զիւր աննիւթ եռութիւնն՝ արարիչ նիւթոցս յօջնէ. և զերկիրս երկրաւորօք և զերկինս երկնաւորօք ծանոյց նմա, զի գործք ձեռաց նորա են: Ընակիչք երկնի՝ հրեշտակք, և բնակիչք երկրի՝ մարդիկ. բանաւոր՝ մարդ և հրեշտակ միայն, և Լստուած ՚ի վերջան զերկինս և զերկիր:

Եւ ամենայն արարածք անբանութեամբ կատարեն զհրամանս պատուիրանի նորա, ոչ երբէք անցանէն ըստ եղեալ սահմանն իւրեանց. բայց մարդ և հրեշտակ ազատ թողեալ ՚ի կամս անձին իւրոյ, քանզի մտաւորք են, եթէ կայցեն ՚ի հրամանի նորա՝ անմահք են և որդիք Լստուծոյ: Օ բոլոր արարածս տուեալ է ՚ի ծառայութիւն, զերկիրս մարդկան և զերկինս հրեշտակաց. ապա եթէ ստուռգանիցեն և անցանիցեն ըստ հրամանաւ, զընդդէմն գործեսցեն Լստուծոյ, յիւրա-

քանչիւր պատուոցն զանարգանս ընկալցին . զի երեւեսցի տէրութիւնն անբամբաս , և յանցաւորքն ամօթալից յանցանացն :

Իսկ եթէ դու 'ի տգիտութեան վրիպեալ ես , ես որ հաստատունս գիտեմ՝ ոչ կարեմ գալ զկնի քո մոլորութեանդ : Եթէ աշակերտիմ անուսումնութեանդ , երկոքինս յանգիւտ կորուստն մատնիմք , թերեւս ես չարագոյն քան զքեզ . քանզի վկայ ունիմ ինձ զինքնասաց ձայնն Եստուծոյ . Վառայ , ասէ , որ ոչ գիտէ զկամն տեառն իւրոյ , և արժանի գանի ինչ գործ գործէ , ըմպել ընպէ գան , այլ սակաւագոյն . իսկ որ տեղեկագոյն է կամսց թագաւորին , և յանցանէ ինչ առաջի նորա , առանց բարեխօսի բազմապատիկ տանջի :

Երդ աղաչեմ զքեզ և զամենեսեան՝ որ ընդ քոյով իշխանութեամբ են , մի դու ընդ իս բազմապատիկ տանջիւր , և ոչ ես ընդ քեզ սակաւագոյն . այլ ես և դու և ամենայն բազմութիւնդ հանդերձ արի թագաւորաւոգ այնպէս աշակերտեսցուք աստուածային գրոց , զի 'ի տանջանացն ասրեսցուք , և զդժոխս արհամարհեսցուք , և յանչէջ հրոյն զերծանիցիմք , և զարքայութիւնն ժառանգիցիմք , և անցաւոր կենօք զանանց մեծութիւնն անվախձան ունիցիմք : Եայց յորմէ դուդ զարհուրեալ ես՝ դիւրահաւան լեր , և վաղվաղակի աշակերտիս ճըշմարտութեանն :

Սմն 'ի հրեշտակաց յանմահիցն գնդէն ստամբակեալ և 'ի բաց գնաց յերկնից . 'ի մեր աշխարհս եկեալ՝ պատիր բանիւք և սուտ խոստմամբ զանլինելի յոյսն առաջի դնէր , իբրեւ տղայ մանկան , անփորձ և անկիրթ նորաթեք մարդոյն , 'ի վեր հայեցուցանելով զմիտս նորա ուտելով 'ի պտղոյ ծառոյն , յոր հուպն չհրամայեաց երթալ , զի լիցի աստուած : Իսկ նորա մոռացեալ զպատուիրանն Եստուծոյ , խաբեցաւ զկնի մոլար խաբէութեանն . կորոյս զոր ունէր զփառս անսահութեանն , և չեհաս երազայոյս կարծեացն : Ամսն որոյ և մերժեալ 'ի կենաց տեղւոյն , ընկեցաւ յապականելի աշխարհս՝ յորում և դուքս էք բնակեալ այժմ , և ցնորեալ մոլորիք զկնի նորին խրատտուի . ոչ եւս ուտելով 'ի պատուիրեալ ծառոյն , այլ զարարածս աստուած ասելով , և անխօս տարերցս երկիր պագանելով , և անու

րովայն դիւաց կերակուր մատուցանելով, և յարարէն բոլորեցունց 'ի բաց լինելով:

Այլ յաբի չար խրատտուն, այլ կամի՝ զի քան զինքն չարագոյնս արասցէ: Վանզի դեւքն ոչ եթէ բռնաբար զոք վարեն 'ի կորուստ, այլ զմեղսն քաղցրացուցանեն 'ի կամս մարդոյն, և ողորանօք որսան զանուամենս 'ի խաբէութիւն, որպէս բազում մարդիկ զընկերս իւրեանց 'ի գողութիւն և յաւազակութիւն. իբր ոչ եթէ բռնի ինչ վարելով, այլ պատիր խաբէութեամբ տան գործել բազում չարիս, զումանս 'ի կախարդութիւն և զումանս 'ի պոռնկութիւն և զումանս յանթիւ 'ի բազում յայլ իրս աղտեղութեան: Այլ արդար դատաւորօք վրէժ առնուն մահու չափ. իբր ոչ եթէ բարի աստուծոյ դատաւորք իցեն բարեգործ, և չարին՝ չարագործ. զի բազում անգամ է՝ զի 'ի բարի մարդկանէ չարք լինին, և յետոյ 'ի չարագունից անտի կատարելագոյն բարիք:

Այլ դատաւորք ստոյգ, որք դատին զչարագործս, ոչ եթէ չարք անուանին և չարչարիչք, այլ յոյժ բարիք և բարեգործք. և բնութիւն մի է, և ոչ երկու. իսկ 'ի միոջէ անտի գործք երկուութեան երեւին. ոմանց սատակիչք, և ոմանց պարգեւատուք: Այլ եթէ առ մարդիկ այս պաշտի 'ի ձեռն թագաւորական վիճակին խրատութնամ տանել իւրում իշխանութեանն, որչափ եւս առաւել Աստուծոյ բոլոր աշխարհս, որ ընդ ամենեցուն կեանս կամի, և ոչ ընդ մահ: Իսկ ուր բազմացառ յանցաւորութիւն, տանջեաց զամենեւեան մահուամբ. իսկ ուր եղև ունկնդրութիւն հնազանդութեան, չորհեաց պարգեւս անմահութեան:

Եւ յն է ճշմարիտ Աստուած՝ բոլորեցունց մեր արարիչ, զոր դու աներեսանակ արձակ բերանով՝ անահ աներկիւղ համարձակ հայհոյես. թողեալ զՅիսուս Վրիստոս զփրկական անունն, Փանդուրակայ որդի անուանես, և մարդ մոլորեցուցիչ կարծես. և զերկնաւոր փրկութիւնն աղաւաղես և անարգես 'ի կորուստ անձին և բոլոր աշխարհիս: Օ՞ր տալոց և հատուցանելոց ես զանանցական վրէժ տանջանացն յանշէջ հուրն սպառնացեալ գեհէնին, հանդերձ ամենայն գործակցօք քոյովք, առաջնովք, միջնովք և վերջնովք: Եւ մեք այսպէս զի տեմք զԱստուած, և 'ի սոյն հաւատամք յաներիբայս:

Եւ որ արար զաշխարհս, նոյն եկն և ծնաւ 'ի սուրբ կուսէն Արարիմայ, յառաջագոյն նկատելով մարգարէիցն, առանց իրիք պատճառանաց մարմնաւոր կարգի: Արպէս յօջընչէ արար զայս մեծամարմին աշխարհս, սոցնպէս առանց իրիք մարմնական միջնորդի ան զմարմինն յանփորձ կուսէն ճշմարտիւ, և ոչ առստուերագիր երեւմամբ: Եւ ՚ստուած ճշմարտիւ, և եղև մարդ ճշմարտիւ. ոչ 'ի լինելն մարդ՝ կորոյս զաստուածութիւնն, և ոչ 'ի կալ մնալ ՚ստուած՝ աղաւաղեաց ըզմարդկութիւնն. այլ նոյն և մի: Եւ քանզի ոչ կարէաք տեսանել զանտեսանելին և մերձենալ յանմերձենալին, եկն եմուտ ընդ մերով մարդկութեամբս, զի և մեք մտոյք ընդ նորա աստուածութեամբն: Այնարգանս ինչ համարեցաւ զգենուլ զիւր ստեղծուած մարմինս, այլ մեծարեաց իբրեւ աստուածաստեղծ զիւր գործ: Այ առ սակաւ սակաւ շնորհեաց ինչ սմն մահուութեան պատիւն, իբրեւ զանմարմին հրեշտակաց, այլ միանգամայն զբոլոր բնութիւնն մարմնով չնչով և հոգւով զգեցաւ, և միաբանեաց ընդ աստուածութեանն. միութիւն, և ոչ երկուութիւն. և այսուհետեւ մի գիտեմք զաստուածութիւնն, որ յառաջ էր քան զաշխարհս, նոյն և այսօր:

Եւ յս Յիսուս Քրիստոս՝ որ յիւր մարմինն փրկեաց զբոլոր աշխարհս, սա եկն կամաւ 'ի մահ. և որպէս ինքն աստուածութիւնն գիտէ, Թանձրացաւ յանարատ կուսէն, և ծնաւ և պատեցաւ 'ի խանձարուրս և եղաւ 'ի մուր, և շարժեաց ած զմոզան յարեւելից յերկրպագութիւն. սնաւ իբրեւ զողայ կաթամբ, աճեաց և մեծացաւ ամն երեսուն, մկրտեցաւ 'ի Յովհաննէ 'ի յամբողջոյն 'ի Յորդանան գետ: Եւ ար նշանս մեծամեծս և արուեստս 'ի մէջ հրէիցն, մատնեցաւ 'ի քահանայից, դատապարտեցաւ 'ի Վիդատոսէ պոնդացոյ: Խաչեցաւ, մեռաւ, Թաղեցաւ, յարեաւ յաւուր երրորդի, երեւեցաւ երկոտասան աշակերտացն և այլոց բազմաց աւելի քան զհինգ հարիւրոցն: Եւ շրջելով ընդ նոսա զաւուրս քառասուն՝ վերացաւ յերկինս 'ի լեւնէն ձիթենեաց յանդիման իւրոց աշակերտացն, եւ և նստաւ 'ի հայրենի աթոռն: Խոստացաւ երկրորդ անգամ՝ Կալահաւոր զօրութեամբ յարուցանել զմեռեալս, նորոգել զբոլոր

լոր աշխարհս, առնել դատաստան արդար 'ի մէջ արդարոց և մեղաւորաց, տալ պարգեւս արժանաւորաց, և հատուցանել պատիժս չարագործաց՝ որ այսմ ամենայնի բարերարութեանց ոչ հաւատանս :

Հայսմ հաւատոց զմեզ ոչ որ կարէ խախտել, ոչ հրեշտակք և ոչ մարդիկ, ոչ սուր, ոչ հուր, ոչ ջուր, ոչ ամենայն զինչ և են դառն հարուածք : Ըմենայն ինչք և ստացուածք մեր 'ի ձեռս քո, և մարմինք մեր առաջի քո կան, ըստ կամաց քոց արա զինչ և կամիս : Եթէ սովին հաւատովք թողուս, ոչ յերկրի այլ տէր փոխանակեմք ընդ քեզ, և ոչ յերկինս այլ Ըստուած փոխանակեմք ընդ : Եսուսի Վրիստոսի, որ չիք այլ Ըստուած բայց 'ի նմանէ : Ըպա եթէ յետ այսր մեծի վկայութեան այլ ինչ հարցանես, աւասիկ կամք, զբոլոր մարմին տուեալ 'ի ձեռս քո՝ վաղվաղակի արա զինչ և կամիս : Ի քէն տանջանք, և 'ի մէնջ յանձնառութիւնք . սուր քո, և պարանոցք մեր : Ընեմք ինչ լաւ մեք քան զառաջինսն, որ յայսր վկայութեան վերայ եղին զինչս և զստացուածս և զմարմինս իւրեանց :

Օ ի եթէ անմահք իսկ էաք, և մարթ էր մեզ մեռանել վասն սիրոյն Վրիստոսի, արժան էր . քանզի և նա անմահ էր, և այնչափ սիրեաց զմեզ, մինչեւ մահ 'ի յանձն էառ, զի և մեք նորա մահուամբն յաւիտենական մահուանէն ապրեսցուք : Եւ եթէ նա յիւր յանմահութիւնն ոչ ինայեաց, մեք զի կամօք եղաք մահկանացուք, կամօք մեռցուք վասն սիրոյ նորա, զի կամօք յանձն առցէ զմեզ յիւր յանմահութիւնն . մեռցուք իբրեւ զմահկանացուս, զի ընկալցի զմեր մահն իբրեւ զանմահից :

Ըյլ դու յայսր ամենայնի այլ զմեզ մի հարցաներ . զի ոչ եթէ ընդ մարդոց է ուխտ հաւատոց մերոց, եթէ պատրիցիմք իբրեւ զողայս . այլ անլուծութեամբ ընդ Ըստուծոյ, որում չիք հնար քակտել և 'ի բաց ելանել, ոչ այժմ և ոչ յապա և ոչ յաւիտեանս և ոչ յաւիտենից յաւիտեանս :

Ի սին մեծի հաւանութեան ամենայն բազմութիւնն միաբանեաց 'ի մեծամեծաց մինչ ցփոքունս . անսուտ երդմամբ եղին վկայութիւն՝ կենօք և մահու 'ի նմին կալ հաստատուն :



Եւ իբրեւ եհաս նամակն յարքունիս, և ընթերցան 'ի մեծի խոնաստանի յանդիման ամենայն բազմութեան կարաւանին, բազումք այնոքիկ էին՝ որ իբրեւ լեէին՝ գովէին զպատասխանին: (Վէպէտ և երկրն չէին յահէ տէրութեանն, սակայն 'ի ծածուկ առ միմեանս զնոյն վկայութիւնս գովութեանց տային. առաւել քան ընդ ճարտարաբանութիւնն, ընդ համարձակութիւն աներկիւղութեանն զարմանային: Եւ բազումք ահաբեկեալք սկսան զրահել սնդապէս. և զնոյն շէնջիւն լեէին յամենայն շրթանց:

Իսկ չարասէր մոզպէտն հանդերձ մեծ հազարապետաւն շնչեաց չարախօսութիւն, և բորբոքեաց զթագաւորն իբրեւ զհօւր անջիջանելի: Եւ սկսաւ կրճտել զատամունան իբրեւ զօրհասական վերաւոր. և յայտ յանդիման ձայնարկեաց առ մեծ հրապարակին և ասէ. Վիտեմ ես զչարութիւն բազմութեան մարդկանս, որ թերահաւատեն 'ի մերոց օրինացս, և զինի կախարդութեան մոյորեալ են անդարձութեամբ: Եւ իմ եղեալ է 'ի մտի, թէ ոչ ումեք թողացուցից 'ի մեծամեծ հարուածոցն, մինչեւ ականայ 'ի բաց կայցեն յայնպիսի վրիպական օրինաց. եթէ ոչ կարի 'ի մերձաւորաց իցէ, զնոյն անցս և ընդ նոսա անցուցից:

Յայնժամ ծերն դառնացեալ բանս 'ի ներքս ընկէց, և ասէ ցթագաւորն. Եւ ինչ է քոյ այդ մեծ տրտմութիւնդ. զի եթէ կայսր չելանէ ըստ քո հրաման, և հոնք կան քեզ 'ի ծառայութեան, որ մարդ է յերկրի՝ եթէ կարող է ընդդէմ դառնալ քում հրամանիդ: Տիրաբար հրաման տուր 'ի ներքս, և ամենայն որ զինչ և ասես՝ վաղվազակի կատարի:

Եւ անդէն թագաւորն 'ի ներքս կոչեալ զգալապետն, հրամայէր զրել հրովարտակ. և ոչ եւս ըստ սովորութեանն, այլ բանս զայրագինս իբր առ ատելիս և անպիտանս, չյիշելով ամենեւին զմեծամեծ վաստակս տիրաւոր մարդկանն. այլ միայն կոչոյ հրաման տուեալ յականն յանուանն զարս՝ զոր ինքն ձանաչէր. որոց անուանքն են այս. 'ի տոհմէն Սիւնեաց Ս ասակ անուռն, 'ի տոհմէն արծրունեաց Սերշապուհ անուռն, 'ի տոհմէն ուրշունեաց Սրտակ անուռն, 'ի տոհմէն խորխոռունեաց Վադէշոյ անուռն, 'ի տոհմէն մամիկոնենից Սարդան ա.

նուն, 'ի տոհմէն Սոկաց Արտակ անուն, 'ի տոհմէն ապահունեաց Սանէճ անուն, 'ի տոհմէն ամատունեաց Սահան անուն, 'ի տոհմէն վահեւունեաց Սիւտ անուն, 'ի տոհմէն անձեւացոց Շմառն անուն: Օայս նախարարքս յականէ յանուանէ կոչեցին 'ի դուռն արքունի. և կէսքն առ նմա իսկ էին 'ի կարաւանին, և այլքն 'ի կողմանց հիւսիսոյ 'ի Հոնաց պահակին. Թողեալ էր զովման 'ի նախարարացն անդէն յաշխարհին Հայոց:

Արդ Թէպէտ և ոչ համագունդ 'ի միոջ վայրի գիպեցան ամենեքեան, սակայն յառաջագոյն գիտացեալ զխորհուրդան չարաբարոյ բռնաւորին, և զհեռաւորսն եւս իբրեւ զմերձաւորսն 'ի միոջ վայրի առ միմեանս համարէին: Այլ 'ի ձեռն Յովսեփու եպիսկոպոսի նովին ուխտիւ հաստատեալ խաղացին գնացին յիւրաքանչիւր տեղեաց 'ի դուռն արքունի: Այլ յոյժ փութային վասն եղբարոյ և որդեաց և սիրելի դայեկանունդ բնակացն, որ չարաչար կային 'ի մեծի նեղութեանն: Ասան որոյ և նորա զանձինս 'ի մահ մատնեցին, ոչ ինչ զանգիտելով իբրեւ զանարի վատասիրտս, այլ յոյժ քաջութեամբ պնդէին զանձինս, զի Թերեւս կարացեն փրկել զնոսա 'ի մեծամեծ հարուածոցն:

Այլ իբրեւ հասին 'ի դուռն արքունի, և 'ի մեծի շաբաթու զատկին յանդիման լինէին մեծի Թագաւորին: Բայց Թէպէտ և տեսանէին զեղբարս իբրեանց 'ի մեծամեծ վիշտս տառապանաց, որ վասն անուանն Վրիստոսի ձգնեալք էին պնդապէս, ոչ ինչ տրտում և տըխուր զերեսս ցուցանէին հրապարակին: Այլ որչափ նօքա զուարթագին երեւէին ամենեցուն, առաւել զարմանային չարասէրքն:

Այլ զի օրէնք էին յառաջ ժամանակաւ, յորժամ 'ի Հայոց այրուծի 'ի դուռն երթայր 'ի ձեռն պատուաւորի զօրագլխի ուրուք, այր ընդ յառաջ յղէր, և հարցանէր զողջոյն և զխաղաղութիւն Հայոց աշխարհին. և երկիցս և երիցս անգամ զնոյն առնէր, և զհանդէս գնդին ինքնին տեսանէր: Այլ յառաջ քան 'ի գործ պատերազմին հասանել, զգալն իսկ առ նա՝ մեծ շնորհակալութիւն համարէր. և առաջն աթոռակցացն իւրոց և ամենայն մեծամեծացն՝ ամենեցուն գովութիւն մա-

տուցանէր . և յիշէր զնախնեացն զվաստակս , և զառն առն քաջութիւն պատմէր նոցա :

Իսկ այն օր և ոչ մի ինչ յայսցանէ ամենեւին ինչ ոչ յիշեաց . այլ իբրեւ գարադեւ մի՝ ոչ եւս դադարէր յուզել և շարժել զբուք ձմերայնոյ . որպէս և նմանեալ իսկ էր ծովածուփ ալէկոժ խառվութեան . և ոչ դուզնաքեայ վեր ՚ի վերոյ , այլ անդստին յանդնդոց բարձրանալ փրփրել կուտակել՝ վիշապաձայն որոտալով , գազանաբար գոչելով առ հասարակ դողացուցանէր զտիեզերական իշխանութիւնն , որպէս փլեալ տարածանիցի համատարած ամենայն ՚ի վերայ լերանց , խորոց , ձորոց , ապականեալ միանգամայն զայնութիւն դաշտացն վայելչութեան :

Ս)՝ ոչնչելով բարբառ արձակեալ և ասէ . Նրդուեալ իցէ իմ յարեգակն ՚ի մեծ աստուածն , որ ճառագայութիւքն իւրովք լուսաւորէ զամենայն տիեզերս , և ջերմութեամբն կենդանածնէ զամենայն գոյացեալսն . եթէ վաղիւ ընդ առաւօտն , ընդ երեւումն սքանչելոցն , ընդ իս զիւրաքանչիւր ծունր նմա ոչ կրկնեալիք՝ խոստովանելով զնա աստուած , ոչ ինչ թողացուցից ձեզ՝ զամենայն նեղութիւնս չարարանաց ՚ի վերայ ածելով , մինչեւ ակամայ կատարեսձիք զկամս հրամանաց իմոց :

Իսկ հաւատացեալքն հաստատեալք ՚ի Վրիստոս , ոչ ՚ի սառնամանեաց ձմերանւոցն հովանային , և ոչ ՚ի տապոյ խորչակին ջեռնութիւն , և ոչ յահագին ձայնէն սարսէին , և ոչ ՚ի սպառնալեաց տանջանացն զանգիտէին . այլ ՚ի վեր հայեցեալք՝ զգօրութիւնն Վրիստոսի յօգնականութիւն եկեալ տեսանէին . և զուարթագին դիմօք և համեստ բանիւք յառաջ մատուցեալ՝ տային պատասխանի թագաւորին .

Ինդրեմք՝ ի քէն , արքայ քաջ ունկն դիր սակաւ բանից մերոց , և քաղցրութեամբ լուր զոր ասելոցս եմք : Վանդի յիշեցուցանեմք քեզ զժամանակն Շ ապհոյ արքայից արքայի , որ էր հայր հաւուն քո Յազկերտի . և ետ նմա Մտուած զերկիրն հայոց ՚ի ժառանգութիւն սովին օրինօք , որով և մեք իսկ վարիմք այժմ , և հարքն մեր և հաւքն հարցն մերոց կացին նմա ՚ի ծառայութեան վաստակս . և սիրով կատարէին զամենայն հրամանս բանի նորա , և բազում անգամ ՚ի նմանէ մեծապարգեւք

լինէին : Այս յայնց ժամանակաց մինչեւ 'ի քո հայրենի աթոռդ՝ և մեք զնոյն ծառայութիւն ծառայեցաք . բայց, թերեւս քեզ լաւագոյն քան զառաջնոցն :

Օ այս ասելով ցուցանէին զքաջութիւն արուժեանքն լաւագոյն քան զառաջնոցն ըստ զինուորութեան կարգի : Իսկ զմտից և զսակից, և որ այլ եւս էին հարկք աշխարհին, ըստ զմտոցն քան առ հարբն նորա երթայր յարքունիս, նա և 'ի սուրբ եկեղեցւոյն, որ էր ազատ 'ի Քրիստոս ըստ կարգի նախնեացն մերոց 'ի սկզբանէ, և դու ընդ հարկաւ եղիր . և մեք առ սէր քոյոյ տերութեանդ ոչ ինչ ընդդիմացաք քեզ : Ըրդ վասն էր յուզեալ իցէ ցատումն այս 'ի վերայ մեր . ասա դու մեզ զպատճառս զնասուն . եթէ օրէնքն մեր պատճառք իցեն անվաստակ լինելոց առաջի քոյ :

Իսկ չարագեւն լի ամենայն նենգութեամբ՝ զերեսս 'ի մի կոյս դարձուցեալ, և ասէ . Սնաս համարիմ ընդունել 'ի գանձ արքունի զհարկս աշխարհին ձերոց, և անօգուտ զքաջութիւն արուժեան ձերոց . քանզի տրդիտաբար մոլորեալ էք 'ի ճշմարիտ օրինացս մերոց, և զսատուածս անարգէք և զկրակ սպանանէք և զճուրս պղծէք, և զմեռեալս 'ի հող թաղելով զերկիր ապակա նէք, և քրտիկար չառնելով ոյժ տայք Հարամանոյ . և որ մեծ քան զամենայն, զի հանապազ 'ի կանայս ոչ մեք ձենայք . և մեծապէս լինի դիւաց ինգութիւն, չարատելով ձեր և չարահելով զամենայն կարգս մոզայ : Տեսանեմ զձեզ իբրեւ գիտաշինս ցրուեալս և զվայրատեալս յանոպատի . և յոյժ զեզջ է մտաց իմնց, թէ դուցէ աստուածքն բարկացեալ վասն ձեր՝ 'ի մէնջ վրէժ տանուցուն : Ըսլ դուք եթէ կամիք կեալ և կեցուցանել զանձինս ձեր և մեծարանօք անդրէն յուղարկիլ, զոր ասացի՝ վաղիւ վաղվազակի կատարեցէք :

Յայնժամ երանելի նախարարքն առ հասարակ բզձայնս իւրեանց բարձին և ասեն յանդիման ամենեցուն . Ս'ի դու, արքայ, և մի զայդ այլ առ մեզ ասեր . քանզի ոչ է եկեղեցի շինուած մարդոյ, և ոչ տուրք արեգական, որպէս դուդ այլ ընդ այդ կարծես՝ թէ աստուած իցէ . ոչ միայն զի աստուած չէ, այլ և կենդանի չէ : Ըսլ եկեղեցիք ոչ են պարգեւք թագաւորաց, և ոչ արուեստ ճարտարութեանց, և ոչ դիւտք իմաստնոց, և

ոչ աւար քաջութեան զինուորաց, և ոչ արտիր խաբէութիւնք դիւաց. նա և բնաւ իսկ ամենեւին զինչ և ասացես յերկրաւորացն, կամ 'ի վեհից կամ 'ի վատութարաց, բնաւ ուրեք եկեղեցի 'ի նոցանէ ոչ գտցի: Այլ շնորհք են մեծին Աստուծոյ, ոչ միում ումեք 'ի մարդկանէ տուեալ, այլ ամենայն բանաւոր ազգաց, որք վիճակեալք են 'ի բնակութիւն 'ի ներքոյ արեգակնաս: Հիմունք նորա եղեալ են 'ի վերայ հաստատուն վիմի. ոչ ներքինք շարժել կարեն, և ոչ վերինք դրդուեցուցանել: Այլ զոր երկինք և երկիր ոչ դողացուցանէ, մի ոք 'ի մարդկանէ խրոխտացի յաղթել նմա: Հնապա, որով օրինակաւ զինչ կամիս առնել կատարեա. պատրաստ եմք ամենեքեան առ ամենայն մեքենայս հարուածոցն տանջանաց՝ զոր սպառնացար, ոչ միայն 'ի չարչարել, այլ և 'ի մեռանել: Այլ եթէ դարձեալ եւս զնոյն բանս հարցանես, 'ի միօրէ միօրէ լուիցես առաւել քան զզոյն պատասխանի:

Յայնժամ դառնացեալ քան զլեղի թագաւորն, փրլուզանէր անդէն 'ի փորին զծով կամաւոր մաղձոյն իւրոյ. և ընդ քիթան և ընդ բերանն առ հասարակ գոլոյի ջերմախառն ելանէր, իբրեւ 'ի սաստիկ հնոցէ ծուխ թանձրացեալ: Այլ առ չհանդարտել սրտին իւրոյ՝ կոտորէր զգօրութիւն մարմնոյն, և ծակտէր զբազմամթեր աման խորհրդոցն. ցրուէր և վատնէր զամենայն խորհումն նենգութեան: Այլ զոր ոչ երբեք կամէր իւրոց սիրելեացն յայտնել, ակամայ առաջի ծառայիցն Վրիստոսի մերկանայր և դնէր զամենայն կարգաւ:

Արեքինէր և չորեքինէր զանսուտ երգումն յարեգակն, և ասէր այսպէս. Այլ կարէք աւերել զանխաբ ամուրս իմ. և ոչ որում ցանկացեալդ էք՝ վաղվազակի տամ գտանել ձեզ. այլ զամենեսեան զձեզ և որ 'ի զնդիս են՝ չարաչար կապանօք 'ի Ասկաստան տամ անցուցանել ընդ անձանասպարհ տեղիս, որ և բազումք 'ի ձէնջ 'ի խորշակէ յերթալն սատակիցին, և մնացեալքն անկցին 'ի բերդս ամուրս և 'ի բանդս անելս: Այլ 'ի ձեր աշխարհն առաքեցից զօրս անթիւս հանդերձ փօջօք, և զկին և զորդիս 'ի Այուստատան տամ խաղացուցանել. և զեկեղեցիս՝ և զոր անուանէքն վկայարանս՝ քակեցից, քանդեցից և յապականութիւն դարձուցից. և եթէ որ

ընդդէմ դարձեալ գտցի, կոխան եղեալ գազանաց՝ ան ողորմ մեռանիցի: Այլ զամենայն ասացեալս արարից և կատարեցից առ մնացորդս աշխարհին:

Այս վաղվաղակի հրամայէր զպատուական նախարարսն հանել մեծաւ անարգանօք յերեսաց իւրոց. և զգուշութեամբ հրաման տուեալ դահճապետին՝ առանց կապանաց յիւրաքանդիւր վանս պահել, և ինքն զառածեալ անդրէն դառնայր անմխիթ ար տրտմութեամբ զօթեւանս ագանէր: Իսկ հաւատացեալքն շչմարտութեամբ՝ ՚ի Վրիստոս՝ ոչ ինչ երկմտութեամբ թերահաւատէին յառաջին խրատուէն ՚ի սուրբ վարդապետացն իւրեանց. այլ տակաւին խնդրէին հնարս իրացն, թէ որպէս զանձինս և զսիրելիս հանցեն ՚ի մեծ նեղութենէն: Այլ բազում անգամ ջանալով, և մեծամեծացն՝ որ օգնականք էին նոցա ՚ի դրանն արքունի՝ խստամունս մեծամեծս առաջի դնէին նոցա առ ՚ի յոյս կարասոյ, և ոչ սակաւ գանձս առ ժամայն ծախէին նոցա:

Այս իբրեւ յամենայն կողմանց եկն փակեցաւ անել արգելան նոցա, յայնժամ զխորհուրդն Աբրահամին ՚ի մէջ առեալ՝ աղաղակէին և ասէին ՚ի սիրտս իւրեանց. Ամենեցուն մեր նուիրեալ և եղեալ զեղբարս և զորդիս և զամենայն սիրելիս ընդ կապանօք իբրեւ զԱսհակ ՚ի վերայ սուրբ սեղանոյն, ընկալ Տէր զկամաւոր պատարագս մեր, և մի տար զեկեղեցի քո յայդն կատականաց անօրէն իշխանիս այսորիկ:

Այսին ՚ի ներքին խորհրդակցացն արքայի ՚ի ծառակ ունէր զանքակ սերն ՚ի Վրիստոս, քանզի մկրտեալ իսկ էր յաւազանն կենդանի. և մեծապէս հոգ տանէր հնարից կենաց վշտացելոցն: Այս իբրեւ ստուգեաց ճիգրտիւ, եթէ զոր բազում սպառնացաւ թաւորն՝ զամենայն չարինս կամի անցուցանել ընդ աշխարհն Հայոց, թէպէտ և ոչ ամենեցուն՝ այլ սակաւուց ՚ի նոցանէ ուսոյց զխրատ հնարից. զի առ անգամ մի ՚ի նեղութենէ անտի զանձինս ասրեցուսցեն:

Այլ մինչ դեռ գունդ կազմէին, որ գնոսս շիօթակ աբասցեն յանդարձ օտարութիւն, որպէս զբազում նախարարսն ՚ի Արաց աշխարհէն արարին, ՚ի նմին ժամանակի գուժկան հասանէր ՚ի կողմանցն Վուշանաց, եթէ գունդ հատաւ ՚ի թշնամեացն, որ ելին աւերեցին

զգաւառս բազումս արքունի : Եւ այս ինէր մեծ օգնականութիւն նոցա յերկնից : Եւ անօրէնն ճեպեալ տաղնապէր զայրուծին յառաջ արձակել, և ինքն փութով սակալ զհետ երթայր . և ՚ի խոր խոցեալ զխորհուրդսն՝ զրուէր զառաջին հաստատուն երդումն :

Իսկ երկիրաժաճացն Տեառն զայս տեսեալ, մեծաւ յուսով աղօթելով ասէին միաբանս . Իսկ Տէր ամենայնի, որ գիտես զժաճկեալս որտից մարդկան, և յայսնի են առաջի քո ամենայն աներեւոյթք խորհրդոց, և ոչ ինչ ինդրես վկայութիւն յերեւելեաց, որպէս զի և զանգործս մեր տեսին աչք քո . արդ առաջի քո հեղուքք զինդրուածս մեր : Ինկալ, Տէր, զժաճկութիւն աղօթից մերոց, և կատարեալ զմեզ ՚ի հաճոյս պատուիրանաց քոց . զի ամնչեսցէ չարն, որ խրոխտացեալ մարարնլի ընդ մեզ իշխանութեամբ անօրինին : Շարժեալ, Տէր, զկամակոր խորհուրդսն նենգաւորին, և խափանեցո զկամս ամբարշտութեան նորա, և դարձո զմեզ խաղաղութեամբ խորհրդոցն անդրէն ՚ի սուրբ եկեղեցին . զի մի յանկարծակի յափշտակեալ աւերեսցի չարաչար ՚ի թշնամեաց :

Եւ անձամբք իւրեանց զայս ուխտ եղեալ անբակութեամբ ընդ Ըստուծոյ, զի հաստատուն կայցեն ըստ առաջին խորհրդոցն, պատգամ ՚ի ներքս յղէին զնոցն խրատտուն իւրեանց, իբր թէ կատարեսցին կամք անօրէնութեան նորա :

Օայն իբրեւ լուաւ թագաւորն, յոյժ ցնծացեալ բերկրեցաւ, կարծեցեալ զգիսն հասանել նմա յօգնականութիւն, շրջեալ և աւերեալ զհաստատուն խորհուրդս ծառայիցն Ըստուծոյ, և ահա մատուցանեն երկրպագութիւն արեգական, պատուեալ զնա զոհիւք և ամենայն օրինօք մագութեանն : Եւ զայն ոչ կարաց իմանալ ցնորեալն, եթէ անստուեր լցին արեգականն արդարութեան, սպառէր և մաշէր զխաւարային խորհուրդս նորա, և եղծեալ ապականէին զամենայն խեղաթիւր կամս նորա : Եւ կուրացեալ ՚ի ճշմարիտ յայտնութեանն՝ ոչ ինչ իմացաւ զպատրանս խաբէութեանն, որով վրիպեացն : Հեղոյր արկանէր առաջի նոցա զպարգեւս երկրաւորս, և վերստին ամենեցուն զպատիւս և զգահս նորոգէր, յառաջ մատուցաներով և երեւելի

առնելով ընդ ամենայն տիեզերական իշխանութիւնն : Եւ անբաւ առատութեամբ ագարակս և աւանտ միում միում նոցա յարքունուստ շնորհէր, սիրելիս և բարեկամս կարգայր զնոսա . և առ հպարտ յանդգնութեան մտացն կամակորութեան՝ կարծէր եթէ փոխանակիցի ճշմարտութիւնն ընդ ստութեանն :

Եւ զայս արարեալ, բազում այրուծի գումարէր ընդ նոսա, և ՚ի մեղացն ոչ սակաւս, աւելի քան զեօթն հարիւր վարդապետս յէր ընդ նոսա, և զմեծ անն իշխան մեղաբետ կեցուցանէր ՚ի վերայ նոցա : Կոնարհէր և ազաչէր պատուիրելով, թէ մինչ ես ՚ի պատերազմէս դարձեալ գայցեմ խաղաղութեամբ, ձեր արարեալ և կատարեալ իցէք զամենայն ըստ կամաց ինց : Եւ այսպէս շքով և պատուով առաջնորդէր նոցա զերկարութիւն ճանապարհին անգրէն յերկիրն Հայոց : Եւ ինքն աւել տիս ինդալիս առաքէր յատրուշանս բազումս, գրէր և ցուցանէր մեղաց և մեղապետաց և ամենայն մեծամեծաց կողմանց կողմանց աշխարհաց, իրպէս դիցն օգնականութեամբ զգործ քաջութեան իմոյ յառաջ մատուցեալ :

Իսկ խոհերականքն այնուհետեւ յարուցեալ յիւրաքանչիւր խաւարային դարանաց՝ իղձք լինէին վաղձազակի զհրամանն կատարել . ձայն արարեալ յաշխարհս հեռաւորս՝ միանգամայն խաղալ գնալ յերկիրն արեւմտից : Եւ մինչ չեւ հասեալ էին յերկիրն Հայոց, փայտ ընկենուին և վիճակս արկանէին, թէ որ լեզու որում դասու հասցէ յաշակերտութիւն : Օ ՚ի առ հասարակ հրաման առեալ էր յարքունուստ, որպէս աշխարհին Հայոց՝ նոյնպէս և Սքաց և Ղղուանից և Սփնաց, Ղճնեաց և Սորգուաց և յօղէից և Ղասան, և որ սյլեւս ուրեք ուրեք ՚ի ծածուկ յիշխանութեանն Սարսից օւնէին զքրիտոնէութիւն : Եւ յանգզայ յարձակմամբ յաւարի առնուլ փութային զգանձս սուրբ եկեղեցեացն . և իրբեւ զգեւս այնուհետեւ միմեանց պատահէին : Եւ լինէր գունդ զօրաց բազմաց, և չարասէրն սատանայ իբրեւ զօրավար ՚ի մէջ նոցա երեւէր, և անդադար յորդորելով զամենեւեմն ճեպեալ փութացուցանէր : Եւ տեղեալ զժամանակն՝ զամիսն վեցերորդ, տաղնապէին և ստիպէին արքունի հրամանաւ :



Ս) Ինչեւ 'ի նաւասարգէ նաւասարդ, ասէ, յամենայն տեղիս՝ ուր իցեն ընդ իշխանութեամբ թագաւորին մեծի, բարձրին կարգ եկեղեցւոյ, փակեցցին և կնքեցցին դրունք սուրբ տաճարացն, գրով համարով առջին նուիրեալ սպապքն յարքունիս, լուսցեն ձայնք սաղմնացն և դադարեցցեն ընթերցուածք անսուտ մարգարէիցն : Վահանայք մի իշխեցցեն 'ի տունս իւրեանց ուսուցանել զժողովուրդս, և հաւատացեալքն 'ի Վրիստոս արք և կանայք՝ որ բնակեալ են յիւրաքանչիւր մեծանոցս, փոխեցցեն զհանդերձս իւրեանց ըստ աշխարհական կարգաց :

Ղարձեալ և կանայք նախարարացն կայցին զուսումն վարդապետութեան մոզացն : Սլստերք և զստերք ազատաց և շինակոնաց կրթեցցին 'ի հրապարակս նոցուն մոզաց : Ղարձեցցին և արգելցցին օրէնք սուրբ ամուսնութեան, զոր ունէին 'ի նախնեաց ըստ կարգի քրիստոնէութեանն . այլ փոխանակ ընդ կնոջ միոյ՝ բազում կանայս արասցեն, զի աճեցեալ բազմացցին ազգդ Հայոց : Ղստերք հարանց լինիցին, և քորք՝ եղբարք . մարք մի ելցեն յորդոց, այլ և թոռունք ելցեն յանկողինս հաուց :

Պատրուճակք մի մեռցին անյազ, եթէ յօղեաց իցէ և եթէ յայծեաց և եթէ յարջառոց և եթէ 'ի հաուուց և եթէ 'ի խողաց : Հայք առանց փանդամի մի զանգցին, ծիւղք և քակորք 'ի կրակ մի եկեցցեն, ձեռք առանց գոմիզոյ մի լուսացին . շնջրիք և աղուեպք և նապաստակք մի մեռցին : ( ) ձք և մողէզք, գորոք և մրրջմունք, և որ այլ եւս խառնափնդոր բազմաձախք են, մի կայցցեն . այլ վաղ թուով համարով 'ի մէջ բերցցեն ըստ արքունի չափոյն : Այլ որ այլ եւս ինչ սպասք իցեն, կամ զօհից կամ սպանդից, ըստ տօնական կարգին՝ տարեւոր թուականին, և ըստ կապձաթիւ միտրաչափ կարգին :

( ) այս ամենայն որ ասացաք, սու ժամանակ մի մինչեւ 'ի գլուխ տարւոյ կատարեցցեն ամենեքեան . և զայն ամենայն առ յապա պատրաստեցցեն :

Իսկ զայս ամենայն հրաման պատուիրանաց առեալ մոզաց և մոզպետաց, զտիւ և զգիշեր փութային հասանել յաշխարհն Հայոց . և առ յոյժ խնդութեանն ոչ երբէք յագէին երկայնութեամբ ճանապարհին :

# ԵՐՐՈՐԴ ՅԵՂԱՆԱԿ

ՎԱՍԵ ՄԻԱԲԱՆՈՒԹԵԱՆ ՍՈՒՐԲ ՈՒԹՏԻՆ ԵԿԵՂԵՑԻՈՑ

Թէպէտ և ոչ իցեմք բաւական ասել զամենայն չարիան, որ անցք անցին անդէն՝ ի կարաւանին ընդ գունդն Հայոց, սակայն և ոչ լռել կամփմք ծածկելով զվիշտս նեղութեանն. այլ ասացուք փոքր՝ ի շատէ, զի ձայնակիցք լիցուք այնոյիկ, որք դառնապէս զմեզ ողբային. զի և դու իբրեւ լուիցես, ոչ սակաւ արտասոււս հեղուցուս՝ ի վերայ ազգին թշուառութեան:

Օ ի ահա անդէն՝ ի մեծ բանակին Պարսից՝ յազգաց ազգաց, որք են հաւատացեալ ի սուրբ աւետարանն Վրիտաոսի, իբրեւ տեսին զչար յանձնառութիւնն Հայոց, յոյժ հարան՝ ի միտս իւրեանց, և կործանեցան անկան ի վերայ դիմաց իւրեանց: Դսողումք ի նոցանէ թաղծեալք ի սուգ ծանրութեան, հարեալ յողիս և դառնացեալ յարտասուս, եկին և յանդիմանեցին զնախարարեանն, և յոյժ գարովեցին զուխա քահանայութեանն: Օ զուէին զամենեսեան և ասէին: Օ ի առնիցէք զուրբ կտակարանսդ, և կամ յի տանիցէք զքսպաս տերունեան սեղանոյն. մոռանայցէք արդեօք զհոգեւոր օրհնութիւնսդ, և կամ լռեալ դադարիցէք ի մարգարէական ձայնիցդ: Կափուցէք զաչս յրնթերցուածոց, և իցէք զականջս ի լսելոյ. միթէ զմտացդ անմոռացութիւն ո՛չ յիշիցէք. զինչ առնիցէք զպատուիրեալսն ի Տեառնէ. իր ուրասցի զիս առաջի մարդկան, յուրաստ եղէց և էս առաջի հօր իմոյ, որ յերկինս է, և հրեշտակաց սրբոց:

Ս արդպետք էիք առաքելական քարոզութեանցն, արդ աշակերտք լինիցիք մոլար խաբէութեանն: Ուսուցիչք էիք շնորհութեանն, արդ ուսուցանէք զպատիր խաբէութիւն մոգաց: Բարոզք էիք արարչական զօ-

րութեանցն, արդ զտարերս աստուածս խոստովանիք : Յանդիմանիչք էիք ստուծեան, արգ և քան զուսն ստադոյնք լինիցիք : Ի հուր և 'ի հոգի էիք մկրտեալք, արդ 'ի մոխիւր և յաճիւն թաթաւիցիք . կենդանի մարմնով և անմահ արեամբ էիք սնեալ, արդ 'ի ճենճեր զոհից և 'ի շարաւս աղտեղիս մրձոտիցիք : Տաճար էիք հոգւոյն սրբոյ, արդ զոհարան դիւաց լինիցիք . քրիստոսազգեացք էիք 'ի մանկութենէ, արդ մերկացեալք 'ի փառացն գիւաբար արեգական կաքաւիցէք . ժառանգ էիք արքայութեանն, արդ անձամբ զանձինս արկէք 'ի ժառանգ գեհենին : Երցա է սպառնացեալ հուրն անշէջ, ընդէր դուք ընդ նոսա պրեցեալ տոչորեցայք . նոցա պարարի որդն անմահ, իսկ արդ դուք պարարիցէք զմարմինս ձեր նմա 'ի կերակուր . իսուարն արտաքին նոցա թանձրացեալ պահի, դուք լուսազգեստք ընդէր յուզարկեցայք ընդ նոսա 'ի նոյն իսուար : Երբա 'ի վաղըն ջուց հետէ էին իսկ կուրացեալք, դուք զկնի կուրացն կուրացարուք . նոցա էր փորեալ զխորխորամն, դուք ընդէր լցէք յառաջագոյն : Երբ ուսանիցիք զբազմութիւ անուանս աստուածոցն նոցա, այն՝ որ չիք ուրեք 'ի միջի և ոչ մի : Թեթեւացեալք 'ի ծանր բեռանց՝ անձին անձամբ առէք զբեռն ծանրութեան . ազատեալք 'ի մանկութենէ՝ չարաչար մտէք յանազատեղի ծառայութիւնն :

Եթէ գիտէիք և երեւեր ձեզ յայտնի, սուգ առին երկինք 'ի վերայ ձեր, և թաղծեցաւ երկիրս 'ի ներքոյ ստից ձերոց : Հրեշտակք 'ի վերուստ են ձեզ բարկացեալք, և 'ի յերկրէս մարտիրոսքն են ձեզ ցասուցեալք : Աղորմիմ ողորմիմ սիրելեաց ձերոց, և բազում անգամ սղորմիմ անձանց ձերոց : Օ ի թէ մարդոյ փրկեալ էր զձեզ 'ի ծառայութենէ, և դուք անձամբ զանձինս այլում 'ի ծառայութիւն արկանէիք, 'ի մեծ բարկութիւն բրդէիք զառաջին տէրն ձեր : Իսկ արդ զինչ առնիցէք զաստուածասաստ հրամանն . Եւ եմ Եստուած, և չիք այլ դք բայց յինէն, և ոչ զկնի իմ այլ դք լիցի Եստուած . Եստուած նախանձոտ եմ ես, հատուցանեմ զմեղս հարց յորդիս, մինչեւ յեօթն դար : Իսկ եթէ որդիքն արդարք վասն հարցն մեղաց ընդունին զատակունն, յորժամ ինքեանք որդիքն իսկ մեղիցեն,

ոչ ահա միանգամայն զանձանց և զհարցն տայցեն 'ի միասին :

Ղուբ էիք մեր ամուր պարխազ ապաստանի . յորժամ աստի վտանգ հասանէր , առ ձեզ յանդորր էլանէպք . արդ մեծ ամուրդ այդ հիմն 'ի վեր տապալեցաւ : Ղուբ էիք մեր պարծանս առ թշնամիսն ճշմարտութեան , արդ դուք էք մեր նախատինք առ նոյն թշնամիտ : Յայժմ վասն ձերոյ ճշմարիտ հաւատոցն և 'ի մեզ փոքր 'ի շատէ խնայէին . և արդ 'ի պատճառս ձեր և զվեզ անողորմ դատին : Այ միայն զանձանց դատատան տալոց էք առաջի ահեղ ատենին Ղստուծոյ , այլ և բազմաց ամենեցուն՝ որ 'ի ձեր պատճառս և զնոսս եւս չարչարեցեն :

(Օ) այս և առաւել քան զսոյն խօսեցան ընդ մեծամեծս աւագանւոյն , և յաւելին ցաւս 'ի վերայ ցաւոց : Յայտնել և ցուցանել նոցա զխորհուրդն ոչ կամէին , լռել և չառնել պատասխանի անհնար էր . հեղձամտղձուկ եղեալ մեծապէս յարտասուս հարկանէին : Ղնդ նոսին գառնացեալ լողք և տեսողք յանմխիթար սուգ ըինէին ամենեքեան :

Յայնմ ժամանակի քահանայքն՝ որ էին անդէն 'ի զօրուն , առ չժուժալ սրտիցն բարկութեան քակեալ որոշեցան 'ի նախարարացն և յամենայն բազմութեանէն . և զմի սմն դեսպան ձիով առաքեցին փութապէս յաշխարհն Հայոց : Ղոյժ 'ի բերան առեալ և զօձիս պատուեալ , հասեալ 'ի ժողովս եպիսկոպոսացն , մեծապէս յարտասուս հարեալ , կայր և պատմէր զամենայն անցս չարչարանացն . այլ ոչ յայտնէր նոցա զժածկութիւն խորհրդոցն :

Յայնմ ժամանակի սիռեցան եպիսկոպոսքն յուրաքանչիւր իշխանութիւնս , և առաքեցին զբարեպիսկոպոստ 'ի գեօղս և յազարակս և 'ի բազում ամուրս լեռնային գաւառացն : Ղրդեցին ժողովեցին զբազմութիւն արանց և կանանց , շինականաց և ազատաց , զքահանայից և զմենակեցաց . խրատ եղին , պնդեցին և արարին զամենեսեան զինուորս Ղրիստոսի :

Առ յառաջին բան խորհրդին այս հաստատեցաւ . Ձեռն եղբոր հարազատի 'ի մերձաւոր իւր լիցի՝ որ անցեալ իցէ ըստ ուխտ պատուիրանին Ղստուծոյ . և մի

ինայեցէ հայր յորդի, և մի ակն առնուցու որդի հօր պատուոյն: Աին կուուեսցի ընդ առն տմուսնոյ, և ծառայ դարձցի ընդդէմ տեառն իւրոյ: ( )րէնք աստուածային կացցեն թագաւոր 'ի վերայ ամենայնի, և 'ի նմին օրինաց ընկալցին յանցաւորք զպատիժս դատապարտութեան:

Այլ իբրև այս այսպէս հաստատեցաւ կազմեցաւ, երևեցան ամենեքեան զինեալք և սաղաւարտեալք, սուր ընդ մէջ և վահան 'ի ձեռին՝ ոչ միայն արանց քաջաց, այլ և կանանց առնականանց:

Ասկ գունդն հայոց ամենայն օգնականօքն հանդերձ և մոգացն բազմութեամբ յամենանն չորրորդի եկին հասին յաշխարհն հայոց, 'ի գիւղաքաղաք մի մեծ՝ որում անուն էր Անգղ: Անականեցան, բոլորեցան, զտեղեցան, և յամենայն կողմանց անդր ժողովեցան, և էին անթիւ բազմութիւն:

Այլ եղև յետ աւուրց քսան և հնգից, մոգպետն ինքնին մոգօքն հանդերձ հասանէր մեծաւ զօրութեամբ՝ քակել զգրունս եկեղեցւոյն յաւուր միաշաբաթուն. զիորձ առնուլ կամէր զառաջարկութեան գործոյն: Ասկ սուրբն՝ Աւստի երեց միաբանութեամբ առաջին խորհրդակցօքն և բազում ուխտիւ 'ի տեղուջ անդ պատրաստական դիպեցաւ, ոչ ետ թոյլ: Այսպէտ և ոչ էր տեղեկագոյն մտացն ամենեցուն նախարարացն, և ոչ զօրութեան ուժոյ մոգպետին, ոչ ինչ եկաց մնաց ամենայն եպիսկոպոսացն, և ոչ առ սակաւ մի համբեր անօրէն իշխանին թողացուցանել. այլ բազում ամբօս աղազակի զօրացն և մոգացն հասուցանէր: Անջի վերջս 'ի ձեռն առեալ՝ զկառափունս մոգացն և մոգպետին ջարդեցին. փախստական յիւրաքանչիւր վանս արկանէին, և ինքեանք զպաշտօնն բարձրացուցեալ յեկեղեցւոյն՝ զտերունական կանոնն կատարէին, մինչև 'ի նոյն միաշաբաթին անդադար լինելով:

Այլ յետ այս տագնապի խռովութեանն՝ յամենայն կողմանց յաշխարհէն հայոց բազմութիւն արանց և կանանց 'ի տեղին հասանէին: Այլ անդ էր տեսանել զմեծ աղէտ տարակուսին. ոմանք զգերարտօսն իբր յաղբերականց հոսէին յաչաց իւրեանց. այլքն բարձրաձից աղաղակաւ՝ իբր այն թէ զերկինս դողացուցա-

նէին . իսկ կէսքն խիզախելով և 'ի զէնս ընթանալով՝  
զմահ քան զկեանս ընտրէին : Իսկ ամանք 'ի սուրբ ուխ-  
տէ եկեղեցւոյն՝ զաւետարանն 'ի ձեռն առեալ, աղօ-  
թիւք սուրբտուած կարդային . և այլք ըզձանային ըզ-  
պատառումն երկրին, զի անձանց լիցի գերեզման : Եւ  
այսպէս շտապ տագնապի 'ի վերայ մոզպետին հասու-  
ցանէին : Բազում անգամ աղաչէր զօգնականսն իւր,  
զի 'ի մահուանէ կարասցեն զնա ապրեցուցանել, և ող-  
ջանգամ անդէն յարքունիս հասուցանել :

Բայ վասն գործոյն յոր եկեալն էր՝ ստիպէր զնոսա  
և ասէր . (Ի)ող զրեմ՝ և ցուցանեմ մեծ թագաւորին,  
զի 'ի բաց թողացուցանէ վայսպիսի իրաց առաջարկու-  
թիւն . զի եթէ ինքեանք աստուածքն եկեսցեն յօգ-  
նութիւն, չէ հնար օրինացս մոգութեան 'ի հայս առ-  
նուլ զհաստատութիւն, որպէս զփորձ առի միաբանու-  
թեան ուխտին եկեղեցւոյ : Օ ի թէ էին զօրք աշխար-  
հիս մոգք, ոչ ինչ ինայէին սոքա 'ի նոսա սատակմամբ՝  
ոչ միայն զարտաքինսն, այլ և յեղբարս և յորդիս և  
յամենայն մերձաւորս իւրեանց, նա և ոչ յանձինս իւ-  
րեանց : Երբ որ ոչ 'ի կապանաց զանդիտեն, և ոչ  
'ի տանջանաց երկնչին, և ոչ 'ի ստացուածոց պատկա-  
ռին, և որ յետին չարն է քան զամենայն չարիս, մահ  
քան զկեանս ընտրեն, ո՞վ է որ կարէ նոցա դիմակաց  
լինել :

Ի ուեալ իսկ իմ էր 'ի նախնեաց մերոց, եթէ յա-  
ւուրս Շ ապհոյ արքայից արքայի, իբրեւ սկսաւ ուսումնդ  
այդ աճել և բազմանալ և ընուլ զամենայն երկիրն Պար-  
սից, և եւս անդր յարեւելս հասանել, իսկ որ վարդա-  
պետքն էին օրինացն մերոց՝ յորդորեցին զթագաւորն,  
զի մի բնաւ ամենեւին բարձցին օրէնք մոգութեան յաշ-  
խարհէն, ետ հրաման սաստիկ, զի լուեալ դադարեցէ  
քրիստոնէութիւնն : Եւ որչափ նա կամեցաւ արգելուլ,  
եւս քան զեւս աճեցին և բազմացան, և հասին մինչեւ  
յաշխարհն Վուշանաց, և անտի 'ի հարաւակողմն՝ մին-  
չեւ 'ի հնդկիս տարածեցաւ :

Եւ այնպէս աներկիւղ և համարձակք էին յաշխար-  
հին Պարսից, մինչեւ յամենայն քաղաքս աշխարհին  
եկեղեցի շինեցին, որ զանցուցանէր պայծառութեամբ  
զթագաւորաբնակ արքունեօքն : Ե ինէին և վկայարանս

իմն անուանեալս , և զիոյն զարդ եկեղեցեաց զարդարեիին , և յամենայն տեղիս՝ յապատս և յանապատս միայնսնոցս շինեիին : Եւ իբրեւ ոչ ինչ երեւէր յայսնի օգնութիւն ուտտեք , աճելով աճեիին և բազմանալով բազմանային , և մարմնաւոր մեծութեամբք մեծանային :

Օպատձառս հարստութեան մեք ինչ ոչ գիտեաք . բայց այսչափ ինչ ճանարտիւ իմենայաք , զի տիեզերք ամենայն զկնի ուսմանց նոցա զնային :

Եւսպէտ էարկ ՚ի նոսա թագաւորն զձեռն իւր խրատութեամբ , և զբազումս կալաւ և շարքարեաց ՚ի նոցանէ , և զեւս բազումս մահուամբ սատակեաց , դառնացաւ և ձանձրացաւ յանձն իւր , և զնոսա ոչ կարաց նրւազեցուցանել ՚ի բազմութենէն : Եւարձեալ թէպէտ փակեաց և կնքեաց զդրունտ եկեղեցեացն ընդ ամենայն աշխարհն Պարսից , նոքա զամենայն սուն եկեղեցի աւրարին . և յամենայն տեղւոջ զիւրեանց օրէնսն կատարեիին : Եւ զանձիին իւրաքանչիւր վկայարունս համարեիին , և լաւագոյն զինուածս մարդկեղէնս քան զհողեղէնս հաշուէին : Սուք սպանողացն բթեցան , և նոցա պարանոցքն ոչ ձանձրացան . աւարառութ ստացուածոց նոցա աշխատեցան , և աւարն օր քան զօր աճեցեալ բազմացաւ : Սրտմտեալ էր թագաւորն , և յյժ դանացեալ դահիճք բարկութեանն . իսկ նոքա արթուք և զուարթուք , և ինդալից ընդունէին զամենայն հարուածս տանջանացն , և սիրով տանէին զամենայն յափրշտակութիւն ընչից իւրեանց :

Իբրեւ ետես թագաւորն եթէ գոռոջ տուեալ զիմեցին ՚ի մահ իբրեւ խաշինք սուրբք յազն երկնաւոր , արգել և կարճեաց ՚ի նոցանէ զհարուածս տանջանացն . և հրաման ետ մեզաց և մեզպետացն , զի մի ամենեւին որ խուեցէ զնոսա , այլ հաստատեալ կայցեն աներկիւղութեամբ յիւրաքանչիւր ուսմունս , մեզն և զանդիին և Հրեայն և քրիստոնեայն , և որ այլ բազում կեչոք են ՚ի կողմանս կողմանս աշխարհին Պարսից : Եւ ապա առ երկիրն զիսաղաղութիւն հաստատութեամբ , և լրւեալ դադարեցին ամենայն խռովութիւնք յուզմանց : Վանդի ընդ մերոյ աշխարհին շարժմանն՝ և արեւմուտք եւս մեծապէս շարժեցան , և ամենայն տաճկաստան ընդ նոսին խռովեցան :

Օ այն ահա 'ի լսելոյ գիտեմք . բայց այս որ ես ինձէն աչօք տեսի, թուի ինձ՝ թէ մեծագոյն եւս լինի քան զառաջինն : Լրդ դու որ մարգարանդ ես աշխարհիս , սյարտ է քեզ հոգ յանձին ունել , գրել և ցուցանել յարքունիս զմիաբանութիւն բռնութեանս , որպէս աներկիւղութեամբ առ ոչինչ համարեցան զհրամանս արքունի : Եթէ չէր մեր աճապարեալ և 'ի փախուստ դարձեալ , միում 'ի մէնջ ոչ տային ապրել : Եւ եթէ անզէն մարդիկ այդպէս բռնացան , եթէ յանկարծ զինուորս եւս ընդ ինքեանս միաբանեցուցանեն , ո՞ կարիցէ կալ առաջի դոցա յանդուգն յարձակմանդ :

Ես ահա անտեղեակ էի անքակ ուխտի եկեղեցւոյդ 'ի միմեանց . զի այլ է՝ զոր լսէ մարդ , և այլ է՝ զոր տեսանէ հաստատուն իւրովք աչօք : Դու որ 'ի մանկութենէ յայդմ՝ օրէնս սնեալ էիր , և ճշմարտեալ գիտէիր զպնդութիւնդ մարդկանդ , եթէ առանց բազում արիւն հեղլոյ դոքա մեզ ոչ տան ձեռն արկանել յեկեղեցիսդ , ընդէր ոչ զայդ ամենայն հաւաստեալ յանդիման չասացեր ցթաղաւորն : Բանդի ամենայն նախարարացն աւագ դու էիր , և զբոլոր աշխարհս քեզ յանձն արարեալ էր մարգարանութեամբ . ընդէր ոչ մեծապէս հոգ տարար յանձն քո : Օ ի յայլ ժամս իմաստուն էիր , և ես գիտէի . զայս՝ գործ իմաստութեան ոչ գործեցեր : Լպա թէ ոչ , յայտ է եթէ դու 'ի նոցա բանի ես , և քոյով խորհրդով անցուցին զայս անցս ընդ իս և ընդ զօրս :

Լրդ եթէ այդ այդպէս է , և քեզ կամք չէ ունել զմոգութիւն , մի ինչ պատկառեր դու երկիւղել յարքայէ . ես գրեմ և ցուցանեմ 'ի դուռն մովպետան մովպետի և դերանդարձապետի և մեծ հազարապետին , զի ածցեն զարքայ 'ի հաւանութիւն , որպէս զի 'ի բաց թողացուսցէ ըստ առաջին հրամանին , և 'ի կամս մարդկան ապաստան արասցեն , զի առ սակաւ սակաւ ընդդէլցին ընդ օրէնս մոգութեանս . զի որք կայցին՝ սիրով երևեսցին կատարեալ զհրամանս արքունի : Բանդի մարդ է աշխարհս , դուցէ յորժամ փնաս ինչ առնիցեն , և ինքեանք ցրուեալ վասնեսցին յօտարութիւն . իսկ յորժամ աշխարհս թափուր լինիցի 'ի մարդկանէս , յայնժամ և քեզ գլխովին մեծապէս փնաս հասանէ յարքունուստ :



Այս պատասխանի մնորդպանն մոզպետին, և ասէ . Մաննայն բանք խրատուդ՝ զոր ասացեր, ճմարիտ են . բայց զառաջինն զոր չիմացաք՝ տեսեր, և մեծապէս զողջացաք այժմ : Բայց դու արդ զոր ասեմս արա, և բարիք թուեսցի քեզ . սակաւիկ մի երկայնամիտ լեր և զխորհուրդս քո արդել՝ ի բազմաց, բայց արանց՝ որոց ես ասեմ, նոցա յայտնեա . մինչեւ ես ինձ ոյժ ժողովեցից զօր՝ ի թիկունս ածելոյ, և զուխտ եկեղեցւոյդ թերեւս կարացից երկիւնդկել : Այլ եթէ զայդ այդպէս արարից, գիտեմ ապա թէ և զհրամանն արքունի կարող եմ կատարել :

Այլ անդէն հրոս հանեալ ՚ի Սիւնեաց աշխարհէն, զիւր գունդն ստուարացոյց ՚ի թիկունս օգնականութեան մոզաց և մոզպետին : Այլ ապա սկսաւ ասել . Այլն դու անգամ մի հրովարտակ ՚ի դուռն սուր վասն այրուձիոյն՝ որ յՂզուանսն է տանս հազար, զի ՚ի ձմերոց ՚ի Հայաս եկեսցեն . և յորժամ զնոսա ՚ի ձեռին ունիցիմք, չիք օք որ եղծանել կարէ զհրաման արքունի :

Պատասխանի ետ մոզպետն և ասէ ցմարդպանն . Այդ խորհուրդ դարձեալ իմոց բանիցս ընդդէմ է . քանզի մեք յորժամ բռնութեամբ կուռեսցուք ընդ աշխարհիս, աշխարհս ՚ի բաց քանդի, և մեք ՚ի պատուհասէ չսպրիմք . անձանց փնաս, և արքունի մեծապէս զեան :

Այլ ոչ ինչ կամեցաւ ամենեւին ունին զնելնմա մնորդպանն, զի սրտի մտօք կալեալ էր զպարսկական օրէնսն : Սկսաւ այնուհետեւ պատրել զմանս կարասուով և զմանս ողորական բանիւք . զուսմիկն ամենայն՝ ահեղ բաւնիւք սպառնացեալ սրտաթափ առնէր : Հանապազորդ առատացոյց զուձիկսն տաճարին, և յերկարէր զնուագարն ուրախութեան, մաշելով զերկայնութիւն գիշերացն յերգս արեւեցութեան և ՚ի կաքաւս լիտութեան . քաղցրացուցանէր ունանց զկարգս երաժշտական և զերգս հեթանոսականս . մեծապէս գոհութիւն մատուցանէր օրինաց թագաւորին : Բերեալ էր և յարքունուստ բազմութիւն կարասուց, և միում միում կաշառ գազտ խթէր ՚ի պատճառս պարգելի և պատուոյ . և բազում նենգութեամբ զանմեղ մնորդիկ հրապուրէր և յինքն արկանէր :

Իսկ զայս ամենայն իբրեւ տեսին սուրբ եպիսկոպոս .

սունքն, եւս քաջ դրդեալ յորդորեցան 'ի նոյն միաբանութիւն. և հնարագէտ իմաստութեամբ ընդ երկուս բաժանեցին զբանակն: Սանաւանդ իբրեւ հաստատեալ գիտացին 'ի միտս իւրեանց, եթէ անօրէն իշխանն Սիւնեաց զօրհասական վերան 'ի յոգիսն ընկալեալ էր, խորշեցան մերժեցան և 'ի բաց փախեան 'ի նմանէ:

Խորհուրդ արարեալ 'ի գիշերի միում ամենայն ուխտին բազմութեամբ, կուեցին և զսպարապետն զօրաց 'ի խորհուրդն. հարցին և քննեցին և 'ի վերայ հասին մշտացն անշարժութեան, որոյ ոչ սակաւ մի թերացեալ էր 'ի սիրոյն Վրիստոսի: Եւ միաբանն աղօթս արարեալ 'ի վերայ նորա, վերստին ընկալան զնա յառաքիւնութիւն: Եւ նովաւ որսացեալ զբազումն 'ի նոյն միաբանութիւն, որք ոչ էին քակեալ յառաջին միաբանութենէն, եկին և ժողովեցան գունդ զօրաց բազմաց: Եւ եւս առաւել հեռագոյն զատան 'ի մոզացն և 'ի մոզպետէն և յանօրինէն Սասակայ:

Իսկ նա այնչափ յիմարեցոյց և արշեցոյց զմիտս մոզպետին, մինչեւ չետ նմա իմանալ զելս իրացն: Սկսաւ բաշխել մոզս 'ի տունս նախարարացն և մեծամեծ ոռձիկս կարգել, զօհել պատրուածսկս, և բռնաբար կրնբաւոր մարդկանն տալ ուտել միս յազածոյ, և երկիր պազանել արեգական: Իբրեւ սկսաւ բազմանալ ընդ ամենայն աշխարհն այնպիսի պղծագործ խառնակութիւն, յանդգնեցան և եւս կանայք փշտիպանացն յաւուր կիրակէի անցուցանել զձրագունս եկեղեցւոյն և պատառել զհանդերձս հաւատաւոր կանանցն:

Օ այս գուժկան աղմկի իբրեւ տեսին միաբան սուրբ եպիսկոպոսունքն, զաւետարանն 'ի ձեռն առեալ հասին և անկան առանց հարցանելոյ 'ի վանս սպարապետին, ուր ժողովեալ էին զօրքն Հայոց: Համբարձին զձայնս իւրեանց և ստեն. Ըղաչեմք զձեզ զամենեսեան սուրբ աւետարանաւս, եթէ ձերով խորհրդիւ գործէ զայն անօրէնութեան չարիս մարգարանն և մոզպետն, նախ զմեր պարանոցս հատէք, և ապա յեկեղեցին ձեռնարկեցէք. ապա թէ առանց ձեր կամաց նքա զայն չարն գործեն, այսօր խնդրեցի վրէժդ այդ 'ի նոցանէ:

Իսկ որք էին 'ի ներքս 'ի վանս սպարապետին՝ յոսն կացին, միաբան համբարձին զձայնս իւրեանց առ Ըս-

տուած և ասեն . Վառ , Տէր , սրտագէտ ամենեցուն , ոչ ինչ պիտի քեզ վկայութիւն 'ի մարդկանէ . եթէ խոտորեալ իցեմք 'ի քէն սրտի մտօք , զայն դու ինքնին քաջ գիտես , այսօր իսկ դատեալ զմեզ ըստ մեղաց մերոց : Ըպա եթէ Հաստատուն կամք յախտի սուրբ աւետարանիս , դու , Տէր , լեր մեր օգնական այսօր , և տուր զթշնամիսն ճշմարտութեան 'ի ձեռս մեր , զի աբացուք ընդ նոսա ըստ կամաց մերոց :

Օ այս իբրեւ ասացին , ամենեքեան զգլուխ զգետնի Հարկանէին . և ողջունեցան յաւետարանէն և յեպիսկոպոսացն : Իսկ մի ոմն 'ի նախարարացն որ անդր դիպեցաւ , էր 'ի նոցա խորհրդի , և ոչ միաբանեաց ընդ նոսա 'ի մեծ վկայութիւնն . և անդէն առ ժամայն 'ի նոցունց 'ի տեղւոջն քարկոծեցաւ , և ահ մեծ անկաւ 'ի վերաց ամենեցունց :

Յայնժամ ամենեքեան 'ի նախանձ բարկութեան բրդեցան , մինչև ամենայն տեսողացն երիկամունքն դուրսին , որք առ ոչինչ Համարեցան զպարգեւս արքունի , և առ օտն Հարին զհրամանս ահագինս : Ընթացան վաղվաղակի 'ի գէնս իւրեանց , վառեցան կազմեցան ըզգիշերն ամենայն , և ընդ ծագել արեգականն զգունդն յերիս մասունս բաժանեալ 'ի բանակն արկանէին : Դունդն առաջին յարեւելից կուսէ , և գունդն երկրորդ յարեւմտից կողմանէ , և գունդն երրորդ 'ի հիւսիսոց կողմանէ , շուրջանակի 'ի մէջ առեալ փակեցին զբազմութիւն բանակին . և զբազումս կոտորեցին , և զեւս բազմագոյնս կապեցին զերեւելի մարդիկ , և արկին 'ի բերդս ամուրս ընդ իւրեանց իշխանութեամբ : Ըլ զառ և զապուռ զաւար բանակին 'ի մի վայր ժողովեալ պահէին իբր հրամանաւ արքունի :

Իսկ զմարզպանն ձերբակալ արարեալ , և միաբանէր ընդ նոսա երդմամբ՝ Հաստատուն կալ յախտին , զըզմանայր զառաջին քակումն 'ի նոցանէ : Ընկանէր ասպախարութեամբ յոտս սուրբ եպիսկոպոսացն , և աղաչէր խաղապատելով զի մի մերժեալ ընկեսցի առ 'ի նոցանէ : Ըրկնէր և երեքկնէր զանսուտ երդումն առաջի բազմութեանն 'ի սուրբ աւետարանն , զրէր և կնքէր զերդումն և կապէր զաւետարանէն . և աղաչէր զի յստուծոյ յայտնեսցի վրէժխնդրութիւնն , և մի նոքա մարդ

կաբար սատակեսցեն զնա : Իսկ նոքա թէպէտ և հաստատեալ գիտէին զնենգաւոր կեղծաւորութիւնն նորա , և թէ խաբէութեամբ դառնայ անորէն 'ի հին մուրումն , ոչ ինչ փոյթ առնէին ձեռն արկանել 'ի նա վասն առաջին յանցանացն , այլ սուրբ աւետարանին թողին 'ի դատապարտութիւն :

Իսկ որք եկեալ էին յաւարի առնուլ զսուրբ զանձն եկեղեցւոյն , ահամայ եղին զանձինս և զաւար իւրեանց առաջի սուրբ եպիսկոպոսացն և ամենայն զօրացն . և եղծեալ ապականեցաւ հրաման թագաւորին : Եւ յաջողեալք զօրութեամբն 'Իստուծոյ՝ աղաղակէին և ստէին գոհանալով արք և կանայք և ամենայն բամիկ բազմութիւնն . « Կատրաստ եմք 'ի հալածել և 'ի մեռանել և յամենայն նեղութիւնս և 'ի չարչարանս վասն սուրբ եկեղեցեաց , զոր աւանդեցին հարքն մեր առաջինք՝ զօրութեամբ գալստեան հեռան մերոյ : Յիսուսի 'Վրիստոսի , որով վերստին ծնաք 'ի մի յոյս հաւատոցն մկրտութեամբ 'ի 'Վրիստոս : Յիսուս . ըստ նմին նմանութեան կամիմք չարչարանօք և արեամբ նորոգել զանձինս : Վանգի հայր մեր՝ զսուրբ աւետարանն գիտեմք , և մայր՝ զառաքելական եկեղեցի կաթողիկէ . մի որ չար անջրպետ 'ի մէջ անկեալ՝ զմեզ քակեսցէ 'ի սմանէ :

Այ երեւէր այնուհետեւ առաւել տէր քան զծառայ , և ոչ ազատ փափկացեալ քան զգեղջուկ վշտացեալ . և ոչ որ քան զոր նուաղեալ 'ի յարութենէ : Ի 'ի սիրտ յօժարութեան ամենեցուն արանց և կանանց , ծերոց և տղայոց և ամենայն միաբանելոց 'ի 'Վրիստոս : Վանգի առ հասարակ զմի զինուորութիւն զինուորեցան , և զմի ազան զրահս հաւատոց պատուիրանին 'Վրիստոսի , և միով գօտեաւ ճշմարտութեան պնդեցին զմէջս արք և կանայք :

Ինկեցեալ կայր այնուհետեւ ոսկի , և ոչ որ առնոր իւր առանձինն արծաթ . և արհամարհեալ առանց ազահութեան , անարգեալ պատուական հանդերձք առ 'ի զարգս մեծարանաց : « Եւ իւրաքանչիւր ստացուածք ոչ ինչ համարէին յաչս իւրեանց ստացողին . տեսանէին զանձինս իւրեանց իբրեւ զմեռեալ զիսկունս , և զիւրաքանչիւր գերեզմանս ինքեանք փորէին . և կեանք

իւրեանց 'ի մահ համարեալ էին, և մահք իւրեանց անշուշտ կեանք:

Ի այց այս բարբառ ստէպ ստէպ ընթանայր. Վաջութեամբ միայն մեռցուք, զանուն և զոգիս եւեթ ժառանգեսցուք. զի կենդանի իցէ 'ի մեզ Վրիստա, որում դիւրին է միւսանգամ նորոգել զմեզ 'ի հողոյ և զամենայն զյառաջագոյն զննջեցեալսն, և հատուցանել իւրաքանչիւր ըստ գործս իւրեանց:

Օ այս և առաւել քան զնոյնս խօսելով, և մխիթարելով զանձինս և զմիմեանս, դարձեալ միւսանգամ զինուորքն պատրաստեցին զզէնս իւրեանց, և աղօթականքն անդադար լինէին յաղօթմն իւրեանց, և պահողքն ճգնէին 'ի պահս իւրեանց: Չայնք պաշտօնէիցն 'ի սուէ և 'ի գիշերի անհատ էին 'ի սուրբ սաղմանս. ընթերցուածք աստուածային կտակարանայն ու երբեք առնուին դադարումն յամենայն ժամ, սոյնպէս և մեկնիչքն 'ի մխիթարութիւն երկնաւոր վարդապետութեանն:

Յայնմ ժամանակի դարձեալ յարձակեցան 'ի վերայ բերդիցն և աւանաց, զոր ունէին պարսիկքն 'ի տեղիս տեղիս, յամրոցս աշխարհին. տապալէին քանդէին զէնակութիւնս նոցա: Ինչքն զմեծն Իրտաշատ հանդերձ աւանօք իւրովք. և առնուին զանմատոյց ամուրսն՝ զՎառնի քաղաքն, զԻնին, զԻրտագերս, և զաւանս իւրեանց. զԻրկայնորդսն և զԻրհնին, և զաւանս իւրեանց. զԻարձրաբուղն, զԻտրանիստն, զԻսխանիստրն, զանկասկածելի յղականն, և ընդ նոսա և զաւանս իւրեանց. զԻրփանեայն, զԻանն աւան, ընդ նմին և զաւանսն իւր. զԻռեայն և զԻպոյտն, զԻրոտն և ըզԻ ասակաշատն:

Օ ամենեպիս զայս իւրաքանչիւր գեղիւք և ագարակօք, զօրօք և զօրագլխօք 'ի նմին ամի առեալ տապալեցին, և 'ի գերութիւն վարեցին զարս և զկանայս ընչիւք և ստացուածովք, հանդերձ պատուական զանձիւք և նոցին սպասուք: Տապալէին քանդէին զշինուածս նոցա, և այրէին կիզուին զտունս պաշտօնարկի և պաշտաման կրակի: Սրբէին զպղծութիւն կռապաշտութեանցն, և առնուին զկահ և զկազմնսն ատրուշանայն, բերէին և դնէին 'ի սուրբ եկեղեցւոյն. և 'ի

ձեռն սուրբ քահանայիցն նուիրէին 'ի սպաս տերունական սեղանոյն : Եւ փոխանակ սնտոի պաշտամաննցն՝ զոր տապալեցին յամենայն տեղիս հեթանոսացն , զփրկական խաչն Վրիստոսի կանգնէին . զամենասուրբ սեղանն ուղղէին , և զկենդանարար խորհուրդն կատարէին սրբութեամբ . պաշտօնեայս և քահանայս 'ի տեղւոջն կացուցանէին : Յուսով հաստատեալ խնդայր ամենայն երկիրն առ հասարակ :

Եւ մինչ դեռ յայսմ մեծի առաքինութեան կատարեալ գործէին զգործ նահատակութեանն , երեւեր իմն 'ի վերայ ամենեցուն աստուածային շնորհք . քանզի առանց հրամանի 'ի զօրացն Հայոց , յարեւելից կողմանէ աշխարհին , յարձակեցան ոմանք յ'տրպատական աշխարհն , և 'ի տեղիս տեղիս բազում վնաս արարին՝ առնով և աւերելով և քանդելով զբազում ատրուշանս :

Իսկ որ 'ի մեծ ամուրսն անկանէին , խաչանշան արարեալ 'ի վերայ զօրուն յարձակէին . որ և երկու մեծաւ մեծ բերդացն պարիսպքն առանց ուրուք մերձենալոյ անկեալ կործանեցան . մինչեւ ամենայն բնակչաց երկրին զահի հարեալ 'ի մեծ նշանէն , ինքեանք ինքեանց ձեռք զկրակատունսն այրէին . ուրանալով զօրէնս մութութեանն՝ խոստովանէին 'ի սուրբ աւետարանն :

Եւ այլ մեծամեծ աջողութիւնք կատարէին 'ի ձեռն զօրականին . քանզի ուր ոչ էր անկալութիւն , եթէ զանուն Մտուծոյ որ յիշեսցէ , արհաւիրք մեծ անկանէին 'ի վերայ նոցա . և ամենայն մարդ պատմէր ընկերի իւրում տեսիլս նորս և զարմանալիս : Սոյնպէս և աստեղք 'ի յերկինս երեւէին յոյժ լուսալիր պայծառացեալ , զոր ոչ ունէին յառաջին բնութեանն : Եւ ամենայն տղայք աշխարհին իբրեւ զարս պատերազմողս խիզախէին :

Եւ ահա յետ աւուրց բազմաց եկն Իհաս հազարապետն Մղուանից սուրբ եպիսկոպոսաւ աշխարհին , մեծաւ տագնապաւ փութացուցանէր զգօրսն ասելով . Պունդ Պարսից , որ էր 'ի կողմանս աշխարհին հոնաց , դարձաւ այսրէն , եկն եմուտ յաշխարհս մեր . և բազում եւս և այլ այրուծի՝ որ 'ի դրանէ եկն : Եւ թող զայս ամենայն , այլ երեք հարիւր մագ վարդապետ ա-

ծեալ ընդ իւրեանս, պառակտեցին զաշխարհն, և զմանս ոմանս յինքեանս արկին, և կամէին յեկեղեցին ձեռն արկանել. և հրամանաւ Թագաւորին ստիպէին զամենեսեան և ասէին. Եթէ կամօք յանձն առնուք զօրէնսն, պարգեւս և պատիւս գտանէք ՚ի նմանէ, և Թողութիւն հարկացն յարքունուստ լիցի ձեզ. ապա թէ կամօք չառնէք, հրաման ունիմք ՚ի գեօղս և ՚ի քաղաքս շինել ատրուշանս, և զվճարման կրակն ՚ի ներքս դնել, և կացուցանել մոզս և մնգպետս օրէնսդիր ամենայն աշխարհիդ: Եւ եթէ ստամբակեալ որ ընդդէմ դարձցի, ինքն մահու պատուհաս ընդունի, և կին և որդիք այնպիսոցն անաշխարհիկ եղեալ՝ յարքունիս երթիցեն:

Իսկ գունդն Հայոց իբրեւ լուաւ զայս գոյժ դառնութեան; ոչ ինչ Թուլացեալ լքան ՚ի քաջութենէն. այլ դարձեալ համազունդ ժողով լինէր ամենայն աշխարհին վասն գուժաբեր հրեշտակացն, որ հասին առ նոսա: Եւ միաբան քաջալերս տուեալ՝ արձակեցին զնոսա, զի առ ժամանակ մի զնոսա պատիր խաբէութեամբ կայցեն, զի խափանեացին ՚ի չար կամացն, չձեռնարկել ՚ի սուրբ ուխտ եկեղեցւոցն իւրեանց. և զօրութեամբն Եստուծոյ խորհուրդ ՚ի մէջ առեալ՝ իրացն հնարիւք երս խնդրէին:

Յայնմ ժամանակի զմի ոմն ՚ի մեծ նախարարացն, ՚ի տոհմէն գնունեաց Ետով, ձեպով առաքեցին յերկիրն արեւմտից ցուցանել զայս ամենայն խորհուրդ ըզչարիմաց Թագաւորին արեւելից. միանգամայն և պատմել զիւրեանց քաջութիւն արութեանցն, զոր գործովք կատարեցին՝ առ ոտն հարկանելով զհրամանն ասեղ, և մեծապէս սատակումն ՚ի վերայ մոգացն հասուցանել. խնդրել ՚ի նմանէ օգնականութիւն սատարութեան, և եթէ նա կամեացի՝ նմա իսկ մտանել ՚ի ծառայութիւն: Եւ այս է պատճէն հրովարտակին զոր գրեցին առ Թէոդոս կայսր.

Յովսէփ Եպիսկոպոս բազում Եպիսկոպոսակցօք ի մովք և ամենայն զօրք Հայոց, Սասակ մարզպան և Երշապուհ որմբոսեան հանդերձ՝ սպարապետաւս և ամենայն մեծամեծ նախարարօքս՝ առ մեծանունդ Թէոդոս կայսր, բազմասցի ողջոյն մեր առ քեզ և ամենայն

զորաց քոց, որ խաղաղասէր մարդասիրութեամբ ձերով տիրէք ծովու և ցամաքի, և չիք որ յերկրաւորացս՝ որ ձերում անարգել տէրութեանդ ընդդէմ դառնայցէ : Արդէս մեք իսկ ունիմք զանսուտ յիշատակարանն զառաքինի նախնեացն ձերոց . ունելով զԱրուվայէ՝ անցին և տիրեցին և ասիացոց կողմանցն՝ ՚ի սահմանացն Արաց մինչեւ ՚ի կողմանս Վաղերովնի, և ոչ որ գտաւ ստամբակեալ և ելանել ըստ ձեռն նոցա :

Այս յայնչափ մեծ իշխանութեան՝ դաստակերտ մեծ և սիրեցի զՀայոց աշխարհս անուանէին : Այն որոյ և նախնին մեր Տրդատիոս յիշելով զառաջին սէրն ձեր, որ ՚ի տղայութեան փախուցեալ ՚ի Հայրաստան մարդաստղեող հորեղբարցն իւրոյ՝ ապրեալ սնաւ յերկրիդ Յունաց, և ՚ի ձէնջ թագաւորեալ տիրէր Հայրենի աշխարհիս, սոյնպէս և զհաւատան որ ՚ի Վրիստոս՝ ընկալեալ ՚ի սուրբ եպիսկոպոսապետէն Հռովմայ, լուսաւորեաց զխաւարային կողմանս հիւսիսոյ . զոր և այժմ՝ կամին ՚ի մէնջ կորզել հանել թաւարասէր որդիքն արեւելից :

Այս մեք ՚ի ձեր քաջութիւն արութեանդ խիզախեալ, էր ինչ՝ որ ընդդէմ դարձաք նոցա հրամանացն, և բազում այն է՝ որ արդ առաջի պատրաստեալ եմք : Ինտրեցաք զմահ սաստաւած պաշտութեամբ քան զկեանս ուրացութեամբ . եթէ գուք եւս ՚ի ձեռն առջիք զմեզ, ահա կրկին կենաց զիպեցաք և ոչ մի անգամ մահու : Այս եթէ սակաւիկ մի հեղգայք, գուցէ բազում և այլ աշխարհաց հասանիցէ տապ բոցոյ սորա :

Այս իբրեւ յանդիման եզեն մեծի թագաւորին, և ընթերցան զգիր պաղատանաց Հայոց աշխարհին և ըզյիշատակարանն նախնեացն, բազում մատեանք ՚ի մէջ եկեալ ընթերցան, որ զնոյն ուխտ հաստատութեան ՚ի ներքս գտանէին : Այս մինչ զեռ երանելին լծեողոս հարցանէր զամենայն սինկիլիտոսն, և հնարս իրացն կամէր գտանել խաղաղութեամբ, և հոգ տայնէր մեծաւ յօժարութեամբ, զի մի եկեղեցիքն արեւելից յափըշտակեացին յանօրէն հեթանոսացն, ՚ի նմին ժամանակի հա՛ անդէն վաղվաղակի հասանէր վախճան կատարածի կենաց նորա, և կարի չար խափան լինէր գործոյն օգնականութեան :



Եւ Թագաւորէ փոխանակ նորա Սարկիանոս կայսր ,  
 և 'ի ձեռն վատթար արանց խրատտուացն իւրոց ծա-  
 ուայիցն , Ընտոռէայ՝ որ սպարապետն էր , և Լափլալիոս  
 ասորի , երկդքեան անարգք և վատթար արանց , միան-  
 գամայն և անաստուածք . 'ի նոցա բանս ելեալ Թագա-  
 ւորն , ոչ կամէր անսալ միաբան ուխտին հաւատոց , որ  
 ամենայն ուժոյն իւրեանց ընդդէմ կացեալ էին չարու-  
 թեանն հեթանոսաց : Իսկ անարիս այս լաւ համարէր  
 պահել զուխտն հեթանոսաց վասն մարմնական խաղա-  
 զութեան , քան պատերազմակից լինել ուխտին քրիս-  
 տոնէութեան : Ս ասն այսորիկ փութացաւ արձակեաց  
 դեսպանս առ Թագաւորն Սարսից գնոյն Լափլալիոսն ,  
 և եմուտ ընդ նմա յուխտ հաստատութեան՝ ձեռնթափ  
 լինել 'ի զօրացն հայոց զօրու և զինու և ամենայն օգ-  
 նականութեամբ :

Եւ իբրեւ այսպէս հաստատեցաւ , և հատաւ օգ-  
 նականութիւն յուսոյ նոցա 'ի մարդկանէ , դարձեալ  
 սուրբ եպիսկոպոսքն քաջալերել սկսան զանձինս և զօր-  
 սըն հայոց : Ը Կէպէտ և հայէին յիւրեանց սակաւու-  
 թիւնն և յերկոցունց Թագաւորացն միաբանութիւն ,  
 ոչ ինչ վատասրտեալ դողային , այլ ըստ առաջին ուխ-  
 տին խիզախէին և ասէին . Սատրաստ եմք 'ի սպանա-  
 նել և 'ի մեռանել . դիւրին է Ըստուծոյ սակաւութք ըզ-  
 բազմաց գործ գործել , և անարգօք զմեծամեծ իրս կա-  
 տարել :

Ը Կէպէտ և ոչ ունէին Թագաւոր առաջնորդ , և ոչ յար-  
 տաքուստ օգնական զոք յօտարաց , սակայն անձանց առաւ-  
 քինութեամբ և սուրբ վարդապետաց մխիթարութեամբ  
 համադունդ ամենայն զօրօքնախարարացն յիւրպեան իւր  
 տանէ 'ի մի վայր գային հասանէին վաղվադակի . բա-  
 զում և այլ այրուծի , որ յարքունի տանէ անտի էր : Եւ  
 զամենայն զօրսն յերիս գունդս բաժանէին : Օ գունդն  
 առաջին տային ց Լերչապուհ ռմբոսեան , և գումարէին  
 գնա պահապան աշխարհին , մերձ 'ի սահմանս Ըտրպա-  
 տական աշխարհին : Եւ զգունդն երկրորդ տային 'ի ձեռն  
 Սարդանայ զօրավարին հայոց անցանել ընդ սահմանս  
 Սրաց 'ի վերայ մարդպանին Ղորայ , որ եկեալ էր ա-  
 ւերել զեկեղեցիսն Ըղուանից : Իսկ զգունդն երրորդ  
 տային 'ի ձեռն Սասակայ իշխանին Սիւնեաց , որ ոչ 'ի

բաց կացեալ էր յուխտէն հեթանոսաց ըստ ներքին խորհրդոցն իւրոց :

Ինտրեաց և առ ընդ իւր զորոց գիտէր զթուլութիւն հաւատոց նոցա . զիշխանն բազրատունեաց զօրօք իւրովք, զիշխանն խորխոռունեաց զօրօք իւրովք, զիշխանն սպահունեաց զօրօք իւրովք, զիշխանն վահեւունեաց զօրօքն իւրովք, զիշխանն պալունեաց զօրօքն իւրովք, զիշխանն գաբեղենից զօրօք իւրովք, զիշխանն Սերծայ զօրօքն իւրովք : Եւ զայս բազում զօրս յարքունի տանէն էարկ յինքն, և զսեպուհս ոմանս յայլմէ տոհմէ : Եւ խորամանկ խաբէութեամբ դարանամուտ լինէր յամուրս իւրոյ աշխարհին, 'ի պատճառս կեղծաւորութեան՝ եթէ ընդ ճապուկ անդր անցանէ 'ի վերայ գրնդին Պարսից՝ հալածականս առնել յաշխարհէն Լուուանից :

Իսկ նա յամրածածուկ հաւալոցէն ճեպով դեսպանս արձակէր առ գունդն Պարսից . Լ՛հա աւազիկ քակեցի զմիաբանութիւն ուխտիս Հայոց, և ընդ երիս կողմանս զգունդն քայքայեալ բաժանեցի : Օ գունդն առաջին հեռացուցի 'ի կողմանս Հերայ և Օ արաւանդայ . և գունդս երկրորդ ընդ իմով ձեռամբ է, որոց ոչ ինչ տամ վնաս առնել զօրաց արքունի : Եւ զայլ ամենայն, որ այր կռուոյ յաշխարհի աստ գտանէր, ցանեցի ցրուեցի ընդ ամենայն միջոցս աշխարհիս : Բայց զգունդն երրորդ արարի ընդ Ս արդանայ յԼ՛ղուանս՝ սակաւաձեռն և ոչ բազմութիւ : Եւ համարձակ ընդ առաջ նորա, և մի զանգիտեր ամենեւին տալ պատերազմ . գիտեմ՝ զի 'ի պարտութիւն մատնին առաջի քոյոյ մեծի զօրութեանդ :

Օ այս գրեաց և եցոյց մարզպանին, որում անունն էր Սեբուխտ : Իսկ նա իբրեւ լուաւ զայս ամենայն ըզքաջալերս 'ի Ս սասկայ, և ստուգեալ հաստատեաց 'ի միտս իւր, եթէ սակաւաձեռն գնդաւ զայ սպարապետն Հայոց 'ի վերայ նորա, ոչ եկաց մնաց 'ի կողմանս Ղորայ . այլ կռտեաց զամենայն բազմութիւն զօրու իւրոց, և փութանակի անցանէր ընդ մեծ գեանս Սուր աւուն . և պատահէր նմա մերձ 'ի սահմանս Ս րաց հանդէպ Խաղիսաղ քաղաքի, որ ձմերոց էր թագաւորաց Լ՛ղուանից : Լ՛նցանէր բաւանդակէր ամենայն զօրօք իւրովք . ռազմ արարեալ զբոլոր մեծութիւն զաշտին 'ի

ներքս փակէր, զինեալք և վառեալք ամենայն պատրաստութեամբ 'ի մարտ պատերազմի ընդդէմ գնդին Հայոց:

Իսկ քաջն Վարդան և ամենայն զօրքն, որ ընդ նման էին, իբրեւ տեսնին զբազմութիւն պատրաստութեան գնդին հեթանոսաց, հայեցան և յիւրեանց սակաւութիւնն, թէպէտ և կարի յոյժ նուազուիք էին քան զնոսա, ոչ ինչ զանգիտեցին առ յոյժ բազմութեանն, այլ հասարակ միաբանեցին և համբարձին յերկինս ըզձեռս իւրեանց, աղաղակէին և ասէին. 'Վատեա, Տէր, զայնասիկ' ոյք դատին զմեզ. մարտիր ընդ այնասիկ, որ մարտնչինս ընդ մեզ. զինու և ասպարաւ քով օգնեա մեզ: Եւ արժեա և դողացո զգունդագունդ բազմութիւն անօրինաց. ցրուեա և վատնեա զչար միաբանութիւն թշնամեաց քոց առաջի քոյոյ փրկական մեծի նշանիս, և սուր 'ի ձեռն սակաւուցս զքաջութիւն յաղթութեան 'ի վերայ անհնարին բազմութեանս: Ոչ 'ի պարծանս անօտի փառաւորութեան անօգուտ վաստակոց ինչ ազաւմք յագահութիւն ընչասիրութեան զանցաւոր մեծութիւն կապտելոյ, այլ զի ծանիցեն և գիտացեն ամենեքեան այնօրիկ' որ հնազանդին սուրբ աւետարանին քարոզութեան, եթէ դու ես Տէր կենաց և մահու, և 'ի ձեռս քո է յաղթութիւն և պարտութիւն: Եւ մեք պատրաստ եմք 'ի մեռանել վասն քո սիրոյդ. և եթէ սպանանել եւս հասանէ զնոսա, եղիցուք վրէժինդիրք շշմարտութեանն:

Եւ զայս ասելով խումբ արարեալ յարձակէին, և զաջ թեւն բեկեալ՝ զձախոյ կողմամբն արկեալ, և սրոյ ճարակ զամենեսեան տային ընդ երեսս դաշտին, և փախըտական առնէին մինչեւ յամուր տեղիս մայրեացն առ խորագոյն դարիւքն Սոփնաս գետոյ: Եւ ընդդէմ դարձեալ թագաւորազանց ոմանց բաղասական արքայի, ընկեցին զոմն 'ի ձիոյ 'ի նախարարաց Հայոց, 'ի գնդէն դիմաբռնից զՍուչ սպանին, և զՎազրիկ վիրաւորեցին:

Հայրն տեղւոյ դէտ ակն 'ի վեր ամբառնայր Մարտիր արշարունի, գուէր առիւծաբար և յարձակեր վարազաբար, հարկանէր և սատակէր զՍուրբն քաջ զեղբայր թագաւորին Սփնաց, և զբազում համհարզս նորին ընդ նմին սատակէր: Եւ այնպէս ամենեքեան առ հասարակ այր զախոյեան իւր յերկիր կործանէր: Եւ

առ յոյժ յանդուգն յարձակմանն՝ յողովագոյն այն էր զոր գետամոյնս առնէին քան զանկեալսն սրոյ 'ի ցամաքի : Ի բազմութենէ դիականցն անկելոց՝ յստակ ջուրք գետոյն յարիւն դառնային , և ոչ գտանէր որ ամենեւին 'ի նոցանէ ապրեալ և թաքուցեալ յանտառախիտ մայրիս դաշտացն : Բայց մի ոմն 'ի զօրականէ թնամեացն՝ զինու հանդերձ ելեալ 'ի նիւս երիվարին անցանէր ընդ մեծ գետն , մազապուր պրծեալ 'ի պատերազմէն՝ զոյժ տանէր 'ի մնացեալ բուն բանակն , որք փախտական անկանէին 'ի մեծ շահաստանն :

Յայնմ ժամանակի զօրքն Հայոց կատարելով զմեծ գործ պատերազմին , դիակապուտ դառնային , ժողովէին զբազում աւար բանակին , և կողոպտէին զանկեալ դիակունն . և կուտէին բազում արծաթ և ոսկի , զզէնս և զզարդս զարի արանց և զքաջ երիվարաց :

Դարձեալ յարձակէին ոչ սակաւ քաջութեամբ 'ի վերայ բերդիցն և քաղաքացն , զոր ունէին պարսիկքն յաշխարհին Ղուանից . հջորապէս մարտնչելով և այրելով զամուրս արգելանաց նոցա , և զերամս երամս մեզացն՝ զոր պատրաստական ածեալ աշխարհին զայթակղութիւն , ուր և գտանէին յամուրս ամուրս վայրացն , սրոյ ճարակ տուեալ՝ գնէին գեշ թռչնոց երկնից և գազանաց երկրի : Սրբէին զտեղիսն յամենայն պղծագործ զօհիցն , և փրկեալ ազատէին զեկեղեցիսն յանհնարին նեղութենէն :

Եւ բազումք 'ի նախարարացն Ղուանից և յամենայն շինականացն , որք վասն անուանն Մտուծոյ ցըրուեալ և վատնեալ էին յամուրս լերանց Ապակոհի , իբրեւ տեսին զաջողութիւն գործոյն՝ զոր կատարէր Մտուած 'ի ձեռն գնդին Հայոց , գային ժողովէին և նուքա , և իսառնէին 'ի զօրս նոցա . և միաբանք և հաւասարք կցորդք լինէին գործոյն նահատակութեան : Իսազային գնային այնուհետեւ 'ի վերայ պահակին Հոնաց , զոր ունէին բռնութեամբ պարսիկքն . առնուին քանդէին զպահակն , և կոտորէին զգօրսն՝ որ 'ի ներքս բնակեալ էին . և զրուռնն տային 'ի ձեռն Սահանայ , որ էր յազգէ թագաւորացն Ղուանից : Եւ յայտ ամենայն քաջութեան վերայ ոչ որ անկեալ վիրաւորեցաւ ամենեւին 'ի նոցանէ , բայց 'ի միոյ երանելոյ որ կատարեցաւ նահատակութեամբ 'ի մեծ պատերազմին :

Եւ անդէն 'ի նմին տեղեոջ զայրն՝ որում՝ զդուռնն յանձն արարին, զնոյն դեսպանս արձակեցին յաշխարհն հոնաց, և 'ի բազում յայլ ազգս բարբարոսաց, որ համագործք էին հոնաց աշխարհին, բանս դնել ընդ նոսա և ուխտ հաստատել՝ անքակութեամբ ունել զմիաբանութիւնն : Իսկ նոքա իբրեւ զայն ամենայն լուան, փութապէս վաղվադակի հասանէին 'ի տեղին, և ակնատեսք լինէին գործոյն յաղթութեան : Եւ ոչ ինչ յպաղեցին երդմամբ յուխտ մտանել ըստ կարգի իւրեանց օրինաց, յանձն առին և զերդումն քրիստոնէից, պահել ընդ նոսա հաստատութեամբ զմիաբանութիւն :

Իսկ իբրեւ զայս կատարեցին և արարին իւրեանց մեծապէս հաստատութիւն, և դեռ անդէն 'ի տեղեոջն զտեղեալ էին խաղազութեամբ, գուժկան հասանէր յաշխարհն հայոց, զճակատ հարեալ և զօձիս պատուեալ վանն ապստամբին ՝ ասակայ . յետս կացեալ յուխտէն քրիստոնէութեան և աւերեալ զբազում տեղիս հայոց աշխարհին, մննաւանդ զձմերոցս արքունի, որ կայեանք զօրացն էին, զՎառնին և զՆրամօնս և զՎրսհանակերտն՝ զմեծ դաստակերտն, զՎարդանաշատն և զամուրն ( շական, զՎառախոտն, զՎրդեանսն, զՁողկերտն աւան և զԵրզն Մրմուրի, զՎուաշն աւան, զՄրուաշն, զՄշնակն և զամենայն ոսն Մրագածու, և զնահանգն Մրտաշատու և զՄրտաշատն ինքնին գլխովին, և զամենայն գեօղս և զաւանս՝ որ շուրջ զնովաւ էին, առեալ աւերեալ և հրձիգ արարեալ, և զամենեցուն ձեր զընտանիս փախուցեալ մերժեալ յիւրաքանչիւր բնակութենէ :

Չեռն արկեալ և 'ի սուրբ եկեղեցիսն, տարեալ և զսուրբ սպաս եկեղեցւոյն սեղանոյ . գերի վարեալ զընտանիս քահանայից, և զնոսին կապեալ և եղեալ 'ի բանդի . և ինքն սփռեալ տարածեալ ասպատակաւ աւերէր զերկիրն ամենայն : Եւ գունդն՝ որ էր 'ի կողմանս Մտրպատականի, ոչ ժամանեաց ձեռն տալ 'ի միջոց աշխարհին : Եւ զօրքն՝ որ անդ մնացեալ էին, խոյս տուեալ յանօրինէն մերժեցան յեզր աշխարհին, և գեռ պահեն ընդ ձեզ զուխտ միաբանութեան սիրոյն Քրիստոսի : Իայց այն որ ընդ նմայն էին, են ոմանք՝ որ փախեան յիւրաքանչիւր տեղիս, և բազումք այն են՝ որ զհետ մոլորեցան նորա ամբարշտութեանն :

Չու արարեալ 'ի տեղւոջէ անտի՝ դառնալ անդրէն յաշխարհն Հայոց մեծաւ ստիպով և բազում աւարաւ և անչափ մեծութեամբ : Եւ անտրտում ուրախութեամբ երգս 'ի բերան առեալ և ասէին ձայնիւ . Խոստովան եղերուք Տեառն , զի բարի է , զի յաւիտեան է ողորմութիւն նորա . ո եհար զազգս մեծամեծս և սպան զիշխանս հջօրս , զի բարի է , զի յաւիտեան է ողորմութիւն նորա : Եւ զայս սաղմոսս երգելով մինչեւ 'ի վախճան կատարեալ աղօթիւք փառաբարութիւն սուրբ Երրորդութեանն մատուցանէին : Ընդ յանձանձէր ածէր զօրավարն զկայ և զմնաց զօրականին , առաջապահօք , վերջապահօք , կողմնապահօք ողջ և առողջ հասուցեալ յաւուրս երեսուն մերձ 'ի սահմանս հայրենի աշխարհին :

Ըգդ եղեւ ուրացեայն Սասակայ և իշխանացն որ ընդ նմա էին՝ քաջութիւն նահատակութեան գնդին Սարգանայ յաշխարհին Ըղուանից , և միաբանութիւնն եւս Հոնաց : Ըինչ չեւ յանդիման եղեալ էին միմեանց , զգիշեր մի օգնական գտեալ նորա՝ փախստական անկանէր յամուրս իւրոյ աշխարհին . և այնպէս տաղնապաւ մերժեցաւ , զգերի և զաւարն զոր առեալ էր յԱյրարատ գաւառէ , ակամայ զիւրն եւս եթող և փախեաւ :

Եւ քանզի ժամանակ ձմերայնոյ հասեալ էր , և ըզռոճիկս՝ Թնամեաց գնդին հարեալ էր , ոչ կարէր ըզմիով տեղեաւ համագունդ զզօրսն դարմանել . այլ սփռէր տարածանէր ընդ գաւառս գաւառս աշխարհին առ 'ի հանգիստ ձմերոցին : Ստուէր հրամանի տայր պատրաստական լինել կազմութեամբ առ ժամանակ զարնայնոյն : Եւ զսակաւս 'ի գնդէն յաւագ նախարարացն գործակից իւր թողեալ , բռնանայր 'ի վերայ՝ ունելով զթագաւորանիստ տեղիսն :

Եւ գունդս գունդս արձակէր յաշխարհն Սիւնեաց , աւնոյր և աւերէր զբազում գաւառս . և այնպէս 'ի նեղարկանէր զնա և զամենայն զօրսն որ ընդ նմա էր , զի զէչս և զձիս մեռելոտիս առ սովոյն վտանգի անխտիր ուտէին : Եւ բազում հարուածս հասուցանէին 'ի վերայ ուրացելոյն . մինչեւ ժողով սուրբ եպիսկոպոսացն և ամենայն ուխտ քահանայութեանն դառնապէս արտասուս իջուցանէին 'ի վերայ չարաչար վշտացելոյն , որ

բոկ և հետի վարէին զարս և զկանայս փափկասունս, և բազում տղայք զքարի հարեալ ընկեցան յանցս ճանապարհաց:

Իբրեւ այս ամենայն աջողութիւն լինէր երկիւղածացն Լստուծոյ, ամենայն եպիսկոպոսունք և երիցունք պատուէր հրամանի տուեալ աշխարհին, զողջոյն ամիսն քաղոց պահօք և աղօթիւք առնել խնդրուածս առ Լստուած, և զտօն պատերազմացն յաղթութեան խառնել 'ի սուրբ տօն յայտնութեանն Վրիստոսի, զի անխափան կացցէ մեծ յիշատակարանս այս ընդ աստուածային անանց տօնին: Եւ զսոյն զայս ամենայն այցելութիւնս Լստուծոյ, որ 'ի վերայ աշխարհին Հայոց մեծապէս երեւեցաւ, զրեցին սուրբ եպիսկոպոսունքն և ետուն տանել յաշխարհն (Յունաց 'ի մեծ քաղաքն առ սուրբ ուխտ եկեղեցւոյն. զի և նոքա աղօթս առնելով խնդրեսցեն յԼստուծոյ, որպէս սկսաքս 'ի նմին և կատարեսցուք:

Եւ զոմն յառաջին կապելոցն պարսկաց լուծեալ և ածեալ զառաջիւս նախարարացն, խօսէին ընդ նմա և ցուցանէին զամենայն փնասն որ եղեւ, կամ աշխարհացն աւերելն, կամ զօրացն արքունի հարկանելն, և կամ որ այլ իրք առաջոյ լինելոց էին: Եւ իբրեւ զայս ամենայն բովանդակ ցուցին նմա, միաբան լինէր ամբաստանութիւն երկոցունց կողմանցն, զառաքինեացն և զյետս կացելոց, որպէս զուր և տարապարտուց նեղեաց զնոսա՝ 'ի հայրենի օրինացն յետս կալ. և զխաբէութիւն ապրտամբին Սասակայ, որպէս Հայոց բանիւ խաբեաց զթագաւորն, յանձն առնուլ զմեղութիւն. իբրեւ չէր ուրուք ընդ նմա բանս եղեալ, նա յանձնէ սուտակասպաս լինէր:

Իբրեւ լիով զայս ամենայն իմացուցին, արձակեցին զնա հրեշտակութեամբ յաղերսաբանութեան 'ի հնարս հայթայթանաց, թերեւս կարասցեն զեղբարս իւրեանց 'ի նեղութեանն գողանալ: Եւլ առ նա՝ անօրէնն Սասակայ գուժկանքն յառաջագոյն հասեալ էին, պատմել զաղէտս տարակուսանացն, զոր անցուցեալ էր ընդ զօրսն արքունի. և ամենայն ամբաստանութիւնն 'ի սուրբ ուխտ եկեղեցւոյն կրթեալ էր: Վանգի այն իսկ կամք էին անօրինին, եթէ զմիաբանութիւն եպիսկոպոսացն

քահեցոցէ՝ ՚ի նախարարացն . և զայս ոչ էր տեղեկացեալ տակաւին , եթէ հոգի և մարմին բաժանիցին առ ժամանակ մի՝ գոյ տեսանել ՚ի բնութեանս , այլ որ սիրովն ՚Լստուծոց յուխտ մտեալ է՝ այսմ անհնար է լինել :

Լ՛րդ երթեալ այրն ՚ի տեղի ձմերոցին , պատմեաց զայս ամենայն յականջս թագաւորին . շարժեալ գողացոյց , որ և յամենայն զօրութենէն պակասեալ գտաւ . մանաւանդ զի յարեւելից պատերազմէն կորակոր՝ և ոչ բարձրագլուխ էր դարձեալ : Իբրեւ ստուգեալ հաստատեաց ՚ի վերջին հրեշտակէն որ եհաս առ նա , զամենայն փնասս զիւր գործոցն զխորհրդակցօքն արկանէր : Լ՛ւ անդէն շիջանէր ՚ի բազմաբոց բորբոքմանէն . քանզի խցաւ բերան չար խրատաւացն , որ անդադար յորդորէին զնա ՚ի գործ դառնութեան : Լ՛րնարհեցաւ ՚ի բարձր հպարտութենէն , և զվայրենացեալ սիրտն դարձոյց ՚ի մարդկային բնութիւն . հայեցաւ և ետես զինքն լի տկարութեամբ . գիտաց եթէ զամենայն զոր կամի առնել՝ ոչ կարէ կատարել : Լ՛ անն այնորիկ և դադարեաց յանդուգն յարձակմանէն , և լռեցոյց զմոլեգնտաբար գոչումն :

Լ՛ւ որ մեծաձայն բարբառով որոտայր , և եւս ահագին հրամանօքն զհեռաւորս և զմերձաւորս դողացուցանէր , սկսաւ քաղցր և աղերս բանիւք խօսել ընդ ամենեւեան և ասել . Օ՛ քինչ ինչ փնաս գործեալ է իմ , և կամ զոր յանցս յանցուցեալ կամ առ ազգս կամ առ լեզուս կամ առ անձն իւրաքանչիւր : Լ՛՛ ահա բազում ուսմունք են յաշխարհիս ՚Լ՛րեաց , և իւրաքանչիւր պաշտամունք յայտնի են . ո՞ երբէք նեղեաց պրնդեաց դարձուցանել ՚ի մի օրէնս մոգութեան . մանաւանդ վասն օրինաց քրիստոնէութեանն , որպէս հաստատուն և ճշմարիտ կացեալ են յիւրեանց դէնին , նոյն պէս և առ մեզ լաւագոյն քան զամենայն կեշտն նոքա երեւեալ են : Լ՛ւ բիծ իսկ ոչ կարէ որ դնել ընտրեալ օրինաց նոցա . այլ զոյգ և հաւասար համարիմ՝ դէնիս մազդեզանց , որպէս և յարդեալ իսկ էին նոքա առ նախնեօքն մերովք , զոր ես ինձէն իսկ յիշեմ առ հարբն իմով՝ որ նստէր ՚ի մեծ գահոյս յայսմ :

Ըրոժամ սկսաւ անդաձել և քննել զամենայն ուսմունս և հաստատութեամբ ՚ի վերայ եհաս , առաւել



վեհ գտանէր զօրէնս քրիստոնէից քան զամենեցուն . վասն այսորիկ մեծարեալք և պատուեալք չընէին՝ ի դրան արքունի, և առատաձեռն պարգեւօք երահիկք լինէին ՚ի նմանէ, և համարձակութեամբ չընէին ընդ ամենայն երկիր: Այս և որ զլիաւորքն էին քրիստոնէիցն, զոր և եպիսկոպոս անուանեն, ընծայից և պատարագաց արժանիս առնէր զնոսա, իբր հաւատարիմ ոստիկանս: Յանձն առնէր նոցա զհեռաւոր մարզսն, և ոչ երբեք սխալ լինէր ՚ի մեծամեծ իրացն արքունի:

Այս դուք զմի զայն երբեք ոչ յիշեցէք, այլ հանապազօր ձանձրացուցէք զլսելիս իմ, խօսելով զնոցանէ զամենայն չարութիւն: Տեսէք՝ զի ետուք գործել ինձ զոր ինչ ոչ կամէի, և եղեն փնայք մեծամեծք ՚ի սահմանսն ՚ի մէջ երկուց անհաշտ թշնամեաց: Այս մեք դեռ ՚ի հեռաւոր ձանապարհի, և ոչ մի ինչ գործ ՚ի պատերազմիս ՚ի գլուխ երթեալ, և դուք աստէն յիմում տանս յարուցէք ՚ի վերայ պատերազմ, որոյ չարագոյն եւս լինելոց է կատարածն իւր քան զարտաքին թշնամեացն:

Օայս ամենայն և առաւել քան զայն խօսէր ընդ ամենայն աւագանիս, և զփասս յանդանացն արկանէր զմոռպետաւն և զմոգօքն: Այս ամենայն վզրուկքն և պատուական նախարարքն, որ նստէին յատենիս և ունկն դնէին յեղյեզուկ լեզուի նորա, ամաչեցեալ կորանային և ընդ երկիր պշնուին, և զգլուխ ՚ի վեր ոչ կարէին համբառնալ:

Բայց սակաւք ՚ի նոցանէ զմիտս հաճելով՝ ասէին զայս. Այո, արբայ քաջ, այդ այդպէս է որպէս ասացերդ, և արդ կարես զամենայն ուղղութեամբ նուաճել. չիք ինչ այն, որ ըստ քո կամեղ արտաքս կարէ ելանել. զի տուեալ է քեզ աստուածոցն, զի զամենայն զոր և կամիս, կարես առնել: Ա՛յն եղեալ տագնապիր յանձն քո և հարկաներ զմիտս մեր ամենեցուն. թերեւս և դիւր իցեն հնարք իրացն կատարածի: Արկայնամիտ լըր և համբերութեամբ թողացո մարդկանդ անդրէն զքրիստոնէութիւն, և դոքօք զպատամբանս ածցես ՚ի հաւանութիւն:

Հաճոյ թուեցաւ բանքն առաջի թագաւորին. և անդէն վաղվաղակի կոչէր զառաջեալ յամենայն ազգացն

պր ունէին գործիստոնէութիւնն , և 'ի զօրու նորա էին , և բռնաբար արգելեալ էր զնոսա , զի մի որ իշխան լիցի յանդիման պաշտել զՄատուած . քանզի որ ընդգէմ կացին , չարարեաց և արգել 'ի նոցանէ զկայտնի սաշտօնն , և ոմանց ոմանց ակամայ երկիր ետ պագանել արեգականն , և նստոյց 'ի սուգ տրտմութեան զամենայն զօրականն :

Իսկ այն օր հրամայէր անդրէն համարձակութեամբ ըստ առաջին կարգին հաստատուն կալ յօրէնս քրիստոնէութեանն : Իսկ որք յանցաւորքն էին , ոչ կամէին վազվազակի առանց մեծի ապաշխարութեանն գալ և խառնել 'ի կարգ քրիստոնէութեան . հրամայէր թագաւորն՝ զի բռնի կայցին և տարցեն յեկեղեցին իւրեանց : Եւ երիցանցն համարձակէր , որպէս զհարգ և գիտիցեն՝ ըստ կարգին իւրեանց արասցեն : Եւ զհատեալ ռոճիկն կարգէր անդրէն իւրաքանչիւր , և զարգելեալ բազմականն 'ի նոցանէ՝ 'ի տեղի հրամայէր մատուցանել , և հանապազորդ յարքունիս մտանել ոչ արգելչոր զնոսա . և զամենայն որ զհարգ և կարգեալ էին յառաջագոյն՝ անդրէն յօրինէր : Խոնարհէր և խօսէր ընդ նոսա սիրով ըստ առաջին սովորութեանն :

Եւ իբրեւ զայս ամենայն արար և կարգեաց , յանդիման նոցա թողութեան հրովարտակս առաքէր ընդ ամենայն երկիր իշխանութեան տէրութեան իւրոյ վասն քրիստոնէից . Եթէ 'ի կապանս որ կայցէ , արքունի հրամանաւ արձակեալ լիցի . և եթէ ինչք ուրուք յափշտակեալ իցեն , դարձցին անդրէն : Եւ յսպէս և երկիրք , եթէ հայրենիք , եթէ պարգեւականք և եթէ քսակազինք , և հանեալ ուրուք իցէ , հրամայեցաք զի դարձցին : Եւ իբրեւ այսմ ամենայնի զնոսա տեղեակ առնէր , խնդրէր 'ի նոցանէ վկայութիւն հաւատարմութեան յերկիրն հայոց , և երգմամբ յուխտ մտանէր առաջի նոցա՝ հաստատութեամբ ամենայն մեծամեծաց իւրոց , եթէ ոչ ինչ յիշեցից ամենեւին զքէն վրիժուցն խընդրելոյ : Թրպէս ունէիք յառաջ ճշմարտութեամբ զօրէնս ձեր , այսուհետեւ առաւել կալարուք . բայց միայն 'ի ծառայութենէ մերմէ մի ելանէք :

Օ այս ամենայն գրէր և ցուցանէր յերկրին հայոց և 'ի բազում յայլ աշխարհս , որ ունէին զօրէնս քրիստոնէից :

տոննէութեանն . և ինքն գաղտ խորամանկեալ փութացեալ դեսպանս առաքէր առ Սարկիանոս կայսր : Եւ իբրեւ ստուգեալ ճշմարտեաց , եթէ Հռովմէ ՚ի բաց կազմին ձեռնստու լինել քրիստոնէութեանն ոչ զօրու օգնականութեան և ոչ այլ իրօք , դարձեալ անդրէն ՚ի նոյն յառաջին կարծիս մոլորութեանն շրջեցաւ : Օ ի յաջողութեան իրացն ՚ի ձեռն իւրոց պաշտօնէիցն հրամայէր . և այնպէս ածէր զմտաւ , եթէ ըստ առաջին կարծեացն կատարեսցեն զամենայն :

Իսկ Նայք թէպէտ և ընկալան զգիրն խաբէբայ ողորմանաց թագաւորին , որ ՚ի վերոյ ունէր զաւետիս կենաց և ՚ի ներքոյ զբառնութիւն մահու , զարմացեալ ընդ թերի խորհուրդան՝ ասէին ցմիմեանս . Վանի լիբէէ խորամանկ խաբէութիւն նորա , զի երկիցս և երիցս զփորձ առեալ կշտամբեցաւ , և ոչ ամաչէ : Եւ տեղեակ եղեալ մերոյ անքակ միաբանութեանս , տակաւին լըբի և լինի , զՏէտ մտեալ՝ կամի զմեզ լքուցանել :

Իսկ հաւատասյունք անհաստատ հրամանի նորա . զոր բարեգործութիւն տեսաք առ ամենայն եկեղեցիս , որ են յաշխարհին Պարսից : Օ ի որ ինքն իւր չար է , այլում բարի ոչ կարէ լինել . և որ ինքն ընդ խաւար գնայ , այլում ոչ առաջնորդէ ճշմարտութեան լուսով : Իրպէս զի չիք յանիրաւութենէ արդարութիւն , այսպէս ՚ի ստութենէ՝ ճշմարտութիւն , սոյնպէս և ՚ի խառնասէր մտաց՝ ակնկալութիւն խաղաղութեան :

Եւ մեք ապրեալքս զօրութեանքն Մատուոց , և հաստատեալք հաւատովքն ՚ի յոյսն Վրիստոսի , որ եկն և էառ ՚ի սուրբ կուսէն զմարմին մերոյ բնութեանս , և միացեալ անբաժանելի աստուածութեամբն՝ ընկալաւ զարչարանս մերոյ մեղաց ՚ի յիւր մարմինն , և նովին խաչեցաւ և թաղեցաւ և յարուցեալ երեւեցաւ բազմաց , և վերացաւ յանդիման աշակերտացն առ հայր իւր , և նստաւ ընդ աջմէ զօրութեանն , զնոյն հաւատամբ Մատուած ճշմարիտ , և նմին ակն ունիմք , որ փառօք հօր և զօրութեամբ գայ յարուցանել զամենայնննջեցեալս , և նորոգել զՏնութիւն արարածոց , առնել համառօտս յաւիտենից ՚ի մէջ արդարոց և մեղաւորաց :

Այ պատրիմք իբրեւ զտղայս , և ոչ մոլորիմք իբրեւ զանտեղեակս , և ոչ խաբիմք իբրեւ զտգէտս . այլ պատ

րաստ եմք ամենայն փորձութեանց : Այլ աղաչեմք Վարդապետուած, և անդադար խնդրեմք 'ի բազում ողորմութենէ նորա, զի յորում սկսաք, 'ի նմին և կատարեսցուք քաջութեամբ, և ոչ վատութեամբ : Օ ի արդարեւեքք և արեւմուտք գիտացին զձեր աստուածամարտդ լինել, և զմեզ 'ի զուր սպանանել 'ի վերայ ամենայն վաստակոցն մերոց : Ա կայեն մեզ երկինք երկնաւորօք և երկիր երկրաւորօք, եթէ չեմք ինչ մեղուցեալ 'ի միտս մեր անգամ. և 'ի վերայ պարգեւաց և բարիս առնելոյ մեզ՝ զձչմարիտ կեանս կամիք հանել 'ի մէնջ, որում չիք հրնար, և այլ մի լիցի :

Իսկ արդ հաւատասցուք անարժան բերանոյ նորա, որ ստիպէր չարաչար յուրացութիւն, և այսօր առանց մի ինչ բարիս գործելոյ լինիցին նա քարոզիչ աւետեաց : Այլ որ հայհոյէին զՔրիստոս, և ուրացուցանէր 'ի նրմանէ զհաւատացեալս, այսօր ակամայ խոստովանութեանն ոչ կարեմք վաղվաղակի յանձն առնուլ : Այլ որ երդնոյրն 'ի սնոտի պաշտմունս իւրոյ մոլորութեանն, անցուցանել զամենայն չարչարանս ընդ պաշտօնեայս եկեղեցոյ, արդ եկեալ գողանալով գոհութիւն մատուցանէ. և այնու կամի զամենայն չարութիւն իւր 'ի մեզ հեղուլ : Այլ այդմ հաւատամք, և ոչ զսուտ հրամանդ յանձն առնումք :

Իսկ նա իբրեւ գիտաց, եթէ ոչ կարեմք քակել զհաւատաւութիւն միաբանելոցն, յայնժամ քակեաց յինքենէ զձերն լի զառնութեամբ, յորում հանգուցեալ էր սատանայ զօրութեամբ իւրով, և բազում գործեալ էր նորա նախճիրս. որոյ կերակուր կամաց իւրոց էր 'ի մանկութենէ անարատ մարմին սրբոց, և ըմպելի անյագութեան նորին՝ արիւն անմեղացն : Նաւելոյր եւս 'ի վերայ չարութեան նորա և զիւր մահաբեր հրամանն. գունդս գունդս յամենայն աշխարհացն գումարէր ընդ նմա, և բազում երամակս փղաց յղէր ընդ նմա :

Հասեալ մերձ 'ի սահմանս Հայոց, մտանէր 'ի քաղաքն Փայտակարան, և զգօրմն ամենայն սիւռէր տարածանէր շուրջ զքաղաքաւն առ 'ի զգուշութիւն պատրաստութեան իւրոյ չարահնար խորհրդոցն : Այլ յամուր որջն մտեալ հին վիշապն չարութոյն, և բազում կեղծաւորութեամբ գինքն թաքուցանելով յաներկե-

զուլթիւն , Տեռաւորացն ահագին ձայնիւ սաստէր , և 'ի մերձաւորսն իբրեւ զօձ սողալով փչէր : Սա էր իշխան և հրամանատար ամենայն տէրութեանն Պարսից , որում անունն էր Սիհրներսեհ . և չէր դք ամենեւին , որ իշխէր ըստ ձեռն նորա ելանել : Եւ ոչ միայն մեծամեծք և փոքունք , այլ և ինքն թագաւորն հրամանի նորա անսայր . որոյ և ձախող իրացն իսկ բուռն հարեալ էր նորա :



# ՉՈՐՐՈՐԴ ՅԵՂԱՆԱԿ

ՎԱՍՆ ԵՐԿԳԱՌԱԿՈՒԹԵԱՆ ԻՇԻԱՆԻՆ ՍԻՒՆԵԱՑ

ԵՒ ԱՆՕՐԷՆ ԸՆԿԵՐԱՑ ԻՒՐՈՑ

Մինչեւ ցայս վայր ոչ ինչ կարի զանգիտէի պատմել զհարուածս ազգիս մերոյ, որ յարտաքին թշնամեաց ճշմարտութեանն չարաչար յարեան՝ ՚ի վերայ մեր որք սակաւագոյնք հարին զմեզ, և յողովագոյնք հարեալ գտան ՚ի մէնջ. քանզի դեռ եւս միաբանք և հաւասարք էաք: Թէպէտ և ոմանք ՚ի ծածուկ ունէին զերկմտութիւն նենդութեանն, սակայն յաչս արտաքնոյն ահաւոր երեւէր միաբանութիւնն. որպէս յերկուս և յերիս տեղիս ոչ կարացին կալ առաջի:

Ըրդ յայսմ հետէ և անդր, ուր սարդեալ անկանի երկպառակութիւն ՚ի ներքս, ընդ քակել միաբանութեանն՝ և երկնաւոր առաքինութիւնն հեռանայ, և անձնընտիրք լինելով՝ յոյժ բազմանայ լայունն ողբոյս: Վճանդի՝ հատեալ անկեալ անդամքն, որ յառաջագոյն սորուն սուրբ մարմնոյս էին, դառնայ մարդ յարտասուս առաջի մերձակայ դիականն: Եւս առաւել ընու դառնութեամբ ՚ի վերայ այնորիկ՝ որ յոգի և մարմին առ հասարակ դիակնանայ: Եւ եթէ ՚ի վերայ միոյ անձին այսպէս, իրչափ եւս առաւել ՚ի վերայ ողջոյն ազգի միոջ:

Եւ յայսմ տեղւոյ ոչ միայն ՚ի վերայ միոյ ազգի է ողբումն մեր, այլ ՚ի վերայ ազգաց և աշխարհաց. զոր և յառաջ մատուցեալ ասացից ըստ կարգի, թէպէտ և ոչ ինդութեան մտօք: Եւ հա ակամայ ճառագրեմ՝ զբազումս. որպէս կորեան ոմանք ՚ի ճմարիտ կենացն իւրեանց, և պատճառք եղեն բազմաց կորստեանն, ոմանց՝ երեւելեացս միայն, և այլոց՝ երեւելեաց և աներեւութից: Եւ այն՝ եւս չար է քան զամենայն. դուն՝ զոր բացին կորստեան՝, Եւստուծոյ միայն կարո-

դուժիւն է փակել զնա, այլ ըստ մարդկան սահման՝  
ահա անցեալ է հնար:

Այս անօրէն Սիհրներսէ՛հ, քանզի յառաջագոյն  
ստուգեալ գիտէր զամբարշտուժիւնն Սասկայ, և  
յայնմ ժամանակի եւս յղէր և կոչէր զնա առ ինքն:  
Որպէս նորա իսկ յառաջագոյն զատեալ և որոշեալ էր  
'ի միաբանութենէն Հայոց, եկն և յանդիման եղեւ.  
և ստուգէր զիւր հաւատարմութիւնն և զՀայոց անի-  
րաւ ապստամբութիւնն: Յաւել և պատմեաց եւս ա-  
ռաւելաբանութեամբ զոր ինչ ոչ էր գործեալ Հայոց,  
և կամէր ընդանեբար ընդ միտ մտանել անօրինին:

Բայց նա թէպէտ և 'ի ներքոյ յոյժ դարովէր զնա,  
այլ արտաքին դիմօք մեծարեաց զնա, և եդ առաջի նո-  
րա զմեծամեծ պարգեւս երկրաւորս: Եւ խոստացաւ  
նմա իշխանութիւն աւելի քան զոր ունէրն. և հայե-  
ցոյց զնա 'ի կարծիս անտիս, որ 'ի վեր էր քան զիւր  
տէրութիւնն. իբր թէ անկ իցէ նմա հասանել մինչ 'ի  
Թագաւորական վիճակն. բայց միայն հնարս իրացն  
ինդրեացէ, թէ իրպէս քակտեսցի միաբանութիւն ուխ-  
տին Հայոց, և Թագաւորին կամքն կատարեսցին յաշ-  
խարհին:

Եւ իբրեւ յանձն էառ զամենայն ինչ՝ երթալ զկնի  
կամաց նորա, գիտաց և ծերն գառնացեալ, եթէ թըմբ-  
րեալ և ցնորեալ և քակեալ է 'ի հաստատութենէ  
միաբանելոցն. յոյժ մխիթարեցաւ 'ի միտս իւր տըրտ-  
մեալս, և աժ զմտաւ՝ թէ և զամենեսեան պայպէս կա-  
րիցեմք որսալ յանգիւտ կորուստն: Եւ իւրոյ հնարա-  
գիտութեանն տայր զիմաստութիւնն. և այնմ ոչ էր  
տեղեակ, թէ նա իւրովի զիւր անձն զատեալ և օրո-  
շեալ է 'ի սուրբ եկեղեցւոյն, հեռացեալ և օտարա-  
ցեալ 'ի սիրոյն Վրիտոսի:

Քանզի մոռացօնք եղեն նմա գալուստ որդւոյն Սյ-  
տուծոյ, և ոչ յիշեաց զքարոզութիւն սուրբ աւետա-  
րանին. ոչ 'ի սպառնալեացն զանգիտեաց, և ոչ յաւե-  
տիսն մխիթարեցաւ: Ուրացաւ զաւազանն՝ որ յղացաւ  
զնա, և ոչ յիշեաց զընկալուչ սուրբ Հոգին՝ որ ծնաւ  
զնա: Ընարգեաց զմարմինն պատուական՝ որով սրբե-  
ցաւն, և առ ոտն եհար զարիւնն կենդանի՝ որով և քա-  
ւեցաւն 'ի մեղաց: Չնջեաց զգիր որդէգրութեանն, և

խորովք ձեռք խորտակեաց զհաստատուն կնիք մատա-  
նւոյն : Այլ 'ի Թուոյ երանելեայն , և ապստամբեցոյց  
ընդ իւր զբազումս :

Ձեռն արկ կամակորու թեամբ և եմուտ յորդէգրու-  
թիւն դիւապաշտութեանն , և եղեւ աման չարին , և  
եղից զնա սատանայ ամենայն խորամանկութեամբ : Ի  
ձեռն էառ իբրեւ զվահան , և ազաւ զնա իբրեւ զբահս ,  
և եղեւ իբր զինուոր կատարեալ կամաց նորա : Եւ ար-  
տեաւ հնարիւք ընդ իմաստունս , և յոյժ խորագիտու-  
թեամբ ընդ գիտունս , յայտնի ընդ անմեղս , և 'ի ծա-  
ծուկ ընդ խորհրդականս . ձեռն էարկ և եհան զբա-  
զումս 'ի գնդէն Վրիստոսի , և խառնեաց 'ի գունդս  
դիւաց : Այլ 'ի բազում յայլ տեղիս գողաբար սողեցաւ  
և եմուտ իբրեւ զօձ 'ի մէջ ամրացելոցն . և խրամ հա-  
տեալ յափշտակեաց և էառ և եհան յայտնութեամբ  
զբազումս յազատաց և զբազմագոյնս 'ի շինականաց , և  
զայլ ոմանս յանուանեալ քահանայից :

Որոց անուանքն են այս՝ գործակցաց նորա . իշխանն  
որշտունեաց Արտակ անուն , իշխանն խորխառունեաց  
Պաղիշոյ անուն , իշխանն վահեռունեաց Պիւտ անուն ,  
իշխանն բագրատունեաց Տիրոց անուն , իշխանն ապա-  
հունեաց Սանէճ անուն , իշխանն գաբեղենից Արտէն  
անուն , իշխանն Ալէոյ Անջուղ անուն , իշխանն Ուրծայ  
Վերսեհ անուն , իշխանն միւս եւս պալունեաց Սարազ-  
չապուհ անուն , սեպուհ մի ամատունեաց Սանէն ա-  
նուն . բազում և այլ ազատ մարդիկ , զոր ոստանիկան  
անուանեն յարբունի տանէ :

Այլ բովանդակ զիւր բոլոր աշխարհն ապստամբեցոյց  
յուրացութիւն , ոչ միայն ըստ աշխարհին բազմու-  
թեանն , այլ և զբազումս յուխտէ եկեղեցւոյն . մանա-  
ւանդ սուտ երիցամբքն , որով գործէր զչարիսն . երէց  
մի Օանգակ անուն , երէց մի Պետրոս անուն , սարկա-  
ւագ մի Սահակ անուն . զոքս յղէր առ անմեղ մարդիկ ,  
խաբէր և պատրէր . սուրբ աւետարանաւն . երզնուին և  
ատէին , եթէ 'ի Թագաւորէն շնորհեցի ամենեցունց  
քրիստոնէութիւնդ : Այլ այսպէս խորամանկ խաբէու-  
թեամբ հանէին զբազումս 'ի սուրբ միաբանութենէն ,  
ածէին և խառնէին 'ի գունդս ուրացողացն :

Այլ ժողովեաց զամենայն գայթակղութիւն , և արար



գունդ զօրաց բազմաց . գրեաց և եցոյց զբազումս 'ի նոցանէ յականէ յանուանէ մեծ հազարապետին , և զիւր քաջութիւն արութեանն , մեծապէս պարծելով՝ իրպէս աշակերտեաց 'ի մոլորութիւն խաբէութեան , և բաժանեալս և երկցեղս երեւեցոյց զգօրսն հայոց :

Եւ իբրեւ այս ամենայն չարիք յաջողեցան նմա , քակեաց և զմիաբանութիւն աշխարհին Սրաց 'ի հայոց , և Մղուանիցն ոչ ետ յառաջ խաղալ , և զաշխարհն Մղձնեաց ըստ նմին իսկ օրինակի յետս կալաւ : Վրերաց հրովարտակ և աշխարհին (Յունաց , ցուցանելով նոցա այլ ընդ այլոյ ստութեամբ , առ այր մի՝ որոյ Սասակ անուանէր , յայնց մամիկոնենիոյ՝ որ կան 'ի ծառայութեան (Յունաց : Եւ 'ի թշուառութեան ժամանակին այրն այն սպարապետ էր ստորին հայոց , և հաւատարիմ՝ զօրացն հռուովմոց 'ի սահմանին Պարսից , և արտաքոյ էր օրինացն Մսուծոյ գործովք իւրովք : Եւ զիտ այս Սասակ զայն Սասակն իւր գործակից 'ի մեծամեծ չարիսն , զոր միաբանեցին երկոքեանն :

Վրէր և ցուցանէր հանապազօրոզ նա , իբր թէ ամենայն հայք զինի իւր միաբանեցին . և զնոյն գիր մեծաւ զգուշութեամբ ներքին Սասակն տայր տանել 'ի Թաբաթորանիստ քաղաքն կայսեր . մինչեւ զսուրբ եպիսկոպոսացն զմիսսն եւս ուծացոյց 'ի նոցանէ , և զամենայն զօրսն (Յունաց յերկբայս արար յուխտէն : Սանուանդ զի 'ի ձեռն սուտ քահանայիցն պատրէր և խաբէր իբրեւ ճշմարիտ մարդովք , աւետարան հանդերձ խաչիւ տայր տանել , և զիւր զամենայն սատանայական ստութիւնն նոքօք ծածկէր : Վնէր զինքն յաստուածպաշտութեան կարգի և զամենայն կողմ ուրացելոցն . առաւել զինքն հաստատէր հաստատուն քան զամենայն զօրսն հայոց . երզնոյր և հաստատէր , եւս և զամենայն հրամանս թողութեան յարքունուստ ցուցանէր :

Եւն էին և կամք (Յունաց աշխարհին , լսել զայն ախորժութեամբ . այլ 'ի ձեռն նորա առաւել եւս 'ի նոյն յեղեալ տապալեցան : Սոյնպէս առնէր և ընդ ամենայն կողմանս ամրականաց աշխարհին , 'ի Տմորիսն և 'ի Սորդիսն , յՄրցախ և յՄղուանն , 'ի Սիրս և յաշխարհն Խաղտեաց , յղէր պնդէր , զի ասպնջականութեան զբարժանի մի արասցէ :

Եւ ըստ մեծի չարութեան նորա առաւել եւս ժամանակն երբեր նմա զյաջողութիւն իրացն . զի ամենեւին արտաբուստ օգնական որ ոչ գտաւ զնդին Հայոց, բայց յայնց Հոնաց, որոց բանս եղեալ էր : Սակայն և վասն նոցա կուտեաց զբազում այրուծին Լւրեաց, արգել և փակեաց զգրուսն ելին նոցա . քանզի ոչ տայր դադար ամենեւին Թագաւորին Պարսից, այլ յղէր և կոչէր գունդս բազումս 'ի պահակն Ղորայ, և զՂրաց աշխարհին բովանդակ գումարէր, զգօրսն Լ վինաց և զՂղբաց, և զՂատն, զՂաւն և զՂալուարն և զՂարսանն և ըզհեծնատակն, զՓասին և զՓասին և զՓիւքօնան և զամենայն զօրսն Թաւասպարանն, զԵռնայինն և զղաշտայինն, և զամենայն ամրակողմն լերանցն : Եւ զոր կարատեաւ, մեծաւ պարգեւօք և առատաձեռն բաշխելով զգանձան արքունի, և էր զոր հրամանաւ Թագաւորին սաստիւ տագնապէր :

Օ այս ամենայն իբրեւ արար և կատարեաց ըստ հրամանի Թագաւորին, որ ըստ օրէ գրէր և ցուցանէր մեծ հազարապետին Պարսից, որ ղողեալ և Թաքուցեալ էր 'ի քաղաքն Փայտակարան : Համարձակեցաւ այնուհետեւ և նա ցուցանել զինքն բազում ազգաց . էր որոց ահ արկանէր, և էր որոց սիրով պարգեւս բաշխէր : Առջէր առ ինքն զՂատակ, և որք ընդ նմա իշխանքն ամենեքեան . բազում պարգեւս բաշխէր նոցա յարքունուստ, և զօրացն՝ որ 'ի նոցա բանի էին : Տանէր զառաջեաւ և զուրացեալ երիցունսն . ցուցանէր, հաստատէր և յայտ առնէր, եթէ սոքօք որսացայց զնոսս՝ քակտել 'ի միաբան ուխտէն : Իսկ հազարապետն իբրեւ զայն լտէր, յոյժ շնորհակալ լինէր երկոցունցն, և յոյս առաջի դնէր նոցա . Եւ թէ լիցի մեր յաղթութիւն, զայլոց քահանայից կեանս դոցա շնորհեցից, և զմեծ վաստակ դոցա ցուցից Թագաւորին :

Եւ այսպէս շարժեաց և շփոթեաց զաշխարհն Հայոց, մինչեւ զբազում եղբարս հարազատս քակեաց 'ի միմեանց . ոչ եթող միաբան զհայր և զորդի, և 'ի մէջ խաղաղութեան արար խռովութիւն :

Եւ անդէն իսկ յիւրում աշխարհին եղբորորդիք երկու էին նորա 'ի սուրբ ուխտին առաքինութեան . գրեաց և եցոյց վասն նոցա յարքունիս, և էառ իշխանութիւն

'ի վերայ կենաց նոցա, մերժեաց և Եհան զնոսա յաշխարհէն, զի մի այլ դարձցին անդրէն : Հալածեաց և փախոյց զամենայն միայնակեացս աշխարհին, ոյք հայհոյէին զանդարձ ամբարշտութիւն նորա, որ արար և կատարեաց զամենայն չարիսն ընդդէմ ճմարտութեանն. և զոր ինչ ոչ գիտէին անօրէն հեթանոսքն՝ իմացուցանէր նոցա, և վասն ուխտին քրիստոնէութեան, եթէ որպէս հնարիւք կարասցէ բառնալ յաշխարհէն Հայոց :

Օ այս ամենայն չարիս իբրեւ ետես 'ի նմա Ս'ի հրենբսէհ, քան յանձն իւր՝ առաւել 'ի նա էր յուսացեալ : Հարցանէր և ստուգէր, թէ քանի այր կայ 'ի Հայոց աշխարհին 'ի գնդին Ս արդանայ ընդ ամենայն բազմութիւնն : Իբրեւ լուա 'ի նմանէ՝ թէ աւելի քան զվստուհի հազար են, ինդրէր եւս տեղեկութիւն վասն իւրաքանչիւր անձին քաջութեան, և կամ քանի այն որ իցեն՝ որ սպառազէնքն իցեն, և կամ քանի այն որ իցեն՝ որ մերկ առանց զինու աղեղնաւորք իցեն . սոյնպէս և վասն վահանաւոր հետեւակացն :

Եւ իբրեւ լուա զթիւ համարոյ բազմութեանն, առաւել եւս փութացաւ ուսանել թէ քանիք իցեն պարագլուխք քաջ նահատակացն, զի երիս ընդ միոյ պատրաստեսցէ առ մի մի 'ի նոցանէ : Ոտոյ զայլ ամենայն, այլ և դրօշից անգամ իւրաքանչիւրոց տեղեկանայր 'ի նմանէ . և թէ քանի գունդ զզօրսն բաժանիցեն, և որ որ 'ի նոցանէ սաղարթ լինիցին, և որ զօրագլուխ յորմէ կողմանէ յուզմ մտանիցէ, և զինչ անուանք իւրաքանչիւր համհարզ անցանիցեն, և քանի փողահարք 'ի մէջ գնդին ձայնիցեն : Այլ ահիշ գործիցեն արդեօք, եթէ արձակ բանակիւսցեն . ճակատ առ ճակատ գործիցեն, եթէ համագունդ ընդ մի տեղի դրդիցեն : Ս' որ 'ի նոցանէ յերկբայս կայցէ, և կամ ո՞ր 'ի նոցանէ զանձն 'ի մահ զնելով գուն գործիցէ :

Եւ իբրեւ զայս ամենայն տեղեկացեալ 'ի նմանէ, կոչէր զամենայն զօրագլխեանն, պատուէր հրամանի տայր ամենեցուն յանդիման նորա, զի խրատու նորա լուիցեն ամենեքեան : Եւ զամենայն զօրսն զօրագլխօքն հանդերձ յանձն առնէր առն միում յաւագացն, որում անուն էր Ս՝ ուշկան՝ իւրապաւուրտ :

Եւ ինքն խաղայր անդրէն զնայր յերկիրն արեւե-

լից . և յանդիման եղեալ մեծի թագաւորին , պատմէր զամենայն անցս իրացն , զիւր հնարաւոր իմաստութիւնն և զլ) ասակայ խաբեբայ պատրանսն հայթայթ անաջն , որպէս զառաջինն զիւր զամբարշտութիւնն կամեցաւ ծածկել այնու՝ զի քակեալ երկպառակեաց զգունդն հայոց : Իբրեւ լուաւ զայս ամենայն թագաւորն՝ ի բերանոյ մեծ հազարապետին , դառնացաւ յանձն իւր , և ասէ անսուտ երզմամբ . Եթէ ապրեցի անօրէնն այն՝ ի մեծ պատերազմէն , մեծաւ անարգանօք տամ ըմպել նմա զբաժակն դառնութեան մահու :



# ՀԻՆԳԵՐՈՐԴ ՅԵՂԱՆԱԿ

ՅԱՐԶԱԿՈՒՄՆ ԱՐԵՒԵԼԵԱՑՑ

Սեփ է սէրն Մտուծոյ քան զամենայն մեծութիւն երկրաւոր . և այնպէս աներկիւղս առնէ զմարդիկ , իբրեւ զանմարմին զօրս հրեշտակաց . որպէս անդատին 'ի սկըզբանէ է տեսանել զբազումս բազում անգամ 'ի բազում տեղիս : Սարդիկ , որ սիրովն Մտուծոյ իբրեւ զինու վառեալք էին , ոչ ինչ խնայեցին զանգիտելով , իբրեւ անարի գոյով վատասիրտք , կամ 'ի մահ անձանց , կամ յափշտակութիւն ընչից , կամ 'ի խողտողումն սիրելեաց , կամ 'ի գերութիւն ընտանեաց , ելանել 'ի հայրենի երկրէն և անկանել 'ի ստրկութիւն յօտարութեան . առ ոչինչ համարեցան զայս ամենայն անցս չար չարանացն . այլ միայն միաբան կալ ընդ Մտուծոյ , զի 'ի նմանէ միայն մի գերի ելցեն . և ամենայն երեւելի մեծութեանս զնա բաւական համարեցան՝ ընտրեալ 'ի միտս իւրեանց : Եւ զուրացութիւնն մեռելութիւն վարկանէին , և զմահ վասն Մտուծոյ անանց կենդանութիւն , և ծառայել յերկրի՝ ազատութիւն կենաց իւրեանց , և ընկենուլ զանձինս յօտարութիւն՝ ընդ Մտուծոյ գիւտից : Որպէս յայսմ ժամանակի տեսաք աչք մերովք , զի զնոյն նահատակութիւն նահատակեցաւ և աշխարհս հայոց :

Ինչպէս իբրեւ ետես մեծն Սարդան զերկպառակութիւն աշխարհին իւրոյ , ոչ ինչ թերահաւատութեամբ զանգիտեաց : Ինչպէտ և ստուգեալ գիտաց զբազմաց այլոց եւս զերկմտութիւն , որ դեռ եւս ընդ նմա միաբանեալք էին , քաջալերեցաւ յանձն իւր և քաջալերեաց զզօրսն իւր . քանզի ինքն իսկ դեռ բռնացեալ ունէր զթագաւորանիստ տեղիսն միաբանութեամբ նախարարացն , որ ոչ քակեցան 'ի սուրբ ուխտէն : Հրաւ

ման տուեալ ամենայն զօրացն ժողովել յԱրտաշատ քաղաք, փոխանակ յետս կացելոցն՝ որ ելին զՏեո իշխանին Սիւնեաց, զեղբարս կամ զորդիս կամ զեղբարցն որդիս ՚ի տեղի նոցա մատուցանէր, և զիւրաքանչիւր զօրս տան նոցա. զի դեռ եւս ինքն ունէր զամենայն աշխարհն :

Եւ փութով ամենեքեան ՚ի տեղի պատերազմին եկեալ հասանէին իւրաքանչիւր զօրօք և ամենայն պատրաստութեամբ, նոքա և որ բունքն հաստատուն կացեալ էին ՚ի տեղւոջն, Վերջապուհ արծրունի, և Խորէն խորխոունի, և ինքն սպարապետն, և Արտակ պալունի, և Սահան ամատունի, և զունդն վահեուսնեաց, և Թաթուլ դիմաքսեան, և Արշաւիր արշարունի, և Շմաւոն անձաւացի, և Տաճատ զնթունի, և Արամ զնունի, և Խորով զաբեղեան, և Սարէն սահառունի, և Հմայեակ դիմաքսեան, և միւս եւս այլ Վազրիկ դիմաքսեան, և Վերսեհ քաջբորունի, և Փարսման մանդակունի, և Արսէն ընձայացի, և Այրուկ սլկունի, և Սրէն տաշրացի, և Վարսամ արծրունեացն, և Շահ խոռապետն արբունի, և Խուրս սրբուանձտեաց, և քողեանքն և ակէացիքն և տրպատունիքն և զօրքն որչտունեաց և ամենայն գործակալքն արբունի իւրաքանչիւր զօրօքն հանդերձ :

Սոքա ամենեքեան համագունդք հասանէին ՚ի գործ պատերազմին ՚ի դաշտն Արտազու, և լինէր հանդէս համարուն վաթսուն և վեց հազար այր՝ ընդ հեծեալ և ընդ հետեւակ : Եկին ընդ նոսա սուրբքն Յովսէփ և Վեանդ երէց, բազում և այլ քահանայք, և եւս բազմազոյն պաշտօնեայք : Վանդի ոչ ինչ զանդիտեցին և նոքա գալ ընդ նոսա ՚ի գործ պատերազմին. զի ոչ եթէ մարմնական համարէին զկուին, այլ հոգեւոր առաքի նութեան. ցանկային մահակից լինել քաջ նահատակայն :

Սկսաւ սպարապետն խօսել միաբանութեամբ նախարարացն ընդ զօրսն և ասէ. Ի բազում պատերազմունս մտեալ է իմ և ձեր ընդ իս. է ուրեք՝ զի քաջապէս յաղթեցաք թշնամեացն, և է ուրեք՝ զի նոքա մեզ յաղթեցին. և բազում այն է՝ որ յաղթող գտեալ եմք և ոչ յաղթեալք : Եւ միանգամայն այն ամենայն էին

մարմնոյ պարծանք . քանզի հրամանաւ անցաւոր թագաւորին մարտնչէաք : Ար փախչէր , վատանուն յաշխարհի երեւէր , և անողորմ մահ 'ի նմանէ գտանէր . իսկ որ քաջութեամբ յառաջ մատչէր , քաջ անուն ազգի ժառանգէր , և պարգեւս մեծամեծս յանցաւոր և 'ի մահ կանացու թագաւորէն ընդունէր : Այլ մեք իսկ աւասիկ յիւրաքանչիւր մարմինս ունիմք վէրս և սպիս բազումս . և բազում այն քաջութիւն իցէ , վասն որոյ առեալ իցէ և պարգեւս մեծամեծս : Անարգ և անօգուտ զքաջութիւնսն համարիմ , և առ ոչինչ զպարգեւան զբազումս . վասն զի ամենեքեան խափանելոց են : Իսկ արդ եթէ վասն մահկանացու հրամանատուին զայն արութիւնս կատարէաք , որչափ եւս առաւել վասն անմահ թագաւորին մերոյ , որ տէրն է կենդանեաց և մեռելոց , և դա տելոց է զամենայն մարդ ըստ գործոց իւրոց : Ապաքէն եթէ կարի շատ յառաջ մատուցեալ ծերացայց , սակայն ելանելոց եմք 'ի մարմնոյ աստի , զի մտցուք առ Աստուած կենդանի , որ ոչ եւս ելանիցեմք 'ի նմանէ :

Արդ աղաչեմ զձեզ , ով քաջ նիզակակիցք իմ , մանաւանդ զի բազումք 'ի ձէնջ լաւագոյնք էք քան զիս արութեամբ , և գահու 'ի վեր ըստ հայրենի պատուոյն . բայց յորժամ ձերով կամօք և յօժարութեամբ առաջնորդ և զօրագլուխ ձեզ կացուցէք , հեշտ և բաղձալի թուեսցին բանք իմ 'ի լսելիս մեծամեծայ և փոքունց : Ա՛ի երկուցեալ զանգիտեսցուք 'ի բազմութենէ հեթա նոսայն , և մի յահագին սրոյ առն մահկանացուի զթիկունս դարձուցուք . զի եթէ տացէ Տէր յաղթութիւն 'ի ձեռս մեր , սատակեսցուք զգօրութիւն նոցա , զի բարձրասցի կողմն ճշմարտութեանն . և եթէ հասեալ իցէ ժամանակ կենաց մերոց սուրբ մահուամբ պատերազմիս , ընկալցուք խնդութեամբ սրտիւ . բայց միայն յարութիւնս քաջութեան՝ վատութիւն մի խառնեսցուք :

Անաւանդ զի անմուտց է ինձ , յիշելով զիմ և զմանց 'ի ձէնջ , 'ի ժամանակին՝ զի զանօրէն իշխանն խաբեցաք , պատրեցաք իբրեւ զմանուկ մի տղայ անպիտան . իբր այն եթէ 'ի վերինն երեսս զկամս նորա ամբարըշտութեանն կատարեցաք . բայց 'ի ծածուկ զխորհուրդս Տէր ինքնին վկայէ մեզ , որպէս անբակ կացեալ եմք 'ի նմանէ : ( ) որ և դուք ինքնին իսկ գիտէք , վասն սիրե-

լեաց մերոց՝ որ 'ի մեծի նեղութեան էին, հնարս խնդրեալ վասն յանդորր հանելոյ. զինոքօք հանդերձ մարտեղեալ կռուեսցուք ընդ անօրէն իշխանին վասն հայրենի աստուածատուր օրինացն: Եւ իբրեւ նոցա ոչ ինչ կարացաք օգնել, անհնար լիցի այս՝ եթէ վասն մարմնաւոր սիրոյ զ՛քստուած ընդ մարդկան փոխանակիցեմք:

Իսկ արդ յերկուս և յերիս կռուս Տէր ինքնին մեծաւ զօրութեամբ օգնեաց մեզ, որպէս զի զանուն քաջութեան ժառանգեցաք, և զզօրսն արքունի չարաչար հարաք, և զմոզան անողորմ սատակեցաք, և զպղծութիւն կռապաշտութեանն 'ի տեղեաց տեղեաց սրբեցաք, զանօրէն հրամանն թագաւորին եղծաք ապականեցաք, զխռովութիւն ծովուն ցածուցաք, լեառնացեալ ալիքն դաշտացան, բարձրագէզ փրփուրն սպառեցաւ, գազանացեալ սրտմտութիւնն դադարեաց: Ար 'ի վերայ ամպոց սրտայր, նկուն եղեալ՝ քան զսովորական բնութիւնն 'ի վայր գտաւ ընդ մեզ խօսելով: Ար բանիւ հրամանաւ կամէր կատարել զչարութիւնն իւր 'ի վերայ սուրբ եկեղեցւոյ, արդ աղեղամբ և նիզակաւ և սրով կռուի: Ար իբրեւ զհանդերձ կարծէր ունել մեզ զքրիստոնէութիւնն, արդ իբրեւ զգոյն 'ի մարմնոյ՝ չկարէ շրջել, թերեւս և ոչ այլ կարասցէ մինչեւ 'ի կատարած: Բանզի հիմունք սորա հաստատութեամբ եղեալ են 'ի վերայ վիմին անշարժութեան, ոչ 'ի վերայ երկրի, այլ 'ի վեր յերկինս, ուր ոչ անձրեւք իջանեն և ոչ հողմք նչեն և ոչ հեղեղս յարուցանեն: Եւ մեք թէպէտ և մարմնով յերկրի եմք, այլ հաւատովք յերկինս եմք շինեալ. ուր ոչ ոք կարէ հասանել յանձեռագործ շինուածն Բրիստոսի:

Հաստատուն կացէք յանշուշտ զօրագլուխն մեր, որ ոչ երբեք մոռացի զգործս նահատակութեան ձերոյ: Ո՛վ քաջք, մեզ այս մեծապէս է՝ զոր կատարեաց ՚քստուած 'ի ձեռն մերոյ բնութեանս, յորում և զօրութիւնն ՚քստուծոյ մեծապէս երեւի: Օ՛ի եթէ զայլս կատորելով 'ի վերայ աստուածային օրինացն՝ պարծանս անձանց ժառանգեցաք, և զքաջ անուն ազգատոհմին մերոյ թողաք եկեղեցւոյ, և վարձուց ակնկալութիւն 'ի Տեառնէ է, որ պահի իւրաքանչիւր ումեք 'ի մէջ ըստ սրտին յօժարութեան և ըստ գործոց առաջարկութեան,



մըջափ եւս առաւել եթէ մեք մեռանիցիմք 'ի վերայ մեծի վկայութեան Տեառն մերոյ Յիսուսի Քրիստոսի, որում և երկնաւորքն են ցանկացեալ, եթէ գոյր հնար : Եւ զի այս պարգեւք ոչ ամենեցուն է անկ, այլ որում պատրաստի 'ի բարերար Տեառնէն, և մեզ այս ոչ եթէ յարդար գործոց ինչ պատահեաց, այլ յաննախանձ պարգեւատուէն. որպէս և ասէ իսկ 'ի սուրբ կտակարանին . Ուր առաւել եղէն մեղքն, անդէն առաւելան չնորհքն Աստուծոյ :

Եւ մեզ կարի քաջ 'ի դէպ ելանէ հրաման պատասխանուոյս պարիկ. որպէս և առաւելապէս երեւեցաք մարդկան ամբարշտեալք, կրկին առաւելապէս երեւեցուք արդարացեալք մարդկան և հրեշտակաց և հօրն ամենեցուն : Օ ի որ օր լուան ապաքէն զմէնջ մարդիկ 'ի գործ ամբարշտութեանն, արտասուս բազում հեղան 'ի սուրբ եկեղեցւոյն, և եւս բազմագոյն 'ի մէջ սիրելեացն մերոյ : Եւ և ընկերք մեր սրով սրտմտեալ սպառնային մեզ, և մահ դառնութեան 'ի վերայ հասուցանել կամէին, և ծառայքն մեր սարտուցեալ փախ չէին 'ի մէնջ : Եւ հեռաւորաց, որոց լուեալ էր զանուն քրիստոնէութեան մերոյ, քանզի ոչ էին տեղեակ խորհրդոցն մերոց, ողբս 'ի բերան առեալ անդադար աշխարհէն զմեզ, և անգիտութեամբ հայհոյութիւնս բազում խօսէին զմէնջ : Եւ որ մեծն քան զամենայն ասացից. ոչ միայն մարդիկ յերկրի, այլ և հրեշտակք յերկինս զերեսս իւրեանց դարձուցին 'ի մէնջ, զի մի տխուր դիմօք հայեացին 'ի մեզ :

Եւ ահա եկն եհաս ժամանակ, զի զամենայն զկեղտանուն 'ի մէնջ 'ի բաց բարձրուք : Յայնժամ իբրեւ ըզթախծեալ սգաւոր՝ յոգի և մարմին էաք տրտմեալք, այսօր զուարթացեալ և զգաստացեալք յերկոսեան առ հասարակ եմք լըջացեալք . քանզի և զՏէրն բարերար ընդ մեզ տեսանեմք յառաջնորդութիւն . չէ մեր մարդ զօրավար, այլ զօրագլուխն ամենայն մարտիրոսաց : Երկիւղ թերսհաւատութեան է նշանակ . զթերահաւատութիւն մեք 'ի մէնջ վաղ մերժեցաք, ընդ նմին և երկիւղն փախիցէ 'ի մտաց և 'ի խորհրդոց մերոց :

Օ այս ամենայն առաքինի զօրավարն խօսեցաւ ընդ ամենայն բազմութեանն . դարձեալ և զմի մի 'ի նոցա-

տէ քաջալերէր 'ի ծածուկ և սրտապնդէր, և զամենայն պակասութիւն աղքատութեան ընդր: Արդ ոչ ինչ գոյր զօրականին, յանձնէ և յընկերաց մատուցանէր. որոյ զէն չէր, զէն պատրաստէր. և որում հանդերձ պիտոյ էր, հանդերձ զգեցուցանէր, և որում երիւար՝ երիւար տայր: Այլ առատ ուձիօք ուրախ առնէր զամենեսեան, և զուարթագին զինքն ցուցանէր ամենեցուն: Այլ ըստ պատերազմական կարգին զքաջ արանց զխշատակաւ ըսնա հանապազ երկրորդէր առաջի նոցա. զի և ինքն իսկ տեղեակ էր 'ի մանկութենէ իւրմէ սուրբ կտակաւ ըսնաց: Օ որ և 'ի ձեռն առեալ զքաջ նկարագիրն մակարայեցոց ընթեռնոյր 'ի լսելիս ամենեցուն. և յոր գառատ բանիւք զելս իրացն իմացուցանէր նոցա, որպէս մարտուցեալ կուուեցան 'ի վերայ անտուածատուր օրինացն ընդդէմ՝ թագաւորին անտիրոջացոց: Օ ի թէ պէտ և 'ի նմին կատարեցան մահուամբ, սակայն անուն քաջութեան եկաց մինչեւ ցայսօր ժամանակի, ոչ միայն յերկրի, այլ և անմտաց յերկինս: Այլ և զայն յուշ առնէր զօրականին, որպէս ազգատոհմն Սատաթեայ քակտեալ բաժանեցան 'ի միութենէ նորա, դարձան 'ի հրաման թագաւորին, շինեցին մեհեանս, մատուցին զոհս պղծութեան, խտորեցան յ'ստուծոյ, և ընկալան զպատիժս պատուհասի մահուան 'ի սուրբ միաբանելոցն: Իսկ Սատաթի և որք ընդ նմայն էին՝ ոչ ինչ բքեալ թուլացան, այլ եւս առաւելապէս պնդեցան, և ձեռնամուխ եղեն 'ի գործ պատերազմին բազում ժամանակս: Օ այս ասէր, և անդէն 'ի դաշտին զտեղի առեալ՝ զգորսն զեռեղէր, և յամենայն կողմանց տակաւ զայրուձին կազմէր:

Իսկ յետ բազում աւուրց զօրագլուխն Պարսից խաղայր քայր ամենայն հեթանոսական բազմութեամբն, և եկեալ հասանէր յաշխարհն հայոց 'ի չէր և 'ի Օարաւանդ գաւառ: Այլ անդէն 'ի գաւառին զտեղի առեալ նորա, բանակ բողորէր, փոս հատանէր, պատնէշ կանգնէր, շերտաւոր փակէր, ամրացուցանէր իբրեւ զքաղաք ամենայն պատրաստութեամբ: Վունդ բազում հատանէր 'ի զօրաց նորա, ասպատակաւ արշաւէր, յաւարի առնուլ կամէր զգաւառս բազումս:

Օ այն իբրեւ լուան զօրքն հայոց, սեպուհ մի յազ-

զէն ամատունեաց, Մուանձար անուն, ընտրեցին յամենայն զօրականէն լի իմաստութեամբ և քաջութեամբ : Եւ ընդ առաջ նորա հազարօք երկու, հար սատակեաց զբազմութիւն գնդին, և զմնացեալն 'ի նոցանէ անդրէն փախստական 'ի բանակն արկանէր : Եւ ինքն ողջ անդամ այսրէն դառնայր, և լինէր տօն ուրախութեան մեծ յաւուրն յայնմիկ զօրացն Հայոց :

Պարձեալ միւսանգամ ուրացեալն Սասակ անդրէն 'ի հնարս հայթայթանաց մտանէր ըստ առաջին կեղծաւորութեան իւրոյ . շրջեցաւ 'ի ձեռն սուտ երիցանցն՝ զոր յառաջագոյն ասացաք, նոքօք հրամանաւ արքունի 'ի պատգամաւորութիւն խօսէր, և երգմամբ հաստատէր զքրիստոնէութիւնն անդրէն ունել : Եւ զայս արարեալ զբազում աւուրս՝ ոչ կարաց զմիաբանութիւնն քաղտել, մննաւանդ զսուրբ ուխտ եկեղեցւոյն, որ ոչ էր հեռացեալ 'ի զօրականէն : Որպէս երանելի երէցն Վեռնոգ հրաման առեալ 'ի սուրբ ընկերացն 'ի մեծէն Յովսէփայ և յամենայն մեծամեծացն, 'ի քահանայիցն և 'ի զօրազլխացն, եբաց զբերան իւր և ասէ բարձր բարբառով առաջի հրեշտակացն .

Յիշեցեք ամենեքեան զհարսն զառաջինս, որ յառաջ քան զծագումն որդւոյն Մտուծոյ յիւրաքանչիւր ժամանակս : Քանզի իբրեւ մերժեաց և ընկէջ զմեզ չարն յաստուածային տեղոյն, գտաք մեք անկեալք ընդ անողորմ դատաստանօք ըստ մեղացն յանցաւորութեան, որ 'ի կամս աղատութեան մերոյ գործեցաք զանարժանս, և զարարչական զօրութիւնն շարժեցաք 'ի վերայ մեր 'ի ցասումն բարկութեան, և զողորմած դատաւորն յուզեցաք վրէժ առնուլ անաչառութեամբ յարարածոցս . մինչեւ հրաման տուեալ երկնային ծովուն հեղուլ 'ի վերայ ցամաքիս, և հաստատուն յատակք երկրիս ծակոտեալ ընդդէմ զհակառակն գործեցին : Սերինք և ներքինք եղեն մեզ գործիք տանջանայ՝ առանց բարեխօսի վրէժ առնուլ յանցանաց մերոյ :

Մպաքէն արգարն Սոյ միայն գտաւ կատարեալ յազգի մարդկութեանս, որ ցածոց զսրտմտութիւն բարկութեան տերունեան ցասմանն, և եղեւ սկիզբն առաջարկութեան առ աճումն բազմութեան մարդկային ազգիս : Պարձեալ և Մբրահամ 'ի փորձութեանն իւ

րում գտաւ առաքինի, և զընկալեալ պարգեւան Մ'ստուծոյ՝ ինքեան ձեռօք փոխ անդրէն նմին մատուցանէր, վասն այտորիկ և յառակս ընկալաւ զնա Մ'ստուած . զի 'ի նմա տպաւորեալ տեսանէր զաներեւոյթ գալուստ որդւոյն Մ'ստուծոյ, և զըմբռնումն անբռնունքոյն և զզենումն անմահին, որ իւրով մահուամբն խափանեաց զիշխանութիւն մահու : Եւ եթէ մահուամբ մահ մեռանի, մի երկիցուք մահակից լինել Վրիստոսի . զի ընդ որում մեք մեռանիմք, ընդ նմին և կենդանանամք :

Յիշեցէք, առաքինիք, զմեծն Ս'ովսէս, որ մինչ չեւհասեալ էր յարութեան հասակն՝ խորհուրդ սուրբ նահատակութեանն 'ի տիս տղայութեանն երեւէր նմա . և տուն թագաւորին եգիպտացւոց 'ի ծառայութիւն մտանէր նմա, և ակամայ դայեկութեամբ սնուցանէր զնա . և 'ի ժամ փրկելոյ զժողովուրդն 'ի նեղութենէն, միջնորդ եղել երկնի և երկրի, միանգամայն և աստուած անուանեցաւ 'ի վերայ եգիպտացւոցն : Վանզի ուր գլտաւ սուրբ խորհուրդն զօրացեալ, անձամբ իւրով վրէժ առնոցր յեգիպտացւոցն . իսկ ուր աստուածային յայտնութիւնն 'ի վերայ նորա լինէր՝ 'ի ձեռն գաւազանին գործէր զմեծամեծ սքանչելիսն : Եւ վասն սուրբ նահանձուն զոր ունէր՝ եհար զեգիպտացին և ընդաւազեաց . վասն որոյ զմեծ անուն զնէր նմա, և առաջնորդ ժողովրդեանն զնա կացուցանէր : Եւ բազում այն է, որ հեղմամբ արեամբն արդարացաւ, և անուանեցաւ մեծ քան զամենայն մարգարէս . ոչ միայն զարտաքին թշնամիսն կոտորելով, այլ զազգատոհմն, որ փոխանակեցին զՄ'ստուած ընդ որթուն յանապատին :

Եւ եթէ նա 'ի հեռուստ այնպիսի վրէժ խնդրէր գաղտեան որդւոյն Մ'ստուծոյ, մեք որ ականատեսք եղաք, և մեծամեծ վայելեցաք յերկնաւոր պարգեւան շնորհաց նորա՝ եւս առաւել պարտիմք վրէժ խնդիր լինել մտակայ շքմարտութեանս : Ար եդ մահուամբ զան ձրն իւր 'ի վերայ մեղաց մերոց և արդարացոյց զմեզ յանհնարին դատապարտութենէն, դիցուք և մեք զան ձինս մեր մահուամբ 'ի վերայ անմահ զօրութեանն, զի մի նուազք քան զվրէժ խնդիրսն գտանիցիմք :

Յիշեցէք զմեծ քահանայն Փենեհէզ, որ սպանմամբ եբարձ զպղծութիւնն 'ի ժամ սլատերազմին, և յազ-

գէ յազգ երդմամբ հաստատեաց զքահանայութիւնն : Ս'ի մոռանայք և զսուրբ մարգարէն զԼըղիաս , որ ոչ կարէր հանդարտել հայել'ի կռապաշտութիւնն Լ. քաբու . և արգար նախանձուն իւրոյ զութ հարիւրսն ինքեան ձեռօք սատակեաց , և զերկուս յսունն անշէջ հրոյն մատուցանէր լուցկիս . և զաստուածային վընժն ինդրելով՝ անըմբռնելի և ասագին կառօքն յերկրէ 'ի յերկինս վերացաւ : Դուք՝ եւս մասին մեծի վիճակի հասեալ էք . զի ոչ եւս կառք առաքին ձեզ 'ի վերացումն , այլ ինքնին Տէրն կառաց և երիւարաց հզօր զօրութեամբ և սրբովք հրեշտակօք ընդ առաջ եկեալ՝ ձեզ իւրաքանչիւր թեւս բուսուցանէ , զի նորա ուղեկիցք լինիցիւք և նմին քաղաքակիցք :

Լը այլ զինչ եւս երկրորդեցից առաջի ձերոյ քաջ նահատակութեանդ , զի քան զիս տեղեկագոյնք և հըմուտք էք սուրբ կտակարանացն : Դաւիթ 'ի մանկութեան ժամանակին քարիւ կործանեաց զմեծ բլուրն մտեղէն , և ոչ ինչ զանգիտեաց յահագին սրոյ հսկային . ցրուեաց զգունդս այլազգեացն , և ապրեցոյց զգօրսն 'ի մահուանէ , և զժողովուրդն 'ի գերութենէ . եղև անդրանիկ թագաւորացն Խորայելի , և անուանեցաւ հայր օրդւոյն Եստուծոյ : Եւ անուանեցաւ առ 'ի պետս ժամանակին , և դուք ճմարտիւ ծնեալք 'ի սուրբ հոգւոյն որդիք էք Եստուծոյ և ժառանգակիցք Ս. Րիստոսի : Ս'ի որ զձեր բաժինն 'ի ձէնջ հատանիցէ , և զձեզ օտարախորթ արարեալ՝ տարաբաժին հանիցէ :

Յիշեցէք զամենայն զօրավարսն Խորայելի զառաջինսն , զՍեղոյն , զԵղեզոյն , զԵփթային և զայլնսն ամենայն . որք ճմարտիւ հաւատովք էին , հարին կոտորեցին զգօրսն հեթանոսաց , և սրբեցին զերկիրն 'ի պիղծ կռապաշտութենէն : Լը վասն հաստատուն արդարագործութեանն , որ ոչ ինչ երկմտեցին 'ի խորհուրդս իւրեանց , արեգակն և լուսինն առանց ականջաց լուան և կատարեցին զբան հրամանի նոցա . ծով և գետք ճանապարհ գործեցին առաջի նոցա ըստ ոչ սովորութեան . և բարձրացեալ պարիսպք քաղաքին ձայնիւ լոկով անկեալ կործանեցան : Լը այլքն ամենայն՝ որ ըստ հաւատոյ քսմութիւնս կատարեցին 'ի դարս իւրաքանչիւր , գովեցան 'ի մարդկանէ և արդարացան Եստուծոյ :

Լպաբէն նոյն Տէր է որ 'ի սկզբանէ մինչեւ ցայսօր  
և առ յայս, և յաւիտենից յաւիտեանս, և անդր  
քան զամենայն յաւիտեանս : Այ նորոգի, զի ոչ հնա-  
նայ . ոչ մանկանայ, զի ոչ ծերանայ . ոչ փոխի անյեղ-  
յեղակ բնութիւնն Լստուծոյ . որպէս և ինքն իսկ ասէ  
բերանով սուրբ մարգարէիցն . Ես եմ, ես եմ, 'ի սկզբ-  
բանէ նոյն մինչեւ յաւիտեանս . ոչ տամ զփառս իմ  
այլում, և ոչ զքաջութիւնս իմ գրօշերոց :

Օ այս գիտելով, եղբարք, մի թուլութեամբ քանի-  
ցիմք, այլ սնդուութեամբ սրտիւ և հաստատուն հաւա-  
տովք կամակարուութեամբ յարձակեցուք 'ի վերայ թրշ-  
նամեացն, որ յարուցեալ զան 'ի վերայ մեր : Ա՛բ  
յոյն մեզ կրկին երեւի . եթէ մեռանիմք՝ կեամք, և  
եթէ մեռուցանեմք՝ մեզ նոյն կեանք առաջի կան : Այն-  
չեսցուք զբանն Լպաբէրոյ, որ ասէ, թէ փոխանակ ու-  
րախութեան՝ որ նմա առաջի կայր, յանձն էառ զհամ-  
բերութիւն մահու, և մահու խաչի . վասն այսորիկ և  
Լստուած զնա առաւել բարձրացոյց, և ետ նմա անուն՝  
որ 'ի վեր է քան զամենայն անուն . զի յանուն Այնու-  
սի . Բրիտտոսի ամենայն ծունր կրկնեսցի երկնաւորաց  
և երկրաւորաց և սանդարամետականաց :

Եւ քանզի որ ճշմարտութեամբ միայեալ է ընդ որ-  
դւոյն Լստուծոյ, հոգւոյն աչօք տեսանէ զաներեւոյթ  
յստակ լոյսն ճառագայթից իմննալի արեգականն, որ  
յամենայն ժամ և յամենայն օր գեր 'ի վերոյ ծագեալ  
երեւի ամենեցուն, և սրբատեսիլ և սրբահայեացս ան-  
պղտոր յստակութեամբ ձգտեցուցանէ զհայեցուածս,  
և թափանցանց եղեալ ընդ երկինս՝ յանմատոց տեսիլն  
մերձեցուցանէ, և կորովութեամբ կշռէ զերկրպագու-  
թիւն զերից հատուածոցն միաւոր զօրութեանն : Եւ  
արդ որ ընդ Լստուծոյ աստիճանսն ոտնփոխ եղեալ ի-  
ցէն, և բարձրութեամբ յարբունիսն հասեալ, և զա-  
մենայն մեծութիւն բովանդակ տեսեալ, նա միայն է՝  
որ ժառանգէ զանանց ուրախութիւնն և զանտրտմա-  
կան մխիթարութիւնն :

Ա՛յ, տեարք իմ պատուականք, յետ այսչափ 'ի բար-  
ձունս վերանալոյ, այսրէն յերկիր անկեալ թաւալի-  
ցիմք, այլ տեղի առեալ անդրէն 'ի բարձրութեանն  
հաստատեցուք : Այնպէս և հայեցուք 'ի ստորին կողմ՝

երկրիս, տեսանեմք զսա լի ամենայն ապականու թեամբ և անսուրբ պղծութեամբ: Վրանզի զինչ աղէտք տարակուսի են, որ ոչ գործին յերկրայինս աստաբերս. թշուառութիւնք աղքատաց և անթիւ չարչարանք նոցուն, աղցաւոր ծանրութիւնք հարկահասնաց, զգուանք և կոփանք ՚ի բռնաւոր ընկերակցաց, քաղց և ծարաւ ըստ կարօտութեան բնութեանս: Սառնամանիք ձմերայնոյ և խորշակք ամարայնոյ, հիւանդութիւնք տարածամբ և աստք մահաբերք հանապաղ տանջեն զմարդիկ. երկիւղ արտաքնոյ և արհաւիրք ՚ի ներքնոց անդադար ՚ի վերայ հասանեն. ցանկան մահու յառաջ քան զժամանակն, և ոչ գտանեն. և բազումք են՝ որ փորեն և ինդրեն, և խնդալից լինին յորժամ՝ գտանեն: Իսկ որ թուին մեզ, եթէ յաջողեալք են ՚ի մեծութեան և փափկանան ուրախութեամբք ՚ի պահասելի կեանս, մեծամտեալ հպարտանան յանցաւոր մասունս աշխարհիս, նոքա են՝ որ կուրացեալ են ՚ի ճշմարիտ կենացն: Իսկ արդ զինչ այն չարիք իցեն՝ որ ՚ի նոսա ոչ գործիցին. ընդ մեծութիւնս խառնեալ է յափշտակութիւն ընչից աղքատաց, ընդ սուրբ ամուսնութիւնս՝ գէ՛ջ սրղծութիւն: Յորս վայելեն ընտրութեամբ, նոցուն երկրպագութիւն իբրեւ Մտուծոյ մատուցանեն, մոլորեալք ՚ի ճշմարիտ կենացն:

Ո՛ր ահա աշխարհս ամենայն արարչին բողոքեցուն է գոյսցութիւն. և զոր նոքայն պաշտեն և պատուեն՝ ապաքէն ՚ի սմին նիւթոյ է մասն. իսկ արդ մասունքն մասանց կան ՚ի ծառայութիւն: Օ՛ր եթէ մի մասն աշխարհիս ապականացու է, հարկ է թէ և ամենայն մասունքն ընդ նմին ապականին: Վա և ՚ի մասանց անտի՛ պարտ է թէ և ընտրութիւնք երեւեսցին. իսկ արդ որ լաւ է՝ յայտնի է ամենեցուն, և որ զիտէն իմանալ՝ նա է ընտիր ՚ի մասանցն: Վպա թէ այդ այդպէս է, քան զամենայն պաշտամունս հեթանոսաց, որում՝ երկիր պագանեն, երկրպագութն են առաւելեալք քան զանբան տարերն, որոց չարաչար կան ՚ի ծառայութեան. և զ՛մս Մտուած՝ որ ՚ի մարդ կերպարանեցաւ՝ չպաշտեն, այլ արարածոց տանին երկրպագութիւն. որոց մեղաց չիք քաւութիւն յարդար ատենին:

( )ն անդր ՚ի բաց թողցուք զխաւարային խորհուրդս

մայրերեւոյն . եղիկելիս և ողորմելիս քան զամենայն մարդիկ զնոսա համարեսցուք . մանաւանդ զի կամօք են կուրացեալք և ոչ 'ի հարկէ , և ոչ երբէք գտցեն զճանապարհն ճշմարտութեան : Այլ մեր բացահայեաց աչք տեսեալ զլոյսն երկնաւոր , մի պատահեսցէ մեզ խաւարն արտաքին : Օ 'ի օք էին 'ի խաւարի , եկն առ նոսա լոյսն ճշմարիտ , կուրացեալք վերիպեցան 'ի կենացն . իսկ որք ընկալայքդ հաւատովք՝ որդիք էք և ոչ օտարախորթք , սիրելիք և ոչ թշնամիք , բաժանարդք և ժառանգորդք վերին իմանալի քաղաքին :

Այդ է առաջնորդ փրկութեան մերոյ . առտ քաջութեամբ նահատակեցաւ , և զնոյն ուսոյց ամենայն նիւզակակից գործակցաց իւրոց Աբաբելոց . յորմէ և դուք էք այսօր կրկին երեւեալք , օրհնեալք հաւատովք ընդդէմ աներեւոյթ թշնամւոյն , պատենաղէն զբահիւք դէմ ընդ դէմ ընկերակից սատանայական գործոյն : Այլ եթէ այսպէս և եթէ այնպէս , զերկտեան կողմնանն 'ի պարտութիւն մասնէք , որպէս և Տէրն ինքնին արար . աշխարհի թուեցաւ թէ մեռաւ , այլ նա յայնժամ տաբաւ զկատարեալ նահատակ առաքիլաւ թիւնն . զպիտոեանն ընկէց , զպատերազմն եհար , զթշնամիսն ցրուեաց , զաւարն ժողովեաց , զգերին դարձոյց , զպարգեւսն բաշխեաց ամենայն սիրելեաց իւրոց 'ի ձեռն իւրաքանչիւր առաքիլութեանց :

Վիտէք դուք ամենեքեան , յառաջ ժամանակահատեալ ձեր 'ի գործ պատերազմի , թէպէտ և էր ձեր սովորութիւն՝ քահանայից հանապազորդել 'ի մէջ բանակիս , 'ի ժամ ճակատուցն յանձնեալ ձեզ 'ի նոցանէ աղօթիւք՝ յամուր փեղուղ ուրեք թողուիք զնոսա . իսկ այսօր եպիսկոպոսք և երիցունք և սարկաւազունք , սաղմոսերգողք և գրակարդացք իւրաքանչիւր կարգեալ կանոնաւ՝ իբր վառեալք զհնու և պատրաստեալք 'ի պատերազմ , կամին ընդ ձեզ յարձակել հարկանել զթըշնամիսն ճշմարտութեան : Այլ եթէ մեռանել եւս հասանէ 'ի նոցանէ , սակայն և յայնմանէ ոչ են զանգիտելոց . քանզի լաւագոյն զմեռանելն կամին քան զմեռուցանելն : Արպէս զի կրկին աչս ստացեալ ունիցին . հաւատոց աչք զքարկոծանս մարգարէիցն տեսանեն , և մարմնոյ աչք զքաջութիւն ձերոյ նահատակութեանդ :



Սանաւանդ թէ 'ի ձեզ զերկոսեան իսկ տեսանեմք . քանզի և դուք իսկ տեսանէք զչարչարանս սուրբ Արաքելոցն և զսպանմունս զամենայն սուրբ մարտիրոսացն , որոց մահուամբն հաստատեցաւ սուրբ եկեղեցի , և հեղումն արեան իւրեանց եղեւ 'ի պարծանս վերնոցն և ներքնոցն : Արդ մինչեւ 'ի գալուստն երկրորդ՝ նոյննա հատակութիւն կատարի չարչարանօք :

Յայս վայր խօսեցաւ 'ի գիշերին յայնմիկ սուրբ երէցն <sup>(1)</sup> Եւոնդ , և փառատրելով կատարեաց զԱմենն աւերով : Այս սեղան ուղղեալ՝ զամենասուրբ խորհուրդն կատարեցին . ուղղեցին և աւագան , և եթէ գոյր ոք երախայ 'ի բազմութեան զօրուն՝ զգիշերն ամենայն մկրտեցին . և ընդ առաւօտս սուրբ օրինացն հաղորդեցան , և այնպէս լուսազգեստ եղեն՝ որպէս 'ի տերունեան մեծի սուրբ զատկին : Այս մեծաւ զուարճութեամբ և յոյժ խնդութեամբ աղաղակեաց ամենայն բազմութիւն զօրացն և ասեն . հաւասարեացէ մահ մեր՝ ընդ մահուարդարոցն , և հեղումն արեան մերոյ ընդ արիւն սուրբ մարտիրոսացն . և հաճեսցի Աստուած կամաւոր պատարագաւս , և մի տացէ զեկեղեցի իւր 'ի ձեռս հեթանոսաց :



# ՎԵՑԵՐՈՐԴ ԹԵՂԱՆԱԿ

ԿՐԿԻՆ ԱՆԳԱՄ ԸՆԴԻԷՄ ԿԱԼ ՀԱՅՈՑ ՊԱՏԵՐԱԶՄԱԻ

ԹԱԳԱՒՈՐԻՆ ՊԱՐՄԻՑ

Յետ այսորիկ իբրեւ ետես զօրավար գնդին Պարսից, եթէ հասան պատգամաւորքն 'ի միջոյ՝ խաբել զնոսա, և բարձաւ յոյս ակնկալութեան իւրոյ ցրուել զնոսա յանքակ միաբանութենէն, յայնմ ժամանակի յառաջ կոչէր զանօրէնն Վասակ և զամենայն ուրացեալ իշխանսն, որ էին ընդ նմա յաշխարհէն հայոց հարցանէր զնոսա, և ուսանէր 'ի նոցանէ զհնարագիտութիւն յաղթութեան: Եւ իբրեւ ուսեալ տեղեկացաւ զառն առն իւրաքանչիւր քաջութիւնս, կոչէր և ըզբազումս 'ի զօրագլխացն՝ որ էին ընդ իւրով ձեռամբ, և հրամայէր ածել զառաջեաւ զերամնկս փղացն. և 'ի գունդս գունդս զգազանսն բաժանէր, և առ մի մի փիղերէք հազար սպառազէնք. թող զայլ զօրսն ամենայն:

Խօսէր և ընդ մեծամեծսն արքունի հրամանաւ և ասէր. Յիշեցէք այր իւրաքանչիւր զպատուէր մեծ թագաւորին, և դիք առաջի զանուն քաջութեան. ընտրեցէք զմահ քան զկեանս վատութեամբ: Ս'ի մոռանայք զիւզն և զպսակն և զուսն և զառատաձեռն պարգեւսն, որ շնորհի ձեզ յարքունուստ: Տեարք էք իւրաքանչիւր գաւառաց, և ունիք իշխանութիւն բազում. դուք ինքնին գիտէք զքաջութիւն աշխարհին հայոց և զառն առն իւրաքանչիւր նահատակութիւն արութեան. գուցէ ձեր 'ի պարտութիւն մատնեալ, կենդանեաւ վրիպիցէք 'ի մեծ կենացն զոր ունիք: Յիշեցէք զկին և զորդիս ձեր, յիշեցէք զսիրելի բարեկամս ձեր. գուցէ ոտնահար լինիցիք յարտաքին թշնամեացն և ողբակիցք 'ի ներքին սիրելեացն:

Եւ և յուշ եւս առնէր նոցա զբազում ընկերակիցս

փախուցեալս, որք թէպէտ և 'ի պատերազմէն ապրեցան, սրով ընկալան զվճիւ մահուն իւրեանց. ուստերք և դստերք և ամենայն ընտանիք իւրեանց յանաշխարհիկս գրեցան, և ամենայն հայրենի գաւառք հատան 'ի նոցանէ :

Օ այս ասէր, և առաւել քան զոյն սաստկացուցանէր զհրամանն արքունի : Արդէր կազմէր զգօրսն ամենայն, և տարածանէր երկայնէր զճակատն յերկայնու թիւն դաշտին մեծի : Եւ իւրաքանչիւր գազանացն յաջմէ և յահեկէ զերեքհազարեան սպառազէսնս պատրաստէր, և զընտիր ընտիր նահատակացն շուրջ զիւրեաւ գումարէր. այսպէս ամիացուցանէր զգունդն Սատեան իբրեւ զաշտարակ մի հզօր և կամ իբրեւ զբերդ մի անմատոյց : Եւ նա քաշխէր, դբօշ արձակէր, և 'ի ձայն մեծի փողոջն պատրաստ հրամայէր լինել : Իսկ ըզգունդն զապարհայիկ, և զԱտաշաց և զՇանաց և զԿեղաց, և զայլս եւս ամենայն զընտիր ընտիր զօրուն մարդիկ 'ի մի վայր ժողովէր, և հրամանս պատուիրանի տայր ընդ աջմէ կողմանէ գնդին իւրոյ պատրաստ լինել ընդդէմ հայոց զօրավարին :

Իսկ արին Սարգան յառաջ մատուցեալ և զաւագանին հարցանէր, և միաբան ամենեցուն խրատու զգօրագլուխսն կարգէր : Օ գունդն առաջին տայր 'ի ձեռն իշխանին արծրունեաց, և նիզակակից նմա զմեծ իշխանն Սոկաց. և զայն ամենայն նախարարեան համահարզս երկոցունց, և զամենայն բազմու թիւն գնդին թեւս սատի և անտի կազմէր նոցա : Եւ զգունդն երկրորդ տայր 'ի ձեռն Այրենայ խորխուունեաց, և նիզակակից նմա զընծայինն և զԿերսէս քաջերունի : Եւ զգունդն երրորդ մատուցանէր 'ի ձեռն Թաթար վանանդեցոյ, և նիզակակից նմա հրամայէր զՏաճատ գնթունի, և զբազումս 'ի քաջ արանց սատի և անտի 'ի թեւս նոցա : Յանձն իւր առնոյր զգունդն չորրորդ, և նիզակակից իւր զքաջն Արշաւիր և զհարազատ եղբայր իւր զՍմազասպեան : Արդէր և կազմէր զճակատն յորդորելով ընդ ամենայն երեսս դաշտին գէմ յանդիման Երեւան գնդին, առ ամին Տղմուտ գետոյն :

Եւ իբրեւ այսպէս պատրաստեցան երկոքեան կողմանքն, լի սրտմտութեամբ և մեծաւ բարկութեամբ

զայրանային, և գաղանացեալ զօրութեամբ յիրեարս յարձակէին երկղբեան. և ամբոխ աղաղակին յերկոցունց կողմանցն՝ իբրեւ ՚ի մէջ ամպոց շփութեոց՝ ճայթմունս գործէր, և հնչումն ձայնից զքարանձաւս լերանցն շարժէր: ՚Ի բազմութենէ սաղաւարտիցն և ՚ի փայլուն պատենազէն վառելոցն իբրեւ նշոյք ճառագայթից աբեգական հատանէին: ՚Եւ և ՚ի բազում սուսերացն շողալ, և ՚ի ճօճել բազմախուռն նիզակացն իբրեւ յերկնուստ ահագին հրաձգութիւնք եռային: ՚Բանդի ով իսկ է բաւական ասել զմեծամեծ տագնապ ահաւոր ձայնիցն, որպէս կոփիւնք վահանաւորացն և ճայթմունք շարից աղեղանցն զլսելիս ամենեցուն առ հասարակ խառնուցանէին:

Մտ էր տեսանել շտապ մեծի տագնապին և զաղէտս անբաւ տարակուսանացն երկոցունց կողմանցն, առ ՚ի յանդուգն յարձակմանէն զմիմեանս բախելով. քանզի թանձրամիտքն յիմարէին և վատասիրտքն լքանէին, քաջքն խիզախէին և նահատակքն գոչէին: ՚Եւ խուժք արարեալ ամենայն բազմութեանն՝ զգետն ՚ի մէջ փակէին, և զանդիտեալ գունդն Պարսից ՚ի դժուարութենէ գետոյն՝ զտեղեան զեռալ սկսան: ՚Իսկ գունդն Հայոց հասեալ անցանէին, ձի ՚ի վերայ առեալ յարձակէին մեծաւ զօրութեամբ: Պատկապէս բախեալք ընդ միմեանս, յերկոցունց կողմանց բազում վիրաւորք յերկիր անկեալ դիտթաւալ խաղային:

Յայնմ մեծ տագնապի ՚ի վեր հայեցաւ քաջն Սարգան, և տեսանէր զընտիր ընտիր քաջ նահատակաց Պարսից զօրուն, զի զձախակողմն շարժեցին զՀայոց գնդին. մեծաւ ուժով յարձակէր ՚ի տեղին, և զաջութեն Պարսից գնդին բեկեալ՝ արկանէր զգազանօքն, և շրջան առեալ կոտորէր մինչեւ ՚ի նոյն տեղի: ՚Եւ այնպէս շտապ տագնապի ՚ի վերայ հասուցանէր, մինչեւ գունդն Սատեան քակտեալ բաժանեցան ՚ի մեծամուր պատրաստութենէն, դեռ եւս քաջ քաջ ՚ի փախուստ դառնային:

Մյա դէտ ակն ՚ի վեր համբառնայր Սուչկան Սալաուրտն, քակեալ զմանս տեսանէր ՚ի գնդէն Հայոց, և զինի մնացեալ ՚ի հովիտս լերանցն: Սասն որոյ գաղաղակ բարձեալ քաջալերէր շուրջ գիրեաւ զօրս

Ըրեաց, որք զտեղի առեալ կացին ընդդէմ գնդին Սարգանայ : Եւ անդէն 'ի աեղւոջն երկոքին կողմանքն զպարտութիւն խոստովանէին, և առ յոյժ Թանձր անկեալ դիականց իբրեւ զքարակոյտս դերբկաց երեւէին :

( ) այն իբրեւ ետես Սուչկան խուսալաւորտն, մնայր գազանացն Ըրտաշի, որ 'ի վերայ գազանացն նստէր 'ի բարձր դիտանոցին և կամ իբրեւ յամուր քաղաքի, և 'ի ձայն մեծ գալարաիողոցն զիւր գունդսն ստիպէր, և յառաջամարտիկ զօրօքն զնա 'ի մէջ փակէր : Իսկ կորովին Սարգան իւրովք քաջ նիզակակցօքն ոչ սակաւ նախ ճիրս 'ի տեղւոջն գործեաց, յորում տեղւոյ և ինքն իսկ արժանի եղև առնուլ զկատարեալ նահատակութիւնն :

Եւ յերկարել գործոյ պատերազմին՝ օրն տարաժամէր, և մօտ առ երեկս կարճատէր . բազմաց օրահասք մահու հասանէին, մանաւանդ 'ի Թանձրութենէ անկեալ դիականց մօտ առ մօտ խտացեալ իբրեւ զփայտահարս մայրաւորաց : Ընդ էր տեսանել զբեկումն նիզակացն և զխորտակումն աղեղանց . վասն այնորիկ և ոչ կարէին կալ ճշմարտիւ 'ի վերայ սուրբ մարմնոց երանելեացն . և սաստիկ խուճապ տագնապի էր կողմանցն երկոցունց անկելոցն : Եւ որ մնացեալքն էին, վանեալք և ցրուեալք լինէին 'ի լեռնաղաշտս և յամուրս ձորոցն . և յորժամ պատահէին միմեանց, դարձեալ միւս անգամ զմիմեանս սատակէին : Եւ մինչեւ 'ի մուտս արեգականն անդադար լինէր գործ դառնութեանն :

Եւ քանզի գարնանային էր ժամանակն, ծաղկալից դաշտքն դառնային յորգահոսանս արեանց բազմաց : Սանաւանդ յորժամ տեսանէր որ զբազմակոյտ դիականցն անկելոց, սիրտն բեկանէր և աղիքն գալարէին՝ լսել զմնչիւն խոցելոցն և զմռնչիւնս բեկելոցն, զթաւազլոր խաղալ սողալ վիրաւորացն, զփախուստ վատայն, զթագուստ լքելոցն, զսրտաթափումն զանարի արանցն, զճիւն կանացեացն, զողբս սիրելեաց, զաշխարումն մերձաւորաց, զվայ և զաւաղ բարեկամացն : Բան զի ոչ եթէ կողմ էր՝ որ յաղթեաց, և կողմ էր՝ որ պարտեցաւ, այլ քաջք ընդ քաջս ելեալ երկոքին կողմանքն 'ի պարտութիւն մատնեցան :

Իայց քանզի անկեալ էր զօրավարն Հայոց 'ի մեծ պատերազմին, ոչ որ գոյր այնուհետեւ 'ի մէջ զլիա-

ւոր, յոր յեցեալ ժողովէին գունդն մնացելոցն: (Թ)էպէտ և բազում այն էր՝ որ արեցան, քան թէ որ մեռանն, սակայն ցանեալ ցրուեցան. և հասեալ անկանէին ՚ի տեղիս տեղիս յամուրս աշխարհին, և բռնանային ՚ի վերայ բազում գաւառաց և բերդից, զոր և ոչ առնուլ իսկ որ կարէր:

Եւ այս անուանք են քաջ նահատակացն՝ որ անդէն ՚ի տեղւոջն կատարեցան: (Յ)ազգէն մամիկոնէից քաջն Սարգան հարիւր երեսուն և երեք արամբք. յազգէն խորխոռունեաց Խորէնն կորովի իննեւասան արամբք. յազգէն պալունեաց արին Լրտակ յիսուն և եօթն արամբք. յազգէն գնթունեաց զարմանալին Տաճատ իննեւասան արամբք. յազգէն դիմաքսենից իմաստունն Հմայեակ քսան և երկու արամբք. յազգէն քաջբրունեաց հրաշակերտն Երսեհ եօթն արամբք. յազգէն գնունեաց մանուկն Սհան երիւք արամբք. յազգէն ընծայնոց արդարն Լրնէն եօթն արամբք. յազգէն Սրուանձտայ յառաջադէմն Սարեգին երկու հարազատօքն և ութուասան արամբք:

Եւս երկերիւր ութսուն և եօթն նահատակք, ընդ ինն մեծամեծ նախարարն անդէն ՚ի տեղւոջն կատարեցան: Եւ յարբունի տանէ և ՚ի տանէ արծրունեաց և յերաքանչիւր յայլոց նախարարացն տանէ, թող զայս երկերիւր ութսուն և եօթնս, այլ եւս եօթն հարիւր և քառասուն այր, որք զանուանս իւրաքանչիւր ՚ի դպրութիւն կենաց գրեցին ՚ի նմին աւուր ՚ի մեծի պատերազմին: Եւ միահամուռ լինի ամենայն՝ հազար և երեսուն և վեց այր:

Իսկ ՚ի կողմանէ ուրացելոցն անկանէր յայնմ աւուր երեք հազար հինգ հարիւր քառասուն և չորք այր: Ինն այր ՚ի նոցանէ՝ ՚ի մեծ պատուաւորացն էր, վասն որոյ և կարի յոյժ ՚ի խոր խոցեցաւ Սուչկանն Սխալաւուրտ: Սանաւանդ իբրեւ ետես զանհնարին հարուածն եօթնպատիկ զիւրոյ գնդին քան զձայոցն, բեկաւ անկաւ զօրութիւն ուժոյն իւրոյ, և ոչ հանդարտէր կալ ՚ի վերայ խորհրդոց մտացն. քանզի ոչ որպէս կարծէր զպատերազմն՝ կատարեցաւ: Սանաւանդ իբրեւ հայէր տեսանէր զբազմութիւն անկելոց իւրոյ կողմանն, և թիւ համարոյ եւս առնէր, և իբրեւ այնչափ

յոլով գտանէր զիւր. անկեալն քան զՆայոց գնդին, եւս առաւել վասն երեւելի արանցն, զորս յականէ յա նուանէ գիտէր թագաւորն, 'ի մեծ տագնապի լինէր այրն յանձն իւր: Արդարութեամբ զիրան գրել և ցուցանել 'ի թագաւորէն երկնէն, դարձեալ և թաքուցանել եւս ոչ կարէր, քանզի ոչ ծածկէր այնպիսի մեծ կռիւ:

Այլ մինչդեռ յայսմ մտաց խորհրդի էր յանձն իւր և նեղէր 'ի միտս իւր, ուրացեալն Աստակ որ զանձն իւր 'ի մէջ գազանացն թաքուցեալ ասրեցուցանէր, մըխիթար մատուցանէր մտացն լքելոց. և ուսուցանէր նման հնարս նենգութեամբ, թէ ձրպէս կարացցէ մարտնչել ընդ ամուսն խաբէութեամբ: Արդմունս կնքէր արքունի հրամանաւ և վկայութեամբ անձին իւրոյ և խաբէբայ երիցամբքն, որ ընդ նմայն էին. պատգամաւորս առնէր զնոսա, և երեւեցուցանէր զթողութիւն ապստամբութեանն առ 'ի շինութիւն եկեղեցւոյ շնորհել անդրէն, և զամենայն կարգս անդրէն յարմարել ըստ առաջին սովորութեանն: Թէպէտ հրաման թագաւորին հաստատութեամբ էր տուեալ, վասն զի յոյժ բեկաւ զօրութիւն նորա, որպէս զի երկոքին կողմանք նորա հարան, սակայն զօրքն Նայոց վասն նենգութեանն Աստակայ, որ բազում անգամ հասեալ էին 'ի վերայ ստութեան նորա, վասն այնորիկ և հրամանի թագաւորին վաղվազակի ոչ կարէին հաւատալ:



# ԵՕԹՆԵՐՈՐԴ ԵՆՂԱՆԱԿ

ՅՈՐՈՒԾ ԿԻԱՐԱԳՐԻ ԳԱՐՁԵԱԼ ԱՌԱՔԻՆՈՒԹԻՒՆ ԸՍՑՈՑ ԵՒ  
ԶԱՐԱԳՈՅՆ ԵՒՍ ԵՐԵՒԻ ԱՆՕՐԷՆՈՒԹԻՒՆՆ ՎԱՍԱԿԱՑ

Լ՝ որդ դարձեալ յայնժամ՝ զրդեաց զՄ՝ ուշկան՝ Վիւսալաւուրտ և զամենայն աւագանին՝ Ղ՝ րեաց, առեալ զզօրսն՝ հասանէր ՚ի վերայ ամրոցին, յոր անկեալ էին գունդ մի ՚ի զօրացն հայոց հանդերձ սուրբ քահանայիւքն, և մարտ եղեալ կռուէին շուրջ զքերդաւն : Եւ իբրեւ ոչ ինչ կարացին ազգել նոցա, դարձեալ յերդմունս ապաստան եղեալ, զի ուխտիւ իջուսցեն զնոսա առանց դաւ ինչ գործելոյ, և երկիցս և երկցս անգամ ետուն տանել զաւետարանն : Ի՛նչպէտ և քահանայքն յանձն առնուին զիջանելն կալ առաջի, բազումք ՚ի զօրականացն ոչ կարէին հաւատալ սուտ ուխտին Ս՝ ասակայ . քանզի սկսաւ երթալ Ս՝ ուշկան՝ Վիւսալաւուրտ զհետ չար խրատուն Ս՝ ասակայ :

Եւ ոմն ՚ի քաջ զօրականէն՝ հայոց, որ անկեալ էր ՚ի բերդն փախստեամբ, իսկ անուն, ելեալ ՚ի պարիւպըն թշնամանս զնէր անօրինին, և յիշեցուցանէր առաջի Ս՝ արսից զօրագլխին զամենայն չարին, զոր անցուցեալ էր նորա ընդ աշխարհն հայոց : Եւ որոց բազում իսկ լուեալ՝ արդարացուցանէին զամբաստանութիւնն, ոչ միայն ՚ի հայոց կողմանէն, այլ եւս առաւել զօրքն Ս՝ արսից : Ս՝ յն այրս այս ՚ի նմին գիշերի եօթն հարիւր արամբք ել քնաց ՚ի բերդէ անտի, և ոչ կարացին ձեռն արկանել ՚ի նա :

Իսկ որ ՚ի ներքս յամրին մնացին, թէպէտ և գիտէին ճշմարտիւ զխաբէբայ երդմունս նոցա, ոչ ունէին համբար ՚ի ներքս : Իբրեւ ոչ կամաւ իջեալ կացին առաջի, հրամայեաց սպանանել ՚ի նոցանէ երկերիւր և երեքտասան այր : Եւ զաղակեցին ամենեքեան և ասեն .



Պոհանամք զքէն Տէր Աստուած մեր . մինչդեռ շէն են եկեղեցիք և անքակ տաճարք վկայից և միաբան սուրբ ուխտ եկեղեցւոյ առաքինացեալ, արժանի արարեր ըզմեզ կոչմանդ երկնաւորի : Հաւասարեցէ մահս մեր ընդ մահ քաջ նահատակացն , և խառնեցի արիւնս մեր ընդ արիւն անկեալ վիրաւորացն . և հաճեցի Տէր ընդ եկեղեցին իւր՝ բազմութեամբ կամաւոր զուարակացս , որ ելանեն ՚ի վերայ սուրբ սեղանոյս : Օ այս ասելով ՚ի տեղւոջն կատարեցան երկերիւրքն և երեքտասանքն :

Իսկ սուրբ քահանայքն՝ որ անդ դիպեցան յամուրան , երանելիքս այս {Յովսէփ և Վ} եւոնդ բազում ընկերակցօքն իւրեանց , մատուցին և նոքա զպարանոցս իւրեանց առաջի սրոյ դահճապետին , ասելով զնոյն բանս՝ զոր խօսեցան երկերիւրքն : Վրանգի ոչ եթէ ակնկալու թիւն ինչ էր երանելեացն ըստ մարմնաւոր կենացս , այլ իմաստութեամբ հնարս խնդրէին լինել փոխանակ ամենայն աշխարհին շինութեան : Վ ան որոյ և բողոք ՚ի դուռն կարդային , և զամենայն ամբաստանութիւն արկանէին զանօրէնն զՎ ասակաւ : Օ այս իբրեւ լուա Վ ուշկան Վիւսալաւուրտ , ոչ իշխեաց ՚ի նոսա ձեռն արկանել մահուամբ . այլ զ{Յովսէփ և Վ} եւոնդ գան հարեալ , հրամայեցին պահել զգուշութեամբ . քանզի բողոք ՚ի դուռն կարդացին : Իսկ զայլ քահանայսն արձակեցին յիւրաքանչիւր տեղիս , հրաման տուեալ վասն շինութեան և խաղաղութեան աշխարհին :

Վ յլ մարդիկն Հայոց , որ հասեալ էին ՚ի վերայ յեղյեղուկ հրամանաց թագաւորին և ուրացեալ չարիմացին Վ ասակայ , ոչ ինչ հաւատային սուտ թողութեանն , այլ քաջալերէին զմիմեանս և ասէին . Օ ի պիտոյ է մեզ բնաւ կեննք անցաւոր աշխարհիս , և կամ ընդէր տեսանեմք զարեւ յետ մերոյ սիրելեացն : Օ ի եթէ քաջ նահատակքն մեր անկան ՚ի մեծ պատերազմին , և բազում վիրաւորք տապալեցան յարիւն յապաժոյժ ՚ի մէջ դաշտին , և ամենեցուն մարմինքն եզէն գէշ թըռչնոց և կերակուր գազանաց , և պատուական նախարարքն մեր հասին յանարգութիւն թշուառութեան , բքին զուրաքանչիւր իշխանութիւն և են ՚ի հալածանս նեղութեան , որ և ամենայն փափկութիւնն Հայոց եհաս ՚ի վիշտս վտանգի և յանհնարին ապականութիւն , ոչ ան

սամբ խաբեբայ հրամանացդ և անկանխիմք՝ ի ձեռս անօրէն իշխանացդ :

Թողին այնուհետեւ իւրաքանչիւր զգեօղս և զաւանս և զագարակս . ելին հարսուհը յառագաստից և փեսայք՝ ի սենեկաց, անկան ծերք յաթոռոց և տղայք՝ ի գրկաց . երթային երիտասարդք և կուսանք և ամենայն բազմութիւն արանց և կանանց, հասեալ ունէին զամուրս անապատին և զանխաբ տեղիս բազում լերանց : Աւհամարէին զգազանաբար բնակութիւնն աստուածպաշտութեամբ ի քարանձաւս կելոյ , քան ուրացութեամբ փափկանալ իւրաքանչիւր շինուածս : Առանց տրանջելոյ համբերէին խոտարուտ կերակրոցն , և ոչ յիշէին զսովորական խորտիկան : Համարեալ էին նոցա դարանափորքն իբրեւ զյարկս բարձր շինուածոց , և գետնանկողինքն իբրեւ զնկարեալ պատշկանս :

Սաղմոսք էին նոցա միմունջք երգոց , և ընթերցուածք սուրբ գրոց կատարեալ ուրախութիւնք : Ամենայն մարդ յանձն իւր եկեղեցի էր , նոյն ինքն քահանայ . մարմինք իւրաքանչիւր սուրբ սեղան , և ոգիք նոցունց՝ պատարագ ընդունելի : Քանզի ոչ ոք ՚ի նոցանէ ողբայր յուսահատութեամբ զանկեալան ՚ի սրոյ , և ոչ ոք հեծեծելով հառաչէր ՚ի վերայ մերձաւոր սիրելեաց իւրոց : Խնդուութեամբ ընկալան զյափշտակութիւն ընչից բազմաց , և ոչ յիշէին ամենեւին՝ եթէ եղեալ իցեն նոցա ստացուածք : Համբերութեամբ ճգնէին և մեծաւ առաքիւնութեամբ տանէին զքաջ նահատակութիւնն : Օրէ եթէ ոչ բացաւ աչօք տեսանէին զյոյսն խնդալից , և ոչ կարէին իսկ գործել զայնպիսի մեծ առաքինութիւն :

Քանզի բազումք յազգէ ՚ի մեծ նախարարացն էին , և եղբարք և որդիք և դստերք , հանդերձ ամենայն սիրելեօք իւրեանց ՚ի մէջ ամուսական վարդացն , ոմանք յանլոյս երկիրն Սաղտեաց , և այլ բազումք ՚ի կողմանս հարաւոյ՝ յանմատոց ամուրան Տմորեաց , և կէսքն ՚ի թանձրախիտ մայրիսն Արձախոյ , և այլ ոմանք անդէն ՚ի միջոց աշխարհին բռնացան ՚ի վերայ բազում ամրոցացն : Եւ ամենեքին մեծաւ համբերութեամբ տանէին զբազում նեղութիւնն վասն յուսոյն Աստուծոյ . աղաչելով զայս միայն խնդրէին յԱստուծոյ , մի՛ տեսանել նոցա զաւեր սուրբ եկեղեցեաց :

Այլ որպէս ցուցաբ բազում անգամ զամբարշտին չարութիւն, յորդորէր և ստիպէր զգօրսն Պարսից 'ի մծտաւոր կողմանց աշխարհին, զի հրամանաւ արքունի զօր եկեացէ յօգնականութիւն նոցա : Աւ հասեալ բազում պրուծի՝ յաւելլոր 'ի Թիւ անկելոցն, և լինէր գունդ բազմութեան իբրեւ զառաջինն : Աւ յառաջ խողային 'ի միջոց աշխարհին, մարտ եղեալ կռուէին ընդ մեծ ամուրս Վապոյտ լերինն : Իսկ որ 'ի ներքսն էին՝ քաջութեամբ մարտուցեալ հարկանէին զբազումն 'ի գնդէն Պարսից, և զմնացեալսն փախստական 'ի բանակն արկանէին : Իսկ նոքա զարձեալ յողքանս մատուցեալ, նուաճել խաբէութեամբ կամէին :

Իբրեւ ոչ որ հաւատաց իջանել առ նոսա, զի մի մատ նետցին չարաչար 'ի ձեռս Թշնամեացն, սակայն վասն երգմանցն հարկ եղեւ քահանայի մի իջանել առ նոսա, որում անունն էր Արշէն : Եստէր ընդ նոսա յաղերս ընտանութեամբ, և ցուցանէր զանշխաս փախուստ անմեղացն. արկանէր գութ առաջի ուրացելոցն Վասակայ, և պաղատելով յիշեցուցանէր նմա զառաջին կարգ ուխտին քրիստոնէութեան, զի Թերեւս սակաւիկ մի քաղցրասցի յանհնարին դառնութեանէն : Այլ նա ոչ ինչ լուաւ և անսաց բազում բանիցն նորա, կապեաց և խողացոյց զերանելին և որք ընդ նմա իջեալ էին :

Անաւանդ իբրեւ տեսե Եթէ երթայ զօրավարն զհետ խրատու կամաց նորա, սկսաւ այնուհետեւ 'ի բազում տեղիս արձակել զասպատակաւորն, և զօր արտաքոյ քան զամուրսն գտանէր զբազմութիւն մարդկանն, վարեցին 'ի գերութիւն. և զամբար 'ի ձեռն առեալ հրձիգ առնէին զբազում տեղիս : Իսկ որք էին յամուրս Տմորեաց, իբրեւ լուան զայս ամենայն չարիս, զոր գործեցին զօրքն արքունի, ոչ ինչ շահ օգտի համարէին ըզկալն 'ի մէջ ամրականացն : Աջութեամբ ելեալ յարձակեցան օգնականութեամբ ամրականացն, և հասեալ 'ի մծտաւոր աշխարհն պարսկաց, յանինայ կոտորելով նախաձիրս արեան գործէին, և զմնացեալսն գերի առեալ տանէին, և անդէն յամուրսն արկանէին, և զլինուածս աշխարհին՝ զամբար 'ի ձեռն առեալ հրոյ ճարակ տային :

Վարձեալ և որք էին 'ի լերինս Սաղտեաց, իբրեւ տեսին Եթէ յանդգնաբար զօրքն պարսկաց յաներկիւզ

Իջանէին յամուրս աշխարհին հայոց, յարձակեցան և նորա մեծաւ զօրութեամբ 'ի ձորագաւառն Տայոց : Եւ գտին անդ գունդ բազում 'ի զօրացն արքունի, որ գերի առնուլ կամէին զամրականս աշխարհին . դարձեալ և կարծէին եւս եթէ գանձք նախարարացն անդ իցեն, վասն այնորիկ և յանինայ յուղէին զվայրն :

Եւ և տեսին եւս անդ 'ի գեօղս երկուս, զի զեկեզեցինն այրեցեալ էր . առաւել եւս վասն այնր 'ի նախանձ բրդեցան բարկութեամբ : Հարձակեցան, հարան 'ի դի մի միմեանց, և կամակարութեամբ յաղթեալ, բեկեալ արկին զզօրութիւն գնդին Պարսից, և կոտորեցին զբազումս 'ի նոցանէ, և զմնացեալն փախտտական հանէին յաշխարհէն : Եւ յայնչափ յանդուգն յարձակմանէն՝ միայն երանելին հմայեակ, եղբայր սպարապետին հայոց Սարգանայ, յանինայ քաջութեամբ մարտուցեալ կատարեցաւ նահատակութեամբ 'ի վերայ սուրբ ուխտին միաբանութեան : Եւ այլքն ամենայն ողջանդամ սպրեաք երթային զՏեօտ փախտտականին :

Եւ իբրեւ այս այսպէս կատարեցաւ, դադարեցին զօրք թագաւորին խառնամուխ լինել յամենայն անդիս անխորութեամբ, և եւս առաւել ձեռնազահ լինել եկեղեցեացն : Դարձեալ միւսանդամ անդրէն հարցանել սկսան յարքունիսն :

Եւ և որ յարձախայ մայրիսն անկեալքն էին փախտտականք, ոչ ինչ լռեալ դադարեցին խաղաղութեամբ . այլ հանապազ յղէին յաշխարհն հոնաց, շարժէին և յորդորէին զգունգն հոնաց, և յիշեցուցանէին նոցա զուխտն՝ զոր եղեալ էր ընդ հայս և անսուտ երդմամբ հաստատեալ : Հաճոյ թուէր բազմաց 'ի նոցանէ լռել զբանսն քաղցրութեամբ : Եւ և մեղադիր եւս յոյժ լինէին նոցա, եթէ 'ի կոխն ընդէր ոչ եկիք պատրաստութեամբ : Եւ իբրեւ յառաջումն ինչ ոչ հնարէին զմիմեանս հաւանեցուցանել, ապա գունդ բազում գումարէին, և անդէն յարձակեալ հասանէին 'ի սահմանս տէրութեանն Պարսից . և զբազում գաւառս հարեալ, բազմագոյն եւս գերի առեալ տանէին յաշխարհն իւրեանց, և յայտնի ցուցանէին թագաւորին զմիաբանութիւն՝ զոր ունէին ընդ գնդին հայոց :

Իսկ իբրեւ այս ամենայն աղբումն հասանէր առ զօ-

րավարն Պարսից, սրտմտեալ զայրանայր . և մեծաւ բարկութեամբ կուտէր զշեանն 'ի վերայ անօրինին Վասակայ, իբր թէ նա իցէ սկիզբն և առաջնորդ ամենայն չարեացն, որ գործեցան : Եւ անդէն չու արարեալ գընայր խաղայր հասանէր յաշխարհն Պարսից . գրէր և ցուցանէր յարքունիս զամենայն ստուգութեամբ , և զշեաս գործոյն արկանէր զուրացելովն :

Իբրեւ լուաւ թագաւորն զամենայն աւեր աշխարհին, և ստուգեաց զիրս մեծի պատերազմին, բեկանէր անկանէր 'ի մեծ խորոխտալցն, և լուալ դադարէր 'ի հանապազորդ և 'ի խաբէբայ խորհրդոցն . յուզէր և քննէր զվրիպումն անհանձար գործոյն, և կամէր տեսանել ասելով . Ո՞ր իցէ որ զիս ճմարտութեամբ 'ի վերայ իրացդ հասուցէ : Իսկ որ էր գիտակ անօրէն գործոյն, անդրէն 'ի գրան արքունի, նոյն հազարապետն Սիհրներսեհ, յառաջ մատուցեալ ասէ ցթագաւորն .  
Օայդ ես ասեմ քեզ, արքայ քաջ . եթէ կամիս ստուգութեամբ լսել զարդարն, որք գլխաւորք քրիստոնէիցն են 'ի հայս, տուր կոչել, և գան յօժարութեամբ և ասեն քեզ զամենայն արդարութեամբ :

Հայնժամ զմի ոմն յաւագ նախարարացն, Մորորմիզդ անուռն, որոյ իշխանութիւնն իսկ խառն էր ընդ հայոց աշխարհին և գործակից էր զօրավարին 'ի նմին պատերազմի, գրէր և յանձն առնէր նմա զաշխարհն հայոց մարդպանութեամբ : Եւ զՎուչկան Վիւսալաւուրտ հանդերձ ամենայն մնացեալ զօրուն զումարէր յաշխարհն Ղուանից և Վինաց և Ղըբաց և 'ի հէճ մատակաց և 'ի թաւասպարաց և 'ի Սիբիովան, և յամենայն ամրականն, զորս աւերեալ էր գնդին հոնաց վասն ուխտին հայոց : Որպէս և յոյժ իսկ տրտմեալ էր թագաւորն, ոչ միայն ընդ աւեր աշխարհացն և ընդ անկանել զօրացն, այլ եւս առաւել ընդ աւերել պահակին՝ զոր 'ի բազում ժամանակաց հազիւ ուրեմն կարացին շինել . որ և յայնմ ժամանակի դիւրեաւ առեալ քանդեցաւ, որում և չէր իսկ անկալութիւն շինութեան : Իսկ զՎասակ հանդերձ գլխաւոր քրիստոնէիւքն 'ի դուռն հրամայեաց կոչել :

Վրդ եկն եմուտ մարդպանն Մորորմիզդ յաշխարհն հայոց սիրով խաղաղութեամբ : Հրամանաւ արքունի

կոչեաց առ ինքն զՍահակ սուրբ եպիսկոպոսն որչառնեաց, ուսանել 'ի նմանէ զիրացն ամբաստանութիւն : Բայց թէպէտ և նորա աւերեալ էր ատրուշան մի, և բազում չարչարանօք հարեալ էր զպաշտօնեայս կրակին, ոչ ինչ զանգիտեաց գալ յատեան հրապարակին . Վարձեալ և 'ի տանէն արծրունեաց բարեպաշտօն երէց մի Սուշէ անուն, որ առաջնորդէր աշխարհին արծրունեաց, աւերեալ էր և նորա զկրակատուն մի, և կապանօք և տանջանօք բազում չարչարանս անցուցեալ էր ընդ մոզսն . և սա ոչ ինչ զանգիտեաց, այլ կամաւ եկն և յանդիման եղեւ մարզպանին : Եւ երկու եւս այլ քահանայք երանելիք, որոց անուանքն են Սամուէլ և Լբրահամ . քանդեալ էր և սոցա զատրուշանն յԱրտաշատ, և յառաջագոյն ըմբռնեալ էին 'ի կապանս յուրացեալն Սասակայ . ածին և զնոսա յառաքինի ընկերսն : Եւ ժողովեցին եւս 'ի նոյն տեղի զմեծն Յովսէփ և զՎեռնդ և զԲաջաջ և զԱրշէն : Եւ իբրեւ ուսաւ և տեղեկացաւ յամենեցունց մարզպանն, գրեաց և եցոյց յարքունիս զամենայն ճմարտութեամբ որպէս զհարդ լուաւ 'ի բերանոց նոցա :

Բայց Սասակ թէպէտ և յառաջագոյն հասեալ էր 'ի դուռն, ըստ կամաց իւրոց այլ ընդ այլոց երթեալ պատմէր զամենայն ստութեամբ, սակայն 'ի միտս թազաւորին ոչ կարէր զանձն արդարացուցանել . այլ պատասխանի արար նմա և ասէ . Յորժամ քրիստոնեայքն եւս եկեսցեն, հասարակ լուայց յատենի :

Իսկ զսուրբ քահանայսն վասն զի կապանօք տանէին՝ յետ երկուց ամսոց և քսան աւուր հասանէին 'ի ձմեռոցն արքունի : Իբրեւ լուաւ մեծ հազարապետն, եթէ ածին զնոսա 'ի քաղաքն, ինքնին իսկ աղանատես լինէր նոցա : Բայց թէպէտ և տեղեկութեամբ լսէր 'ի նոցանէ զամենայն, ոչ կարէր ձեռն արկանել և չարչարել զնոսա . քանզի բազումք 'ի նախարարացն հայոց դեռ եւս բռնացեալ ունէին զամուրս աշխարհին, և դեռ եւս մարզպանն յերկիւղի էր : Սասն որոց զգուշութեամբ հրամայեաց պահել զսուրբսն, և զաշխարհն հրամայէր սիրով նուաճել . վասն որոյ և ինքն իսկ շրջէր և ժողովէր և շինէր ուխտիւ հաստատութեան :

Եւ եպիսկոպոսացն հրաման տայր ունել զիւրաքան-

չիւր իշխանութիւնն, և ըստ առաջին սովորութեանն պաշտել յայտնութեամբ, և համարձակ եւս զալ 'ի հրապարակ: Աս և ընծայից և պատարագաց արժանի առնէր թողուլ զառաջեալ: Այլ քանզի բազում գաւառս առեալ և աւերեալ էր զօրականին, թողուլ հրամայէր զհարկս աշխարհին, և զայրուծին եւս զարքունի թեթեւացոյց առ ժամանակ մի: Այլ միայնակեացք որք ելեալ և կորուսեալ էին, հրամայէր զալ և ունել զիրաքանչիւր տեղիսն:

Այլ զամենայն կարգս աստուածպաշտութեանն, որպէս զհարդ և ունէին յառաջ ժամանակաւ առ նախնեօքն, նոյնպէս և այժմ, ասէ, կայցին: Այլ եթէ որ 'ի հեռի աշխարհ ուրեք գնացեալ իցեն, ունիմ իշխանութիւն յարքունուստ, ասէ մարզպանն, եթէ յազատաց իցեն, եթէ 'ի շինականաց իցեն, եթէ յեկեղեցւոյ, զինչ կեանս և թողեալ իցէ, եկեացեն և կայցին զիրաքանչիւր զարարս. երդմամբ կիւքէր և առաքէր 'ի կողմանս կողմանս: Ար և բազումք իսկ եկին և ժողովեցան, և կալան զիրաքանչիւր կալուածս:

Աս և որ մեծն է քան զամենայն, որ 'ի բռնութենէ որ ակամայ կալեալ էր զմոգութիւնն, հրովարտակս առաքէր յարքունուստ, անդրէն ունել զքրիստոնէութիւնն: Այլ յանդիման խօսէր թագաւորն, որք էին 'ի դրանն արքունի, եթէ Արք ոչ սիրով ունին զդէնիմազդէզն, այնպիսեացն և աստուածքն են ցասուցեալ, և ես ոչ ինչ եմ շնորհակալ. և այսօր զնոյն հրաման տամ ամենեցուն, 'ի կամս մարդոյն թողեալ ըստ իւրաքանչիւր մտաց, որպէս զինչ և կամի պաշտել՝ պաշտեսցէ. ամենեքեան իմ ծառայք են: Օ այս ասէր, և զրով հրաման տայր ամենայն աշխարհի:

Իբրեւ զայս լուան և տեսին բազումք՝ որ էին ցանեալ և ցրուեալք 'ի հեռաւոր տեղիս, գային և ունէին զիրաքանչիւր արարս: Իսկ նախարարքն որ էին յամուրս աշխարհին և կամ 'ի հեռաւոր օտարութեան, իբրեւ տեսին զինութիւն երկրին՝ մանաւանդ զեկեղեցւոյն հաստատութիւն, քաջալերեցան համարձակեցան և նուքա յանդիման լինել արքային: Ասան որոյ և պատգամ յղեցին առ մարզպան աշխարհին, զի 'ի դուռն ցուցցէ զբանս նախարարացն: Իսկ նա վարդապետի յար-

քունուստ գիր ողբքանաց և ուխտ հաստատութեան տայր տանել առ նոսա հրամանաւ արքունի : Ի այց թէ պէտ և գիտէին նոքա զդառնութիւն տերութեանն՝ թէ սուտ են յամենայնի, կամեցան չարչարակից լինել սրբոցն . զի եթէ մահ էւս առաջի կայցէ, ոչ ինչ զանգի տեսցեն երկիրդի :

Եւ զայս լուեալ թագաւորին, ոչ կապանօք, այլ արձակ ոտիւք և արձակ ձեռօք հրամայեաց առ ինքն կոչել : Ի՞՞նչն վաղվադակի զկին և զորդիսն, և զինչս իւրաքանչիւր ետունն՝ ՚ի ձեռս մարդպանին . և ինքեանք փութանակի գնացին ՚ի ձմերոցն արքունի :

Եւ մինչ դեռ անդրէն ՚ի ձմերոցին էր թագաւորն, ատեան հարցափորձի ՚ի մէջ նոցա հրամայէր լինել : Եւ նստաւ հազարապետն՝ զի լուիցէ կողմանցն երկոյունց :

Եւ իբրեւ յերկարեցաւ ամբաստանութիւնն զաւուրս բազումն, պարտաւորեցաւ կողմ՝ ուրացելոցն : Ի վանդի ցուցանէին զթուղթան՝ զոր տուեալ էր Ս ասակայ և ամենեցուն որ ընդ նմա էին, զի միաբանք իցեն ընդ նմա յուխտ ապստամբութեանն . թուղթ մի ՚ի Ս րաց աշխարհէն, և թուղթ մի Ս քուանից աշխարհէն . սոյն պէս և թուղթ մի Ս րձնիս, և հրովարտակ մի առ թագաւորն Յունաց, և թուղթ մի առ մեծ սպարապետն Ինտիքոս : Եւ ՚ի բոլորեսին յայտոսիկ թուղթան վաւերականի մատանի Ս ասակայ եղեալ էր : Սոյնպէս խառն էր նա և ՚ի մահ մոգուցն ՚ի Օ արեհաւանի : Եւ զբազում բերդս՝ զոր հանին ՚ի պարսկաց, յայտ առնէին զնորա թուղթան և զհրամանսն . քանզի նա էր մարդպան ՚ի ժամանակին :

Որպէս և հրեշտակութեամբ իսկ զոր յղեալ էր առ Յոյնս նախարար մի, որում անունն էր Մոսմ, յազգէն գնունեաց, սա մատուցեալ յանգիմանէր զնա առաջի մեծի ատենին հրովարտական իսկ՝ զոր տուեալ էր նորա իւրով մատանեաւ : Եւ և ՚ի մէջ իսկ բերէր զամբաստանութիւնն նորա Ս ուչկան՝ Սիւսալաւուրտ, և յայտ առնէր պատերազմակից ընկերօքն իւրովք, որ և յետ վճարելոյ պատերազմին բազում արիւն ետ հեղուլ Ս ասակ . թէ որպէս սուտ երդմամբք խաբէր և իջուցանէր յամրոցաց անտի . էր՝ զոր կտորէր, և էր՝ զոր գերի տանէր զճառայս և զաղախնայս արքունի : Եւ ՚ի վերայ



այսր ամենայնի վնասու , և գող եւս գտանէր հարկի աշխարհին , որ յարքունիան երթայր :

Վա և յուրացեալ ընկերացն նորա բազումք էին , որ յայտ արարին զչարիս նորա՝ զոր գործեալ էր ընդ աշխարհն հայոց : Եւ ՚ի մնացեալ մոգացն և ՚ի փշտիպանացն՝ որք ՚ի կապանսն ապրեալ էին և ապա ածին յարքունիս , հարցին և ցնոսա վասն նորա և ասեն . Վուք էք ինչ տեղեակ վասն չարութեան սորա : Ետուն պատասխանի և ասեն . Վննայն անցք չարչարանաց՝ որ անցին ընդ մեզ , և բազում հարուածք որ եղեն ՚ի զօրքն արքունի , և աւեր և գերութիւն աշխարհին հայոց , և կորուստ հարկացն արքունի , սկիզբն և առաջնորդ չարեաց այրդ այդ եղել :

Եւ մինչ գեռ այս ամենայն ամբաստանութիւն զնրմանէ էր զայնչափ բազում աւուրս , յառաջ մնտեան և իւր ազգականքն , որ եւս յառաջագոյն դատախազ լեալ էին զմմանէ առաջի արքային , սկսան կարգաւ ցուցանել և յայտ առնել , որպէս զի բարեկամացեալ էր նա ընդ հեռանայ հոնի միաբանութեամբ բողոսական արքային , ՚ի ժամանակին՝ զի կոտորեաց հեռանայն զօրոսն Պարսից յՂլուանս , և ասպատակաւ եհաս յերկիրն Յունաց , և բազում գերի և աւար խաղացոյց ՚ի հռոմոց և ՚ի հայոց և ՚ի Սրաց և յՂլուանից . որպէս զի ՚ի վերայ իսկ եհաս խորհրդոցն ինքն իսկ թագաւորն , և սպան զբողոսական արքայ : Եւ Սրասակ մարզպան էր հայոց ՚ի ժամանակին , և թնամեացն արքունի խորհրդակից գտաւ : Յուցին և յայտ արարին ազգականքն նորա , որպէս զի հմուտ և տեղեակ իսկ էին չար խորհրդոցն նորա . զամենայն ցուցանէին և յայտ առնէին առաջի թագաւորին . և զայլ եւս բազմապոյն խորհրդախութիւնսն , որ ստութեամբ վարէր զկեանս իւր՝ ոչ միայն առ ընկերս , այլ և առ թագաւորն ինքնին գլխովին . զի ոչ երբէք արդարութեամբ վաստակեալ էր ՚ի մանկութենէ :

Յայնմ ժամանակի հրամանս ետ հազարպետն . Ի՞՞ծէք այսր և ՚ի կապելոցն , որք են ՚ի բանտի անդ : Ի ուծին և ածին յերանելեացն զՍահակ եպիսկոպոս ուրշտունեաց և զսուրբն Յովսէփ և զՍեւանդ երէց : Եւ իբրեւ մերկացան ամենայն բանք ատենին առաջի նոցա ,

էտ պատասխանի Սահակ եպիսկոպոսն և ասէ . Որ յայտնի ուրացեալն էն 'ի ճշմարիտն Մատուծոյ, ոչ գիտեն զինչ գործեն և կամ զինչ խօսին . քանզի խաւարեալ են խորհուրդք նոցա . զտեարս պաշտեն սուտ պատճառանօք, և ընդ ընկերս մտանեն յուխտ ստուծեան : Եւ են նոքա դարանք սատանայի, զի նոքօք իսկ կատարէ զգառնութիւն կամացն իւրոց, որպէս երեւի իսկ 'ի գոյն յայդ Ս ասակ : Վրանզի մինչ ունէր զանունն քրիստոնէութեան, վերինն երեսօք կարծէր ծածկել և թաքուցանել զամենայն չարութիւն իւր առաջի ձերոյ անգէտ տէրութեանդ, և զամենայն նենգութիւնն իւր քրիստոնէութեամբն ծածկէր :

Աւստի և ձեր իսկ կարծեցեալ՝ մեծապէս պատուեցէք զդա առաւել քան զարժանն իւր : Հաւատացէք դմա զաշխարհն Ս րաց . հարցէք, եթէ գոհ իցեն զզմանէ : Ետուք դմա զտէրութիւնն Սիւնեաց . լուարուք յազգականաց այտի դորա, զինչ պատմեն զդմանէ : Եւրարէք զդա մարզպան հայոց . զոր նախնեացն ձերոց մեծաւ աշխատութեամբ գտեալ էր, դա 'ի միում ա մի կորոյս զերկիրն ամենայն : Տեսէր, իբրեւ բարձաւ 'ի դմանէ պատուական անունն Մատուծոյ, զոր ունէր ստուծեամբ, մերկ երեւեցաւ ամենայն չարագործութիւն դորա : Օ ի եթէ առ Մատուածն իւր սուտ զլուտաւ, առ ո՞րք 'ի մահկանացուաց աստի դատարար գտցի :

Եւրդ ամենայն ամբաստանութիւն՝ որ այժմ յայտնի եղեւ զդմանէ, ոչ ահա ձեր իսկ յառաջագոյն լուեալ էր . բայց յոր դէմն ծածկեցէքն, դուք ձեզէն իսկ քաջ գիտէք : Ինձ այսպէս թուի, եթէ սուտ յուսով դա զձեզ խնդացոյց : Եւ ոչ դուք և ոչ դա և ոչ որ զինի ձեր գալոցն է, զայն 'ի մեզ ոչ կարէ տեսանել : Եւրդ արարէք զդա որպէս և կամիք . ցմեզ զի հարցանէք :

Օ արմացաւ մեծ հազարապետն ընդ միտս իւր, և 'ի խորհուրդս իւր քննէր զամենայն բանս ատենին : Վրանզի հասեալ էր 'ի վերայ, եթէ յիրաւի դատապարտեցաւ այրն ըստ անարժան գործոցն իւրոց, եմուտ և եցոյց զամենայն բանս ատենին յարքունիսն : Եւ իբրեւ լուաւ թագաւորն և ստուգեաց 'ի հազարապետէն զառնն պարտաւորութիւն, բարկացաւ յոյժ և 'ի խոր խոցեցաւ . բայց միայն երկայնամտութեամբ կամեցաւ հասու-

յանել զնա 'ի մեծ անարդու թիւն : | ուռ եկաց աւուրս երկոտասան, մինչեւ 'ի գլուխ չոգաւ փուրսիչ ամբաստանութեանն :

Եւ եղև յաւուր միոջ մեծի զամենայն երեւելի և և զպատուականն հրամայէր յընթրիս կոչել : Առչեցին և զուրացեալն . և նա ըստ առաջի կարգի օրինացն արքունի արկանէր զպատուական հանդերձն, զոր ունէր 'ի թագաւորէն . կապէր և զպատուաւորան, և զխոյրն ոսկեղէն դնէր 'ի վերայ, և զկռանակուռ ձոյլ ոսկի կամարն ընդեղեղեալ մարդարտով և ակամբք պատուականօք ընդ մէջ իւր ածէր, և զգինդան յակոնջան, և զգումարտակն 'ի պարանոցին, զսամոյրան զթիկամբքն և զամենայն օրէնս պատուոյն զանձամբ արկեալ՝ երթայր յարքունիս . շքեղ և երեւելի քան զամենեւեան երեւէր բազմութեանն :

Իօկ նախարարքն որք կամօք 'ի Հայոց չոգան՝ անձամբ տուեալ զանձինս 'ի փորձութիւնն, և սուրբքն որ յառաջագոյն հասեալ էին, կապանօք ունէին զամենեւեան առ դրանն արքունի : Իբրեւ տեսին զնա զարդարեալ և շքեղացեալ, և բազմամբօս գնդաւ գայր յարքունիս, 'ի միտս իւրեանց սկսան այսրանել և ասել . Ա՛վ անմիտ վաճառական, զանմահ և զանանց պատիւ ետուր, և զանցաւորդ գնեցեր, զոր և զայդ եւս ընդ մօտոց աւուրս կորուսանելոց ես :

Եւ հաս և նստաւ 'ի ներքին դահլիճն, որ էր հրապարակ մեծամեծացն : Եւրդ եկն ել սենեկապանն յարքունուստ, հարցանէր ցնա և ասէր . Եւրբայ յղեաց առ քեզ . յորմէ գտեալ է քո զայդ ամենայն պատուական պատիւդ, ասա ինձ վաղվաղակի, վասն որոյ արդար վաստակոց : Եւ յուշ առնէր նմա զամենայն բանս ասենին, յորում դատադարտեցան . նա և զոր ոչ եւս անդ խօսեցան՝ զայն եւս յայտնէր նմա : ( ) Ի ոչ քստ կարգի ունէր նա զտէրութիւնն | իւնեաց աշխարհին, այլ նենգութեամբ և քտութեամբ ետ սպանանել զհօրեղբայր իւր զ| աղինակ, և յինքն տարաւ զտէրութիւնն իբրեւ քրտիկար յարքունիս : Եւ և այլ եւս բազում բանիւք դատապարտեցին զնա, որում ամենայն աւագանին վրկայ գային : Ապանձեցաւ ամենեւին, և չգտաւ բան ճշմարիտ 'ի բերան նորա : Իբրեւ կրկնեցին և երեքինե-

յին ցուցանելով 'ի ներքս յարքունիսն, հատաւ վճիռ մահու 'ի վերայ նորս :

Արդ եկն եւ դահճապետն, և մատեաւ առաջի ամենայն մեծամեծացն մերկեաց 'ի նմանէ զպատիւն զոր ունէր յարքունուստ, և զգեցոյց նմա հանդերձ մահապարտի : Այսպէցին զոտս և զձեռս, և կանանցաբար նրս տուցին 'ի ձի մատակ . տարան ետուն յայն զընդան, ուր կային մահապարտք ամենայն :

Իսկ նախարարքն Հայոց և սուրբ եպիսկոպոսքն հանդերձ երկցամբքն, թեպէտ և էին 'ի մեծի պատուհասի, ոչ ինչ յիշէին զնեղութիւնն՝ որ անցեալ էր ընդ նոսա, և կամ որ այլ եւս ակնկալութիւն էր գալ 'ի վերայ, այլ զարմացեալ էին ընդ մեծ յայտնութիւնն՝ որ եղև յԱստուծոյ : Սխիթարէին զմիմեանս և աւելին . Քաջութեամբ պատերազմեցաք, առաւել եւս համբերութեամբ ճգնեսցուք : Եւ եւալ է մեր 'ի սուրբ հարցն մերոց, եթէ գլուխ ամենայն առաքինութեան համբերութիւն է, և իմաստութիւն երկնաւոր՝ կատարեալ աստուածպաշտութիւն, և զայս ոչ զք կարէ գլտանել առանց չարչարանաց : Իսկ չարչարանքն յորժամ ընդերկարանայ 'ի վերայ, յայնժամ բազմանայ վարձ հատուցմանց պարգեւին :

Բոա թէ այդ այդպէս է, զայս միայն աղաչեսցուք զԱստուած, զի համբերել կարացուք ամենայն փորձութեանց . և Տէր ինքնին արասցէ հնարս մերում փրկութեան : Եւ եւալ է մեր զգատաստան քառասուն զինուորացն Քրիստոսի, որք բազում հարուածս տանջանաց ընկալան : Սինն 'ի նոցանէ փութացաւ 'ի բաղանին, և վրիպեաց 'ի պսակէն . իսկ երեսուն և ինն համբերութեամբ կատարեցան, և հասին այնմ աւետեաց, որում ցանկացեալն էին : Իսկ մեր ընկերակիցն աւանիկ, որ յառաջագոյն որոշեցաւ 'ի մէնջ, ահա եղև զորձակից սատանայի : Սինչ դեռ ոգիքն 'ի մարմնին են, ընկալաւ զառհաւատչեայ գեհէնին տանջանաց, որ ոչ միայն սրբոց է ողբալի, այլ և ամենայն դաղանաբարոյ մարդկան :

Օայս ասէին, և բազում արտասուս 'ի վերայ կորուսելոյն հեղութին . և անդէն զերգս հոգեւորս 'ի բերան առեալ ասէին . Բարի է յուսալ 'ի Տէր քան յու

տալ 'ի մարդիկ . բարի է յուսալ 'ի Տէր քան յուսալ յիշխանս . ամենայն ազինք շրջեցան զինեւ , և անուամբ Տեառն յազթեցինոցա : Վաջալերէին զմիմեանս և աւելին . Օպս գիտելով , եղբարք , մի երկիցուք յանաստուած ազգէս հեթանոսաց , որ քան զմեղուս վատթարագոյն եւս են 'ի զայրանալն իւրեանց . զի և նոցա ցասումն 'ի սատակումն անձանց իւրեանց լիցի . այլ մեք զանուն Տեառն կարդասցուք , և վանեսցուք զամենեւեան :

Իսկ ուրացեալն Սասակ հայեր 'ի միաբանութիւն տուրք կապելոցն , որք մեծաւ ինդութեամբ ընդունէին զչարչարանսն , և զուարթագոյն և պայծառք երեւելին որպէս յառաջագոյն յարքունիսն . հայեր և կարօտեր , և ոչ որ խառնեաց զնա 'ի նոսա , այլ ուրոյն նովին կապանօք պահէին : Եւ օր ըստ օրէ բերէին իբրեւ զգէշ բնկենուին 'ի մեծ հրապարակին , ձաղէին և այպանէին , և տեսիլ ամենայն կարաւունին զնա առնէին : Աղոստեցին հանին և ոչ ինչ թողին զոր ընդ իւրն ունէր . այնպէս ձաղեցին աղքատութեամբ , մինչեւ հաց մուրանային և բերէին նմա իւր ծառայքն : Եւ այնպէս սաստիկ արկին զպարտերս հարկաց աշխարհին 'ի վերայ տան նորա , որ մինչեւ զհարց և զհաւուց և զիւր արարս և զզարդս կանանց եւս եղ 'ի վերայ և ետ և տուժեցաւ , և ոչ կարաց հատուցանել զպարտան արքունի : Եւ յայն տեղի հասուցին , մինչեւ հարցանել նմա եթէ կայցէ ինչ գանձ 'ի գերեզմանս նախնեացն մերոց . և եթէ գտեալ էր նորա , հանէր և տայր ընդ իւր և ընդ ընտանեացն տուգանս . որպէս զի բազում մարգիկ իսկ չոգան 'ի տուժին :

Եւ իբրեւ այսպէս յամենայն կողմանց հարեալ վատթարացաւ , անկաւ յախտս դժնդակս անդէն 'ի կապանսն : Գեռաւ փոր նորա , և հարան և տորեցան գոգք նորա , և քամեալ մզեցաւ թանձրամուտիւն նորա : Եւ աղին որդունք ընդ աչս նորա , և 'ի վայր սորեցին ընդ սրնգունս նորա . խցան լսելիք նորա , և ծակտեցան չարաչար շրթունք նորա . լուծան ջիղք բազկաց նորա , և յետ կոյս կորացան կրկունք ուտիք նորա : Եւ լիսեաց 'ի նմանէ հոտ մահու , և փախստական եղեն 'ի նմանէ ձեռնասուն ծառայք նորա : Եւ զուն միայն կայր

կենդանի՝ ի բերան նորա, և ոչ գտաւ խոստովանութիւնս  
 ՚ի շրթունս նորա : Աշակեաց զմահ հեղձամղձուկ, և  
 էջ ՚ի դժոխս անհնարին դառնութեամբ : Ստնհար ե-  
 դէն նմա ամենայն սիրելիք նորա, և ոչ յագեցան սաս-  
 տիկ հարուածովքն ամենայն թշնամիք նորա :

Եւ այն որ կամէրն թագաւոր լինել մեղօք հայոց  
 աշխարհին, ոչ երեւեցաւ տեղի գերեզմանի նորա . քան  
 զի իբրեւ զչուն մեռաւ և իբրեւ զգէշ քարշեցաւ : Այ-  
 յիշեցաւ անուն նորա ՚ի մէջ սրբոց, և ոչ մատեաւ յի-  
 շատակ նորա առաջի սուրբ սեղանոյն յեկեղեցւոյն :  
 Այ ինչ եթող չարիս՝ զոր ոչ գործեաց ՚ի կեանս իւր,  
 և ոչ ինչ մնաց ՚ի մեծամեծ չարեաց՝ որ ոչ անցին ընդ  
 նա ՚ի մահուան նորա :

Վրեցաւ յիշատակարանս այս վասն նորա, առ ՚ի կրչ-  
 տամբումն յանդիմանութեան մեղաց նորա . զի ամե-  
 նայն որ զայս լուեալ գիտասցէ, նդովս ՚ի հետ արկցէ,  
 և մի լիցի ցանկացող գործոց նորա :



# ԱՐՏԱՔՈՅ ԵՕԹՆ ՅԵՂԱՆԱԿԻՆ

## ՈՒԹԵՐՈՐԴ

ԳԱՐՁԵՍԼ ՎԱՍՆ ՆՈՐԻՆ ՊԵՏԵՐՍՉԵՐԻՆ ԵՒ ԶԱՐԶԱՐԵՆԱՑ  
ՍՈՒՐԲ ԲԱՀԱՆԱՑԻՆՆ

Լորդ 'ի վեշտասաներորդի ամի տերութեան նորին թագաւորի, դարձեալ անդրէն խաղայր գնայր յաշխարհն Վուշանաց մեծաւ սրտմտութեամբ 'ի գործ պատերազմին: Եւ գնացեալ 'ի Վրկանէ, և ելեալ յԱպար աշխարհ, նովին կապանօք զնախարարսն և զքահանայսն հրամայեաց պահել 'ի դղեկ քաղաքին 'ի Վիշապուհ. և զերկուս յերանելի կապելոցն ընդ իւր խաղացոյց: Եւ արկանէր ամենայն քրիստոնէութեան ընդ որ անցանէր:

Իբրեւ զայն տեսանէր Հոն մի, որ էր յազգէ թագաւորացն 'ի Ասայանդրաց աշխարհէն, ինչ անուն, և 'ի ծածուկ խոնարհէր առ քրիստոնէայսն, և սիրով յօժարութեամբ ուսանէր 'ի նոցանէ զձշմարտութիւնն, և կամօք իւրովք նուաճեալ էր ընդ իշխանութեամբ թագաւորին, և կարի յոյժ դառնանայր 'ի միտս իւր յորժամ տեսանէր չարչարեալ զսուրբսն: Եւ իբրեւ այլ ոչ ինչ էր ձեռնհաս, փախստական անկանէր առ արքայն Վուշանաց: Երթայր և պատմէր նմա զամենայն անցս չարչարանացն, զոր անցոյց թագաւորն ընդ աշխարհն Հայոց. տեղեակ եւս առնէր զնա վասն խրամատութեան պահակին Հոնաց. ցուցանէր և զերկպառակութիւն զօրացն, որ բազում ազգք բաժանեցան 'ի սիրոյ թագաւորին. ազդէր նմա և զտրտունջ զԱրեւայր աշխարհին:

Օայս իբրեւ լուաւ թագաւորն Վուշանաց, ոչ ինչ

երկմտութեամբ թերանայր յառնէն, և ոչ կարծիք լրտեսի անկանէին 'ի միտս նորա: Վրանդի սակաւ մի յառաջագոյն նորա լուեալ էր, դարձեալ իբրեւ ստուգեաց եւս 'ի Րէլայն յայնմ՝ եթէ խողացեալ գայ 'ի վերայ աշխարհին Վուշանաց, փութացաւ վաղվաղակի զոր ժողովէր, գունդ կազմէր՝ ելանել նմա ընդ առաջ հզօր ձեռամբ: Օ ի թէպէտ և ոչ կարէր յանդիման տալ պատերազմ՝ ընդդէմ նորա, այլ 'ի վերջն թեւոյն անկեալ, բազում հարուածս հասուցանէր 'ի վերայ զօրացն արքունի: Եւ այնպէս նեղեալ շտապէր, զի անձուկ լաշկարաւ վատախտարակ արարեալ՝ այսրէն դարձուցանէր, և ինքն ասպատակաւ զհետ մտեալ աւերէր զբազում գաւառս արքունի. և ինքն ողջանդամ անդրէն յերկիրն իւր դառնայր:

Եւ իբրեւ ետես եթէ անարգանօք և վատթարութեամբ դարձեալ եմ 'ի պատերազմէս, զիջաւ փոքր մի 'ի հպարտութենէն, և գիտաց եթէ յերկպառակութենէ զօրացն եղեն չարիքն ամենայն: Եւ առ միջկել սրտին՝ չգիտէր թէ յ' թափէր զթոյնս դառնութեանն: Իսկ մեծ հազարապետն յոյժ էր յերկիր զի, քանզի ինքն էր պատճառք ամենայն չարեացն՝ զոր գործեաց:

Սկսան բանս 'ի բերան դնել մոզպետին և մոզացն, որք մատուցեալ յանդիման ասէին ցթագաւորն. Վրքայ քաջ, մեք 'ի դենէ իսկ գիտեմք, զի ոչ որ 'ի մարդկանէ կարէ կալ առաջի քոյոյ մեծի զօրութեանդ. այլ վասն քրիստոնէիցն, որ են ընդդէմ օրինաց մերոց, բարկացեալ են մեզ աստուածքն, զի մինչեւ ցայսօր կենդանի պահեցեր զնոսա: Եւ յիշեցուցանէին եւս նմա, որպէս նոքա 'ի բանտի անդ անիծանէին զքեզ: Եւ բազում և այլ հայհոյութիւնս խօսէին զարքոցն, և զօրհանապառ զնոսա յաչաց հանէին, և զմիտս թագաւորին ածէին 'ի ցասումն բարկութեան. մինչեւ փութացաւ վաղվաղակի հեղուլ զարիւն անմեղացն:

Եւ յորաման վասն երկուցն՝ որ անդէն 'ի կարաւանին առ իւրն էին, Սամուէլ և Վերահամ, զի գաղտ կորուցեն զնոսա: Իսկ որք էին 'ի գղեկ քաղաքին, հեռի էին 'ի կարաւանէն իբրեւ օթիւք հնգետասան: Հրամայեաց համբարակապետին, որում անունն էր Ղենշապուհ, զի յառաջ քան զնա երթիցէ 'ի քա-



ղաքն, ուր էին սուրբ քահանայքն Տեառն, և չարաչար տանջանօք իշխեսցէ դատել և հարցանել, և սրով վախ ճաննել :

Եւ զնոսա մոգպետին՝ յառաջագոյն, որում՝ յանձն արարեալ էր, բազում անգամ աւելի քան զհրամանն արքունի չարչարեալ էր . քանզի իշխան դէնպետ էր Եւ պար աշխարհին, և առաւել ջերմագոյն էր ՚ի մոգութեանն . քան զբազում գիտունն եւս տեղեակ էր զբազեշտական օրինացն : Եւ և զոր մեծ պարծանս համարէին ըստ իւրեանց մոլորութեանն կարգի, համակդէն անուն էր . գիտէր և զանպարտքան, ուսեալ էր և զբողպայիտն, ունէր և զպաշտակին և զպարսկադէնն . քանզի այս հինգ կեշտք են՝ որ գրաւեալ ունին զամենայն օրէնս մոգութեանն : Բայց արտաքոյ սոցա է միւս եւս այլ վեցերորդ, զոր մոգպետն կոչեն :

Թուէր իմն անձին, եթէ կատարեալ իցէ ամենայն գիտութեամբ . հայէր ընդ երանելիսն, եթէ առ ՚ի տրգիտութեան մոլորեալ են ՚ի մեծ գիտութեանէս մերմէ :

Եւ սնտոի կարծիս ՚ի մտի՝ անդադար չարչարել զնոսա, զի թերեւս առ չժուժալ մարմնոյն նեղութեանց լուայց ՚ի նոցանէ բանս ինչ ողորմաց : Այսն որոյ զատ և որոշեաց ՚ի նախարարացն զքահանայսն, և հեռացոյց ՚ի նոցանէ բացագոյն . և արկ զնոսա ՚ի ներքնատուն մի գէճ խաւարատին : Եւ հրամայէր վեց առն երկու քաշկէնս ժամէ ՚ի ժամ, և դորակ և կէս ջուր . և ամենեւին ոչ զօք թողցր մօտ երթալ ՚ի դուրս բանտին :

Եւ իբրեւ առուրս քառասունս այսու նեղէր զնոսա, և ոչ լուաւ ՚ի նոցանէ բան թուլութեան, այլ իմն ած զմտաւ, եթէ ոք յիւրոց ծառայիցն գաղտ եգիտ ինչ ՚ի նոցանէ, և ՚ի ծածուկ տացէ նոցա կերակուր : Ինքն երթեալ կնքէր զերդ և զդուռն բանդին, և զկարգեալ ռոճիկն տայր յիւր հաւատարիմն տանել նոցա . և աւրար զայս առուրս հնգետասան : Ասկայն և այնպէս երանելիքն ոչ ինչ շտապեալ տագնապեցան . այլ մեծաւ համբերութեամբ տանէին զձգնութիւնն, և անդադար սողմոսիւք կային ՚ի հանապազօրդ պաշտամանն . և ՚ի կատարել աղօթիցն զուարթագին գոհանալով, սակաւիկ մի հանգչէին ՚ի գեանախշտի յանկողինն :

Իսկ պահապանքն, որ ՚ի վերայ կապելոցն կային, յոյժ

էին զարմացեալ ընդ առողջութիւն անհիւանդութեան նոցա, իբրեւ լսէին զանդադար հնչումն ձայնիցն : Ընդ ան այնորիկ պատմեցին յականջս մոգպետին և ասէն . Ընդ էն արքն այն լոկ առանց մեծի զօրութեան . զի եթէ պղնձի մարմինք ունէին նոքա, արդ լուծեալ էր 'ի գէճ խոնարայ անտի : Բազում ժամանակք են մեր, զի յանձն է մեզ պահպանութիւն բանդիս . ոչ յիշեմք եթէ 'ի կապելոյ որ ամսօրեայ ժամանակ կեցեալ է 'ի տանդ յայդմիկ : Ընդ մեք ասեմք քեզ . եթէ առեր հրաման մահու նոցա և սպանանես, դու գիտես . ապա թէ ոչ, պահել յանձն արարաւ քեզ և ոչ դատել զնոսա, չալաչար վտանգ է կապելոցն : Եւ և մեք զահի հարեալ եմք և յոյժ երկնչիմք, յորժամ տեսանեմք զայնպիսի անհնարին նեղութիւնսն :

Եւ իբրեւ զայս լուաւ մոգպետն, յարուցեալ ինքնին երթայր 'ի մէջ գիշերին յերդ բանդին : Եւ հայեցեալ 'ի ներքս ընդ մութ գիշերոյն, այն ինչ լինէր նոցա 'ի պաշտամանէն հանգչել, և տեսանէր զանձն իւրաքանչիւր կապելոցն, զի իբրեւ զկանթեղ անշիջանելի վառեալ բորբոքէր : Օհ հի մեծի հարաւ, և ասէր ընդ միտս իւր . Օհնչ է այս մեծ սքանչելիքս . աստուածք մեր ուրեմն եկեալ իջեալ են 'ի բանդս, և նոցա փառաւորութիւնն լուցեալ բորբոքի : Եւ եթէ նոքա առ սոսա ոչ մերձենան, մարդոյ լոկոյ անհնարին է զայսպիսի պայծառութիւն լուսոյ զգենուլ : Իմ այսպէս լուեալ էր վասն կեշտիս այսորիկ, եթէ առ յոյժ յիմարութեանն մոլորեալ են, և ստութեամբ կերպարանին յայս տգէտ մարդկան . թերեւս և այս տեսիլ այնպէս ինչ երեւեցաւ ինձ :

Եւ ոչ կարէր համօրէն կալ 'ի վերայ իրացն երեւման : Եւ մինչ դեռ յայսմ մտաց խորհրդի էր, դարձեալ սուրբքն յիւրաքանչիւր խշտեկացն կանգնեցան կացին 'ի սովորական պաշտամանն : Զայնժամ ճմարտեալ գիտաց մոգպետն, եթէ ոչ այլ ընդ այլոյ տեսանէր՝ որ երեւեցաւն նմա, այլ 'ի նոցունց յանձանց փայլէր լուսաւորութիւնն : Զայնժամ կրկին անգամ զահի հարաւ և ասէ . Ընդ 'ի կապելոցն եղեւ այսպիսի յայտնութիւն . ես և ոչ զմի որ ոչ գիտեմ, և ոչ լուեալ է իմ 'ի հարցն յառաջնոց : Եւ քանզի անհնարին շար-

ժեցաւ 'ի մեծ սքանչելեացն, և գողային ամենայն մարմինքն, և թմբերեալ կիսամեռ լինէր 'ի վերայ տանեացն մինչեւ յառաւօտն . և 'ի ծագել լուսոյն իբրեւ զբազմօրեայ հիւանդ յարուցեալ երթայր 'ի վանս իւր, այլ և ոչ ումեք իշխեաց ամենեւին պատմել զոր ինչ ետեսն :

Այլեաց առ իւր զպահապանսն և ասէ ցնոսա . Այրթայք հանէք զկապեալսն 'ի վերնատուն մի ցամաքագոյն, և անդ պահեցէք զնոսա զգուշութեամբ, որպէս և ասացէքն : Ա'ի ոմն 'ի դահճաց անտի, իբրեւ լուաւ զհրամանս մոգպետին, փութով ընթացեալ երթայր, իբրեւ մեծ իմն աւետիս տանէր նոցա : Հրամայեաց ձեզ, ասէ, ելանել 'ի ցամաք վերնատուն մի . արիք վաղվաղակի, և մի հեղձայք, քանզի և մեք իսկ պաղատեցաք վասն ձերոյ տառապանացդ :

Իսկ սուրբն Յովսէփ հեզաբար սկսաւ խօսել ընդ դահճապետին և ասէ . Այրթ ասա ց յիմար առաջնորդն ձեր . չէ լուեալ քո վասն հանդերձեալ գալտեան Տեաւորն մերոյ և կամ վասն մերոյ հրաշակերտ շինուածոցն, որք մեզ կան պահին 'ի սկզբանէ պատրաստութիւնքն . վասն որոյ դիւրեաւ համբերեմք մեծի նեղութեանս առ սէր այնր յուսոյ՝ զոր տեսանեմք : Ի ու բարեք, զի արդահատեցեր մեծի նեղութեանս մարմնոյ . այլ ոչ ինչ եմք ձանձրացեալք իբրեւ զանաստուած դք, որ չիք այլ ինչ յոյս 'ի միտս նորա քան որ երեւինս : Եւ մեք առ սէրն Արիստոսին մերոյ՝ ընդ այս յոյժ եմք ինդացեալ, և կատարեալ պարգևս զսա իսկ համարիմք, զի ժամանակեայ վշտօքս զանժամանակ երախութիւնան ժառանգեսցուք :

Այլ է շինուածոց իցեմք ցանկացեալք, ունիմք շինուածս յերկինս առանց մարմնաւոր ձեռագործի, որ ոչ երեւին ձեր արքունիքդ առ նոքօք : Այնպէս և հանդերձից և փառաց և անախտ կերակրոց, զոր եթէ ոք կամեսցի ասել ձեզ, չհանդարտէ լսել ձեր տկարութիւնդ . վասն զի կուրութեան հնութեամբն չտեսանէք և ոչ լէք և ոչ իմանայք, յայն սակս զմեզ զուր և անիրաւ առանց յանցանաց անողորմն դատիք : Եւ մեր թագաւորն առատ է և բարերար, և բաց է դուռն արքայութեան նորա . եթէ կամեսցի որ դիմել՝ դիմեսցէ համարձակ . 'ի դարձելոյ յապաշխարութիւն ջնախանձի և ոչ ընդ ումեք երբեք :

Բայց վասն դիւրութեանս՝ որ զու հրամայեցեր առնել մեզ, էր մեր իշխանութիւն անդրէն յաշխարհին մերում չանկանել մեզ ՚ի ձեռս թագաւորիդ, որպէս և այլքն՝ զի ապրեցան յայսպիսի փորձանաց. այլ որպէս կամօք և յօժարութեամբ եկաք, իբրեւ թէ գիտեալք զգիշտ վտանգիս, ոչ ինչ զանգիտեցաք յայսպիսի ճգանց, սոյնպէս և կամիւք՝ զի և այլ եւս ծանրացուցես ՚ի վերայ մեր, մինչեւ քո չարութիւն կամացդ յագեցի ՚ի մեզ: Օ ի թէ Ըստուածն մեր, որ է արարիչ երկնի և երկրի և ամենայն երեւելեաց և աներեւութից, և առ սեր իւրոյ բարերարութեանն խոնարհեցաւ առ ազգս մարգկան, և զգեցաւ մարմին չարչարելի, և անց ընդ ամենայն հանդէս առաքինութեան, և կատարեաց զամենայն գործ սնտեսութեան, ՚ի կամս իւր մտանեցաւ ՚ի ձեռս խաչահանուացն, մահու մեռաւ և եղաւ ՚ի գերեզմանի, և զօրութեամբ աստուածուութեանն իւրոյ յարուցեալ երեւեցաւ աշակերտացն և այլոց բազմաց, և վերացաւ առ հայր իւր յերկինս, և նստաւ ընդ աջմէ հայրենի աթոռոյն, և շնորհեաց մեզ զօրութիւն երկնաւոր, զի ըստ նորա անմահութեանն՝ և մեք մերով մահկանացու մարմնով կարիցեմք չարչարակից լինել անմահ մեծութեանն, և նա ոչ եւս իբրեւ զմահկանացու համարի զմեր մահն, այլ իբրեւ անմահից հատուցանէ մեզ զվարձս վաստակոց մերոց, արդ փոքր համարիմք մեք զչարչարանս զայս առ սեր փոխարինին, զոր էարկ առ ազգս մարգկան:

Իբրեւ լուաւ զայս ամենայն բանս մոզպետն ՚ի դահճապետէ անտի, խոռովեցաւ, պղտորեցաւ ՚ի միտս իւր, և հատաւ քուն յաչաց նորա զբազում գիշերս: Իսկ յաւուր միով յերեկուն պահուն յարուցեալ երթայր առ նոսա միայնիկ լռիկ, և ոչ զոր առնայր ընդ իւր ՚ի սպասաւորացն: Եւ իբրեւ եհաս ՚ի դուրս տանն, հայեր ընդ ծակ մի ՚ի ներքս և տեսանէր ըստ առաջին տեսլեանն. բայց նոքա ՚ի քուն կային խաղաղիկ: Հեզաբար կարդաց յանուանէ զեպիսկոպոսն, քանզի քաջ իսկ գիտէր պարսկերէն: Եկն ՚ի դուրս և հարցանէր. Ո՞վ ես դու: Եւ ինքն իսկ եմ, ասէ. կամիմ ՚ի ներքս մտանել և տեսանել զձեզ:

Եւ իբրեւ եմուտ ՚ի մէջ սրբոյն, ոչ եւս երեւեր նմս

այլ նշանն . և պատմեաց նոցա զերկիցս երեւումն սքան չեիեայն : Այտ պատասխանի Վ եււնդ երէցն և ասէ . Մտուած , որ ասաց 'ի խաւարի լոյս ծագել , որ և ծագեաց և լուսաւորեաց իմաստութեամբ զաներեւոյթ արարածս , նոյն զօրութիւն և այսօր ծագեաց 'ի խաւարեալ միտս քո , և բացան աչք կուրացեալ ոգւոյդ , և տեսեր զանշիջանելի լոյս շնորհացն Մտուծոյ . փութա , մի հեղգար . գուցէ դարձեալ կուրացեալ ընդ խաւար գնայցես :

Աւ զայս իբրեւ ասաց , յոսն կացին ամենեքեան ասելով զբառաներորդ երկրորդ սաղմոսն . Մաքեա , Տէր , զլոյս քո և զճմարտութիւն քո , զի նոքա առաջ նորդեսցեն և հանցեն զմեզ 'ի լեւոն սուրբ և 'ի յարկս քո : Մրդարեւ ճմարտիւ , Տէր , առաջնորդեցեր և անծեր զմոյրեալս զայս յանանց ուրախութիւնդ և յանմերժելի հանգիստդ : Մհա նմանեալ է օրս այս սուրբ չարչարանացն քոց . որպէս ապրեցուցեր զմահապարտ աւազակն յերկրորդ մահուանէն , և նովաւ բացեր զաղխեալ դուռն Մգենայ , այսպէս գտեր և զայս կորուսեալս . որ էր պատճառք մահու բազմաց , արդ արարեր զսա պատճառք կենաց մեզ և անձին իւրում : Վոհանամք զքէն , Տէր , գոհանամք և ձայնակիցք լինիմք սուրբ մարգարէին . Մի մեզ Տէր , մի մեզ . այլ անուան քում տուր փառս վասն ողորմութեան և ճմարտութեան քոյ . զի մի երբեք ասացեն 'ի հեթանոսս , թէ ուր է Մտուած նոցա . որպէս և այսօր իսկ յայտնի եղեւ զօրութիւն քո մեծ 'ի մէջ ապարասան խաւարազգեստ ազգիս :

Իսկ որ ձրին եգիտ զաստուածատուր շնորհան , սկսաւ և նա առանձինն ասել . Տէր լոյս իմ և կեանք իմ , ես յումէ երկեայց . Տէր ապաւէն կենաց իմոց , ես յումէ զողացայց : Վանզի գիտեմ ճմարտիւ , եթէ բազում են այսուհետեւ թշնամիք իմ , և կամին մերձեալ և ուտել զմարմնս իմ : այլ դու , Տէր ամենայնի , եկիք վասն ամենեցուն կենաց , զի դարձցին և կեցցեն առաջի քոյոյ մարդասիրութեանդ : Մի որոշեր զիս 'ի սուրբ գառանցս՝ յորս խառնեցայ , զի մի ըստ քո փարախդ արտաքս ելեալ՝ չար զազան դարձեալ բեկանիցէ զիս : Մի հայիր , Տէր , 'ի բազմամեայ ամբարշտութիւնս

իմ, զի մի մեջորեալ 'ի ճշմարիտ կենացո՞ղ՝ դասադուստ  
անդրէն 'ի կորուստ աշակերտիցեմ. այլ որոց եղէ պատ-  
ճառք մահոյ, նոցին եղէց և պատճառք կենաց: Ստատ-  
նայ՝ որ ինեւ խորխտացեալ պարծէր 'ի մէջ մեծի կո-  
րրտականացս, ինեւ կորացեալ ամաչեացէ 'ի մէջ իւ-  
րոց աշակերտացն:

Եւ զայս իբրեւ ասացին, նմին իսկ ետուն կատարել  
զաղօթան, և դադարեցին նովաւ հանդերձ մինչեւ 'ի  
պահն երրորդ. և այնպէս խաղաղացեալ կացին 'ի քուն  
ամենեքեան մինչեւ 'ի ժամ առաւօտուն: Իսկ նորա  
յուն կացեալ, և 'ի քուն ոչ մտանէր. այլ զձեռն իւր  
'ի վեր համբարձեալ կայր յաղօթս: Եւ մինչ դեռ ընդ  
երդ պուրցեալ հայէր յերկինս, յանկարծակի տունն լի  
եղև լուսով. և երեւեցան նմա սանդուղք լուսեղէնք՝  
որ կանգնեալ էր յերկրէ յերկինս, և գունդք գունդք  
զօրաց ելանէին 'ի վեր. և էր ամենեցուն տեսիլն նոր  
և չքնաղ, հաշաւոր և սքանչելի իբրեւ զտեսիլ հրեշտա-  
կի: Ունէր և զԹիւ համարոյ 'ի միտս իւր զիւրաքանչիւր  
գնդիցն, զոր տեսանէր. էր՝ որ զհազարի, էր՝ որ զերե-  
սուն և զերից, էր՝ որ զերկերիւրոց և զերեքոտասանից:  
Եւ այնպէս մտազոյնս մերձենայր, մինչեւ ճանաչել  
նմա զերիս 'ի նոցանէ, զՎարդան և զՂրտակ և զՍո-  
րէն: Եւ ունէին ինն պսակ 'ի ձեռին, խօսէին ընդ մի-  
մեանս և ասէին. Ե՛հա եկն եհաս ժամ, զի և սոքա  
խառնեցին 'ի գունդս մեր. քանզի և մեք սոցա իսկ  
մնայաք, և առհաւատչեայ պատիւ սոցա բերաք: Եւ ո-  
րում ոչ եւս մնայաք՝ եկն երեւեցաւ և խառնեցաւ, և  
եղև իբրեւ զմի 'ի զինուորաց Վրիստոսի:

Եւ յս երիցս անգամ երեւեցաւ չքնաղ տեսիլս առն  
երանելոյ: Օարթոյց զսուրբան 'ի քնոյ անտի, և պատ-  
մեացնոցա զամենայն տեսիլն կարգաւ: Իսկ նոքա յարու-  
ցեալ կացին յաղօթս և ասէին. Տէր, Տէր մեր, զի  
սքանչելի է անուն քո յամենայն երկրի. համբարձաւ  
մեծ վայեցուծիւն քոյ 'ի վերոյ քան զերկինս. 'ի բե-  
րանոց մանկանց տղայոց ստընդիացաց հաստատեցեր  
զօրհնութիւն, զի եղծցի թշնամին և հակառակորդն:  
Օի ոչ եւս է այսուհետեւ ասել, եթէ տեսից զերկինս  
զգործս մատանց քոց, այլ թէ տեսից զքեզ, Տէր երկնի  
և երկրի. որպէս երեւեցար իսկ այսօր 'ի ձեռն սուրբ

զօրականացն քոց հեռաւոր օտարիս, որ անցեալ էր ըստ ակնկալութիւն կենաց իւրոց :

Մհա դու, Տէր, ողորմութեամբ քով պսակեցեր զսրելիս քո, և գթութեամբ քով ելեր 'ի ինդիր կորուսելոյս, դարձուցեր և խառնեցեր 'ի դաս սրբոց քոց : Ամիայն ետես սա զերկինս՝ զգործս մատանց քոց, այլ ետես զերկինս և զանակիչս նորա, և մինչ դեռ է յերկրիս՝ խառնեցաւ 'ի գունդս բիւրաւոր հրեշտակաց քոց : Այտես և զողիս արդարոց կատարելոց, ետես և զմանուութիւն վրասաց աներեւոյթ պատրաստութեանցն, ետես և 'ի ձեռին նոցա զանշուշտ ուարունայն, որ հանդերձեալ պահի 'ի ձեռն ճարտարապետին : Արանի սմն վասն սուրբ տեսլանս, և երանի է մեզ վասն սորա մերձաւորութեանս առ մեզ . քանզի հաստատեալ զիտացաք սովաւ, եթէ որում այսպիսի սքանչելիք յայտնին, մեծ մասն ընկալաւ սա յանսպառ քոց բարութեանցդ : Մնապառ են պարգեւքն քո, Տէր, և առանց ինդրելոյ տաս ում և կամիս քոյով յորդ և անսխառն առատութեամբդ : Այլ եթէ որ ոչ ինդրեն՝ չարգելուս 'ի նոցանէ, բաց մեզ, Տէր, զգունն ողորմութեան քոյ, որ 'ի մանկութենէ մերմէ ցանկացեալ եմք բարեմանութեան սրբոց քոց : Օնորադիւտ դաստակերտս քո բարեխօս առնեմք վասն անձանց մերոց . մի ընկղմեցի նաւ հաւատոց մերոց 'ի մէջ ալէկոծեալ ծովու մեղաց :

Այսպէս յերկար կատարելով զաղօթման, յորդ և առատ արտասուս հեղուին 'ի վերայ անձանց իւրեանց : Վութ ողորմանաց արկանէին առաջի բարեբարին, զի լսելի լիցի ձայն պաշտամանաց նոցա, և հաստատուն կացցեն 'ի վիշտս ճգանցն, զի մի զրկեցին 'ի ցանկալի պսակացն, զոր ունէին սուրբքն 'ի ձեռս իւրեանց, որպէս և ազգեցաւ նոցա 'ի ձեռն Հոգւոյն սրբոյ, զի մերձեալ էր ժամանակ կոչման նոցա . որպէս զի երթիցեն և աներկիւղ դադարեցն 'ի կատկածելի սոխկալութեանն, որում համբերէին բազում տառապանօք, զի առհաւատչելի փոքու հասցեն երկնաւոր մեծութեանն, որում 'ի վաղնջուց իսկ էին ցանկացեալք :

Այլ քանզի ինքն իսկ մոգպետն իշխան էր աշխարհին, և նման յանձն արարեալ էր զկապեալսն քաղաքին, վասն այնորիկ և համարձակութեամբ ընդ առաւօտն հանեալ

տանէր յապարանսն իւր : Դուանայր և սրբէր զնոսա 'ի չարչարանաց բանդին , առնոյր զըուր լուացմանն սրբոցն և արկանէր զիւր մարմնոջն : Դւղղէր 'ի տան իւրում աւազան , և ընդունէր 'ի նոցանէ զսուրբ մկրտութիւնն . հաղորդէր 'ի կենդանարար մարմինն և 'ի քաւիչ արիւնն Տեառն մերոյ ( Յիսուսի Վրիստոսի : Բարձր բարբառով աղաղակէր և ասէր . Դկրտութիւնս այս լիցի ինձ 'ի լուացումն մեղաց խնոց , և 'ի ծնունդս նորոգութեան վերստին Հոգւոյն սրբոյ , և ճաշակումն անւնհ խորհրդոյս 'ի ժառանգութիւն երկնաւոր որդէգրութեանն : Դնէր և ըստ մարմնոյ առաջի նոցա սեղան կերակրոյ , և միտթարութեան բաժակ մատուցանէր նոցա , և միաբանէր ընդ նոսա հացին օրհնութեան :

Դյւ թէպէտ և ինքն եհաս յերկնաւոր բարինն , և աներկիւղ էր 'ի մարդկանս հարուածոց , սակայն վասն բնտանեացն յոյժ ունէր կասկած , զի մի իբրու փնասակարբ մատնեցին յիրս արքունի : Դ ան այնորիկ 'ի ծածուկ կոչէր 'ի գիշերի և զնախարարսն , որ 'ի նմին քաղաքի էին 'ի կապանս , և առնէր ծախս մեծամեծս : Դւ էին ամենեքեան 'ի մեծի խնդութեան վասն պանչելեացն , որ երեւեցաւ նոցա : Դւ յիշէին ամենեւին , եթէ վիշտբ ինչ անցեալ էին ընդ նոսա :

Բայց 'ի ժամ բազմականացն կարծիք իմն եղէն 'ի միտս սրբոցն վասն երիցու միոյ , որ էր ընդ նոսա 'ի սուրբ կապանան . զի 'ի մէջ շինական մարդկան կեցեալ էր , և տգիտագոյն եւս էր 'ի գրոց միտթարութենէ : Հրամայեցին նմա ունել զգլուխ բազմականին . ետ պատասխանի երանելին և ասէ . Օ ինչ է այդ՝ զոր դուքդ գործէք , և կամ յինէն զի թաքուցանէք զծածուկս խորհրդոցդ : Դս քան զկրսերս ձեր խնարհագոյն եմ , և քան զեւս փոքունս յաշակերտաց ձերոց տգիտագոյն եմ , զիւրդ կարացից այդմ տանել : Դյս իսկ մեծ էր ինձ , զի սուրբ կապանաց ձերոց հաղորդեալ եմ այսօր : Դթէ արժանի համարիք զիս ձերում սեղանոյդ , կալարուք դուք զիւրաքանչիւր տեղի բազմականիդ , և հրամայեցէք ինձ զիմ տեղին : Դւ բռնադատեաց սուրբ եպիսկոպոսն միաբանութեամբ ամենայն սրբոցն , և 'ի վերոյ քան զամենեսեան բազմեցուցին զնա :

Դւ իբրեւ բողոքեցաւ ակումբ բազմականին , և հա-



զորդեցան ամենեքեան՝ ի կերակուրն զուարթութեամբ, յոան եկաց սուրբն Յովսէփ, և սկսաւ զուրախութեան նուազն մատուցանել և ասել այսպէս. Ուրախ լերուք ամենեքեան ՚ի Վրիստոս. քանզի վաղիւ այս ժամ իցէ, ահա մոռացեալ իցէ մեր զամենայն նեղութիւնս և զչարչարանս զոր կրեցաք: Եւ փոխանակ սակաւ աշխատութեանս մերոյ՝ բազմապատիկ հանդիստ ընդունելոց եմք, և փոխանակ խաւարային արդելանի բանդին՝ մտանելոց եմք յերկնից քաղաքն լուսաւոր, որոյ քաղաքի քաղաքապետ ինքն Վրիստոս է, հանդիսապետ՝ յորում ասպարիսի նախ ինքն առաքինեցաւ առնելով զնշան յաղթութեան: Եւ այսօր նոյն Տէր է, որ յաջողէ մեզ զնոյն նշան ընդունելով ՚ի փրկութիւն անձանց մերոց և ՚ի պարծանս մեծափառ սուրբ եկեղեցւոյ: Եւ զոր օրինակ տեսէք դուք զեղբայրս զայս ՚ի գլուխ բազմականխս մերոյ, սոյնպէս սա նախ ընդունելոց է վաղիւ զպսակն ՚ի ձեռն կատարմանն իւրոյ: Օ ի ահաւասիկ եկն եհաս և մերձեցաւ առ մեզ թշնամին կենաց մերոց և պսակիչ սուրբ չարչարանաց ծառայիցս Վրիստոսի:

Օ այս իբրեւ ասաց, լուաւ ՚ի նմանէ բանս պնդութեան, որով յոյժ մխիթարեցան ամենեքեան. ասէ. ՚Ի սուրբ աղօթից ձերոց այդպէս արասցէ ինձ Վրիստոս, և կատարեսցէ զելս վախճանի իմոյ յաշխարհէս ըստ բանի քում: Եւ ահա ընդ ասելոք քո ազգումն եղեւ հոգւոյս իմոյ, և յիշեցի ես զմարդասիրութիւնն Վրիստոսի, որոյ և գալուստ իսկ նորա յաշխարհս վասն մեր մեղացն եղեւ: Վթասցի յիս որպէս և յաւազակն ՚ի ժամ խաչին. որպէս նովաւ զզրունս փակեալ Վրախտին եբաց, և յառաջեցաւ լինել կարապետ այնոցիկ՝ որ անդրէն ՚ի նոյն տեղի դառնալոց էին յուրախութիւն, արասցէ և զիս այսօր Տէր Յիսուս Վրիստոս սպասուոր ձերում մեծաշուք գնդիդ:

Ընանիկ վասն միոյ մեղաւորի՝ որ դառնայ յապաշխարութիւն, անվախճան լինի ուրախութիւն հրեշտակաց յերկինս. որպէս զի գիտեն իսկ զկամս Տեառն իւրեանց: Վրանզի վասն միոյ կորուսելոյ ոչխարին եկն ՚ի ինդիր, վասն այնորիկ և նոքա խնդակիցք լինին վասն միոյ դարձելոյ յապաշխարութիւն: Թերեւս վասն իմ

եկեալ էր մեծ զօրավարն Հայոց բազում սուրբ ընկերակցօքն իւրովք. զպսակն վասն ձեր բերեալ էր, այլ զուրախութեան աւետիսն հասարակաց տայր: Եւ առաւել եւս ընդ իս էին զարմացեալ, զի ոչ ճանաչէին զիս 'ի կեանս իւրեանց, ահա 'ի սուրբ մահն իւրեանց՝ կամէին զի և ես մասն ընկալայց ընդ երանելիսն:

Ըղաչեմ զձեզ, տեարք իմ և հարք, աղօթս արարէք 'ի վերայ անարժանութեանս իմոյ, զի արժանի եղէց մեծի աւետեացն հասանել, որ յանուտ ձերոց բերանոցդ բարբառեցաւ 'ի լսելիս իմ: Ըրդ փութամ տեսանել զօրն, և յաւուր անդ զժամն եկեալ հասեալ 'ի վերայ մեր: Եւ երբ իցէ զի ելից 'ի թանձրադան դաղ ձանձրալի մարմնոյս այսորիկ, երբ իցէ զի տեսից զքեզ Տէր Յիսուս, երբ իցէ զի աներկիւզ եղէց 'ի մահուանէ, երբ իցէ զի տգիտութիւնս իմ հասցէ 'ի կատարեալ գիտութիւն: ()գնեա ինձ, Տէր, օգնեա ինձ, և կարկառեա զամենագործդ յօգնականութիւն. զի խոստման բանիցս իմոց և գործք արդեամբք կատարեսցին 'ի վերայ մեր. և փառաւոր լիցի յիս 'ի մեղաւորս անուն Տեառն մերոյ Յիսուսի Քրիստոսի:

Օ այս իբրեւ ասաց երանելին, յոսն կացին 'ի բազմականացն անդ, գոհանային ասելով. Փառք քեզ, Տէր, փառք քեզ թագաւոր, զի ետուր մեզ կերակուր ուրախութեան. լցո զմեզ հոգւովդ սրբով, զի գտցուք առաջի քօ հաճոյք և մի ամուչեցեալք, զի դու հատուցանես իւրաքանչիւր ըստ գործս իւր:

Ի նմին ժամու եղև խորհուրդ մեծ 'ի մէջ նոցա, թէ զինչ օրինակաւ կարասցեն ապրեցուցանել զմոզպետն. զի մի լուեալ յարքունիսն, իբրեւ զհուր բորբոքեսցի բարկութիւն 'ի վերայ մնացելոցն: Իբրեւ ոչ ինչ կարացին 'ի ժամուն վճարել, միաբանութեամբ աղօթս արարեալ՝ յստուած ապաստան առնէին ըզկեանս առնն հաւատացելոյ:

Իսկ նախարարքն հրաժարեցին 'ի սրբոցն յորդառատ արտասուօք, և ողբալից ուրախութեամբ անկեալ յոտս նոցա աղաչէին մեծաւ պաղատանօք՝ յանձն առնել զնուսա հոգւոցն սրբոյ: Օ ի մի ոք 'ի մէնջ, ասեն, թուլացեալ և ելեալ արտաքս 'ի հաւասար միաբանութենէս, կերակուր լիցի չարաբարոյ գազանին:

Իսկ երանելիքն միաբան քաջալերէին զնոսա և ասէին . Օրացարուք, եղբարք, 'ի Տէր, և մխիթարեցարուք 'ի մարդասիրութիւնն Մտուծոյ, որ ոչ թողուցձեզ որքս և ոչ 'ի բացէ առնէ զողորմութիւն իւր 'ի մէնջ հաւատով 'ի Քրիստոս . բազում բարեխօսիւքն՝ զոր ունիմք առ նմա, ոչ շիջանի վառումն կանթեղաց ձերոց, և ոչ ուրախ լինի խաւարասէր թշնամին կենաց ձերոց : Մյլ նոյն Տէր է, որ զօրացոյց զառաջին նահատակն՝ խառնելով զնոսա 'ի գունդս հրեշտակաց իւրոց . նոցուն սուրբ ոչիք և ամենայն դասք արդարոց հասցեն ձեզ յօգնականութիւն համբերութեան, զի ընդ նոսին նոցունց պսակացն արժանի լինիջիք :

Օյս խօսէին ընդ նոսա, և զգիշերն ամենայն սաղմոսիւք 'ի գլուխ տանէին . իսկ 'ի ժամ առաւօտուն ասէին ամենեքեան . Օպգեա, Տէր, զողորմութիւնս քո՝ ոյք ճանաչեն զքեզ, զարդարութիւնս քո՝ ոյք ուղիղ են սրտիւք : Մի եկեացէ 'ի վերայ մեր ոտն ամբարտաւանից, և ձեռք մեզմաւորաց մի դողացուցեն զմեզ . անդ անկցին ամենեքեան, որ գործեն զանօրէնութիւն . մեր ժեցան, և այլ մի կարացեն հաստատել :

Եւ անդէն վաղվաղակի հասին դահիճքն 'ի դուռն բանդին . մօին 'ի ներքս և տեսին, զի որ յառաջ մոգպեան էր, և նմա իսկ յանձն արարեալ էր պահել զնոսա, նստէր 'ի մէջ նոցա և լէր 'ի նոցանէ, նա և քաջալերէր եւս զնոսա չերկնչել 'ի մահուանէ : Իբրեւ տեսին զմեծ սքանչելիսն դահիճքն, յոյժ զարմացան ընդ իրսն, այլ ոչ ինչ իշխէին հարցանել ցնա . բայց չոքան և պատմեցին Ղենշապհոյ, որում յանձն արարեալ էր զչարչարանս սրբոյն : Իսկ նա իբրեւ լուա 'ի դահճացն արքունի, զահի մեծի հարաւ 'ի միտս իւր, թէ գուցէ և ինքն անձամբ 'ի ներքս լիցի . քանզի և ծանօթագոյն եւս էր առնն : Հրամայեաց հանել 'ի բանդէ անտի զամենեսեան կապանօքն, և հեռացուցանէր 'ի քաղաքէ անտի երկոտասան պարսիկ հրասախաւ : Եւ 'ի ծածուկ խօսէր ընդ մոգպետին, եթէ զինչ պատճառք իցեն կապանաց նորա : Եւ պատասխանի այրն և ասէ ցնա . Մի խօսիր ընդ իս 'ի ծածուկ, և մի լսեր զխորհուրդս լուսոյ 'ի մէջ խաւարի, զի բացան աչք իմ արդ . քանզի տեսի զլոյսն երկնաւոր : Եթէ կամիս լինել խորհրդա-

կից կենաց, հարց ցիս յանդիման, և պատմեմ քեզ զոր տեսի զմեծամեծսն Մտուածոյ :

Եւ իբրեւ լուաւ 'ի նմանէ զամենայն, և ստուգեաց եւս վասն իւրոյ միաբանութեանն, եթէ ոչ քակտի 'ի սրբոցն հաւանութենէ, ոչ իշխեաց ձեռն արկանել 'ի նա, թէպէտ և ունէր հրաման յարբունուստ : Եւլ փութացաւ, և ինքն երթեալ պատմէր թագաւորին 'ի ծածուկ զամենայն որպէս զիարդ լուաւ 'ի նմանէ :

Ետ պատասխանի թագաւորն և ասէ ց' Անշապուհ . Ս'ի որ ամենեւին լուիցէ զայդ 'ի քէն, մանաւանդ վասն տեսլեանն մեծի' որ երեւեալ է նմա, զի մի տգէտ մարդիկ երկմտեալ՝ բաժանեցին 'ի մեր հաստատուն օրինացս : Ս'ինչ մեք զայլս կամէաք հնազանդեցուցանել՝ թերեւս զոգիս զտցեն, իբրեւ նոցա ոչ ինչ կարացաք առնել, մեր որ վարդապետ օրինացդ էին, զկնի նոցա մոլորութեանն խոտորեցան :

Եւ և այն եւս չար է մեզ քան զամենայն, զի ոչ զուզնաքեայ որ խոտորեցաւ 'ի նոցա օրէնսն, այլ այր մի համակղեն, երեւելի ընդ ամենայն վերին աշխարհս : Եթէ փայքարիմք ընդ նմա, նա տեղեկագոյն է քան զամենայն վարդապետս աշխարհիս . զուցէ 'ի հիմանէ խարխարեալ աւերէ զօրէնս մեր : Եւ եթէ դատիմք զնա ընդ այլ չարագործսն, նա և այնպէս հուշակեալ ելանէ համբաւ քրիստոնէութեան նորա, և մեծ անարգանք զկնի դենիս ձգին : Եւ եթէ սրով եւս վախճանեցի, բազում են քրիստոնեայք 'ի կարաւանիս, ընդ ամենայն երկիր ցանեալ ցրուեցեն զուկերս նորա : Սա կաւիկ ինչ էին մեզ անարգանք առ ամենայն մարդիկս, ուր մեծարեալ պատուէին ոսկերքդ նաճարացողդ . իսկ եթէ մոզացդ և մոզպետացդ զնոյն պատիւ կրեացեն, մեք մեզէն լինիցիմք քակտիչք օրինացն մերոց :

Եւլ այժմ իմ է քեզ երդումն տուեալ յանմահ զիսն . նախ զգառնացեալ ծերն կոչեա առաջի քո : Եթէ հաւանեցի սիրով, և զղջացեալ ապաշաւեցէ զկախարդութիւն նոցա, մեծարեսջիր զնա սիրով՝ պատուով ըստ առաջին կարգին . և մի որ գիտացէ զթնամանս նորա ամենեւին : Եպա թէ ոչ հաւանեցի, և ոչ կամեցի անսալ բանից իմոց, յարուսջիր 'ի վերայ նորա բազում ամբաստանս յաշխարհէ անտի, զի վնասակար

գտցի յիրս արքունի . և աշխարհաւ փուրսիշ 'ի վերայ յարուջիր, և չլօթակ արասջիր յայն կոյս քան զլուրան և զլ'ակուրան . և անդ ընկեցեալ զնա 'ի վերայ մի, և ընկացի զմահ թշուառութեան : Այլ զայլադեանն փութանակի կարճեա 'ի կենաց աշխարհիս, զի մի դղըրդեացեն զօրէնս մերոյ աշխարհիս, Օ ի եթէ զճարտար մոգպետն այնպէս արագ աշակերտեցին, տգէտ մնորդիկ զհարդ կարասցեն կալ առաջի նոցա պատիր խաբէութեանն :

Ըրդ ել նստաւ Վենչապուհ արտաքոյ բանակին յատենի, որպէս ասացաք, հեռի երկոտասան հրասախաւ : Հարցանէր ցմոգպետն և ասէր . Ղշանութիւն առի վանս քո, ոչ միայն բանիւ հարցանել, այլ և ամենայն հարուածովք տանջանաց : Սինչ չեւ ձեռն արկեալ է իմ 'ի քեզ, ընկալ զմեծարանս և արհամարհեա զանարգանս, և ինայեա 'ի պատուական ալիսդ : Իտղ անդր 'ի բաց զքրիստոնէութիւնդ՝ զոր ոչ ունէիր 'ի բնէ, և դարձիր անդրէն 'ի մոգութիւնն, որպէս զի վարդապետ էիր բազմաց :

Այտ պատասխանի երանելին և ասէ . Ղշաչեմ զքեզ, տէր, որ յառաջ իբրեւ զհարազատ եղբայր համարեալ էիր յաչս իմ, և այսօր թշնամի կատարեալ . մի ըստ առաջին սիրոյն գթար դու յիս, այլ կատարեա 'ի վերայ իմ զկամս չարութեան թագաւորին ձերոյ, և որպէս առեր իշխանութիւն 'ի վերայ իմ, դատեա զիս :

Յայնժամ իբրեւ ետես Վենչապուհ, եթէ առ ոչինչ զսպառնալիան արքունի համարեցաւ, և ոչ ողորանացն երեսս ինչ արար, և քան 'ի ծածուկ՝ յայտնի եւս կամէր զի խօսեսցի, կատարեաց 'ի վերայ նորա ըստ խրատուն արքունի : Այլ զաղտապողի ընկեցաւ 'ի հեռաւոր օտարութիւն, որպէս զհարդ և ուսաւ 'ի վարդապետէն, և արար :

Այլ հրամայեաց եւս Վենչապուհ երկուս եւս ընկերակիցս օգնականս յաւագ գործակալացն, զՍնիկանն՝ որ էր մարդպետ արքունի, և զՍովան հանդերձապետ 'ի ձեռանէ մովպետան մովպետի :

Ըրդ երեքեան սոքա իւրաքանչիւր սպասաւորօք առին զուրբսն յայնմ անապատէ, և փոխեցան նոյնչափ եւս հեռագոյն 'ի միւս եւս դժնդակ տեղի 'ի նմին գի-

շերի : Եւ զոք 'ի կարաւանէն անդր ոչ թողին տեսանել, ոչ 'ի հայոց և ոչ յամենայն քրիստոնէից, և ոչ բնաւ յարտաքին հեթանոսաց : Եւ սպասաւորքն՝ որ էին 'ի վերայ կապելոցն անդէն 'ի քաղաքին, հրամայեցին պահել զգուշութեամբ, զի զհետո նոցա մի ոք զիտասցէ՝ ընդ որ տանիցեն 'ի մահու տեղի, մի նոքա և մի ամենեւին ոք 'ի մարդկանէ :

Բայց այր մի Խուժիկ անուն 'ի զօրացն արքունի, որ 'ի ծածուկ ունէր զքրիստոնէութիւնն, և վիճակեալ էր 'ի դասս դահճացն, և կայր 'ի սպասու օրապահացն հանդերձ գործիական տանջանարանօքն, եկն եմուտ 'ի մէջ զիշերին և խառնեցաւ 'ի դասս նախարարացն : Եւ ուղին դասն 'ի միջնոյն կարծէր զնա, և միջինն երրորդին, և երեքեանն միմեանց համարէին զնա . և ոչ ոք 'ի նոցանէ եհարց' եթէ դու ով ես ընդ մեզ, ոչ 'ի տերանցն և ոչ 'ի սպասաւորացն :

Իբրեւ հասին 'ի տեղի անապատին, որ ամենեւին անբոյս էր 'ի զալարոյ, և այնպէս էր ապառաժ զբժնեայ, զի և ոչ նստելոյ անգամ՝ տեղի գտաւ անդ նոցա, իջին հեռագոյն նախարարքն երեքեան, և հրամայեցին դահճացն իւրեանց կապել զոտս և զձեռս նոցա : Եւ արկին պարանս երկայնս յոտս նոցա, և երկու երկու լծեցան և առին 'ի քարշ : Եւ այնպէս ձգեցին ճողքեցին ընդ ապառաժ տեղիսն քարշելով, զի ամենեւին խայծ ոչ մնաց 'ի մարմինս երանելեացն : Եւ ապա լուծին և ածին 'ի մի տեղի :

Թուէր իմն նոցա այսպէս, եթէ կակոզեաք զխրստութիւն նոցա, և հնազանդեցուցաք զբիրտ ապստամբութիւն նոցա . և արդ զինչ և խօսիցիմք, անսայցեն բանից մերոց, և առնիցեն զկամս թագաւորին, և ապրեալ լիցին յանհնարին տանջանացն : Եւ զայն ոչ կարացին քաջ իմանալ, եթէ իբրեւ զքաջ զինուորս վառեցին զնոսա, և 'ի հրահանգս կրթութեան վարժեցին զնոսա . և իբրեւ զգաղանս վայրենիս, արիւնախանձս ուսուցին զնոսա : Եւ եթէ ունէին սակաւ ինչ կասկած յառաջագոյն, հայեցեալ նոցա 'ի շարաշար վերս մարմնոյն իւրեանց, զառաջին երկիւղն 'ի բաց մերժեցին : Ական իբրեւ արբեալք անզգայք զմիմեամբք ելանել 'ի բանից պատասխանիս . և փութային իբր ծարա-

ւիք յաղբիր, եթէ ո՛նախ վաղ զիր արիւնն հեղցէ յերկիր :

Եւ մինչ դեռ յայսմ պատրաստութեան էին սուրբքն, խօսել սկսաւ ընդ նոսա Ղանշապուհ և ասէ . Երբայ յղեաց զիս առ ձեզ . ամենայն աւեր աշխարհին հայոց, ասէ, և կոտորածք զօրացն՝ որ հասին ՚ի վերայ, ՚ի ձէնջ եղեն փասքն ամենայն . և բազում նախարարք՝ որ այժմ կան կապանօք չարարեալ, վասն ձերոյ յամառութեանդ եղեւ այդ ամենայն : Եւ և արդ եթէ կամիք ինձ լսել, ասեմ ձեզ . որպէս եղերուք պատճառք ամենայն չարարանաց մահունն, այսօր լերուք պատճառք կենաց ձերոց : Եւ նախարարքն՝ որ կան ՚ի կապանս, ՚ի ձեռն ձեր է իշխանութիւն արձակել զնոսա, և աւեր աշխարհին ձերոյ ձեօք շինի, և բազումք որ վարեալ են ՚ի գերութիւն, անդրէն դառնան :

Ե՛հա դուք ձերոյին աչօքդ տեսէք այսօր, եթէ զորպիսի այր տոհմիկ, զոր թագաւորն ինքնին յականէ յառուանէ ճանաչէր վասն մեծի գիտութեան օրինացս մերոց, և կատարեալ էր յամենայն ՚ի դեմիս և ամենայն մեծամեծաց սիրելի, և գրէ թէ բոլոր աշխարհս կատեալ էր զմմանէ . և վասն զի անարգեաց զդեմիմազդէզն, և պատրեցաւ ՚ի ձեր տխմար գիտութիւնդ, ոչ ինչ խնայեաց թագաւորն ՚ի մեծ պատիւ նորա, այլ իբրեւ զգերի մի զանաշխարհիկ շիօթակ արարի զնա յայնչափ օտարութիւն հեռաւոր, զի ընդ երթալն իսկ ոչ ժամանէ ՚ի տեղի պատուհասին իւրոյ :

Եւ որ եթէ ՚ի բուն դայեկութիւնն վասն պատուական օրինացն ոչ խնայեաց ՚ի նա, որչափ և ս առաւել ՚ի ձեզ յօտարաշխարհիկսդ, որ մահապարտ իսկ էք յիրս արքունի : Եւ չիք ինչ ձեզ այլ հնար կենաց, բայց եթէ երկիր պազանիցէք արեգական, և կատարիցէք զկամն թագաւորին, որպէս և ուսոյց զմեզ մեծն Օրաղեշտն : Եւ եթէ զայդ առնէք, ոչ միայն արձակիք ՚ի կապանացդ և ապրիք ՚ի մահուննէ, այլ և մեծամեծ պարգեւօք յուղարկիք յաշխարհն ձեր :

Յառաջ մատուցեալ ՚ի եւոնդ երէց և թարգման կացոյց զՍահակ եպիսկոպոս . Օ իմրդ լուիցուք, ասէ, երկդիմի հրամանացդ քոց . ահա զերկրպագութիւնդ նախ ետուր արեգական, և զկատարումն երկրպագու-

Թեան 'ի կամս Թագաւորին ձգեցեր . մեծարեցեր զարեգակն՝ յառաջ ձայնելով զանուն նորա , և մեծացուցեր զԹագաւորն աւելի քան զարեգակն . և յայտ արարեր՝ եթէ առանց կամանց իւրոց սպասաւորէ արեգակնն արարածոց , իսկ Թագաւորն 'ի կամս ազատութեանն իւրոյ՝ զոր կամի աստուածացուցանէ , և զոր կամի ծառայեցուցանէ . և ինքն 'ի ճշմարտութեանն վերայ չեւէ հասեալ : Ս'ի խօսիր ընդ մեզ իբրեւ ընդ տղայս , զի հասակաւ կատարեալ եմք , և գիտութեան ոչ եմք անտեղեակ . ուստի սկսար դու , այտի տաց քեզ պատասխանի :

Ապաքէն զմեզ եղիր պատճառս աւերածոց աշխարհին մերոյ և հարուածոց զօրացն արքունի . մեր օրէնքն զմեզ այդպէս ոչ ուսուցանեն , այլ յոյժ պատուել հրամայեն զերկրաւոր Թագաւորս , և սիրել զնոսա յամենայն զօրութենէ մերմէ , ոչ իբրեւ զմարդ որ դուզնաքեայ 'ի մարդկանէ , այլ իբրեւ Ստուծոյ՝ ճշմարիտ կալ 'ի ծառայութեան . և եթէ զրկիմք ինչ 'ի նոցանէ , փոխանակ ընդ երկրաւորիս զերկնիցն խոստացաւ մեզ զարքայութիւն : Առ ոչ միայն զարքանեկութիւն հպատակութեան պարտիմք հարկանել նոցա , այլ և մահու չափ զանձինս 'ի վերայ դնել սիրոց Թագաւորին : Առ որպէս յերկրի ոչ ունիմք իշխանութիւն փոխանակել զնա ընդ այլում տեառն , նոյնպէս և յերկինս չունիմք իշխանութիւն փոխանակել զճշմարիտ Ստուածն մեր ընդ այլում , որ չիք Ստուած բայց 'ի նմանէ :

Բայց ասեմ՝ քեզ՝ որում սակաւիկ մի տեղեկագոյն ես : Ս'վ 'ի քաջ զօրականէն զկնի մտանիցէ՝ 'ի պատերազմ . և եթէ զայս արասցէ , ոչ քաջ անուանի նա , այլ յոյժ վատ : Առ կամ ո՞ յիմաստուն վաճառականաց ըզպատուական մարգարիտն փոխանակիցէ ընդ անարգ Թրուշայի , բայց եթէ յիմարեալ իցէ տգիտութեամբ , որպէս և ձեր մոլորութեան առաջնորդդ :

Ս'իայն գտեր զմեզ 'ի բազում առաքելնեացն մերոց , և կամիս գողութեամբ աւերել զամուրս խորհրդոց մերոց . չեմք միայն՝ որպէս և դուդ կարծես . չիք տեղի ունայն , ուր չիցէ Վրիստոս Թագաւորն մեր . բայց միայն այնորիկ եւ Թափուր 'ի նմանէ , որ իբրեւ զքեզ և զաւրադու իշխանն քո , որք ուրացեալ էք 'ի նմանէ :



Օ ի թէ զինուորք աշխարհին մերոյ, որ աշակերտեալքն էին մեօք 'ի Վրիստոս, առ ոտն հարին զահագին հրա մանս թագաւորին ձերոյ, և զմեծամեծ պարգեւս առ ոչինչ համարեցան, և զհայրենի տերութիւնն 'ի բաց կողոպտեցան, չինայեցին 'ի կին և յորդիս և 'ի գանձս մարմնաւորս կենաց աշխարհիս, նա և ոչ զարիւնն իւրեանց ածին ինչ զմտաւ վասն սիրոյն Վրիստոսի, այլ զերկրպագուս արեգականն՝ որ ձեր վարդապետք էին, չարաչար հարուածովք սատակեցին զնոսա, և մեծա մեծ չարիս հասուցին 'ի վերայ զօրայն ձերոյ, և բազումք 'ի նոցանէ անկանէին 'ի նմին պատերազմի, և այլք մահնեցան 'ի պէտպէս փորձութիւնս, և կէսքն ընկեցան 'ի հեռաւոր օտարութիւն, և եւս բազմազոյնք վարեցան 'ի գերութիւն: Եւ ամենեքին նոքա յառաջեցին քան զմեզ յարքայութիւնն Բստուծոյ, և խառնեալ են 'ի գունդս վերին հրեշտակացն, և ցնձան 'ի պատրաստեալ յուրախութիւնն, յոր հասեալ խառնեցաւ երանելի այրն, զոր դու ասես շիօթակ արարի: Երանի տամ նմա, և երանի երկրին՝ ընդ որ նայն անցանիցէ, և տեղոյն՝ ուր նայն վախճանեացի. ոչ միայն զարբունեօք ձերովք անցանէ պատուականութեամբ, այլ և զերկնից լուսաւորօք՝ որում դուքդ երկիր պագանէք:

Ետ պատասխանի Սուլան հանդերձապետ և ասէ ցնոսա. Բստուածքն բարերար են, և երկայնամտութեամբ ջանան ընդ ազգի մարդկան, զի գիտասցեն և ծանիցեն զիւրեանց փոքրկութիւնն և զնոցա մեծութիւնն, և վայելեցեն 'ի պարգեւս աշխարհիս, զոր տուեալ է յիշխանութիւն 'ի ձեռս թագաւորի, և 'ի բերանոյ նոցա ելանեն հրաման մահու և կենաց: Եւ ձեզ ոչ է իշխանութիւն այդպէս ընդդիմանալ կամաց նոցա և ոչ առնուլ յանձն զերկրպագութիւն արեգական, որ ձառագայթիւք իւրովք լուսաւորէ զամենայն տիեզերս, և ջերմութեամբ իւրով հասուցանէ զկերպուր մարդկան և անասնոց. և վասն հասարակաբաշխ առատութեանն և անաչառ մատակարարութեանն անուանեցաւ Սիհր աստուած, զի չիք 'ի նմա նենգութիւն և անիմաստութիւն: Այսն որոյ և մեք երկայնամիտ լինիմք 'ի վերայ տգիտութեան ձերոյ. քանզի չեմք մարդատեացք իբրեւ զգազանս շողջակերս և ա-

բիւնարբուս : Ինչպէցէք յանձինս ձեր, և մի խառնէք զմեզ ահամայ յարիւնդ ձեր : Թողէք անոր զառաջին յանցանս ձեր, և զառաջիկայ իրս ուղղեցէք . զի և այլոցն վասն ձեր լիցի ողորմութիւն 'ի մեծ թագաւորէն :

Եւ այք ետ պատասխանի Սահակ եպիսկոպոս և ասէ . Իբրեւ ուսեալ և յոյժ խրատեալ՝ զգեղեցիկ հոգ յանձին ունիս շինութեան աշխարհի և փառաց թագաւորին . բայց զայս կարի տգիտաբար ուսուցանես, զի աստուածս բազումս խոստովանիս, և զմի կամս ոչ ասես ամենեցուն : Եթէ վեհքն առ միմեանս մարտոցեալ են, մեք խոնարհագոյնք քան զնոսա զհարդ կարացուք հաւանել բանից քոց : Իհաբանեա զուր և զկրակ, զի ուսուցի 'ի նոցանէ զխաղաղութիւն . կոչեա զարեգակն 'ի տուն որպէս կրակ, և եթէ նմա ոչ մարթի գալ՝ զի մի աշխարհ 'ի խաւարի մնացէ, յլեա զդա առ նա, զի ուսցի 'ի նմանէ զանկարտութիւնն :

Եւ եթէ մի է բնութիւն աստուածոցն քոց, հաւաւարեացեն առ միմեանս զուգութեամբ . լիցի անկերպարար կրակ իբրեւ զարեգակն, և մի խափանեսցին ծառայքն արբունի 'ի ծախս ոռձկաց սորա : Երդ միտդ անյագ ուտէ, և հանապազ մեռանի . և մինն որ չուտէ, առանց օղոյն նուազի լոյս ճառագայթից իւրոց . ցրտանայ ձմերայնի, և սառուցանէ զամենայն դալարաբոյս խոտոցն . տեթանայ յամարայնի, և հրակէզ առնէ զամենայն կենդանիս : Եւ որ ինքն յար 'ի փոփոխման կայ, ոչ կարէ հաստատուն կեանս ումեք շնորհել : Եւ քեզ ոչ կարեմ մեղաբիբ լինել . որոյ ոչ տեսեալ է զմեծ թագաւորն, պատուաւորացն մատուցանէ զերկրպագութիւն . իսկ եթէ զք զայս 'ի հմուտ գիտնոցն արասցէ, վաղվաղակի մահ 'ի վերայ հրամայեն :

Եւ վասն արեգական, եթէ կամիցիս ուսանել, զձմարիտն ասացից քեզ : Եւ ասն է նա աշխարհիս արարածոց, 'ի բազում մասանց մի մասն որոչեալ է . կէսքն 'ի վերոյ են քան զնա, և կէսքն 'ի ներքոյ նորա : Իլ է նա առանձին սուրբ յստակ լուսով, այլ 'ի ձեռն օրոցն հրամանաւն Եստուծոյ տարածանէ զճառագայթս իւր, և հրային մասամբ ջեռուցանէ զամենայն գոյացեալս 'ի ներքոյ իւրոյ կայանին : Իսկ վերինքն ոչ ինչ մասն ունին 'ի նորա ճառագայթիցն . քանզի իբրեւ յա

ման ինչ արկեալ է զըյան 'ի գունդ նորա, և 'ի վայր կոյս հեզու բերանացեալ առ 'ի պէտս ներքնոցս վայելչ չութեան: Այլ զոր օրինակ նաւ մի թառցեալ 'ի վերայ ծախլիին ջուրցն բազմութեան, անգիտութեամբ դնայ զուղեւորութիւնն 'ի ձեռն հսուտ և ճարտար նաւապետին, այսպէս և արեգակն 'ի ձեռն կառավարին իւրոյ ունի զփոփոխմունս շրջանին իւրոյ տարեւոր ժամանակին:

Այլ որպէս այլ մասունք աշխարհիս հաստատեալ են վասն մեր կենացն, և զնա իբրեւ զմի յայլոց մասանց տուեալ է մեզ յառաջնորդութիւն լուսոյ, որպէս զուսին և զաստեղս և զօդս յարածուփս և զամբս անձրեւաբերս. նոյնպէս և յերկրիս մասանց զծով և զգետս և զաղբիւրս և զամենայն պիտանացու ջուրս, նոյնպէս և զցամաքայիինս ամենայն պիտոյիւք թրովք: Ատուած և զմի ոք 'ի սոցանէ չէ արժան անուանել. և եթէ ժպրհիցի ոք ասել, զանձն տգիտաբար կորուսանէ. և աստուածանունն մեծարելով զնոսա՝ նոքա ոչ ինչ օգտեցան: Այլ իշխանութեան երկու թագաւորք ոչ լինին. և եթէ մարդ զայդ քեզ յանձն ոչ առնու, քանի՛ եւս հեռի է առ 'ի Աստուծոյ բնութենէն այդպիսի կարգ շփոթեալ:

Արդ եթէ կամիս ուսանել զճմարիտն, քաղաքացս զդասնութիւն սրտիդ, և բաց զաչս մտացդ, և մի յարթնութեան կուրութեամբ ընդ խաւար գնայցես. որ անկեալ ես 'ի խորիորատ, և զամենեսեան կամիս առ քեզ ձգել: Այլ եթէ քոքն զան զկնի մոլար վարդապետութեանդ՝ որ ոչ տեսանեն և ոչ իմանան, մի և զմեզ կարծեր դոյն օրինակ. քանզի բաց են աչք մտաց մերոց և սրատեսիլ եմք: Արմնոյս աչօք զարարածս տեսանեմք, և իմանամք զսա յայմէ արարեալ. և ամենքեան են ընդ ապականութեամբ: Ասկ արարիչն ամենեցուն աներեւոյթ է 'ի մարմնաւոր աչաց, այլ մտաց իմանի զօրութիւն նորա:

Այլ վասն զի ետես զմեզ 'ի մեծի տգիտութեան, և ողորմեցաւ մերում անուսումնութեանն, յորում և մեք իբրեւ զձեզդ երբեմն զերեւելիսս կարծէաք արարիչ և գործէաք զամենայն անառակութիւնս, վասն այնորիկ առ սէր իւր եկն մարմնացաւ 'ի մարդկանէ, և ու-

սոց մեզ զաներեւոյթ աստուածու թիւնն իւր : Ըն զի բարձրացոյց զինքն ՚ի խաչն կախադանի, և զի մարդիկ զհետ լուսաւորացոյ մոլորեցան, մերկեաց յարեգակննէ զլոյս ճառագայթիցն իւրոց, զի եղիցի խաւար սպասաւոր մարդկութեան նորա . զի որ իբրեւ զձեզ անարժանք իցեն, մի տեսցեն զկեանս իւրեանց ՚ի մեծի անարգութեան : Արպէս և այսօր որ ոչ խոստովանի զխաչելեանն Ըստուած, նոյն խաւար մնծեալ է զոգւով և մարմնով նորա . որպէս և դու իսկ այսօր ՚ի նմին խաւարի կաս, և զմեզ դեռ եւս չարչարես : Պատրաստ եմք ըստ օրինակի Տեառն մերոյ մեռանել . որպէս զհարդ և կամիս կատարեա զկամն դառնութեան քո :

Յայնժամ իբրեւ հայեցաւ ՚ի նոսա անօրէնն Ղանշապուհ, և ետես ՚ի մեծի ուրախութեան զուարթազին զամենեսեան, գիտաց եթէ ոչ գնան առ նոսա բանք սպառնալեաց և ողորանաց : Հրամայեաց զմի ոմն ՚ի կրթսերագունիցն յառաջ մատուցանել, երէց մի Ըրչէն առնուն, վասն որոյ յառաջ կասկածն իսկ եղեւ սրբոցն : Արպէցին զոտոն և զձեռնն, և մեծաւ ուժով պրկեցին, մինչեւ ճարձատիւն հատաւ ամենայն ջղայցն . և այնպէս կայր մեծ ժտոն յանհարին պրկոցսն :

Երբաց սուրբն զբերան իւր և ասէ . Ընա շրջեցան զինեւ շունք բազումք, և ժողովք չարաց պաշարեցին զիս . ծակեցին զոտս իմ և զձեռս իմ, և փոխանակ բերանոյ իմոց աղաղակեցին ամենայն ոսկերք իմ : Եւ որ ինձ, Տէր, և լուր ձայնի իմում, և ընկալ զոգի իմ ՚ի ժողովս սուրբ զօքականին քո, որ երեւեցաւ նորակերտ դաստակերտին քոյ : Եւ որ կրսերս եմ յամենեսեան, ողորմութիւն քո գթացեալ յառաջեցոյց զիս :

Եւ զայս իբրեւ ասաց, ոչ եւս կարէր բանալ զբերանն յանհարին պրկոցաց գելարանին : Եւ անդէն վաղվաղակի դահիճքն հրաման առեալ յերից նախաբարացն՝ սրով հատանել զպարանոց երանելոյն, և ընկեցին զմարմինն ՚ի խորխորատ մի ցամաք :

Եւ անդէն ՚ի տեղոջն սկսաւ խօսել Ղանշապուհ ընդ եպիսկոպոսին և ասէ . Յորժամ եկի ես յաշխարհն հպոց՝ զտարի մի և զվեց ամիս եհաս շրջել ինձ անդ . ոչ յիշեմ ես ամենեւին՝ եթէ բան մի տրտունջ յաւմեքէ լուայ վանն քո, նոյնպէս և առաւել վասն Յով

սեփայ. զի դա իսկ էր իշխան ամենայն քրիստոնէից, և հաւատարիմ յամենայն իրս արքունի: Այս և որ մարդպան աշխարհին լեալ էր յառաջ քան զիմ երթալն, մեծապէս գոհ էր զառնէս զայսմանէ. և ես ինձէն աչօք իմովք տեսի, զի որպէս հայր հաստատուն համարեալ էր ամենայն աշխարհին, և անաչառութեամբ սիրէր զմեծամեծսն և զփոքունս:

Արդ փոխանակ ընդ ձեր՝ ես աղաչեմ զձեզ. իննայեցէք ՚ի պատուական անձինս ձեր, և մի մատնիք ՚ի մահ չարչարանաց ըստ առաջնոյն կարգի, զոր տեսէք աչօք ձերովք: Վանգի թէ ՚ի դոյն միտս յամառութեան կայք, և իմ եղեալ է ՚ի մտի իմում բազում չարչարանօք կարձել զձեզ ՚ի կենաց ձերոց: Աս գիտեմ, զի ՚ի հրապոյրս առնդ այդորիկ ելեալ էք դուք. քանզի ինքն ախտացեալ է մարմնով, և ձեռնարկութեամբ բժշկաց չիք գտեալ առողջութիւն. և հիւանդոտ կենօք ձանձրացեալ է, և փափագէ ՚ի մահ քան ՚ի կեանս:

Այս ետ պատասխանի սուրբն Յովսէփ և ասէ. Վոյնութիւնդ՝ զոր ետուր դու նախ եպիսկոպոսիդ և ապա ինձ, յիրաւի արարեր և ըստ կարգի պատուեցեր վասն ալեացդ, այդպէս իսկ արժան է: Այլ ճշմարիտ ծառայից Աստուծոյ ոչ է օրէն դիմադարձ լինել երկրաւոր իշխանաց, և ոչ զք ՚ի ժողովրդոց տրտունջ առնել վասն մարմնաւոր զօշաքաղութեան. այլ ցածութեամբ և հեզութեամբ ուսուցանել զպատուիրանս Աստուծոյ, և առանց խարդախ իմաստութեան խաղաղասէր լինել առ ամենեսեան, և անաչառ վարդապետութեամբ առ մի Տէրն արարածոց առաջնորդել բողոքեցունց:

Այլ վասն առնս այսորիկ հրապուրանաց՝ զոր ասացեր, և զայդ ոչ ստեցեր, այլ կարի զճշմարիտն ասացեր: Օ ի ոչ իբրեւ զօտար ոք հրապուրէ զմեզ, և ոչ իբրեւ զպատրող ոք խաբէբայ մողորեցուցանէ զմեզ, այլ յոյժ սիրէ զմեզ: Վանգի մի է մայր մեր եկեղեցի՝ որ երկնեացն զմեզ, և մի է հայր մեր սուրբ Հոգին՝ որ ծնաւ զմեզ. զիմրդ համահարք և միոյ մեր որդիք երկպառակք լինիցին, և ոչ միաբանք: Ար քեզ թուին՝ թէ հրապոյրք իցեն, մեր ՚ի տուէ և ՚ի գիշերի դոյն խորհուրդ էր՝ զի անբակ ունիցիմք զկենաց միաբանութիւնս: Իսկ եթէ սա ձանձրացեալ իցէ՝ ելանել յախտալից

մարմնոյս, առաւել եւս մեք ամենեքեանս . զի չիք որ ամենեւին 'ի ծնունդս կանանց, որ ունիցի զմարմինս առանց ցաւոց չարչարանաց :

Եւս պատասխանի Ղեւնչայուհի և ասէ . Օ այդ ոչ գիտէք, որչափ երկայնամիտ լինիմ ես 'ի վերայ ձեր . այս ոչ հրամանաւ արքունի է այսչափ երկայնաբան լինել ընդ ձեզ պայքարաւ , այլ յիմնէ քաղցրութենէ թողացուցի ձեզ . զի չեմ իբրեւ զձեզ անապորոյն , զի անձանց ատելի էք և այլոց թշնամիք : Եւմ զի աղ և հաց կերեալ է յաշխարհին ձերում , գութ և սէր ունիմ ընդ աշխարհն ձեր :

Եւս պատասխանի Ղեւնչ երէց և ասէ . Եւր առ արտաքինսն գութ և սէր ունի , զպատուիրանսն Եստուծոյ կատարէ , այլ պարտի և յիւր ոգին ինայել . զի չեմք անձանց տեարք , այլ է որ համարս ինդրէ 'ի մէջ և վասն արտաքնոց և վասն ներքնոց : Եւս որ ասացեր յինէն անսամ ձեզ և ոչ հրամանաւ թագաւորին , եթէ դուք սովոր էք անցանել ըստ հրամանաւ թագաւորին ձերոյ , զայդ բարիք առնէք , զի աւերիչ աշխարհի է և զառաւելիչ անմեղ մարդկան , բարեկամ սատանայի և թշնամի Եստուծոյ : Եւս մեք ոչ կարեմք անցանել ըզհրամանաւ մերոյ թագաւորին , և ոչ զանանց կեանսն մեր կարեմք փոխանակել ընդ ապականացու պատրանս աշխարհիս :

Եւս վասն իմ զի ասացեր , չգտեալ զառողջութիւն 'ի բժշկաց , սիրէ զմահ քան զկեանս , այդ բանք ոչ այնոցիկ են՝ որ տեսանեն զամենայն չարչարանս աշխարհիս : Եւն ցածո զքեզ սակաւիկ մի 'ի զայրագին սրբամտութենէդ , և եկ զհետ ճշմարիտ բանից իմոց , և հայեաց կարգաւ ընդ իրօ աշխարհիս : Եւ որ 'ի մահկանացուացս ունի կեանս անտրտունջս . ոչ ահա ամենայն լի են ախտիւք , է որ 'ի ներքոյ , և է որ արտաքոյ . ցուրտ և սով , քաղց և ծարաւ և ամենայն աղքատութիւն կարօտութեան : Եւրտաքոյ՝ անիրաւութիւն , յափշտակութիւն , գէճ պղծութիւն անառակ յարձակմամբ . 'ի ներքոյ՝ ամբարշտութիւն , ուրացութիւն , տգիտութիւն , անդարձ մոլորութիւն 'ի կամաւոր ազատութենէն :

Եւ այց դու որ զբժիշկս խոտեալ անարգեցեր , թէ չիք իմ 'ի նոցանէ գտեալ զառողջութիւն , չեն ինչ զար-

մանք, վասն զի մարդիկ են նորա . է ցաւ՝ որում՝ գտանեն հնարս առողջութեան, և է՝ որ ապտամբէ՛ի հնարից նոցա . վասն զի ամենեքեան եմք մահկանացուք, այն որ բժշկէն և որ բժշկին: Ը՛յլ երանի՛ թէ և դուք ըստ բժշկական արուեստին բերէիք զմանսութիւն . զի ոչ փոքր է ճշմարտութիւն նոցա բժշկութեանն: Բան զի յորժամ տեսանեն նորա զոր հիւանդացեալ, ոչ յապողէն երթալ առ նոսա, այլ փութացեալ հնարին մատուցանել զառողջութիւն: Կանաւանդ եթէ յարբուհիս մի ոք՝ի սիրելեաց թագաւորին ախտանայցէ, և հասեալ՝ի մեծ հրապարակն՝ տեսանիցէ զբազմութիւն պատուաւորացն և զառողջութիւն գեղեցիկ երիտասարդացն, և եւս՝ի ներքս մատուցեալ՝ի սրահսն արբուհի, և անդ տեսանիցէ զամենայն սպասաւորացն զչքնաղ և զքանչելի տեսին, ոչ ինչ զարմանայ ընդ հրաշակերտ տեսին: Աս և եթէ գահոյք ականակապք իցեն և համակ ոսկեղէնք՝ յորոց վերայ հիւանդն անկեալ դնիցի, չէ ինչ նմա փոյթ զայնմ ամենայնէ: Ը՛յլ ՚ի բաց հրամայէ առնուլ զոսկէհուռ վերարկուսն, և ձեռն՝ի ներքս տարեալ՝ զննէ զամենայն մարմինն, եթէ ջերմ իցէ բնութիւնն, և եթէ սիրտն՝ի տեղւոջն հանդարտ կայցէ, և կամ թէ լեարդն կակուղ իցէ, և կամ թէ շարժք երակացն յարմար իցեն . և ըստ նմին զգարման բժշկութեանն առնիցէ շնորհելով նմա զառողջութիւն:

Իսկ արդ եթէ մարդկային բժշկութիւնն այսպիսի գիտէ քամահել զամենայնիւ, և միայն զիւր արուեստն յառաջ մատուցեալ՝ զգործն կատարէ, որչափ եւս առաւել ձեզ արժան էր, որ զբոլոր աշխարհս ունիք յիշխանութեան մեծի, հոգ յանձին տանել նախ զհօգիտք բժշկել յամենայն ախտալից մոլորութեանց աշխարհիս, և մարմնովք իսկ կային ամենեքեան ձեզ ՚ի ծառայութեան: Ը՛րդ այժմ զի դուք տգիտացարուք, և զանմահ հոգիսդ մահկանացու արարէք յանշէջ հուր գեհէնին, մարմնովք՝ եթէ կամիք և եթէ ոչ կամիք՝ ախտացեալ էք յախտաւորութիւն անառողջութեան . և զմեզ նախատէք մարմնոյ ցառովք, որ ոչ ՚ի կամս մերոյ ազատութեան է, այլ որպէս դիպեցաւ ՚ի բնութեանս մարմնոյ իւրաքանչիւր մարդոյ:

Եւ Բրիտոս ճշմարիտ Բստուած կենդանի և կեն

զանարար՝ ՚ի կամս իւրոյ բարերարութեան եղև բը-  
ժիշկ հոգւոց և մարմնոց, և նա ինքն ՚ի ցաւս չարչարա-  
նաց իւրոց բժշկեաց զամենայն ազգս մարդկան: Եւ եւս  
խանդաղատագոյն գլխացեալ, վերստին ծննդեամբն ծը-  
նեալ զմեզ յառողջութիւն՝ անցաւս և անվերս, և ՚ի  
ծածուկ հարուածոց զհին ծակոտուածան վիշապին ող-  
ջացոյց. և արար զմեզ անսպիս և անարատս հոգւով և  
մարմնով, զի իցեմք բանակակից հրեշտակաց և զօրք  
երկնաւոր թագաւորին մերոյ: Եւ քո զայս ոչ գիտա-  
ցեալ, և ոչ վայելեալ յերկնաւոր պարգեւանս Ետու-  
ծոյ, և օչ եւս այլ կամիս օւսանել ՚ի մէնջ. այլ և զմեզ  
եւս վերիպեցուցանել կամիս, որում չիք հնար, և մի  
այլ լիցի, և ոչ կարես իսկ առնել:

Եւս վասն իմոյ ախտալից մարմնոյս ասացից քեզ  
կարճառօտս: Ինչո՞ւմ և ուրախ եմ յորժամ տեսա-  
նեմ զմարմինս իմ չարչարեալ. գիտեմ, զի զօրանայ  
յիս առողջութիւն հոգւոյս իմոյ: Կանաւանդ զի ու-  
նիմ ինձ գրաւական զմեծ վարդապետն հեթանոսաց,  
որ ՚ի ցաւս մարմնոյ անձինն մեծութարէր, և ՚ի կոփումն  
սատանայական մարմնոյ պարծէր, և ասէր. Օ ի եթէ  
անկակիցք եղաք նմանութեան մահու նորա, որչափ եւս  
առաւել լիցուք հազորդք յարութեան նորա: Եւս զու-  
որ ունիս իշխանութիւն ՚ի վերայ մեր, դատեա զմեզ  
բառ չարութեան կամաց քոց: Եւմք ինչ զանգիտելոց  
յահագին յահաւօր սպանալեացդ քոց, և ոչ երկիւ-  
ղած ՚ի դառն մահուանէն՝ զոր ածելոց ես ՚ի վերայ մեր:

Յայնժամ մեկուսացոյց սակաւիկ մի գերանելիսն ՚ի  
միմեանց, և միայն ասէ ցուրբ եպիսկոպոսն. Գովու-  
թիւն, զոր ետու քեզ յառաջ, ոչ իմացար պատիւ ան-  
ձին քոյ: Եւ իցեցուցանեմ քեզ զպարիսն, զոր գործեցեր  
դու, զի անձամբ զանձն քո արացես մահապարտ: Եւր-  
դարեւ դու աւերեցեր զատրուշանն յորշտունիս, և կամ  
գերակն դու սպաներ. նա և որպէս լուաց և սառգեցի,  
թէ և զմոզան գու չարչարեցեր, և սպաս պաշտամանն դու  
տարար. արդ եթէ արդարեւ դու առեր, պատմեա ինձ:

Եւս պատասխանի սուրբն և ասէ. Եւրդ կամիս ու-  
տանել զայդ յինէն, եթէ յառաջագոյն գիտելիք: Գնե-  
չապուհ ասէ. Եւս է համբաւ, և այլ է ճշմարտու-  
թիւն: Եւպիսկոպոսն ասէ. Արպէս կարծեսդ ասա ինձ:



Վենչապուհ ասէ . Իմ լուեալ էր , եթէ զամենայն վընասն յուշառունիս դու արարեր : Եւպիսկոպոսն ասէ . Եւ զի այդպէս հաւաստեալ է ի վերայ հասեր , կրկին զի հարցանես : Վենչապուհ ասէ . Օ Ճմարիտն ՚ի քէն կամիմ ուսանել : Եւպիսկոպոսն ասէ . Ոչ զօգուտ կենաց քոց կամիս ուսանել յինէն , այլ արեան իմոյ ցանկան միտք քոյ : Վենչապուհ ասէ . Չեմ գազան արիւնախանձ , այլ վրէժխնդիր եմ աստուածոցն անարգութե :

Եւպիսկոպոսն ասէ . Օ տարերս համերս աստուածս անուանես , և զպատկերակիցս քո մարդիկ խողխողել կամիս . տարոց հատուցաներոց ես վրէժ թագաւորան քով յանկաշառ ատենին Մտուծոյ : Եւ զոր քո չար կամօքդ կամիս լտել յինէն , զայդ ես ասեմ . քեզ : Բզտունն արգարեւ ես աւերեցի , և զմոզսն ես չարչարեցի գանիւ , և զկահ պղծութեան՝ որ ՚ի տանն էր ՚ի ծոցն ես ընկեցի : Եւ զկրակ ո՛վ կարէ սպանանել . քանզի ամէնիմաստ արարին արարածոց հոգ ինամոյ տարեալ յառաջագոյն՝ անմահս հաստատեաց զընութիւն չորից նիւթոցս : Բղէ սպան դու զօգ եթէ կարես , և կամ աւպականեա զհող՝ զի մի բուսուցէ զդալարի , փողոտեա զգետ՝ զի մեռցի : Եթէ զայդ երեսին կարես առնել , ապա և զկրակ կարես սպանանել :

Բպա եթէ ճարտարապետն մեր միաբանեաց զչորից տարերացդ զանքակութիւն , ահա և գտանի ընութիւն հրոյ ՚ի քարինս և յերկաթս և յամենայն տարերս զըննելիս , ընդէր ստութեամբ զրպարտես զիս , թէ դու զկրակ սպաներ : Բղէ դու սպան զՋերմութիւն արեգական , զի ունի նա մասն հրոյ . և կամ տուր հրաման , զի մի թափեցի հուր յերկաթոյ : Սեռանի այն՝ որ շնչէն և շարժի և գնայ և ուտէ և ըմպէ . երբ տեսեր դու զկրակ գնայուն կամ խօսուն կամ գիտուն : Բորդ զոր կենդանի քո չէ տեսեալ , մեռեալ խոստովանիս : Բանի անթողիլ է ամբարշտութիւնդ ձեր քան զամենայն հեթանոսաց , որ գիտնադոյնք են քան զձեզ . որ թէպէտ և ՚ի Ճմարիտն Մտուծոյ մոլորեալ են , զանխօս տարերս Մտուած ոչ խոստովանին : Բորդ եթէ դու անգիտութեամբ կորնչելի ասես զընութիւն հրոյ , ոչ առնուն քեզ յանձն արարածքս . քանզի խառն է դա յամենեցունց :

Իսկնչապա հասէ . Այ ինչ մտանեմ ես ընդ քեզ 'ի պայքար բնութեան վասն բնութեան արարածոցս . այլ խօսառովակեա ինձ, եթէ դո՛ւ անցուցեր զկրակն, եթէ ոչ :

Պատասխանի ետ երանելին և ասէ . Որովհետեւ ոչ կամեցար լինել աշակերտ ճշմարտութեանն, ասացից զկանն հօրն քոյ սատանայի : Եւ ինձէն մտի 'ի կրակաւ տունն ձեր, և տեսի՛ զի կային պաշտօնեայք ամբարըշտութեանն սնտաի կարծեացն ձերոց, և կրակարանն լի հրով առաջի նոցա բորբոքեալ այրէր : Հարցի ցնտաբանիւք և ոչ գանիւ, թէ զի՛նչ համարիք 'ի միտս ձեր զկրակ պաշտամանս այսորիկ : Ետուն պատասխանի և ասեն . Ս'եք ինչ ոչ գիտեմք . բայց այսչափ ինչ իմանաւք, զի սովորութիւն է նախնեացն և հրաման բունն թագաւորին :

Եւսմ՛ դարձեալ ցնտա . Եւ զբնութիւն կրակիդ զի՛նչ իմանայք . արարիչ կարծէք, թէ արարած : Եւսեն միաբան ամենեւեան . Եւրարիչ մեք զդա ոչ գիտեմք, նա և ոչ հանգուցիչ աշխատեոց : Ձեռք մեր փապարեալ են 'ի կացնի, և ողունք մեր տեռեալ են 'ի փայտակրի, աչք մեր գիծացեալ են արտասուօք 'ի կծուութենէ ծխոյ դորա, և երեսք մեր մրտտեալ են 'ի խոնաւութեան թանձրութենէ նորին ծխոյ : Եթէ շատ մատուցանեմք նմա զկերակուրն, յոյժ քաղցնու . և եթէ բնաւ չտամք, ամենեւին անցանէ . և եթէ մօտ երթամք և երկիր պագանեմք, կիզու զմեզ . և եթէ ոչ երթամք մօտ ամենեւին, մոխիր լինի : Ս'եր այդպէս հասեալ է 'ի վերայ բնութեան դորա :

Եւսմ՛ դարձեալ ցնտա . Իսկ լուեալ է ձեր, եթէ մը ուսուցեալ է ձեզ զայդպիսի մորթութիւն : Ետուն պատասխանի և ասեն . Օ՛ք 'ի լսելոյ հարցանես զմեզ, այլ հայեաց ընդ առաջիկայ իրսդ . զի օրէնսդիրքն մեր ողուօք մտաց միայն կուրացեալ են, այլ թագաւորն մեր մարմնով միով ակամբն կոյր է, այլ ոգւոյն բնաւ չիք իսկ աչք :

Ս' ասն այնորիկ և ես իբրեւ լուայ զայս 'ի մոզացն, յոյժ ողորմեցայ . զի տգիտութեամբ զարդարն խօսեցան : Ս'ակաւիկ մի չարչարեցի ցնտա գանիւ, և նոցուն իսկ ետու զկրակն 'ի ջուրն ընկենուլ, և ասացի այսպէս .

Մտաւածք, որ զերկինս և զերկիր ոչ արարին, կորիցեն 'ի ներքոյ երկնից. և ապա զմոզան 'ի բաց արձակեցի:

Օ այս ամենայն իբրեւ լուաւ Վենչապուհ 'ի բերանոյ սուրբ եպիսկոպոսին, անհնարին զահի հարաւ 'ի թըշնամանաց թագաւորին և յանարգանաց դէնին: Ասն որոյ և երկեալ իսկ մատուցանել զնա 'ի տանջանս հարուածոց, թէ գուցէ այլ եւս մեծ անարգանս զթագաւորէն տացէ ասել յատենին, և 'ի նա ձգիցին կարծիք թշնամանացն. զի երկայնմտութեամբ պայքարեցաւ ընդ նոսա:

Եւ քանզի սուսեր ընդ մէջ ածեալ նստեր յատենի ահարկանելով սրբոցն, գոչեաց իբրեւ առիւծ զայրագին, և համեալ զսուսերն գազանաբար յարձակեցաւ 'ի վերայ երանելեացն. և եհար եպիսկոպոսին զաջ ուսն թիկամբն հետ, և զձեռն 'ի վայր ընկեց: Եւ նորա յահեակ կողմն յերկիր անկեալ, և դարձեալ անդրէն պատրասպարէր, առնոյր զաջ ձեռն 'ի վեր. աղաղակեաց մեծաձայն և ասէ. Մեկալ, Տէր, զկամաւոր պատարագս՝ որ ինձէն զիս քեզ մատուցի բոլորովին, և խառնեա զիս 'ի գունդս սուրբ զինուորացն քոց:

Դարձեալ քաջալերէր զընկերակիցսն իւր և ասէր. Հնապա առաքինիք, եհաս ժամ կատարման մերոյ. խցէք զաջ մարմնոյ վայր մի, և այժմ տեսանէք զյոյսն մեր Վրիտտոս: Եւ թաւալելով ընդ արիւնն անձին իւրոյ ասէր. ( ) րհնեցից զՏէր յամենայն ժամ, հանապազ օրհնութիւն նորա 'ի բերան իմ: Եւ Տէր պարծեսցի անձն իմ, լուիցեն հեզք և ուրախ եղիցին: Եւ ասելով զսաղմոսս զայս կատարէր մինչեւ ցայս տեղի. Բազում նեղութիւնք են արդարոց, յամենայնէ վրկէ զնոսա Տէր, և պահէ զամենայն ոսկերս նոցա:

Եւ մինչ դեռ կայր յուժի մարմնոցն սակաւիկ մի, իւրովք աչօք իսկ հայեցեալ տեսանէր յերկնից եկեալ գունդս բազում հրեշտակաց և վեց պսակ 'ի ձեռին հրեշտակապետին: Դարձեալ և լսէր եւս բարբառ 'ի վերուստ, որ ասէր. Բաջալերեցարուք, սիրելիք իմ, զի ահա մոռացայք զվշտալի կեանսդ, և հասեք երանելի պսակացդ, որ ձերով ճարտարութեամբդ կազմեցէք. առեք դիք յիւրաքանչիւր գլուխ: Օ ի նիւթ պատրաստական 'ի ձէնջ հիւթեցաւ, իսկ ճմարտութիւն

գործոյդ յամենասուրբ ձեռացն Վրիտտոսի կազմեցաւ . զոր 'ի սարասաւորաց այտի իսկ ընկալեալ ընդ Ստեփանոսի լինիք պատկակից : Եւ զայն եւս քաջապէս տեսանէր , զի դեռ եւս շողայր սուրն 'ի վերայ պարանոցի երանելեացն :

Օ որ իբրեւ ետես սուրբն Վեռնդ , եթէ ոչ եւս զմի մի կամին հարցանել և դատել , այլ միանգամայն հրաման եղև մահու , ասէ ցերանելին ( Յովսէփ . Սատիր , յառաջեա ընդդէմ սրոյն , զի դու աստիճանաւ 'ի վեր ես քան զամենեսեան : Եւ զայս իբրեւ ասաց , կարգեցան կացին մի ըստ միոջն . և առ ձեպ տաքնապի ստիպելոյ դահձացն՝ միանգամայն հատին ընկեցին զպարանոցս երանելեացն առաջի սուրբ եպիսկոպոսին . և նորա ընդ հանել ոգւոցն աղաղակեաց և ասէ . Տէր ( Յիսուս , ընկալ զոգիս մեր ամենեցուն , և խառնեա զմեզ 'ի գունդս սիրելեացն քոց : Եւ միանգամայն կատարեցան ամենեքեան 'ի նմին տեղւոջ :

Եւ եթէ զմեզ պետն եւս , որ հաւատաց 'ի Վրիտտոս , կամիցիս ընդ նոսա 'ի համար արկանել , թուով են եօթն . թող զերկուսն եւս որ 'ի Սատեբտան կատարեցան , և միւս եպիսկոպոսն ( Վաթիկ անուն յատրեստանի : Բայց անդէն 'ի տեղւոջն վեցեքին , որոց անունքն են այսոքիկ . Սահակ եպիսկոպոս յուրշտունեաց , սուրբն ( Յովսէփ 'ի Սայոյ ձորոյ 'ի գեղջէ Հողոցմանց , Վեռնդ երէց 'ի Սանանդայ 'ի գեղջէ Եւլանից , Սուշէ երէց յՂբակոյ , Լարէն երէց 'ի Բագրեւանդայ 'ի գեղջէ յՂեգեկայ , Բաջջ սարկաւագ ուստի եպիսկոպոսն էր յուրշտունեաց : Իսկ երանելի մոզպետն 'ի Վիշապուհ քաղաքէ , Սամուէլ երէց յԱրարատոյ 'ի գեղջէ յԱրածոյ , Լարահամ սարկաւագ 'ի նմին գեղջէ :

Եւրդ զվեց զայս սուրբս յանագապին՝ ուր կատարեցին , Վենչապուհ և մոզպետն և Սնիկանն և մայպետն անդէն 'ի տեղւոջն պահապանս ընտրեցին յիւրաքանչիւր սպասաւորացն , և պահել հրամայեցին զմարմնս երանելեացն ցաւորս տասն կամ եւս աւելի , մինչեւ կարաւանն արքունի անցեալ գնասցէ . զի մի այլադեմքն եկեալ բառնայցեն զոսկերս դոցա , և բաշխեալ սփռեցն ընդ աշխարհս ամենայն , յոր և մարդիկ եւս ա-

ուսել յորդորեալ մորրիցին զինի նաճարացոց ազանդին :

Իսկ Խուժիկն , զոր յառաջագոյն ասացաք , զինուհանդերձ մնայր անդէն ընդ պահապանսն որպէս զմի 'ի նոցանէ . այր լի իմաստութեամբ և կատարեալ աստուածային գիտութեամբ , սպասեր և դէտ ական ունէր՝ եթէ որով օրինակաւ հնարս գտցէ զոսկերս օրբոյն գողանալ 'ի նոցանէ :

Եւ իբրեւ աւուրք երեք անցին 'ի վերայ , արհաւիրք մեծ անկանէին 'ի վերայ ամենեցուն , և իբրեւ թրմբրեալ և կիսամեռք անյարիք անկեալ զնէին զերիս աւուրսն : Իսկ 'ի չորրորդումն աւուրն երկուք 'ի պահապանացն չարաչար լկեցան 'ի դիւէ : Կարձեալ հասարակ գիշերաւ չափ՝ ձայնք ասեղք հնչէին , և թրնդիւնք և որոտաձայնք 'ի ներքուստ՝ որպէս դղրդումն գեանաշարժի . երկիւրն գողայր 'ի ներքոյ նոցա , և շողիւնք սուսերաց փայլատակունս արձակէին շուրջ գնուքք : Եւ զամենեանս զգիականսն կանգնեալ տեսանէին , և զնոյն բանս ատենին ասագինս բարբառէին 'ի լսելիս նոցա . մինչեւ խուճապել նոցա ընդ միմեանս , դեռ եւս զիրեարս սատակէին : Եւ այսպէս տագնապեալք և ցնորեալք մինչեւ այր զընկեր 'ի փախուստ չգիտէր ընդ որ երթայր : Եւ եկեալ պատմէին մեծաւ զարմացմամբ զամենայն անցս չարչարանացն , զոր կրեցին :

Ի խորհուրդ մտին նախարարքն երեքեան , և սկսան զարմանալով ասել ցմիմեանս . Օրհնչ գործեսցուք , զինչ արասցուք վասն անքնին աղանդոյն քրիստոնէից . քանզի մինչ դեռ կենդանի էին , զարմանալի էր կեանք նոցա . ընչատեացք էին իբրեւ զանկարօտս , սրբասէրք էին իբրեւ զանմարմինս , անաչառք էին իբրեւ զարդարադատս , աներկիւղք էին իբրեւ զանմահս : Եթէ զայս ամենայն ասեմք իբրեւ զտգիտաց և իբրեւ զյանդգնելոց , իսկ զայն զի առնիցեմք , զի ցաւոտք ամենայն 'ի կարաւանի աստ նոքօք առողջանան : Եւ կամ որ մեծս է քան զայդ ամենայն , ո՞յր ուրուք դի կանգնեալ երեւեցաւ 'ի կենդանեաց կամ բարբառ բանից ոք լուաւ 'ի նմանէ :

Օր սուտ չեն մեր սպասաւորքն . մեր մեղէն իսկ հասեալ է 'ի վերայ ստուգութեան սոցա : Եւ եթէ կա-

մեցեալ էր սոցա մարմնաւոր ինչ ազահու թիւն 'ի ներքս խառնել, սակաւ մի ակնարկէին քրիստոնէից 'ի կարաւանիս, զիչիւ իւրաքանչիւր մարմնոց նոցա ուկի առնուին: 'Եւ արձեալ և արքդ, որ 'ի գիւէ չարչարեցան, զի յայնժամ՝ ցառաք չէին՝ և մեք գիտեմք. յայտ է եթէ պատր նշանն մեծ երեւեցաւ: 'Եւ թէ լուռ լինիմք, այսպէս մեզ և անձանց մերոց կասկած խոկ է. և եթէ տանիմք զգոսա առաջի թագաւորին, լեւրով նորա 'ի դոցանէ զայդ ամենայն մեծամեծ սքանչելիս, գուցէ և օրինացս մերոց քակտումն ինչ հասանիցէ:

'Եւս պատասխանի մոգպետն և ասէ ցնոսա. 'Ո՞չ զիս ոստիկան արարին 'ի վերայ ձեր երկոցունցդ. զի այդչափ նեղեալ տագնապիք յանձինս ձեր. դուք զգործ ձեր կատարեցէք, և զհրամանն արքունի 'ի գլուխ տարայք: 'Եւրդ եթէ համբաւդ այդ յայտնեցին, և հարցափորձ ինչ լինիցին առաջի արքային, այդ ինդիր մեր մոգաց է. դուք անհոգ լերուք, և մի ինչ ածէք զմտաւ: 'Եւ եթէ զարհուրեցայք ինչ յոգիս ձեր, վաղագոյն առաւօտուցն 'ի դարիթիւրէ եկայք. զի վաղիւ անդ մովպետան մովպետ ուստ յազէ, և նոյն հաճեալ հաւանեցուցէ զմիտրս ձեր:

'Եւս 'Եւրոթիկն իբրեւ լուաւ զայս ամենայն, և գիտաց՝ եթէ փոյթ ինչ ոչ է նոցա յայնմհետէ սուրբ ըսպանելոցն, փութացաւ վաղվաղակի էառ տասն այր, որոց զչափ գիտէր զքրիստոնէութեանն, և հասեալ 'ի տեղին՝ շէն եգիտ գամենեսեան: 'Եւ քանզի կասկած ունէր տակաւին 'ի նոցուն 'ի դահձացն, դարձեալ փոխեցին անտի զուրբան յայլ տեղի բացագոյն իբրեւ երկու հրասախօք: 'Եւ իբրեւ յանհոգս եղեն, սրբեցին կազմեցին զոսկերս երանելեացն. բերին 'ի բանակն և ունէին 'ի ծածուկ. և առ սակաւ սակաւ յայտնեցին նախ զօրականին Հայոց, և ապա բազում քրիստոնէիցն՝ որ էին 'ի կարաւանին: 'Եւ զառաջին պտուղ ընծային մատուցանէին կապեալ նախարարացն. և անդէն վաղվաղակի արձակեցան նոքա 'ի կապանաց իւրեանց, և սպառնալիք մահուանն անցին զնոքօք. և հրովարտակք թողութեան առաքեցան յաշխարհն Հայոց:

'Եւրդ այս երանելի 'Եւրոթիկս, որ արժանի եղեւ 'ի ծածուկ սպասաւոր լինել սրբոցն, որ ինչ 'ի մահուանէն

և այսր ասացաւ դատակնիք վճուիս այսորիկ, սա երկրորդ դեաց մեզ զամենայն կարգաւ . զչարասար քարշումն, և զհարց և զփորձ դատաւորացն, և զիւրաքանչիւր անձանց սրբոցն զպատասխանիսն, և զկատարումն մահուան նոցա, և զհազարն արհաւիրսն՝ որ 'ի վերայ պահապանացն անկաւ, և զհեծեծումն քննութեան նախարարացն երեցունց, և զամիտիումն սուրբ ոսկերաց նոցա . ոչ խառն 'ի խուռն 'ի մի վայր ժողովելով, այլ զմի մի 'ի նոցանէ ուրոյն ուրոյն 'ի վեց տապանս ժողովէր . և զանուանս իւրաքանչիւր ուսեալ և 'ի վերայ տապանացն նշանակեալ էր : Եւ զկապանսն երկաթիս ընդ իւրաքանչիւր ոսկերսն եղեալ էր, քանզի դահճացն 'ի բաց ընկեցեալ էր . որպէս և զհանդերձս զիւրաքանչիւր տապանի նշանակեալ էր :

Եւ կատարեցան սոքա վեցեքեան սուրբ և ցանկալի մահուամբն իւրեանց որ օր քսան և հինգ էր հրտոից ամսոյ, 'ի մեծ անապատին յԱպար աշխարհի 'ի սահմանս՝ իւշապուհ քաղաքի :

#### ԴԱՐՁԵԱԼ ՎԱՍԻ ԽՈՍՏՈՎԱՆՈՂ ԱՇԽԱՐԻՑԱՅ ՆՈՅՈՒՆՅՅ

Իսկ աշակերտք երանելեացն 'ի կապանս կային 'ի ներքս 'ի քաղաքին . եկն դահճապետ մի արքունի և Եհանն զնոսա 'ի քաղաքէ անտի արտաքս :

Եհանն 'ի նմին քաղաքէ ասորեստանեայս քրիստոնեայս արս հինգ, քանզի և նոքա 'ի կապանս էին վասն անուանն Վրիստոսի . Եհարց ցնոսա բանիւք, և ոչ հաւանեցան երկիր պազանել արեգակնս : Ըարդարեաց զնոսա գանիւ, և նոքա եւս առաւել 'ի նոյն միտս պընդեցան . կտրեաց զնոցա ունչս և զականջս, և ետ տանել յատրեստան, զի կայցեն 'ի մշակութեան արքունի : Երթային մեծաւ յօժարութեամբ, իբրեւ այն՝ թէ մեծ պարգեւս գտեալ 'ի թագաւորէն :

Երդ եկն դարձեալ նոյն դահճապետն առ աշակերտս սուրբ սպանելոցն, ընտրեաց երկուս 'ի նոցանէ որ համեստադոցն էին, առեալ մեկուսի յայլոցն և ասէ ցնոսա . Օրհն անուանք են ձեր : Ետ պատասխանսի մինն և ասէ . Եւ 'ի ծնողաց ինձ Սորէն, և դմս Երբահաւ :

խոյն շնորհատուր կարգիս՝ ծառայք Վրիտտոսի եմք, և աշակերտք երանելեացն՝ զոր տղանէք :

Այս պատասխանի՝ դահճապետն և ասէ ցնտաւ . Խոյ արդ զի՞նչ գործ է ձեր, և կամ բնաւ ո՞ր իսկ ածեալ է զձեզ այսր : Այս այս ետ պատասխանի Վրահամ և ասէ ցնտաւ . () այդ ձեզ 'ի վարդապետաց մերոց արժան էր ուսանել . զի ոչ դուզնաքեայք որ էին նոքա, այլ ունէին տոացուածս հայրենիս ըստ արժան բաւականին, ըստ նմին և սպասուորս, էր որ իբրեւ զմեզ, և էր որ լաւագոյն քան զմեզ . որոց սնուցեալ և ուսուցեալն էր, ընդ նոսա եմք եկեալ : Վրածղի և պատուէր իսկ ունիմք յատուածասուր օրինացն մերոյ՝ սիրել զնոսա իբրեւ զսուրբ ծնողս, և սպաս տանել նոցա իբրեւ հոգեւոր տերանց :

Յասեաւ դահճապետն և ասէ . Իբրեւ զանխրատ և զաներկիր յատմբակս խօսիս : Ա՛խչդեռ 'ի խաղաղութեան և յաշխարհի էիք, բարիք էր . յորժամ զրուահ եղեն նոքա յիրս արքունի և մահապարտ գտան ըստ գործոց իւրեանց, ձեզ չէր արժան ամենեւին մտ երթալ առ նոսա : Ա՛չ տեսանէք 'ի մեծ կարաւանիս, յորժամ որ 'ի պատուաւորացն 'ի դիպահւոյն արքունի լինիցի, սգոյ հանդերձ ագանի, և զատեալ և որոշեալ 'ի քացէ նստի միայնիկ, և ամենեւին հուպ ոչ որ իշխէ երթալ առ նոսա : Այս դու այդպէս իբրեւ զանյանցի աշակերտ պարծելով խօսիս :

Այս այս ետ պատասխանի Խորէն և ասէ . Այ ձեր կարգդ անիրաւ է և ոչ մերս ստուծեամբ . նախարարն յանցաւոր՝ ուստի զպարզեւն գտեալ էր, այնպէս պարտ էր նմա հպատակ լինել, զի 'ի պատուոյն վերայ և այլ եւս պարզեւս մեծամեծս գտանէր 'ի նմանէ : Ա՛րդ փոխանակ զի զայն ոչ արար, ձախողակի յետս ընդդէմքն պատահեաց նմա : Այս մեր վարդապետքն եթէ առ Վրտուած յանցուցեալ էին, և կամ առ Թագաւորն մեղուցեալ ինչ էին, նոյն օրինակ և մեք առ նոսա առնէաք . ոչ յաշխարհի մտ երթայաք, և ոչ 'ի տար աշխարհ այսր զճետ նոցա գայաք : Ա՛րդ քանզի առ երկուսին կողմանն արդարութեամբ կեցեալ են, և դուք զուր տարապարտուց սպանէք զնոսա, մեք արդ եւս առաւել սպասաւորեմք սուրբ ոսկերաց նոցա :



Ըթէ ցնոսա դահճապետն . Եւ յառաջագոյն իսկ աւացի, եթէ կարի ստամբակ ոմն եւս դու . ահա յայտ եղեւ աւաղիկ, եթէ յամենայն փնաս նոցա խառն էք դուք : Ըբրահամ ասէ . Յոր փնաս : Գահճապետն աւսէ . Ըռաջին ՚ի մահ մոգուցն , ապա և յայլն ամենայն : Ըբրահամ ասէ . Ըյդ ոչ միայն ՚ի մէնջ է , այլ բոտ կարգի և ձերոց օրինացդ . թագաւորք ձեզ տան հրաման , և դուք ՚ի ձեռն ձերոց սպասաւորացդ գործէք :

Գահճապետն ասէ . Ի Սիհր աստուած երզուեալ իմ , խստագոյն եւս խօսիս քան զվարդապետսն քո . յայտ է եթէ փնասակարագոյնք եւս էք դուք : Ըրդ ոչ է հնար ձեզ ապրել ՚ի մահուանէ , բայց եթէ երկիր պագանիցէք՝ արեգական , և կատարիցէք զկամս օրինաց մերոց :

Խորէն ասէ . Յայժմ իբրեւ զմարդ չարախօսէիր , և արդ իբրեւ զռուն անպիտան ընդ վայր հաջես : Եթէ գոյր արեգական ականջք , դու տայիր նմա թշնամանս զնել . արդ նա բնութեամբ անզգայ է , և դու չարութեամբ անզգայագոյն քան զնա : Յիմ տեսեր զմեզ պակասագոյն քան զհարսն մեր . մի բանիւք զփորձ առնուլ կամիս զմեր , այլ հանդէս արա քում չարութեանդ և մերում բարութեանս , և ամաչեցեալ գտանի հայրն քո սատանայ , ոչ միայն ՚ի մէնջ՝ որ կատարելագոյնքս եմք , այլ և որ կարի փոքրիկն թուի քեզ , նա դիցէ վերս սաստիկս յոգիս և մարմինս քո :

Օ այս իբրեւ լուաւ դահճապետն , սրտմտեալ բարկացաւ ՚ի վերայ նոցա : Եւ քարշել չարագոյն քան զառաջինսն . և այնչափ սաստիկ քարշեցին , մինչեւ բազմաց կարծիք եղեն՝ թէ մեռան : Իսկ իբրեւ ժամք երեք ՚ի վերայ անցին , դարձեալ խօսել սկսան երկոքեանն և ասեն . Փոքր համարիմք զանարգանս զայս և առ ոչինչ զցաւս մարմնոյս առ մեծ սէրն Ըստուծոյ , որով կատարեցան հարքն մեր հոգեւորք : Հապա , մի դար և մի դարարեր , այլ զոր ինչ առ նոսայն արարեր , զնոյն և առ մեզ կատարեալ : Եթէ չարագոյն թուին քեզ գործք նոցա , կրկին և զմերս համարեալիր . զի նոքա բանիւք հրամայէին , և մեք գործովք զարդիւնսն կատարեալք :

Յայնժամ եւս առաւել զայրագնեցաւ ՚ի վերայ նոցա , և հրամայեաց զմահու քան հարկանել : Եւ առ մի

մի 'ի նոցանէ փոխեցաւ վեց վեց այր 'ի դահճացն : Եւ մինչ դեռ կիտամեռք յերկիր անկեալ զնէին, հրամայեաց զերկոցունց ականջան մօտ կտրել : Եւ այնպէս բրեցին, որպէս թէ չիցէ լեալ 'ի տեղւոջն :

Օտրթեան որպէս 'ի քնոյ 'ի տաստիկ հարուածոցն, սկսան աղաչելով պաշտատանս մատուցանել, և ասէն . Ըղաչեմք զքեզ, քաջ զինուոր թագաւորին, կամ կատարեա զմեզ իբրեւ զհարսն մեր մահուամբ, և կամ արա զպատուհասոյ ըստ օրինակի վերջնոցս : Օ ի ահա լսելիք մեր առողջացան զանախտաւորութիւն երկնաւոր, իսկ հոտոտելիքս դեռ եւս աստէն 'ի տեղւոջ կան յանցս չարարանաց . մի կիսապարգեւ առներ զմեզ յերկնից բարութենէն : Արբեցեր զմարմինս մեր քար շելով և զսելիս մեր կտրելով, սրբեա և զընդունս մեր հատանելով . քանզի որչափ տգեղս առնես զմեզ երկրաւորաւս, գեղեցկագոյնս առնես զմեզ երկնաւորաւն :

Ետ պատասխանի հեղութեամբ դահճապետն և ասէ . Եթէ և այլ յամեմ ես առ ձեզ մօտ կալով, կարծեմ՝ եթէ և աշակերտէք զիս 'ի ձեր յամառութիւնդ :

Օ ի ահա արդ և զիտրհուրդս արքունի 'ի վեր հանեմ ձեզ : Յայդ վայր եղև հրաման պատուհասիր ձերոյ, և 'ի վերայ դորին պատուհասի՝ երթալ ձեզ յասորեստան, և լինել ձեզ մշակ յարքունիս . զի որ ընդ ձեզ հայեսցի, մի 'ի դմին յամառութեան պնդեսցի ընդդէմ հրամանաց թագաւորին :

Ի՞ծեն ցնա երանելիքն . Եւ զմեր երկիրս կիտագործ թողեր, մեք յարքունի երկիրն կէս մարմնովք մերովք ոչ վաստակեմք : Իբրեւ զայս լուաւ դահճապետն, աղաչեաց զզինուորսն՝ որ տանէին զնոսա, և ասէ . Ի՞նչ այն աստի դուք առէք զնացէք, և հասեալ յասորեստան՝ ուր կամ իւրեանց է և շրջեսցին :

Եւս են հայոց խոստովանողք, որ զխեղութիւնն և զչարարանսն խնդութեամբ ընկալան յանձինս իւրեանց : Եւ վասն զի վրիպեցին 'ի սուրբ մահուանէն, սգով և տրտմութեամբ երթային զերկայնութիւն ճանապարհին : Այ ծանր թուէին նոցա կապանք ոտիցն և ձեռացն, իբրեւ զայն՝ թէ ընդէր ոչ եղաք արժանի հաւասարել ընդ քաջ նահատական :

Եւ իբրեւ տարան հասուցին զնոսա յերկիրն բարի

լացուց, 'ի գաւառ մի զոր Շահուզն անուանեն, Թէպետ և էին յարբունի պատուհասին, սակայն և յայտ և գաղտ մեծապէս ընկալեալ եղէն 'ի բնակչաց աշխարհին : Սակայն երանելիքն և յայնմ յոյժ տրամազին էին, իբր այն՝ եթէ սակաւ վաստակեցաք և մեծապէս հանգչիմք . և հանապազ 'ի նմին զղջման կային :

Եւ անդէն Թեւակոխէին տեսանել զսուրբ կապանն նախարարացն, և լինել սպասաւոր մարմնաւոր պիտոյից նոցա : Իմացուցին զայս մեծամեծաց աշխարհին, որք էին 'ի նմին սուրբ ուխտի քրիստոնէութեանն : Եւ հաւանեալ ամենեցուն մեծամեծաց և փոքունց՝ ազդ առնել ամենայն երկրին, զի հաճոյ Թուեսցի ամենեցուն՝ 'ի ձեռն մարմնաւոր պիտոյիցն կցորդ լինել սուրբ կապելոցն 'ի հեռաւոր օտարութեանն :

Եւ այսպէս ամ յամէ ժողովէին ըստ իւրաքանչիւր կարի մարդկանն, ոմն սակաւ և ոմն շատ, ոյր զինչ և 'ի ձեռս պատրաստութիւն լինէր, եթէ դրամոց և եթէ դահեկանաց, ժողովէին կազմէին տային յերանելին՝ տանել նոցա : Եւ այսպէս յարբանեկութեան կային, մինչեւ տասն ամն լցաւ սպասաւորութեանն :

Եւ վասն զի յոյժ խտտագոյնս պահէին 'ի ջերմոջ աշխարհին, և անդադար էին 'ի ճանապարհորդութեանն ընդ նոյն Շահուզ, ընդ Սեշոյն և ընդ Քաչկար և ընդ ամենայն ասորեստան և խուժաստան, սաստիկ տապով հարեալ 'ի խորշակէ մեռանէր սուրբն Սյորէն, և աւանդեալ լինէր 'ի բնակչաց աշխարհին ընդ սուրբ վրկայսն :

Իսկ երանելին Աբրահամ կայր 'ի նմին առաքինութեան անդադար . և զամենայն սուրս հաւատացելոցն շրջէր ժողովէր և տանէր 'ի մեծ հեռաստանն, և ինքն մատակարարէր ըստ իւրաքանչիւր կարօտութեան : Եւ այնպէս յերկարեցաւ մինչեւ յերկոտասաներորդ ամն պատժաւորացն, մինչեւ աղաչել զնա միաբան ամենեցուն, զի հաւանեսցի երթալ յաշխարհն Հայոց . զի ընդ մտանել նորա առ նոսա, 'ի նմա տեսցեն և զքաջ նահատակն՝ որք կատարեցան սրով, 'ի նմա տեսցեն և զսուրբ կապանս չարչարանացն :

Եւ յորժամ մարտիրոսք և խոստովանողք և կապելք նովաւ տեսանին, նովաւ օրհնի աշխարհն ամե-

նայն, նովաւ օրհնին և տղայք նոցա յաճումն, նովաւ զգաստանան երիտասարդք նոցա 'ի սրբութիւն, նովաւ համեստանան ծերք նոցա յիմաստութիւն: Վովաւ ուսանին իշխանք նոցա զմարդասիրութիւն, նովաւ անկանի գութ յԱստուծոյ 'ի սիրտս թագաւորին՝ շինել և խաղաղութիւն առնել բոլոր աշխարհին: Վովաւ եկեղեցիքն պարծին իբրեւ քաջ և կատարեալ զինուորաւ, նովաւ վկայարանքն զարդարին, նովաւ և վկայքն ցնծացեալ բերկրին: Վովաւ և դաշտն Ղարայրի պայծառացեալ ծաղկալից լինի, ոչ յանձրեւաբեր ամպոց, այլ 'ի սուրբ և յարինաբուխ վկայից ցանեալ և ցրուեալք սպիտակութիւնք սուրբ ոսկերացն: Յորժամ կոխեցեն ամենավաստակ ոտք խոստովանողին զլայնատարած տեղիս պատերազմին, յորժամ կենդանի մարտիրոս ընդ նա շրջեսցի, կենդանի առ կենդանիս երթեալ ամենայն աշխարհին կրկին լինի կենդանութիւնն:

Վիտեմբ, ասէն, յորժամ տեսցեն զսա ամենայն միայնակեացք աշխարհին հայոց, սովաւ յիշեսցեն ըզհոգեւոր գունդս պատերազմողացն, որ փոխանակ մեր, ասէն, ետուն զանձինս 'ի մահ, և հեղին զարինս իւրեանց 'ի հաշտութիւն պատարագ Վստուծոյ: Սովաւ յիշին սուրբ քահանայքն, որք խողխողեցան յօտարութեանս և ցածուցին զսրտմտութիւն բարկութեան թագաւորին: Սովաւ թերեւս զի և զմեր կապանս յիշեսցեն, և աղօթս առնելով խնդրեսցեն յԱստուծոյ, զի գերեզարձ լիցի մեզ անդրէն 'ի հայրենի երկիրն մեր:

Քանզի յոյժ անձկացեալ եմք՝ ոչ միայն ըստ մարմնոյ կարօտութեան, այլ առաւել տեսանել զսուրբ եկեղեցիսն մեր և զսրբասէր պաշտօնեայսն մեր, զոր 'ի նմա կարգեալ հաստատեցաք: Եւ եթէ միւսովս յաջողեսցէ մեզ Վստուած երթալ և շուրջ զկարօտութիւն մնացելոցն, գիտեմք զի և մեզ բանայ Վստուած զդուռն ողորմութեան իւրոյ՝ ընդ նոյն ճանապարհ երթալ, ընդ որ ոտք սրբոյս կարապետեն:

Օ այս խորհուրդ խորհելով աստուածաշնորհ նախարարացն, մեծաւ թախանձանօք ածէին զխոստովանողն 'ի հաւանութիւն: Եւ վասն զի ոչ էր սովորութիւն երբեք բարւոյն ընդդէմ դառնալ ըստ առաջին սովորութեան և յայսմ վայրի փութացաւ վաղվաղակի կա-

տարել զհրամանն զմիաբան հաւանեցելոցն յաստուածային առաքինութիւնն: Այն եմուտ յաշխարհն հայոց: Փութացան և ելին ընդ առաջ նորա վաղվաղակի արք և կանայք, մեծամեծք և փոքունք, և ամենայն բազմութիւն ազատաց և շինականաց: Ընկանէին առաջի, փարէին զոտիւք և զձեռօք սրբոյն, և ասէին. ( )ըհնեալ Տէր Եստուած՝ի բարձունս, որ առաքեաց մեզ հրեշտակ յերկնից՝ բերել մեզ աւետիս յարութեան, զի լինիցիմք ժառանգք արքայութեան: Օ ի ահա՛ ի քեզ կերպարանեալ տեսանեմք զամենեսեան զհրաժարեալն յուսով յարութեամբ, և զկապեալն ակնկալութեամբ արձակելով: Ի քեզ տեսանեմք և զաշխարհին շինութիւն խաղաղութեան. քեւ եկեղեցիքն մեր ցնծացեալ բերկրին, և քեւ սուրբ վկայքն մեր անդադար լիցին մեզ՝ի բարեխօսութիւն առ Եստուած: ( )ըհնեալ զմեզ, սուրբ հայր մեր. դու ես բերան հանուցելոցն, խօսեաց ընդ մեզ յայտնի օրհնութեամբ, զի յոգիս մեր լուիցուք՝ի ծածուկ զօրհնութիւնս սրբոյն: Նորդեցեր ճանապարհ այնոցիկ՝ որ անձկացեալ էին զալ յերկիր իւրեանց, խնդրեալ Եստուծոյ՝ զի ստեպ եկեսցեն զհետ սուրբ կարապետիդ: Այլ որպէս հորդեցեր զարգելեալ ճանապարհ երկրի, բաց և յերկինս բզդունն աղօթից մերոց. զի և մեր մեղաւորաց մտցեն պաղատանք առաջի Եստուծոյ՝ի բարեխօսութիւնն նոցին կապելոց. և մինչ դեռ եմք յեղանելի մարմինս, որպէս տեսաք զքո՞ զերանելի սրբութիւնդ, տեսցուք և զսիրելի անձկալիսն մեր, որ ՚ի բազում ժամանակաց հարեալ և պաշարեալ եմք յոգիս և մարմինս մեր: Երդ հաւատամք յանտուտ յոյսն, զի որպէս լցեալ կատարեցաւ ՚ի քեզ տեսիլս ՚ի սուրբ սէր քո, այսպէս և ընդ մծոտոյ ունիմք տեսանել զճմարիտ վկայսն Վրիստոսի, որ հանապաղ խանդակաթ եմք ՚ի տեսիլս երկնաւոր գեղոց նոցա:

Բայց երանելի խոստովանողն, թեպէտ և այսպէս սիրով ընկալեալ եղեւ յամենայն աշխարհէն, ոչ ինչ կամեցաւ ամենեւին մերձենալ առ զքստ մարմնոյ կարօտութեան. այլ ընտրեաց իւր տեղի մի զատ յամենայն բազմամբօխ ժողովրդոց, և առաքինի եղբարքք երկուք կատարեաց զկեանս իւր մեծաւ ճգնութեամբ:

Օր եթէ կամիցի որ 'ի կարգ արկանել, դժուարաւ կարասցէ ասել զվարս առաքինութեան նորա : Օ ի եթէ զտքնութիւնն ասիցես, իբրեւ զկանթեղ անշեջ կայր զամենայն գիշերս . և եթէ զսակաւապիտութիւն կերակրոցն, համարեաց 'եթէ զանկերակուր հրեշտակացն բերէր զնմանութիւն : Աթէ զհեգութիւն ցածութեանն կամիցիս ասել, ոչ զոր 'ի կենդանեաց կարիցես գտանել նման նմա . և եթէ զանընչասիրութիւնն կամիցիս ասել, դարձեալ զոր օրինակ չպատրի մեռեալ 'ի կարասի, զնոյն օրինակ ճմարտութեամբ և առ երանելին իմասջիր :

Ընչազական ձայնիւ հանապազորդեալ էր 'ի պաշտաման, և անհատ աղօթիւք միշտ ընդ Բստուծոյ 'ի բարձունս խօսէր : Բն եղեւ նա անհամեղց, և խթան ընդօտուցիչ ամենայն հեղգացելոց : Դորովեցաւ նովաւ աղահուծիւն, և կարի յոյժ ամաչեաց նովաւ շուայտութիւն որկորամուլութեան : Բողջութիւն եղեւ նա աշխարհիս հայոց, և բազում վերաւորք 'ի ծածուկ նովաւ գտին զառողջութիւն : Աղեւ նա վարդապետ կատարեալ վարդապետաց իւրոց, և սուրբ հայր խրատտուհարանց իւրոց : Ի լուր համբաւոյ նորա իմաստնացան տգէտք, և 'ի տեսիլ մերձաւորութեան նորա զգաստացան լկախք : Բնակեալ էր ըստ մարմնոյ 'ի նեղ խցկանն, և ահ սրբութեան նորա անկեալ էր զհեռաւորօք և ըզմերձաւորօք : Օ արհուրեցան դէք և փախեան 'ի նմանէ, իջին հրեշտակք և բանակեալ էին զնովաւ :

Յոյնք երանի ետուն վանն նորա աշխարհիս հայոց, և բազում բարբարոսք փութացան տեսանել զնա մարմնով : Աիրելի եղեւ նա սիրելեացն Բստուծոյ, և զբազումս 'ի թշնամեաց ճմարտութեանն ած 'ի հաւանութիւն սուրբ սիրոյ : Ակիզն արար առաքինութեան անդրստին 'ի տղայ տիոց իւրոց, և նովին առաքինութեամբ կատարեցաւ 'ի վախճան կենաց իւրոց : Որպէս ոչ խառնեցաւ 'ի կարգս սուրբ ամուսնութեան աշխարհիս, այսպէս չեմուտ ընդ մարմնաւոր պիտոյիւք ամենայն ապականացու իրաց աշխարհիս : Այլ եթէ պարտ է պարզաբար ասել, որպէս փոխանակեաց զպէտս մարմնոյ ընդ պիտանացու հոգեւոր իրաց, այսպէս փոխադրեալ եղեւ յերկրէ 'ի յերկինս :

ԱՅՈՒՅՏԻ ԵՆԱՐԱՐԱՅՆ, ՈՐԻ ԿԱՄՈՒՅ ԵՅԺԱՐՈՒԹԵԱՄԻ ԿԱՍՆ ՍԻՐՈՅՆ  
ԳՐԻՍՑՈՍԻ ԵՏՈՒՆ ԶԱՆՁԻՍ Ի ԿԱՊԱՍՍ ԱՐԳՈՒՆԻ

Յազգէն Սիւնեաց երկու եղբարք Ռարգէն և Ռա-  
կուր, յազգէն արծրունեաց Մերշապուհ և Շաւասայ  
և Շնգին և Սեհրուժան և Պարգեւ և Տաճատ, յազ-  
գէն մամիկոնեաց Նամազասպեան և Նամազասայ և Մա-  
տաւազդ և Սուշեզ, յազգէն կամնարականաց Մշա-  
ւիր և Սաթուլ, Սարձ, Սերսեհ և Մշոտ, յազգէն  
ամնատունեաց Սահան և Մաննաճար և Մանակ, յազգէն  
գնունեաց Մտոմ, յազգէն դիմաքսեանց Սաթուլ և  
Սատոյ, երկու եւս այլովք ընկերօք. յազգէն անձաւա-  
ցեաց Շմառն և Օուարէն և Մաւան, յազգէն ա-  
ռաւեղենից Փապակ և Սարազդէն և Պաղ. յարձ-  
րունեաց տոհմէն Մարսամ, ՚ի տոհմէն մանդակունեաց  
Սահակ և Փարսման, յազգէն տաշրացեաց Սրէն,  
յուսիսեան տանէն Ռարիկ և Յուխնան :

Մ. Երեսուն և չինգ արք, են որ յաւագ նախա-  
րարացն, և են որ ՚ի կրտերազունիցն, սակայն ամենե-  
քեան ըստ մարմնոյ են նախարարազունք, իսկ ըստ հո-  
գեւոր առաքինութեանն ամենեքեան երկնային քաղա-  
քացիք : Եւ բազում եւս այլ ազատ մարդիկ, են որ  
յարբունի տանէ, և են որ ՚ի տանէ նախարարացն իսկ  
նոցուն, նիզակակիցք և մարտակիցք քաջ նահատա-  
կացի : Եւ ամենեքին սոքա կամօք մատնեցան ՚ի սուրբ  
կապանս չարչարանացն :

Մ. Եւ մեք առ այժմ ոչ ընդ այս եմք զարմացեալ  
միայն, զի կամօք չողան մտին ՚ի փորձութիւնն, այլ  
առաւել ընդ այն եմք սքանչացեալ, զի մարդիկ փափուկ  
իրբեւ զնոսա՝ ընդարձակասուն բնակիչք ձիւնեղէն լե-  
րանց՝ եղեն բնակիչք խորշակաբեր դաշտաց : Որ զօրէն  
ազատ էրէյո շըլէին ՚ի մէջ ծաղկաբեր լերանց, ընկե-  
ցան ՚ի բոցակէզ աշխարհն արեւելից կապեալ ոտիք  
և կապեալ ձեռօք : Նաց նեղութեան և ջուր կարօտա-  
նաց, խաւարարգել ՚ի տուէ և անլոյս ՚ի գիշերի, ան-  
վերարկուք և անանկողինք, գազանաբար գետնախշտիք  
լինէին զինն ամ և զլեց ամիս : Եւ այնպէս մեծաւ խն-

դու թեամբ տանէին զնեղութիւնս, զի ամենեւին ոչ որ տրտունջ հայհոյութեան՝ ՚ի բերանոյ նոցա լուաւ, այլ յորդառատ գոհացողութիւն ըստ նմանութեան բարեկեցիկ մարդկան, որ են յաստուածպաշտութեան :

Եւ մինչ դեռ էին յայնպիսի նեղութեան, կարծիք եղեն ՚ի միտս թագաւորին՝ թէ առ յոյժ վշտին ձանձրացեալ են դառնութեան կենօքն իւրեանց : Յղեաց առ նոսա զմեծ հազարապետն և ասէ . Վսնեայ յայսմ հետէ զգաստացայք յանձինս ձեր, և մի կայք ՚ի նոյն յամուտութեան . պագէք երկիր արեգական, և արձակիք ՚ի չարաչար կապանացոյ, և ունիք անդրէն զիւրաքանչիւր հայրենի կեանս ձեր :

Ետուն պատասխանի երանելիքն և ասեն . Եւ փոքր ինչ եկեալ հարցանես ցմեզ, եթէ արդարեւ թագաւորն իսկ յղեաց զքեզ : Երդուաւ հազարապետն և ասէ . Չիք այդր բան աւելի կամ պակաս՝ որ ոչ ՚ի բերանոյ նորա ելեալ է : Եսեն ցնա անդրէն . Որք միանգամ աշակերտեալ են ճշմարտութեանն, ոչ երբեք փոխին ՚ի նմանէ . այլ որ ենն՝ նոյն կան : Եթէ յայնժամ առ չիմանալ ինչ պնդեցաք, և այսօր նեղութիւնս ի մաստանացոյց ինչ զմեզ . այլ ոչ այնպէս : Եւ զղումն մտաց մերոց այս է, եթէ ընդէր ընդ առաջինսն չկատարեցաք զկեանս մեր : Եւ այց արդ ազաչեմք զքեզ և քեզ զթագաւորն ձեր, մի այլ վասն այդպիսի իրաց հարցանէք ցմեզ . այլ զինչ եղեալ է ՚ի մտի ձերում վասն մեր կատարեցէք :

Իբրեւ լուաւ զայս մեծ հազարապետն, յոյժ գովեաց ՚ի միտս իւր զպնդութիւն հաստատութեանն նոցա . և յայնմ հետէ սկսաւ արկանել սէր ընդ նոսա՝ իբրեւ ընդ սիրելիս Վստուծոյ : Եւ բազում բանիւք ողբանօք ածէր զթագաւորն ՚ի հաւանութիւն, զի թողութիւն արասցէ նոցա ՚ի կապանացն իւրեանց : Օ ի թէպէտ և փոխեցաւ նա ՚ի գործոյ հազարապետութեանն արքունի, և ՚ի բազում իրս գտաւ փաստակար, ինքն իսկ յանձն իւր կթէր զաւեր աշխարհին Հայոց, վասն որոյ և մեծաւ անարգանօք յուղարկեցաւ ՚ի տուն իւր, սակայն զկապելոցն ոչ երբեք չարախօս կամէր լինել մինչեւ ցօր վախճանի կենաց իւրոց :

Իսկ յերանելեացն բազումք, ՚ի նոցանէ՝ որ մանկա-



գոյնքն էին, ուսան զդարութիւն Հայրենի աշխարհին իւրեանց՝ և եղև նոցա այն կերակուր հոգեւոր, որով զանձինս քաջալերէին և զընկերսն մխիթարէին։ Այնպէս զմայլեցան 'ի միտս և յոգիս իւրեանց, զի և որ ծերագոյնքն էին 'ի նոցանէ, փափկացան մատաղացան մանկացան։ Օյ թէպէտ և դարութեան ժամանակքն անցեալ էին, սակայն բազում սաղմոսս 'ի բերան առեալ՝ հոգեւոր երգակից լինէին մատաղերամ բազմութեան մանկուոյն։

Այնպէս բարձրացուցանէին զպաշտօնն սքեութեան, մինչև ոմանք 'ի դառն դաճացն, մեծապէս քաղցրութիւն անկանէր ընդ լեզիս նոցա, և որչափ 'ի ձեռս իւրեանց էր՝ արտաքոյ արքունի հրամանին դիւրութիւն առնէին նոցա, և սէր ինամոյ ունէին առ ամենեսն, և բազում անգամ զմարմնաւոր պէտս նոցա ընուին նոքա։ Սանաւանդ զի նշանք եւս բժշկութեան յԱստուծոյ յաջողեալ լինէր 'ի ձեռս նոցա. որպէս զի բազումք 'ի դիւպհարաց սրբեցան 'ի նմին քաղաքի ուր կապեալքն կային։ Իբրև ոչ որ գոյր առ նոսա քահանայ, դիմէին առ նոսա հիւանդք և ախտաժեւոք քաղաքին, և ընդունէին 'ի նոցանէ զիւրաքանչիւր ցաւոց զառողջութիւն։

Աս և որ մեծ իշխանն էր աշխարհին, զոր և Հարեւոյում Եապուհ անուանէին, և նմա իսկ յանձն էին ամենայն պատժաւորքն, մեծապէս գութ սիրոյ էարկ առ ամենեսեան։ Օծերս 'ի նոցանէ առ հարս ունէր, և զմանկագոյնս 'ի նոցանէ իբրև զսիրելի որդիս գգուէր։ Բազում անգամ գրեաց և եցոյց յարքունիս զվիշտ նեղութեան կապելոյն, և զառն առն իւրաքանչիւր ըզբարս ազնուականութեանն ցուցանէր նոցա. առաջի մեծամեծացն տառապէր, ջանայր ազգի ազգի հնարիւք, մինչև բազում բարեխօսիւք ածին 'ի հաւան զԹագաւորն։ Հրամայեաց լուծանել զկապանս նոցա. և բառնալ 'ի նոցանէ զտուգ պատուհասին, և ազանել նոցա հանդերձ՝ զօրէն նախարարութեանն. կարգեաց նոցա ռոճիկ, և զպատրաստութիւն սպառազինութեանն հրամայեաց յարքունուտ։ Գրեաց և յանձն արար մեծ սպարապետին, զի ընդ զօրս արքունի երթիցեն 'ի գործ պատերազմի։

Եւ իբրեւ այս այսպէս կարգեցաւ, և կազմեցաւ նոր Տրաման Թագաւորին, 'ի բազում տեղիս՝ ուր և հասին՝ առաւելեալ գտան 'ի գործ արութեան, մինչեւ գովու թեան հրովարտակ վանն նոցա 'ի դուռն տային: Որպէս զի քաղցրացաւ իսկ մտաց Թագաւորին, հրամայեաց զամենեսեան ածել զառաջեաւ: Եկին և յանդիման եղէն Յազկերտի արքայից արքային: Ետես զնոսա զըւարթութեամբ, խօսեցաւ ընդ նոսա բանիւք խաղաղութեամբ, և խոստացաւ տալ նոցա զիւրաքանչիւր իշխանութիւն ըստ կարգի հայրենի պատուոցն, և արձակել զնոսա յաշխարհն օրինօք քրիստոնէութեանն, յորոյ վերայ և մեծապէս էին չարչարեալ:

Եւ մինչ դեռ անդէն մեծաւ խնդութեամբ շրջէին 'ի կարաւանին առաջի Թագաւորին, 'ի նմին ժամանակի հասանէր վախճան կենաց Թագաւորին՝ յինն և 'ի տասներորդ ամի Թագաւորութեանն իւրոյ: Եւ ընդ հակառակս ելեալ երկու որդիք նորա՝ 'ի վերայ տէրութեանն կուռէին. սաստկանայր գործ դառնութեան պատերազմին զերկուս ամս:

Եւ մինչ դեռ նոքա յայնմ խռովութեան էին, ապրտամբեաց և Լըռանից արքայն. վասն զի քեռորդի էր նոցա, և ըստ կարգի հայրենի հաւատոցն՝ քրիստոնեայ էր յառաջ, և Յազկերտ արքայից արքայ բռնի մոգ արար: Եւ նորա գտեալ ժամանակ անձինն պարապոյ, հարկեցաւ զանձն 'ի մահ դնել. լաւ համարեցաւ մեռանել 'ի պատերազմի, քան ուրացութեամբ ունել զԹագաւորութիւնն: Ասն այսր ամենայնի յապաղումն եղև չարձակելոյն նոցա յաշխարհն:

Իսկ կրտսեր որդւոյն Յազկերտի դայեակն, Սահամ անուն 'ի Ահհրան տոհմէն, թէպէտ և էտես զգունդն Լըրեաց ընդ երկուս բաժանեալ, սակայն կիսովն գազանաբար յարձակեցաւ 'ի վերայ երէց որդւոյ Թագաւորին. հար, սատակեաց զգունդն, և ձերբակալ արարեալ զորդի Թագաւորին, անդէն 'ի տեղւոջն հրամայէր սպանանել: Եւ զմնացեալ զօրսն ածէր հաւանեցուցանէր, և առնէր միաբանութիւն ամենայն Լըրեաց գընդին. և Թագաւորեցուցանէր զիւր սանն, որում անուն էր Պերող:

Օ՛հ թէպէտ և Լըրեաց աշխարհին առնէր մեծա-

պէս խաղաղութիւն, սակայն Մշուանից արքայն ոչ կամէր նուաճել անդրէն 'ի ծառայութիւն. այլ խրամատեաց զպահակն Ղորայ, և անցոյց յայս կոյս զգորնն Սաքթաց. միաբանեաց զմետասան թագաւորս ըզլեանորդեայն, և ընդդէմ եկաց պատերազմաւ Մրեաց գնդին, և բազում վնասս արար զօրացն արքունի: Թէպէտ և երկիցս և երիցս ետուն հրովարտակս աղաչանաց, ոչ ինչ կարացին ածել զայրն 'ի հաւանութիւն. այլ գրով և պատգամաւ յանդիմանէր զնոսս, վասն զուր աւերածի աշխարհին հայոց: Յիշեցուցանէր նոցա զմահ նախարարացն և զչարչարանս կապելոցն: Ի վերայ անչափ սիրոյ և վաստակոց, փոխանակ կեանս առնելոյ՝ զարեւ հատեք, ասէր: Եւ լիցի ինձ, ասէ, զնոցա չարչարանն յանձն իմ առնուլ, քան թո՛ղուլ զքրիստոնէութիւնն:

Եւ իբրեւ տեսին, թէ ոչ բռնութեամբ և ոչ սիրով կարացաք ածել 'ի հաւանութիւն, դանձս սաստիկս ետուն տանել յաշխարհն Խայլանդրաց, բային զգրունս Մլանաց և հանին գունդ բազում 'ի հոնաց, և կուռեցան տարի մի ընդ Մշուանից արքայի: Թէպէտ և թօթափեցան և ցրուեցան զօրքն իւր 'ի նմանէ, սակայն զնա ոչ կարացին հնազանդել. այլ և հարուածք եւս մեծամեծք հասին 'ի վերայ նոցա, էր որ կուռով և էր որ խտախտ չարչարանօք: Եւ յայնչափ ժամանակաց ընդերկարել պաշարմանն, մեծ կէս աշխարհին աւերեցաւ, այլ ոչ ոք 'ի նմանէ երկմտեալ բաժանեցաւ:

Յրեաց առ նա դարձեալ թագաւորն Պարսից. ըզքոյրդ իմ, ասէ, և զքեռօրդիդ 'ի բաց տուր ածել, զի 'ի բնէ մոգք էին և դու քրիստոնէաց արարեր, և աշխարհդ քեզ լիցի: Իսկ սքանչելի այրն ոչ 'ի տերութեանն վերայ կուռէր, այլ յաստուածպաշտութեանն: Օ մայրն և զկինն ետ տանել, և զաշխարհն բովանդակ 'ի բաց եթող. և ինքն զաւետարանն առ և յաշխարհէն 'ի բաց կամէր գնալ:

Օ այս իբրեւ լուաւ թագաւորն, կարի զեղջ և ապաշաւ անկանէր 'ի միտս նորա, և զամենայն վնասս իրացն զհարբն իւրով արկանէր: Եւ նուա երդումն կնքէր և տայր տանել առ նա, եթէ յաշխարհէդ միայն մի գրնար, և զինչ ասես՝ առնեմ: Ինդրեաց զմանկութեան

սեպհականն, զոր հօր իւրոյ շնորհեալ էր նմա 'ի տրդայութեանն՝ հազար երդ. առ զայն 'ի Թագաւորէն, և նստաւ 'ի նմա միայնակեցօք հանդերձ: Եւ այնպէս հանապազորդեաց զինքն յաստուածային պաշտամանն, զի և չիշէր ամենեւին՝ Թէ և Թագաւոր լեալ իցէ յառաջ:

Եւ այս ամենայն յերկար խոռոլութիւնք, որ եղեն մինչեւ 'ի հինգերորդ ամն Սերոզի արքայից արքայի, պատճառք եղեն չարձակելոյ նախարարացն Հայոց. այլ առձիաւ և 'ի տաճար մտանել յարքունիս մեծապէս առատացոյց քան զամաց սովորութիւնն: Եւ 'ի նմին հինգերորդ ամին զբազմաց նոցա անդրէն զկեանսն շնորհեաց. և այլոցն առ յոյսն խոստացաւ՝ յամն վեցերորդ միանգամայն արձակել զամենեսեան կենօք և պատուով: Եւ այց 'ի տեղի այսր ինձ դարձեալ գալ պիտի:

Իսկ կանայք երանելի առաքինեացն, և կապելոցն և անփեղցն 'ի պատերազմին, ընդ ամենայն աշխարհն Հայոց համօրէն համարել ես ոչ կարեմ. զի բազում այն են՝ զոր ոչ գիտեմ, քան Թէ գիտիցեմ: Օ ի հինգ հարիւրով չափ յականէ յամուանէ ճանաչեմ. ոչ որ միայն առաքաղոյնքն էին, այլ զբազումս 'ի կրսերագունաց անտի:

Ի մենքեան միահամուռ զերկնաւոր նախանձ բերելով, ոչ ինչ ընդհատ երեւեցան յայնցանէ՝ որ ոչ ճաշակեցին զաշխարհ: Վանդի եթէ աւագագոյնք էին, և եթէ մանկագոյնք, զմի առաքինութիւն հաւատոց զգեցան: Եւ ինչ յիշեցին ամենեւին զանուն փափկութեան մպրենի ազատութեանն, այլ իբրեւ մարդք՝ որ վշտամբերք լեալ իցեն անդատին 'ի շինական սովորութեանցն տանջելով վարեալ զկեանս աշխարհիս, անգրագոյնք եւս քան զնոսա յանձն առին զհամբերութիւն վշտաց:

Եւ միայն յոգիսն մխիթարեալ կացին առ աներեւոյթ զօրութիւնն յուսոյն յախտենից, այլ և մարմնոյ նեղութեամբք առաւել եւս բարձին զբեռն ծանրութեանս: Օ ի Թէպէտ և ունէին զիւրաքանչիւր ձեռնասուռն սպառաւորս, ոչ ոք երեւէր 'ի նոցանէ՝ Թէ որ տիկինն իցէ և կամ որ նածիշան. մի հանդերձ էր հասարակաց, և

միապէս գետնախշտիք երկրքեան : Այ որ ումեք անկողնարկ լինէր . քանզի և չճանաչէին իսկ զխտտեղէնան ընտրել 'ի միմեանց . մի գոյն թխութեան փորայիցն , և մի գոյն սեւութեան սնարից բարձիցն :

Այ գոյր նոցա համեմ խահամոքք անուշարար առանձինն , և ոչ հացարարք որոշեալ 'ի պէտս արատու ըստ ազատաց կարգի , այլ հասարակաց էր : Ե աբաթամուան ըստ կարգի միայնակեցաց , որ յանապատս բնակեալ են : Այ որ ումեք ջուր 'ի ձեռս արկանէր , և ոչ կրտսերք աւագաց դաստառակս մատուցանէին . չանկաւ օջնան 'ի ձեռս փափկասուն կանանց , և ոչ մնալուցաւ իւր 'ի զուարթութիւն խրախութեան : Չեղան առաջի սուրբ սկտեղք , և ոչ անկան բաժակակալք յուրախութիւն . չեկաց ուրուք նոցա նուիրակ առ դուրս , և ոչ կոչեցան պատուականք յարանց 'ի տաճարս նոցա . չխշեցան նոցա՝ թէ գուցէ որ ամենեւին 'ի բնականուննդ դայեկաց և կամ բնաւ 'ի սիրելի հարազատաց :

Փորոտեցան և ծխտեցան սրահակք և սրկապանք նորեկ հարսանց , և սարդի ոստայնք ձգեցան 'ի սենեակս առաջաստաց նոցա . կործանեցան բարձրագահք տաճարաց նոցա , և խանգարեցան սպառք երախանաց նոցա . անկան կործանեցան սպարանք նոցա , և տապալեալ աւերեցան ամուրք ապաստանի նոցա : Չորացան աղագեցան բուրաստանք ծաղկոցաց նոցա , և տաշտախիլ եղեն որթք գինեքեր այգեաց նոցա : Աչօք իւրեանց տեսին զյափշտակութիւն արարոց իւրեանց , և ականջօք իւրեանց լուան զվիշտս չարչարանաց սիրելեաց իւրեանց . առան գանձք իւրեանց յարքունիս , և ոչ մնացին ամենեւին զարդք երեսաց իւրեանց :

Տիկնայք փափկասունք հայոց աշխարհին , որ զբրդեալք և գգուեալք էին յիւրաքանչիւր պաստեռունս և 'ի դահաւորակս , հանապազ բոկ և հետի երթային 'ի տունս աղօթից , անձանձրոյթ խնդրեալ ուխտիւք՝ զի համբերել կարացեան մեծի նեղութեանն : Ար 'ի մանկութենէ իւրեանց սնեալ էին ուղղովք զուարակաց և ամճովք էրէոց , խոտաբուտ կենօք իբրեւ զվայրենիս ընդունէին զկերակուրն մեծաւ խնդութեամբ , և ոչ յիշէին ամենեւին զսովորական փափկութիւնն : Աւագեալ ներկան մորթք մարմնոց նոցա . վասն զի ցերեկ

արեւակէզք էին և զամենայն գիշերսն գետնաբեկք : Սաղմոսք էին մշտնջենաւորք՝ միմունջք՝ ի բերանս նոցա, և մխիթարութիւնք կատարեալք՝ ընթերցուածք մարգարէիցն : Սխաբանեցին երկու երկու՝ իբրեւ ամուք հաւանք և հաւասարք՝ ուղիղ տանելով զակօսն արքայութեանն, զի առանց վրիպելոյ հասցեն՝ ի նաւահան գիտն խաղաղութեան :

Սուսացան զկանացի տկարութիւն, և եղեն արուք առաքինիք ի հոգեւոր պատերազմի . մարտ եղեալ կրօնեցան ընդ մեղսն կարեւորս, հատին կտրեցին և ընկեցին զմահաբեր արմատս նորա : Սխաճութեամբ յաղթեցին խորամանկութեանն, և սուրբ սիրով լուսցին զկասուտակ ներկուածս նախանձուն . հատին զարմատս ազահութեան, և չորացան մահաբեր պտուղք ոստոց նոցա : Խոնարհութեամբ կոփեցին զամբարտաւանութիւն, և նովին խոնարհութեամբ հասին երկնաւոր բարձրութեանն : Ըջութիւք բացին զփակեալ գրուես երկնից, և սուրբ խնդրուածովք իջուցին զհրեշտակս ի փրկութիւն . լուսն աւետիս ի հեռաստանէ, և փառաւորեցին զՍտուած ի բարձունս :

Ըյրիք որ ի նոսա էին՝ եղեն վերստին հարսունք առաքինութեան, և բարձին յանձանց զնախատինս այրութեանն : Իսկ կանայք կապելոցն կամք կապեցին զմարմնաւոր ցանկութիւնս, և եղեն կցորդ չարչարանաց սուրբ կապելոցն . ի կեանս իւրեանց նմանեցին քաջ նահատակացն մահուամբ, և ի հեռաստանէ եղեն վարդասետք մխիթարիչք բանդարգելեացն : Սատամբք իւրեանց վաստակեցին և կերակրեցան, և զկարգեալ ռոճիկ նոցա յարքունուստ՝ ամ յամէ թոշակ առնէին և տային տանել նոցա ի մխիթարութիւն : Ընարին ճիպուանց նմանեցին, որ երգոյն քաղցրութեամբ առանց կերակրանաց կեան, և կենդանի են միայն զօրն ծծելով, զանմարմնոցն բերեն զնմանութիւն :

Ըազում ձմերաց հալեցան սառնամանիք, եհաս զարուն և եկին նորեկ ծիծեռունք, տեսին և խնդացին կենցաղասէր մարդիկ, և նոքա ոչ երբեք կարացին տեսանել զանձկալիսն իւրեանց : Սաղիկք գարնանայինք յիշատակեցին զպսակասէր ամուսինս նոցա, և աչք իւրեանց կարօտացան տեսանել զցանկալի գեղ երեսաց

նոցա : Սարսուռեցան բարակք որսականք, և խցեալ կուրացան արշաւանք որսորդաց : Բնագրօք յիշատակեցան նոքա, և ոչ մի տօնք տարեկանաց ոչ ածին զնոսա 'ի հեռաստանէ . 'ի ճաշատեղս նոցա հայեցան և արտասուեցին, և յամենայն յատեանս յիշեցին զանուանս նոցա : Բազում արձանք կանգնեալ էին յանուն նոցա, և անուանք իւրաքանչիւր նշանակեալ 'ի նոսա :

Եւ իբրեւ այնպէս յամենայն կողմանց ալէկոծ լինէին միտք նոցա, ոչ ինչ կասեալ թուլացան յերկնաւոր առաքինութենէն : Բրտաքնոցն երեւէին իբրեւ այրիք սգաւորք և չարչարեալք, և յողիս իւրեանց զարդարեալք և մխիթարեալք երկնաւոր սիրովն : Այլ եւս սովորեցին հարցանել զեկեալ ոք 'ի հեռաստանէ, եթէ էրք լինիցի մեզ տեսանել զսիրելիսն մեր . այլ այն էին իղձք աղօթից նոցա առ Եստուած, եթէ որպէս սկսանն՝ քաջութեամբ 'ի նմին կատարեսցին լի երկնաւոր սիրովն :

Եւ մեք և նոքա հասարակ ժառանգեսցուք զքաղաքամայրն բարեաց, և հասցուք խոստացելոց սիրելեացն Եստուծոյ 'ի Վրիստոս Յիսուս 'ի Տէր մեր :

Վ Ե Ր Զ

## ԲԱՆ ԽՐԱՏՈՒ

### ՅԱՂԱԳՑ ՄԻԱՆՁԱՆՑ

**Մ**արդիկ, որ են 'ի մարմնի և կամօք ետուն զան-  
ձինս իւրեանց յաստուածպաշտութիւն, անդատին 'ի  
տղայութենէ խոկան՝ կրթին 'ի վշտամբերութիւն. հե-  
ռանան 'ի հայրենի բնակութենէն, և վարին յանապատ  
յանչէն երկիր. ոչ իբրեւ չարակնելով նախանձուտք փա-  
խուցեալք 'ի բաղմամարդոյ աղքատաց, այլ զի տեսա-  
նեն զաշխարհս լի ամենայն չարեօք, խոյս տան 'ի խորչս  
և 'ի ստորոտս անապատ վայրաց:

**Օ**ր տեսանեմք իսկ յաճախ 'ի կողմնս հարաւոյ  
բաղմութիւն արանց՝ առանց կանանց միաբանութեան,  
յաղգաց և 'ի լեզուաց զմիով վայրօք հասեալք, ժողո-  
վեալք իբրեւ 'ի հայրենի գաւառս՝ առնեն զբնակու-  
թիւնս երկու ընդ երկուս, և կամ երեք ընդ երիս, և  
կամ եւս բազումս քան զսոցնս: Եւ շինեն իւրաքան-  
չիւր խցկունս զատուցեալս 'ի միմեանց. որմք դուզնա-  
քեայ առ ցրտոցն պահպանութիւն, և զոյգ նմին ձեղուն՝  
առ արեգական պահպանիլ. յատակք անպաճոյճք՝ շա-  
տացեալք խտտեղէն անկողնօք: Եւ քանզի բնութիւնս  
մեր զուղակ է՝ սիրէ ծածկել զմերկութիւն, առնեն և  
նորա հանդերձս անպաճոյճս և յոյժ զձուձս, կսզոքս ա-  
մարանի և թեզանաւորս ձմերանի, արկանեն և աղա-  
բողոնս մեկնաւորս:

**Մ**անաւանդ 'ի պարս շրջագայ անդազար պաշտա-  
մանն՝ երգս հոգեւորս հօրն բոլորեցուն մատուցանեն  
զուարթ հոգևով: Եւ ընդդէմ միմեանց զաչս 'ի վայր  
արկեալ՝ զճայրս ոտից մատանցն նկատելով, իբր թէ մի  
կէտ տեսակի ամենեքեան հայեացին. զաջ ձեռն 'ի վե-  
րայ ծնօտին եղեալ և զահեակն 'ի վերայ կրծիցն, որ-  
պէս կարծեմ՝ ուտեալ 'ի բնական հարցն: Երկու են  
պատուականապոյնք 'ի մարմնի, կենդանական և խոհա-



կան, երկպառակիք երկոցունց սպասաւորեալ. կենդանա-  
կանին՝ արտմտականն է հակառակ, իսկ խոհականին՝  
արտաբերական բանս : Արդ ձախուն զերասանակ ՚ի  
ձեռն առեալ՝ զարտմտականն սանձակոժիցէ, և զաջ ձեռն  
՚ի վերայ աջոյ ծնօտին եղեալ՝ խոհականին սպաս ունի  
առ դրան բերման բանին, զի մի այլակութիւն յուղիղ  
փառաստրութիւնն խառնեցի : Այլ ընդ այսու երկու  
մասամբքս նահանջին ամենայն զգայութիւնքս . աչք  
յուղիղ տեսութիւն և ականջք՝ ՚ի զգաստ լողութիւն,  
միտք՝ ՚ի սուրբ իմաստութիւն, և այլն ըստ իւրաքանչիւր  
մասին :

Այլ իբրեւ այսպէս կարգեալք և յօրինեալք, ամե-  
նեքեան ՚ի նմանութիւն վեցթեւեան սերովաւելից շուրջ  
պարփակեալք, ձայնս անհաստ ՚ի վեր հնչեցուցանեն,  
և օրհնութիւն եռաչափս ՚ի խորհուրդ միաբանութեան  
արարչին իւրեանց բոլորեն : ( ) տիւն ամենայն պարա-  
պէն երգոցն քաղցրութեան, յագեալք և զմայլեալք  
՚ի կերակուրսն երկնայինս՝ առլցեալք հասանեն ՚ի ժամ  
երեկոյին : Այլ քանզի մարմին ունին ըստ բնութեանս  
մերում՝ զգայութեանս, ուտեն՝ զի մի քաղցիցեն, և  
բմպեն՝ զի մի ծարաւեցին :

Արդ դու իբրեւ լսիցես զուտենն, մի առ մերս ընթա-  
նայցես . զի հաց է նոցա անպաճոյճ՝ և բանջար վայրենի՝  
զոր համով աղին համեմեն, և ջուր յստակ՝ զոր յամ-  
պոց բերմանն ՚ի գուբս ժողովին : Ասկայն և զայս ոչ  
երբեք ՚ի տուրնջեան մատուցանեն ՚ի դարմանս պիտոյից  
մարմնոց . այլ միաբան պահելով՝ զերկայնութիւն ա-  
ւուրն, տեղի տան արեգական մտանելոյ . ձգեն երկալ-  
նեն զերեկունն, մինչեւ աստեզք յիւրաքանչիւր կայանս  
պայծառանան . զոհանան իբրեւ ընդ մի բերան առե-  
լով . Ի խաւարային ժամու զխաւարային կերակուրս խա-  
ւարային մարմնոյս տացուք :

Այլ զայս ասելով, ՚ի ձայն բարձր փառաստրեն զսուրբ  
Արրորդութիւնն, իննդալից ուրախութեամբ ակրմբին  
յիւրաքանչիւր տեղիս : Այլ որպէս ասացաքն՝ ուտեն հաց  
և զոպա, և բմպեն ջուր ցուրտ : Վանզի գոն ՚ի նոսա  
ծերք փափկավարք, մատուցանեն ջուր ջերմ, զոր և բա-  
րեխառն անուանեն . այլ զինի և կամ՝ այլ ինչ զանա-  
զանեալ, և գտանի ոչ ՚ի սուրբ միայնանոցս նոցա :

Եւ յարուցեալ յանպաճոյճ ընթրեացն, միաբանու թեամբ ասեն. Փառք քեզ Տէր, փառք քեզ Թագաւոր մեր, զի ետուր մեզ կերակուր ուրախութեան. լցոյց մեզ հոգևով սրբով, զի գտցուք առաջի քո հաճոյք, և մի ամաչեսցուք. զի դու հատուցանես իւրաքանչիւր ըստ գործոց իւրեանց: Եւ այսպէս տեառնադրելով զինքեանս՝ տան զանձինս սակաւ մի անօսք քնոյ. զի մի տհալ կերակրովք գեղեցիկ շինուած մարմնոյն շփոթեալ խանգարիցի: Եւ և եթէ յամեն եւս՝ ՚ի քունն, երազ հոգեկան տեսանեն, և անդէն զանուրջն մեկնեն իբր զբանս սուրբ մարգարէիցն:

Եւ զարթուցեալք առ հասարակ անդէն՝ ՚ի շքմանս պարուց բոլորին. ոչ հակառակք և ոչ ընդդիմացեալք, քաղցր հաւանութեամբ և հեզ հանդարտութեամբ: Բաջնորդք դասուցն հնչումն ձայնի արձակեն, երգս հոգեւորականս քաղցրանուագս փոփոխելով. իսկ այլ կրսերագոյնքն ձայնիցն միտ գնելով, խառնեն զիւրաքանչիւր բարբառան յարմարելով և կազմելով զմիաբանութիւն հնչմանն, զի իբրեւ ՚ի միօջէ բերանոյ ամենայն բազմութիւն ձայնիցն հնչիցէ: Եւ այսպէս յերկարելով զձայնաւոր պաշտօնն, ծունր դնեն ամենեքեան, յաղօթս կան լուծեամբ. և ՚ի ձեռն առաջնորդի աղօթիցն կանգնեալք ամենեքեան զփառատրութիւնն կատարեն:

Եւ կատարեալ զտուրնջեան պաշտօնն, լաւ համարեցան զգիշերնս վաղայարոյց լինելով մինչեւ յառաւօտ աղօթիցն պարապեալք, և ընթեռնուն զգիրս սուրբս. իսկ որք ունին չնորհս վարդապետութեան, առնեն մեկնութիւնս ՚ի մխիթարութիւն լսողացն: Ատամեն վասն լինելութեան աշխարհի յօջընչէ եղեալ, և կարգեալ մի ըստ միօջէ զխրատս բարեաց կարգէն ՚ի լսելիս ժողովրդոցն վկայութեամբ սուրբ գրոց: Եւ այսպէս ուսուցանելով մինչեւ մոռանալ լսողացն զամենայն իրս աշխարհականս, և չլիշել ամենեւիմբ զհարկաւոր կերակուր և ըմպելիս:

Եւ այնպէս ուրախացեալք ՚ի սէրն Բստուծոյ, մինչեւ համարեալ զինքեանս ՚ի մարմնի, այլ յերկինս. և հեշտութեամբ անցուցանեն զերկայնութիւն գիշերոյն մինչեւ յառաւօտ: Բանդի սոսկացեալք են յերկրէս

և զգեցեալք զերկինս : Ամաչէ մահ առ դրունս նոցա ,  
և դառնացան դժոխք յիջանել նոցա : Անդամուծիւն  
նոցա գրունք են աղօթից աշխարհի , և ոսկերք նոցա  
զանձ են ամենայն ապաւինելոց : Առ նոցա յորդորիչ  
է ամենայն հեղգացելոց , և գործք նոցա վարդապետու-  
ծիւն ամենայն կամեցողաց . դասակիցք են հրեշտա-  
կաց , և օթեւանք սուրբ Արրորդուծեանն :

Արդ զայս ամենայն գիտելով , եղբարք , պարտիմք  
ծեւակոխել . և զնոյն նախանձ սրբուծեան յանձինս  
բերելով , նմանողք լիցուք այնպիսւոյ բազմագունդ միայ-  
նացելոց յաշխարհէ և դիմելոց 'ի քաղաքամայրն վե-  
րին , որ ազատ է յախտից երկրաւորաց . քանզի ընկե-  
րակիցք են մերոյ բնուծեանս , որ զօրացուցանէ զտկա-  
րուծիւնս : Այն կամեաց , բուռն հար հաւատովք ,  
յուսա , սիրեա , և կարես տեսանել զայնպիսի նահա-  
տակուծիւն : Օյ ոչ ինչ համեմատ են չարչարանք  
ժամանակեանք առ կեանն՝ որ պատրաստեալ է այն-  
պիսի ճգնողաց :

Քանզի յոյժ իսկ երկուցեալ եմ ես ընդ հեղգու-  
ծիւնս մեր . գրեծէ զամենեսեան տեսանեմ թաւա-  
բեալ յերկրաւոր ստացուածս : Իսկ արդ բնուծիւնս իմ  
ոչ կշտամբեալ յանգիմանէ զիս , եծէ ստեղծայ մերկ ,  
և եծէ եղայ 'ի դրախտին մերկ , և եծէ ելի անտի  
մերկ , և եծէ ծնայ մերկ , և եծէ անդրէն յերկիր  
մերկանդամ երթամ : Արդ եծէ տանել աստի ոչ կա-  
րեմք , զի եւս աստէն 'ի սմին թարթափիմք յաշխար-  
հիս : Աերկացիր սոսկացիր , ոչ միայնակեացդ , մի թաւ-  
ամուր ընդունակ լինիր նենգաւոր թշնամոյն . գուցէ 'ի  
դարան մտեալ մտալուտ՝ զքեզ անգէն 'ի քեզ արշա-  
ւեսցէ կողոպտել , զերծանել 'ի քէն զգանձն երկնա-  
ւորս : Բաւական համարեաց քեզ զտերունեան կանոն ,  
սչ որ յերկրաւորացս կարէ երկուց տերանց ծառայել .  
որ յայտնագոյն իսկ ցուցանէ առանց միջնորդի և մեկ-  
նուծեան . Ա կարէք դուք , ասէ , Աստուծոյ հաճոյ լի-  
նել և Ա՛ամոնլայի :

Առ արդ ես տեսանեմ 'ի մերում աշխարհիս և ոչ  
զոք ազատեալ յայսպիսի աղետից : Աետս ընդդէմ բն-  
ծերցաք զգեղեցիկ կրեալսն . 'ի պատճառս ուխտաւո-  
րուծեան հեռացաք 'ի սուրբ ծնողացն , և արարաք բա-

զու՛մ հարս օտարոտիս . զորս պատուելոյ արժանի էր՝  
անարգեցաք, և յորս ոչն ունէաք իշխանութիւն զնել  
մեծարանս՝ զախտ աղէտից մերոց յոյժ ծախեցաք : Եւ  
զատացաք ՚ի հարկաց արքունի՝ զորս առանց մեղաց էք  
հարկիլն, և մտաք ընդ հարկաւ ստացուածոց, որ լի են  
անառակ ագահութեամբ : Եւլաք յանկողինս սուրբ  
հարսանեաց, և արարաք մեզ բարձրագահոյս առաւել  
քան զաշխարհի : Փափկանամք յանկողինս յարմա-  
րեալս, և յածեալ կոծին միտք մեր ՚ի խորհուրդս աղ-  
տեղիս զգիշերն ամենայն :

Խօշիկք ուից մերոց յանդիմանեն զմեզ, եթէ ոչ են  
սուրբ ճանապարհք մեր : Հանդերձք մեր աղաղակեն  
զգործոց մերոց, եթէ մերկ եմք յերկնաւոր զգեստուցն :  
Երիւարք մեր ցուցանեն զմեզ, եթէ ոչ եմք յափշտա-  
կելոց ընդ առաջ Տեառն ՚ի վերայ օդոց : Եւսուածք  
ապարանից մերոց յայտ առնեն, եթէ ոչ ունիմք մեք  
տաճար առանց ձեռագործի յերկինս, յոր մտանելոց են  
ամենայն զապք սոսկացելոցն յերկրաւոր ախտից : Եւ-  
լուածք անդաստանաց մերոց կշտամբեն զմեզ, եթէ չիք  
մեր բաժին ՚ի վիճակն երկնաւորս :

Երգուք անյագք եղաք ՚ի կերակուրս, և առանց  
չափոյ արբաք գինի պղտորիչ խորհրդոց և մտաց : Խոր  
՚ի քուն ննջեմք ամենեքեան, և երազ թուի մեզ ճրշ-  
մարտութիւնն : Եւախուցեալ են աչք մտաց մերոց ՚ի տե-  
սական խորհրդոց, և անյագ պակշտեալ հայել ՚ի կեանս  
աշխարհիս : Եւգեւեալք զսեւլիս ՚ի սուրբ ընթերցու-  
ծոց, և ունկնդիր եմք բառաչման խաչանց մերոց : Եւ  
եկն մեզ հոտ անոյշ ՚ի հոգւոյն սրբոյ, վասն զի սիրե-  
ցաք մեք զլուզ ախտալից աշխարհիս : Եւ ճաշակեցին  
քիմք ոգւոց մերոց զկերակուր երկնային, վասն զի պա-  
րարեցաք զանձինս մեր ՚ի զանազան խորտիկս : Եւթ-  
է գոյն դիմաց մերոց, վասն զի ոչ զուարթացան երեսք  
մեր ՚ի խորհուրդս սրբութեան : Եւաւրից են անդամք  
մարմնոց մերոց, վասն զի յառաջ քան զմարմինս՝ զոգիս  
ախտացուցաք : Եւերեզմանաց բուելոց նմանեցաք յան-  
ձինս մեր, վասն զի ունայն եմք ՚ի շնորհաց սուրբ հո-  
գւոյն :

Եւան այտորիկ և ամենայն չարիք եկին հասին յա-  
ւուրս մեր . կենդանեալ մերով տեսաք զգիակունս ան-

ձանց մերոց : Վաջ նահատակք մեր անկան 'ի պատե-  
րազմի , և սուրբ քահանայք մեր խողիողեցան 'ի ձե-  
ռաց անօրինաց . գեղեցիկ երիտասարդքն զենան 'ի սպա-  
նուսն , և բազում կուսանք վարեցան 'ի գերութիւն .  
գիրդ կանայք անկան 'ի տառապանս այրութեան , և բա-  
զում որքք կականին դառնապէս : Ըցատ եկեղեցի ան-  
կաւ 'ի ծառայութիւն հեթանոսաց , և սուրբ քահա-  
նայք նորա կոփին չարչարին յանօրէն հարկահանաց :  
Բարձեալ է ողորմութիւն յաշխարհէ , և հեռացեալ  
է գութ յիւրաքանչիւր մտաց : Երկինք 'ի վերուստ  
բարկացեալ են , և երկիր 'ի ներքուստ կայ յերերի տա-  
տանման :

Շինուածք մեր եղեն գերեզմանք դիականց մերոց ,  
և վաստակք ձեռաց մերոց տապալեցան 'ի վերայ մեր :  
Պայթեաց և պատառեցաւ թանձրութիւն երկրիս , և  
բազում մարդիկ 'ի վայր հոսեցին : Ոչ սպասեաց որդի  
հօր , և ոչ քոյր զաչս եղբօր կալաւ , և ոչ ել ձայն լա-  
լայ կանանց 'ի վերայ ծննդոց իւրեանց , վասն զի լքոյց  
սով զգերանս նոցա : Հզօրք խորտակեցան յանկարծա-  
կի իբրեւ զմայրս բարձունս ի բանանու . հնծանք եղեն  
բարկութեան , և ձմեցան ամենեքեան իբրեւ զողկոյզս  
ընդ ոտամբ , փոխանակ զինւոյ՝ արիւն անմեղաց ցայտե-  
ցաւ 'ի հանդերձս մեր : Ղառնացաւ քան զէղի կերա-  
կուր 'ի քիմս մեր , և 'ի քացախ դարձաւ սուրբ ըմպե-  
լիք մեր : Բնդ հարեալսն հարաք ամենեքեան յոգի և  
'ի մարմնս մեր , և ընդ մեռեալսն զմահ ճաշակեցաք :  
Ըրդ ոչ ապաքէն վասն մերոյ հեղգութեան անցին այս  
անցք չարչարանաց ընդ աշխարհ :

( )ն անդր 'ի բաց կաց յաշխարհէ , որ վաղդ ելեր  
մեկնեցար յաղետից սորա . թօթափեալ ընկեա 'ի բաց  
զկեղեւանս ախտալից աշխարհիս : Սերկեաց իբր զըմբ-  
շամարտիկ , օծ իւզոյն Վրիստոսի , զի մի կուռեացին 'ի  
քեզ ձեռք ախոյանին : Իսկ արդ եթէ հեթանոսք , որ  
ըմբռնեցան 'ի տեսական իմաստութիւն , ոչ միայն 'ի  
ստացուածոց 'ի բաց կացին , այլ և յօրինաւոր կերակ-  
րոց հրաժարեցին , համառօտ և անպաճոյճ ըմպելեօք  
շատացան յանձինս իւրեանց , և աղաքինի մահուամբ  
վախճանեցան 'ի կատարած կենաց իւրեանց , որչափ եւս  
առաւել մեք պարտիմք նմանողք լինել սիրելեացն Վրիս-

տոսի, որք հրեշտակակրօնք զանձինս կարգեցին, խառնելով զինքեանս 'ի գունդս վերնայն :

Եկայք և մեք, ո՛վ միայնացեալք, զօրէն թշնամեացն մտցուք 'ի մերն ստացուած իբր յօտար երկիր, արմատախիլ զծառատունկս թշնամոյն կոտորեսցուք. իբրեւ զգերի առեալ ծախիցեմք 'ի նեղեալս զինչս մեր, ոչ զի ատիցեմք զազգականս, այլ զի սիրիցեմք զաղքատսն, որ են զօրականք Վրիստոսի և Ճմարիտ բարեխօսք : Լ'պա թէ աստէն կապիս ընչիւք, և քեզէն վարես զքեզ յանգարձ գերութիւն, ուր չիք անդ զինք փրկանաց : Փութա փութա ճեպեա, եղբայր, ասրիլ յայնպիսի անողորմ գեհնէն. զի կարիցես հասանել յամուր քաղաքն, ուր ոչ գոյ քեզ կասկած կամ երկկեղ խախտիլ և վարիլ 'ի գերութիւն :

Եւ եթէ եկեսցես զհետ գեղեցիկ վարդապետութեան հարցն, զորս վերագոյնն գծագրեցի քեզ զվարս սուրբ միայնակեցացն, յայնժամ կարասցես համբառնալ զաչս մտացդ առանց ատից չարարանաց, հայել և տեսանել զքեզ գեր 'ի վերոյ քան զամենայն երկինս : Երանի տայցես անձինդ քաջապէս ճողոպրեալ 'ի վշտալից կենաց աշխարհիս, և խառնեսցիս յերամ միայնակեցացն, 'ի գունդս սրբոց արդարոյն, 'ի վիճակ առաքելոյն, 'ի գումարս մարգարէիցն, 'ի կաճառս մարտիրոսացն, 'ի բանակս հրեշտակացն և 'ի ժողովս անդրանկացն, 'ի մեծ քաղաքն երկնից, 'ի բազմականանս արբահամեան, և 'ի կերակուրս երկնայինս և յրմպելիս անկարօտս : Դու ես այնուհետեւ մարգարէն, որ ոչ սպտուկեցար 'ի մարմնական աշխարհիս. այլ թեւաձեալ թռուցար յանմարմին աշխարհի, և հանգուցեալ զաղարեցեր յանապական ուրախութիւնսն : Յօրս լիցի և մեզ՝ վերջին գրուութեամբ աշխատողաց՝ միաբանութեամբ սուրբ ուխտիւս վայելել, շնորհքն Տեառն մերոյ Յիսուսի Վրիստոսի, որում փառք յաւիտեանս ամէն :





Յ Ե Ս Ո Ւ Ա Յ

Ե Ի

ԴԱՏԱԻՈՐԱՑ

Ա

Առջեցաւ Յետու նաւեանց 'ի Տեառնէ առաջնորդ  
Խորայէլի . ընտրեաց երկու յերիտասարդացն Խորայէ-  
լի , և առաքեաց առ 'ի լրտեսել զերկիրն և զլորիքով :  
Թէպէտ և առաւելաւ մեծացաւ քան զՄովսէս , ոչ  
ելանէր ըստ կարգ վարդապետին իւրոյ : Մովսէս երկու-  
տասան առաքէր լրտեսս . սակայն երկու ընտրեցան յա-  
ռաքինութիւնն . Թիւ երկոտասանից խարխարեցաւ ,  
զօրութիւն երկուցն կալաւ զտեղին , մինչեւ ամենայն  
ապստամբութիւնն նուաղեցաւ : Եթող Յետու զերկու-  
տասանսն 'ի բաց , և զերկուսն բաւական համարեցաւ  
առ 'ի ճշմարտութիւնն : Մովսէս զերկոտասան ազգն  
միաբանեաց 'ի մամն լրտեսութեանն , զի այր զիւրաքան-  
չիւր զտոհմն յորդորեցէ քաջալերել . եթող յետոյ  
զբազումն , և յստուած միայն ապաւինեցաւ , քանզի  
և ինքն անցեալ էր ընդ հանդէս առաքինութեանն :

Բ. Վանն անցանելոյ Յետուայ ընդ Յորդանան :

Ընդ 'ի սինէական լերինն զժողովուրդն չարար ար-  
ժանի 'ի վեր 'ի լեառն ելանելոյ , բայց միայն զՄովսէս .  
և յայտ արար զանմատոյցն պատիւ աստուածութեան



իւրոյ : Եւ աստ առ ամին Յորդանանու զնոյն պատիւ մեծարանաց տապանակին ցուցանէ , բացառոյն երթեալ ժողովրդեան 'ի նմանէ իբրեւ երկու հազար կանգուն . անդ մատամբն Մատուծոյ փորագրեալ էր զգիր տախտակացն . աստ և անուն Յիսուսի գրով հաստատեալ կայր . “Սարգարէ ձեզ յարուցէ , ասէ Սովսէս , յեզբարոց ձերոց իբրեւ զիս , նմա լուիջիք ,” : Սեծ ոմն 'ի հերթայեցւոցն եկեալ պատմեաց մեզ . Սողովուրդն , ասէ , յամսն և 'ի ծոփն և 'ի Սովսէս մկրտեցան . և Մատուած անուն լւեր 'ի տեղւոջն : Սովին բարբառով և ես երկրորդեմ : Ստք քահանայիցն 'ի Ջուրն Յորդանան մկրտեցան ; իսկ այլ մարմինն ցամաք մնաց , վասն զի երկաթոյ ծնունդք էին և ոչ ջրոյ : Տապանակն զանձն իւր ոչ մկրտէ , վասն զի անուն մարդոյ առանց մարմնոյ և հոգւոյ ոչ մկրտի . սոյնպէս և անուն Մատուծոյ անուամբ տապանակին նշանակէր : Պահի անունն 'ի ցամաքի առանց մկրտութեանն , մինչեւ զգեցցի նոյն անուն մարմին և ոգի , և նովին մարմնով և ոգւով մկրտեսցի 'ի նոյն 'ի Յորդանան գետ :

Գ. Յաղագս կրկնակի վիմանցն :

Երկոտասան վէմքն որ ելին 'ի գետոյ անտի , նման էր թիւն երկոտասան Քաթեկոնցն . և երկոտասան քարինքն որ իջին անդրէն 'ի գետն , երկոտասան ազգատոհմացն , որ ոչ կարացին ելանել 'ի ծովէ մեղաց : Ինդ անցանել ժողովրդեանն ընդ Յորդանան գետ՝ հատաւ սպառեցաւ ցամաքեցաւ Ջուր գետոյն . է որ 'ի վեր դարձաւ , և է որ 'ի վայր հոսեցաւ : Եւ զայդ քարինսդ զոր հանաք 'ի միջոյ գետոյդ , և եդաք 'ի տեղւոյ՝ որ անուանի Ղաւղգաղ : Պարտ է զբանս իմանալ . Ջուրքն՝ որ ոչ ըստ ընութեան 'ի վեր կոյս դարձան , հեթանոսաց 'ի վեր յերկինս ելանելն է . և Ջուրքն որ 'ի մեռեալ ծոփն Սողոմոնյ հոսեցան , ժողովրդեանն անդրէն 'ի մեղս դառնան է :

Դ. Վասն ԹլփատուԹեան՝ որ 'ի բլուրն է, և ոչ 'ի սրտի:

ԹլփատուԹեանն Սովոէս ոչ էր օրէնսդիր, վասն այնորիկ և ոչ խափանել կարէր. և զոր խափանելն ոչ կարէր, և ոչ մեծարել կամէր: Սասն այնր որ յառաջն տեսանէր, լռեալ դադարեաց ամն քառասուն և երկու յանապատի անդ. զի ետես զտկարուԹիւն նշանին: Ղանաչումն եւեթ էր՝ յայլոց ազգացն որոշելով, այլ ոչ լրումն աստուածային կամացն արդարուԹեանս: Թայլ ետ նմա անցանել ընդ Յորդանան գետ. 'ի մէջ բազմամարդի աշխարհին՝ ուր պիտոյ էր նշան դրոշմին այնուրիկ, պահելով և զատուցանելով զանձինս իւրեանց 'ի բազում ազգացն: Յետու որդի յաւեայ առ երկու ինչ պիտանացու փութայր Թլփատել զորդիսն Խարայէլն, զատուցանելով յազգացն և անքակ միաբանելով 'ի ճշգուհս պատերազմացն: Բայց ինդիր առաջի կայ սակաւ բանիւք ասել վասն նորին ԹլփատուԹեանն, եթէ ընդէր քարամբք Թլփատէր և ոչ երկաթով. քանզի ասէ գիր՝ եթէ «Ղար Յետու դանակս գայլախազեայ, և այնու Թլփատեաց զորդիսն Խարայէլն», Խմարաս պատրաստէր զնոսա. և ամենայն զէնք պատերազմողացն յերկաթոյ կազմին, օրք Թանալոց էին յարիւնս բազումս ճինգ ազգացն զաւակին Վամայ. տէգք և նիզակաւ տէգք, սուսերք և սլաքք նետից, և ամենայն սպառազինուԹիւնք վառելոցն, Թէպէտ և որիչ որիչ էին տեսանելով ըստ իւրաքանչիւր զինուց, սակայն նիւթքն ամենայն երկաթ էր: Սուրբ պահեաց զնոսա յարենէ ԹլփատուԹեանն. զի Թէպէտ և Ժամանակեան էր նշանն, սակայն աստուածային էր: Ոչ մարթէր գործին, որ կենաց պատճառն էր, առժամայն շրջել և լինել նոցա մահու պատճառ: Սակայն երկրագործ մարդկան երկաթն է կենաց պատճառ, որ զեթկիր գործեն. և վասն ազաւորութեան իւրեանց զմիմեանս զրկեն և զլանան, և անցանեն ըստ եղեալ սահմանս հարցն իւրեանց: Վոյ եւս և այլ տեսակ՝ որ վատթարագոյն է քան զերկուս ասացեալոն: Բազմաց յանուն աստուածոյն կուռս երկաթիս գործեն, տէգս և նիզակատէգս նուիրէին այնմիկ,

որպէս եղեւ . գարշելի էր տեսողացն ներգործողաց , զորս  
( Էսու ոչ արժանի համարեցաւ մատուցանել 'ի նիւթ  
թլիատու թեանն . այլ և այնչափ մեծարեաց զգոհական  
գայլախազեայ , մինչեւ ընդ իւր աւանդեաց 'ի յամնա-  
սաքարի :

Ե . Վասն սպարապետին երկնաւորի և վասն Յեսուայ որդոյ  
Նաւեայ :

Սպարապետ եմ , ասէ , զօրաց մեծաց Տեառն : ( Կայտ  
արար և եցոյց՝ զի երկոտասան բիւր հրեշտակաց եկեալ  
հասեալ էր յօգնականութիւն երկոտասան ազգին , և  
նա վերագոյն քան զբազմութիւն գնդին զանձն ցուցա-  
ներ : Եւ այլ եւս խոնարհագոյն մատամբ աղերսէր Մս-  
տուածն Խարայելի և ասէ . յողովուրդ իմ զի արարի  
քեզ և կամ զինչ մեղայ քեզ . ոչ վասն քո յայտնեցի  
դիւթին Ռադամու . Ռադակ առաքեաց կոչեաց զնա  
'ի Սիլագետաց անիծանել նզովել զքեզ , և զիս նմա  
յայտնեցի՝ դիւթին և յանցաւորին , զի դու մի յան-  
ցանիցես . և եւս անարգագոյն իշոյն , զի դու իմաստնա-  
ցեալ զգաստասցիս : Եւ եթէ առ անարգան այնպիսի  
յայտնի Մստուած վասն մարդկան սիրոյ , զինչ ինչ ա-  
սիցէ որ վասն հրեշտակի՝ որ երեւեցաւ ( Էսուայ , եթէ  
ոչ ինքն Մստուած էր՝ և երեւէր իբրեւ զհրեշտակ :

2 . Վասն ձայնական կործանման Երիբով :

Երիբով , որպէս ասէ գիրն , ամրացեալ փակեալ  
կայր ամփոփեալ . ամենեւին ոչ որ ելանէր 'ի նմանէ , և  
ոչ որ մտանէր 'ի նա : Տիպք օրինակի էր նա բազմազի-  
մի մեղաց առաջին մարդկային բնութեան : Երիբով  
եօթնեկին պարսպօք ամրացեալ փակեալ կայր . ոչ յՄս-  
տուած ապաւինեալ , այլ յորմոցն լայնութիւնն և 'ի  
բարձրութիւնն . և մարդոյս բնութիւնն եօթն մասամբք  
պարսպեալ էր զարտաքին և զներքին շինուածս նորա .  
երկու աչօք և երկու ականջօք և երկու ունդացն ա-  
ռուօք , և բերան նորա եօթն մեծամուր խորհրդոց : Եւ յս

Եօթնեկին պարտաբար ապստամբեալ մարդիկ՝ ոչ հնազանդեցան Վստուծոյ, ցարդարութիւն փակեալք՝ ի փակելուն, ամրացեալք էին և կաշկանդեալք՝ ի կողեալն ապաստան էին . ամենայն թշնամիք իւրեանց ընդ նոսա բնակեալ էին, անձամբ զանձինս իւրեանց սպանեալ էին . կենդանւոյն դիակունք մեռեալ՝ ի գերեզմանի բնակեալ էին, և ՚ի քաղաքի համարէին գերեզմանք նոցա՝ որ ՚ի վախճանի ձայնիւ աւերելոց էին :

Վին եմուտ ( ) Ետու որդի Վաւեայ առ քահանայսն և ասէ ցնոսա . Հրաման պատուիրանի տուք ամենայն մարտիդ, պատերազմող ամենայն մարդկանդ յառնել պատել շուրջանակի զքաղաքն . և տապանակն կտակարանաց երթիցէ զհետ նոցա, և Եօթն քահանայքն Եօթն փող ՚ի ձեռն առեալ զաէրունին՝ հարկանելով զհետ տապանակին երթիցեն : Ս եց որ՝ մի մի նուազ հարկանիցէք . և յաւուրն Եօթներորդին Եօթն անգամ եկեսցիք առաջին օրինակօքն . և յԵօթներորդ աւուրն յԵօթն նուազին՝ ուժգնադոյն քան զայլ աւուրցն հարկանիցիք զփողսն . և ՚ի գոչիւն բարբառոյ զօրացդ ամենեցուն՝ արձակեսցիք ՚ի վերայ քաղաքիդ, և առ հասարակ պարիսպքն անկեալ կործանեսցինս առաջի ձեր :

Վայց ես սակաւ մի ըստ երբեակ մասանցն շարժեցից զմիտս իմ՝ որոշելով զվեցան ՚ի նոցանէն, և յԵօթներորդումն առնուլ զնշանակ յաղթութեանն : Օ վեց օրն մի մի նուազ . երկու երկու որեակ թուով են արարածքս՝ և ապականացուք . առաջինն կոչի մասնաւոր՝ լոյսն արեգականս . երկրորդն՝ ներքին երկինս, որ վերին ջրոցն է հաստատութիւն . երրորդն՝ երեւումն ցամաքի և բոյսք աճեցեալք . չորրորդն՝ գունդք լուսաւորացդ . հինգերորդն՝ ծնունդք ջրոց և բոխումն ցամաքի . վեցերորդն՝ որ գազանք և մարդիկ արարան : Ս եցերինքս, որպէս յառաջ ասացաք, յառաջախաղաց և կայանաւորք են . չարասէր թշնամին մեր ՚ի սկզբանէ արկ ընդ ապականութեամբ զվեց մասունս աշխարհիս, իբրեւ որմարգել արար զմեզ և բանդիւք տանջեաց : Վա զանապական Եօթներեակն կամեցաւ ընդդէմ մեզ կապել, յՎա մայ մինչեւ ց) յովսէս այսպէս . իսկ առ Ս յովսէսիւ լուծաւ իշխանութիւն նորա : Վա եթէ Ս յովսէս զթագաւորութիւն նորա մահուն աւերեաց, զոր ապա յետոյ ՚ի

Ծանօթումն եկեալ մեծի մարգարէին՝ Ղաւթայ՝ ասէր  
 « (Թ) Նամայն պակասեաց զէն մինչեւ 'ի տարառ . զքաղաքս  
 նոցա աւարեցեր , » : (Ա) Էթէ ընդ մարդկան միայն տայր  
 (Յ) ետու պատերազմ , այլ 'ի խորհուրդս ծածկեալս՝ ընդ  
 սատանայ և ընդ դեւս կռուէր : (Բ) ձայն փողոյն մեծի  
 սաստկաձայն լալիք անաստուած . մարդկանն լինէր . 'ի  
 ձայն փողոյ կոծոյ՝ շուրջ գային քահանայքն զքաղա-  
 քան : (Գ) վեց աւուրցն լացին զվեցօրեայ արարածն ,  
 որ յառաջագոյն մեռեալ էին 'ի մեղս իւրեանց . յա-  
 ւուրն եօթներորդի՝ որ նա ինքն է անմեղ և անապա-  
 կան , յայնմ աւուր սպանին զմահ և կործանեցին զքա-  
 ղաքս նորա :

Ղպա թէ ասիցէ զք . թէ մարդ և անասուն քաղա-  
 քին սատակեցան 'ի սուր սուսերի զօրականին , նիւթք  
 պղնձոյն և երկաթ առ ինչ սրբեցան և նուիրեցան 'ի  
 գանձս տան տեառն : (Դ) երազոյն ասացի , դժոխոցն նմա  
 նու թիւն ասաց զ(Ե) յիբով . և (Յ) ետու զդժոխս աւերեաց ,  
 և զմահ սպան 'ի միջոյ նորա և մարդկան . մարդոյ պա-  
 տուհաս էած 'ի վերայ , և անասուն զի արիւնակից մարդ-  
 կանէ՝ չարար արժանի ապրեցուցանել զնոսա : (Զ) սկ կու  
 նակուռ նիւթք կահին օտար էր 'ի բնութենէս մերմէ ,  
 ոչ ինչ մարմնաւոր պատուհասին . ոչ ինչ յանձանց ա-  
 զահու թիւն հրամայեաց բառնալ , այլ յամենատուրք  
 գանձն աստուածային նուիրացն :

Ղարձեալ գոյ և այլ բարառնութիւն 'ի տեղւոջս :  
 (Ո) րպէս պղինձն հանդերձ ամենայն նիւթակցովքն իւ-  
 րովք անզգայ և անմատոյց է 'ի պղծութիւն , եթէ կա-  
 մեցեալ էր մարդկանն կամաւոր սրբութեամբ , անպիղծս  
 կարէին ունել զինքեանս :

Է . Վասն Ռեքեայ երիբովացոյ , որ հաւատով ապրեցաւ 'ի  
 սրոյն Յեսուայ :

(Յ) անդգնազոյն ասացից վասն աղի արձանին : (Յ) ամե-  
 նայն դարս եկեղեցի մաքսէ 'ի հեթանոսաց . 'ի սկզբանն  
 'ի մահաբեր ծառոյն զծառն կենաց՝ որ կայ պահի մեզ  
 'ի վախճանի . յեղբայրասպանէն Վայենէ զհարեւլ՝ որ  
 գովութեամբ քարոզ կամաւոր յեկեղեցւոյ . 'ի շուրջ .

լեալ գարուն՝ զ[ոյ արդար ընտանեօքն հանգերձ . յանիծեալ սահմանացն Վրամայ՝ զ]]Ելքիսեդեկ . 'ի մնադիւանացւոցն՝ զ[ճամար, 'ի մովարացւոցն՝ զհուռ[ժ, 'ի Սողոմայ՝ զկենն անանուն : [Ա, ասեն . 'ի պատուհասի եղել : ] կայեմ՝ և ես, և յերա իրացն հայեաց . 'ի շանթակէզ հրոյն ապրեցաւ ընդ խառնավար դստերնս՝<sup>1)</sup> ովտայ, ոչ վարեցաւ 'ի պատուհասի չարեացն, նշան գեղեցիկ կանգնեցաւ առ երիս ինչս պիտանացու : ]ուք էք, ասէ, աղ երկրի . 'ի ձեզ աղի ամենայն անհամութիւն աշխարհիս : ]՝ ասն է աղ հողոյ, միանգամայն և ջուր մածեալ . ուր ջուր է, անդ և օդ խառնի . ունի աղն բնութեամբ և զհրոյ ջերմութիւն . և չորեքեան նիւթք աշխարհիս 'ի յանցանացն [՝ դամայ անկաւ ընդ ապականութեամբ և դարձաւ 'ի հողոյ բնութիւն : [սկ առ կնոջն՝<sup>1)</sup> ովտայ չորեքեան նիւթք ձուլին և առնին աղի բնութիւն . ամենեքեան նորա կենդանի են յեկեղեցւոյ : [ ուար զանուն եկեղեցւոյն, ուսիր և զաւանդ զթարգմանութիւն անուանդ . և եթէ դու տեղեկազոյն իցես, սցոց փութասջիր ուսուցանել : [ յեկեղեցի աստ՝ կօշուքն անուանի, որպէս 'ի չգոյութենէն է 'ի գոյութիւն . վերստին նիւթ գործի աշխարհս, 'ի մահուանէ 'ի կեանս, 'ի ցրմանէ 'ի ժողովում : Վրոյր էր կնոջն՝<sup>1)</sup> ովտայ Սախաբ՝ և զաւակ՝ ի Վրամայ յազգէն . հաւատաց յ[՝ քտուած և եղել դուստր [՝ քրահամու, ոչ ասի զաւակ Վրանանու : [՝ զն է պատուհասի նշանակ, և անանցութեանն իմացմունք, և յարութեան բնութիւն : [՝ զն արձան՝ թէպէտ և նշանակէ յաղթող եկեղեցեաց, զհարուածս հինգ քաղաքացն քարողեսցէ . իսկ հաւատք կնոջն առաքինոյ՝ նշանակ է եկեղեցւոյ, և ճշմարտութեան և փրկութեան, և յոյս դարձի հեթանոսաց, և դուռն բացեալ մեղաւորաց . միանգամայն քարողէ զգալուստ որդւոյն [՝ քտուծոյ :

Ը . Վասն անշնութեան Երիբովի, և քարկոծելոյն Ա. քարայ :

[՝ պա եթէ որ ժարհեսցի անցանել ընդ նզովս ընդ այս, ո՞ր օր զհիմն արկանիցէ, զանդրանիկ որդին թաղիցէ . և ո՞ր օր կատարեսցէ, զկրսերն . բոլոր միջոց շի-

նուածոյն ընդ անիծիւք մնաց : Իսկ Յեսու որդի՝ Վաւեայ գործիական ճայնիւ աւերէ զԼըիքով, և բնական նշովիւք անիծանէ զշինելիս նորա, զայս դժոխս զոր գերեզման հաստատեցին մարդիկ : Ի գալուստ որդւոյն Մատուծոյ՝ ՚ի ճայն փողոյ աւերելոյ՝ և ոչ մնայ անդր ոսկր վախճանելոցն և ոչ մի որպէս զԼըիքով, ամենեւին ոչ մնաց շունչ կենդանի. և ոչ փորին այլ գերեզմանք մարդկան յերկրի, որպէս և վեց քաղաքն այլ ոչ շինին մինչեւ յաւիտեանս ժամանակաց. վասն այնորիկ և Յեսու անջինջ անէծս կուէր ՚ի վերայ տեղւոյն այնորիկ անշինութեանն : Իսկ Թագաւորն անորէն Մքաբ անցանէր զանիծիւք մարգարէին. Թէպէտ և զտեղին փոխանակեաց, զանունն չեբարձ ՚ի քաղաքէն. եթող զշինն Լըիքով, և խոնարհագոյն մերձ ՚ի կողմանս Սողոմոյ շինեաց, և անուանեաց նոր Լըիքով : Լը բան նշովիցն կատարեցաւ ՚ի վերայ նորա և որդւոց նորա. ետ հատոյց զամենայն տոկոսիս անձամբ և կնան և եօթանասուն և երկու որդւովքն զորս կատարեաց Յէու : Լը ջրն ջեցաւ յիշատակ նորա յազգահամարէ արդար Թագաւորացն : Լթէ ոչ օրհնութիւնքն Լղիսէի մարգարէի հասեալ էին ՚ի վերայ նորա, վաղազոյն քանդեալ լինէին քան զառաջինն Լըիքով :

Թ. Ընդէր վիճակաւ և ոչ մարգարէութեամբ ցուցաւ Աքաբ յանցաւորն Մատուծոյ :

Ս ՚ի վիճակն զմարգարէի գործ գործէ, որպէս ՚ի ծովուն, նոյնպէս և ՚ի ցամաքի : Գարձեալ մարդկան խընդիր ետ առնել յանցաւորին, զի մարդն ՚ի մարդկանէ յանդիմանեսցի : Գողծնքն այս է՝ որպէս ցուցանի. ամ զան մի նկարագեղ. և բաժակ մի կրկին յերկերիւր սաւ տերէն, և լեզու մի ոսկի : Բաժակն արժէր ութ հարիւր դրամ, իսկ լեզուն ոսկի՝ կշիւք են իբրեւ զլտերան. Թողին զլտերն անուն, և զձեւոյն անուն կարդացին լեզու : Բրժամն և ոսկին ՚ի նուիրացն Մատուծոյ գողացաւ. իսկ զջեցակեր ասրեղէն հանգերձն ՚ի նգավելոյն զքաղաքն և զինչս նորա : Լմենայնին գող Մքաբ է :

Ժ. Յաղագս դաբաւոնացւոցն խաբելոյն զՅեսու,  
և ապրելոյ 'ի սրոյ նորա:

Իսկ քանանացիքն անխժեալք, և յիրաւի անխժեալք, ոչ ունէին զերկիրն 'ի լարաբաժին ժառանգութեան, այլ 'ի խաբէութեանց և 'ի պատահմանց. քանզի մամն Աեմայ ցեղին հասեալ էր: Վատաւոր արդար անիրաւ դատաստան ոչ առնէ. «Մխժեալ, ասէ, որ փոխեցցէ զսահմանս հարց իւրոց», Օ այս սահմանափոխութիւնս նախ քանանացիքն անցին զանխժիւքն. իսկ Մստուած՝ իբաւարար ամենեցուն, անդրէն դարձուցանէ: Լուսն Աեսու որդի Վաւեայ ոչ 'ի բազմութենէ նոցա զարհուրեցաւ, և ոչ 'ի պատրաստութենէ նոցա սոսկացաւ. առեալ զբազմութիւն զօրաց իւրոց՝ 'ի Վահգաղայ 'ի Վարիզին լեառն հասանէր: Օ Գարիզին եկեղեցացոյց, և զՎեբաղ սարկաւազանոց շինեաց. զոր և անէծս կարդաց 'ի Վեբաղ, և զօրհնութիւնս 'ի Վարիզին:

Եւ զինչ իցեն այս երկու լերիկս հուպ յիրեարս և բաժանեալ 'ի միմեանց: Լմանութիւն երկդիմի բնութեանս մերում. զանէծս 'ի գործս ազտեղի բնութեանս մարմնականս, և զօրհնութիւնս յոգիս և 'ի մարմնս 'ի գործս արդարութեան: Ս ան զի ձոր բաժանէ զՎեբաղ և զՎարիզին, և 'ի միջոցին շինեալ քաղաք Շաւրին: Եւ այս ոչ է օտար 'ի մեր բնութենէս. 'ի միջև ասեմք զարտին բնութիւն, և զնոյն խորհրդարան հոգւոյ և մարմնոյ: Եղիցի աջակողմն մեր Վարիզին, և ձախակողմն մեր Վեբաղ: Հարկ է ընդ երկու ցնցուլս ականջաց 'ի ներքս մտանել, և ընդ ձայնական հնչումն 'ի սիրտն ազգեալ. զօրհնութիւնս 'ի ներքս առցուք, և և զանէծան արտաքս հալածեսցուք. ապա երկոքին կողմանքս մեր Վարիզին եզեն և ոչ Վեբաղ:

Բայց այժմ ինգիր է վասն երկձիղի փայտիցն՝ զորմէ թագաւորքն քանանացւոց կախեցան: «Վիք, ասէ, զոսս ձեր 'ի վերայ արանց թագաւորացդ», Յայտնի՝ քաջ զօրականքն զմարդիկ կոխէին, իսկ 'ի ծածուկ՝ ըզսատանայ և զամենայն չարութիւն նորա: Ապաէ զնա Աեսու որդի Վաւեայ գործակցօքն իւրովք հանդերձ,



և դնէ ընդ ոտիւք երկրաւոր սպառազինաց իւրոց : Ինքն ոչ կոխէ, զի Յետուդ անուն հրամայել զիտէ զգատու զական խրատն, 'ի ձեռն նոցա կարգէ յուղղութիւն :

Հինգ թագաւորքն զորս կոխեն և կախեն զփայտից, կայ 'ի տեղւոջն ընդդիմանունութիւն և տեսական տարացոյց : Հինգ թագաւորքն մարդադէմք էին կերպարաւ նօքն, և օձաձեւք էին, հին վիշապին բնակութիւնք . իսկ տեսակք, գործք, տարացոյց, ձեւ՝ բնաւոր օձին : Բստ հինգ թագաւորացն հինգ ոտք են օձին, 'ի սողեին իւրում՝ հինգ պատ առնու կրկնելովն : Առջեաց զերբայեցիսն Ագգիպտոսէ առնուլ զվրէժ անիծիցն յառաջ նոցն օձէն և 'ի վարդապետէ նորա : Ապա գնօսա Յետու զհնգետեան զօձաձեւսն, և տայ կոխել այնմ գաւակին՝ յորում կայծակն կենաց ծածկեալ պահէր : Սարգիային ոտքն կոխէին, և աստուածային հուրն այրէր զմեղսն : Օփայտն ոչ հրամայէ կոխել, զի չէր օձաձեւ . թիւ թագաւորացն օձաձեւ էր, զձեռն կոխեաց :

Եթէ 'ի բնութիւն մարդոյս եկեացես և իմաստուն մտօք քննեսցես, գտցես նման նորա ազատութիւնն . եթէ կամի՝ օձաձեւ լինի, և եթէ կամի՝ աստուածաձեւ : Բարբինութիւն մարդոյն՝ է աստուածային կերպարանք . զոր Բստուած բնութեամբ ունի, մարդ ստաւ նալով կարէ ստանալ : Բպա եթէ ընդ երկիր պշուուցու, և զգործովք սորա շարեալ պատի, ինքն զինքն օձաձեւ արար, որպէս աջօք, ընչօք, ականջօք, բերանով, և հինգերորդ ներքին համօքն : Սիւբան շողեալք պատին սորա հնգեքեան, մանաւանդ զի իզական մասամբք, կանացի ձայնիւք մեղկին լսելիքն մարդոյն . մեղկեայն հանեալն անկանի անբակութեամբ ընդ զուգակցին, աջք ընդ աջ կքի, և հոտ ընդ հոտ հոծի, բերան համբուրէ, և համբ ընդ համն խաննին, զոր խոկումն անուանեցան : Բյո չարք՝ միաբանութիւն առ ծառոյն յայտնեցան : Յղացաւ օձն զկերպարանս աներեւոյթ չարութեանն և եղեւ արու բնութիւն միջնորդութեամբ պտղոյ ծառոյն . պատրեաց և մեղկեցոյց զհինգ զգայութիւնս իզական մասինն . յապուշ կրթեաց զմիտք կնօջն, և մուռացումն արար զպատուիրանսն Բստուծոյ . մինչէւ մըտեալ 'ի պատերազմն՝ պարտեցաւ 'ի հայեւոյն . յորմէ զու պարտիս զգուշանալ :

ժԱ. Վասն արեգական և լուսնի, որք լուսն Յեսուայ  
և եղևն զորավիզն նմա 'ի գործ պատերազմի:

Իլ Տինգ Թագաւորքն միայն էին անդ, այլ որպէս  
ուսմնք յարտաքնոցն ասեն, Թէպէտ և առասպելական  
բանք իցեն, երեք բիւր դեւք, ասեն, որ անկան յերկ-  
նից, հանին զմարդն 'ի գրախտէն, և զաղոր աշխարհս  
ընկեցին ընդ մեղօք և ընդ մահուամբ: Եւ այն օք 'ի  
Վարաւան երեսուն հազարն այն եկեալ էին 'ի Թիկուս  
օգնականութեան հինգ Թագաւորացն, Թերեւա կա-  
րասցեն սատակել զորդիսն երբայեցուոյ, յորում ճրագն  
ազօտ՝ երեւէր անշիջանելի. և խաւարասէր զօրք չարին  
բազմանային, իբրեւ զԹանձրութիւն մարախոյ գերկինս  
Ծածկէին: Կուէաց Յեսու որդի Վաւեայ իբրեւ զա-  
ռիւծ. ներքուստ 'ի վեր դողացոյց, փախոյց և ցրուեաց  
զնոսա իբրեւ զվատ երամն աղուեսուց: Սուր 'ի վերայ  
եղեալ կոտորէր զնոսա մինչեւ 'ի կողմանս Մշեկայ և  
Սակեղեայ: Սակնոքա մինչ դեռ փախստեայ երթային  
յերեսաց որդւոցն Խորայելի զառ 'ի Թափոջն Սորմիմ,  
որոտաց Տէր յերկնից, և սկսաւ արկանել 'ի վերայ նո-  
ցա վէմն կարկտախառն. յորոց սատակեցան քանանա-  
ցիքն առաւել քան 'ի սրոյ որդւոցն Խորայելի:

Սակ եթէ Յեսու բաւական էր առնուլ զվրէժ բար-  
կութեան 'ի նոցանէ, վէմք կարկտին զհնչ պիտոյ էին  
նմա յօգնականութիւն. վերագոյն ասացի՝ Թէ իմացար:  
Սորուն է սատանայ, ոչ 'ի վերայ հոգց, այլ 'ի վերայ  
օգոյ, որ իբրեւ զամպ եկն եկաց 'ի վերայ քանանացւոցն  
ամենայն բազմագունդ դիւօքն իւրովք: Յեսուայ նի-  
զակն անդ չկարէր հասանել, վերին օգնականի պէտք  
էին. զէն առ զէն և ձայն առ ձայն մարդկաձայն բար-  
բառոյն. ձայն որոտմանն երկնաւոր սրոյն՝ հրածին կար-  
կուտն՝ զվերին դիւայն զգունդան տանջեցին: Ետես Յե-  
սու զՍտուած վերագոյն քան զարեգակն և զլուսին,  
որ և հասեալ կայր նոցա յօգնականութիւն: Վանիւ զա-  
նուանս լուսաւորացն հրամանաւ 'ի մէջ բերէր Յեսու.  
այլ մտօք՝ Տեառն լուսաւորացն հրաման տայր, զի կա-  
ցուցէ. որպէս և գրեալ է. “Մրեգակնդ 'ի վերայ Վա-

բաւոնի կացցէ, և լուսինն 'ի վերայ ձորոյն | շընայ , :  
 (ի) Եթեւադոյն Թեւս ունի արեգակն քան զլուսինն .  
 իսկ Յետո որդի | յաւեայ Թեւաւորին և անթեւին  
 հասարակ առնէր զհրամանս պատասխանւոյն . վասն զի  
 զկառավարն ամենեցուն մօտակաց տեսանէր :

Ղուռն են լեւիք մտաց . արեգակն և լուսին դրունս  
 ոչ ունին լեւեաց, ընդ որ անկաւ հնչումն ձայնին 'ի  
 ներքս : Յորժամ ականջօրդ սոսոփապէս զհրամանն հը-  
 զօրագոյն, ինքեանք քեզ առանց ականջաց ու կող ու  
 լեւ նմա : Այ հրաձգութիւնս յերկինս ինդրէր, այլ  
 զարեւապաշտոն յանդիմանէր : Աշտաշարժ ասեմք զա-  
 րեգակն, որպէս զօրոյ բնութիւն : Ղիւրին է կենդա-  
 նոյ կեալ 'ի միում տեղւոյ . իսկ յարաշարժ շնչոյ նո-  
 րա անհնարին է : Յետո այնպէս սաստեաց լուսաւո-  
 րացն, իբրեւ զանշունչ քարինս ընդարմացոյց՝ միով առ  
 երկուս կշռելով :

ԺԲ. Առ ինչ անուանեցաւ Մասեփատ լաւեալ :

Լբա եկն ի հաս հրեշտակն Տեառն 'ի Ղաղգաղա 'ի  
 լաւեաղ անդր, որ յետոյ Մասեփատ անուանեցաւ . և  
 Ղաւիթ մարգարէ կարդաց նմա հովիտս տրտմութեան :  
 Լնն հրեշտակն որ 'ի Ղաղգաղա Յետուայ յայտնե-  
 ցաւ, նոյն երեւեցաւ 'ի Մասեփատ . և 'ի Բեթէլ խօ-  
 սեցաւ, և յանդիմանեաց զնոս : Համբարձին իւրայե-  
 լացիքն զձայնս իւրեանց և լացին դառնապէս առ հա-  
 սարակ . վասն այնորիկ անուանեցաւ անուն տեղւոյն այ-  
 նորիկ | լաւեաղ և հովիտ տրտմութեան : Այ մատու-  
 յին անդ պատարագս Տեառն Լստուծոյ Իսրայէլի :

ԺԳ. Վասն գեղմանն Գեղէնի, որ կրկին ունէր զապացոյցն :

Լսէ Լստուած Գեղէնն . Լբորի բաղում են զօրքդ,  
 որ ընդ քեզ են . ոչ տամ ես զ| Լարդամ 'ի ձեռս քո  
 նոջօք . գուցէ պարծեսցին որդիքն Իսրայէլի 'ի վերայ  
 իմ և ասասցեն՝ Թէ ձեռն իմ հզօր փրկեաց զիս և ոչ  
 տէր Լստուած : ԼԽորոզ կարդասցես զօրացդ և ասաս-

ցես . այսպէս ասէ տէր Մատուած Իսրայէլի . եթէ իցէ որ 'ի ձէնջ վատասիրտ զահի հարեալ՝ դարձցի : Եւ դարձան 'ի ժողովրդենէ անտի քսան և երկու հազարք : Վարձեալ խօսել սկսաւ Տէր ընդ Վեդէոնի և ասէ . Տակաւին բազում են զօրքդ . ան տար զնոսա 'ի ջուր անդր , և անդ զփորձ ցուցից դոցա քեզ . և եղիցի՝ զոր ասացից թէ ընդ քեզ երթիցեն , և զոր ասացից թէ ոչ երթիցեն՝ նոքա դարձցին : Մպա խօսել սկսաւ Տէր ընդ Վեդէոնի և ասէ . Մենայն այր 'ի զօրականացդ՝ որ միանգամ լափելով լափեսցէ լեզուաւ իւրով 'ի ջրոյ անտի իբրեւ զուն , 'ի մի կողմ որոշեալիք գնոսա . և ամենայն որ 'ի գուձս հարեալ՝ ցուռի հարկանիցէ , զայն ուրոյն կացուցիր : Եւ գտան շնաբարքն լափելով արք իբրեւ երեք հարիւր . և այլքն ամենայն 'ի գուձս հարեալ ցուռեալ ըմպէին : Վարի բազում են զօրքդ , ասէ Մատուած ց' Վեդէոն . յորժամ պատերազմին յաղթես , մոռանաս զիմ բարերարութիւնս , որպէս սովոր են առաջին հարքն ձեր :

Երկու իմացական տեսակ յայտնեցան 'ի տեղեոջ անդ : Օահի հարեալ վատասիրտքն , քանզի մարմնասէրք են՝ ընդ երկիր միայն սըուցեալ՝ զերկինս ոչ կարեն տեսանել , յաւիտենական կեանքն ծածկեալ է 'ի նոցանէ : Իսկ ինն հազար եօթն հարիւր արքն 'ի ջուրոն քննութեան փորձեցան . և նոքա յորովագոյն երկրաթաւալք են , և զեի կենաց աշխարհիս ցանկացեալք . թողեալ զկանգնորդ կեանն՝ 'ի պրտա և յորովայն սողեալ կան : Թեպէտ և ոչ վատասիրտք անուանեցան , և ոչ 'ի քաջացն կողմանէ արժան էր զնոսա ասել : Եւ ցա 'ի գուձս հարեալ , 'ի վերայ կրծիցն անկեալ՝ արջառաքար ըմպէին ջուր . զանասնական բարն յայտ արբեալ , որոց երկիրս միայն է բաժին : Ս'ի ճանապարհ է երկոցունց յիւրաքանչիւր տունս դառնարոյ . “ Տունք նոցա , ասէ , զերեզմանք նոցա եղիցին ” : Ասն զի 'ի հողս իւրեանց կարգացին զանուանս իւրեանց , նոյնք եղիցին բնակութիւնք նոցա յաւիտեան . իմացեալք ըզմարդկային պատիւն , հաւասարեցան անասնոց և նմանեցին նոցա : Եւ յս նախատինք 'ի մարգարէէն մարդկան ասացան : Իսկ երեք հարիւրքն սակաւիկ մի զգլուխն խոնարհեցուցեալ 'ի ցանկալի վտակս ջուրոյն՝ անուշու-

Թեամբ ծայրիւք մատանց ձեռինն, 'ի ներքոյ 'ի վեր ընդ-  
դէմն երեսացն շթքելով, լեզուօք իբրեւ զուսն բակե-  
ոչ զբաւանդակ ծարաւն արբուցեալ, այլ փոքր 'ի շատե  
զերաշտու. Թիւն կոկորդացն զովացուցանել: | Եղուօքն  
զըւրսն լակէին, մտօքն ցանկացեալ փութացեալ զա-  
րիւն Թնամեացն յերկիր Թողու: | Լշանակ է սուկ  
մարդոց սակաւապէտ ստացուածոց. Թողեալ զՏիւթա-  
նիւթ մամոնային, ընդ գունդս դիւացն տան պատե-  
րազմ. զխայթոց մեղացն փշրեն: | Բոց երկիրն Եհաս  
'ի վիճակ ժառանգութեան քաջացն, նոքա ոչ միայն  
մադիանացւոցն յաղթեն, այլ և անուանեալ աստուա-  
ծոցն յաղթեն:

Յառաջ քան զընտրութիւն զօրացն՝ նշան 'ի Տեառ-  
նէ խնդրեաց Գեդէոն. նա զմի մեկնակ խնդրեաց, Մը-  
տուած երիս տեսակօք խորհուրդս յայտնեաց նմա.  
զգզաթուն և զերեք հարիւր արանցն, և զսափորոցն՝  
հանդերձ ձրագօքն լուցելովք և ձայնական փողովքն:  
| 'ի բարկանար, Տէր, ասէ. եթէ ընդ իս իցես ձնաբ-  
տութեամբ, գալարեցից եդից զգզաթս 'ի մէջ կալցն.  
և իջցէ անձրեւ 'ի վերայ գեղմանն միայն, և շուրջ զն-  
վաւ երկիրն ցամաք մնասցէ: | Եւ եղեւ այնպէս. քամեաց  
զըւրն 'ի գզաթէ անտի, և ելից զկուրն: | Եւ 'ի վաղի-  
ւանդ ոչ նոյնպէս. երկիրն թացաւ, և գզաթն ցամաք  
մնաց: | Յօն մի էր, և գզաթն նոյն էր. բայց տեսիլ  
նշանին յերկուս բաժանեցաւ: | Ուրջ զգզաթուն լիճք  
ջուրցն՝ արիւն մադիանացւոցն էր. իսկ ցամաք մնալ  
գզաթուն՝ արանցն էր ողջանդամ ապրել 'ի պատե-  
րազմէն: | Բայց իջանել անձրեւուն 'ի վերայ գեղմանն,  
հոգին սուրբ Մտուծոյ, որ խօսեցաւ 'ի մարգարէան,  
և նոքօք զամենայն երկիրս ոռոգեաց: | Եւ զի խորհուրդ  
էր տեսական՝ առժամայն և առ 'ի յապս պահումն, ոչ  
'ի բաց հեղու զըւրն, այլ 'ի կուր մի արկանէ և պահէ:

Գաւիթ թագաւոր նոցա և մարգարէ՝ յետ բազում  
ամաց եկեալ, հոգւոյն սրբով ասէր. « Իջցէ որպէս  
զանձրեւ 'ի վերայ գեղմանն, : | Եւ եթէ զինչ է տերու-  
թիւն նորա՝ յայտ առնէ. « Լռաջի նորա նախ հնդիկք  
անկցին. : | Եւ անձողն զերծեալ յերկնային հրեղէն բը-  
նութ ենէն անկաւ երկիր, և եղեւ հնդկագոյն: | Բայց  
որդիք ժողովրդեանն՝ որ փարիսեցիք անուանեցան, 'ի

Սողոմոնի վերայ առնուն զբոլոր բանս սաղմոսին : Օյ՛ մատու թիւն նորա անձրեւ ասացին , և զքառասնամեայ զխաղաղութիւնն զինչ արասցեն արդեօք . զի ոչ կարասցէ հասանել 'ի կատարումն լուսնի : Արոց առաջի հնդիկն անկաւ , 'ի նա կատարի բոլոր սաղմոսն : Իսկ փոխանակ զգլթուն՝ ապաքէն զսուրբ կուսին բնութիւնն ասացաք . և փոխանակ ցօղոյն երկնից՝ զբանական աւետիս հրեշտակին . ապա և փոխանակ կրին՝ ըզմեծ գեանս Յորդանանու իմացիր , յոր և դառն լ'ստուծոյ մկրտեցաւ :

ԺԴ. Վասն սափորոցն և նոցա կահիցն :

Լ'րի , ասէ լ'ստուած ց'Իեդէոն . առ զպատանեակն զՔառայ , և էջ 'ի բանակն Սաղիամու գիշերի , և լուիցես անդ բանս յօգնականութիւն անձին քո : Սոս անդր մերձեցեալ Գեդէոնի պատանեկաւն հանդերձ 'ի թիւ մի յիսներորդացն դասուց՝ պահանորդ պահանորդի մի զգիշերային տեսին պատմէր : Երազ տեսանէի , ասէ . նկանակ մի գարեղէն հորով գայր հասանէր , ասէ , հարկանէր զխորանն Սաղիամու , և անդէն կործանէր : Եւ որ լուաւն՝ վաղվաղակի զմեկնութիւն երազոյն ասաց . Այ է այն այլ , ասէ , բայց սուրն Գեդէոնի որդւոյ Յովասու . 'ի ձեռն նորա մատնեաց ուրեմն լ'ստուած զմադիանացիսն : Եւ էր 'ի գարեղէն նկանակ առակեցան նոքա : Գարի անասնոց կերակուր է . գոյ և 'ի մեզ անասուն մասն . բոլոր հողեղէն բնութիւն մարմնոյս անասնական մասունք են . վասն զի 'ի միջէ հողոյ ստեղծեալ եմք մեք և անասունքն , և եկամուտ անմատուցութեամբն առաւելեալ եմք քան զնոսա :

Հրաման ետ Գեդէոն և ասէ . Հապա , ժիր կացէք , զի յայսմ գիշերի մատնեաց լ'ստուած զՍաղիամ 'ի ձեռս մեր : Օայս ասէր , և առ իւրաքանչիւր սափորն որ 'ի ձեռին դնէր՝ և 'ի նմին ճրագ մի անշիջանելի կառուցանէր , որպէս զսափորն 'ի ձախումն և յաջումն ըզփօղն : Եւ որով զինու զնոսայն վառեաց , նովին և ինքն կազմեցաւ . բայց յառաջ խաղաց ինքն քան զնոսա , վասն զի գեր 'ի վերոյ է երրեակ թուոյն : Ինչ իս հայ-

եաջիք, ասէ. յինէն օրինակ առջիք: Օայս ասէր, և 'ի նմին 'ի բանակ թշնամեացն իջանէր, ու ժող մեծաւ փող հարկանէր 'ի ձայն եղջիւր փողոցն: Սոյն պէս և երեք հարիւրքն յերկից կողմանց զբոլոր բանակն 'ի մէջ առեալ պատեցին. զսափորսն խորաակեցին, և զճրագունսն յաջ ձեռն առեալ՝ ձախոյն զփողոցն հարկանէին. այր յիւրաքանչիւր տեղւոյ անցեալ կայր իբրեւ զբոց բորբոքեալ. անդադար փող հարկանելով՝ զամենայն բանակն 'ի դղորդումն կացուցանէին: Առանց ոտից ուրուք հասանելոյ և ձեռին մերձենալոյ՝ ամենայն վրանք և խորանք յերկիր կործանեցան. այր զուր 'ի վերայ ընկերի իւրոյ իջուցանէր. սկիզբն արարեալ 'ի միջում պահու մինչեւ ցառաւօտն զմեծ մասն բազմութեան բանակին անձամբ զանձինս իւրեանց կոտորէին: Իսկ Վեդէոն և երեք հարիւրքն ընդ տեղիս կալով՝ ըզփողան հարկանէին, գոչէին խիզախէին և ասէին. Հայ պա, սուր յաղթութեն հեռուն ՚Կստուծոյ և Վեդէոնի:

Արարուած խեցեղէն սափորոյն 'ի հողոյ է, և վառումն անէջ ճրագացն 'ի հրոյ և 'ի պատրուգէ, և ձայն եղջիւր փողոցն՝ օղով և կենդանական շնչով մարդոցն, և երեքեան սոքա 'ի մերում բնութեանս բազկացեալ զոյանան: Արդ այն որ ապականեցաւ 'ի մեղաց՝ 'ի մարմնոյս գոյացութիւն հողեղէն մասն, իբրեւ զանթուրծ աման անպիտան եղեալ խորտակեցաւ: Արգէս ճրագն 'ի սափորին՝ և սա ընդ ապականացու մարմնովս անյայտ եղեւ: Սոյնպէս և բանական հնչումնդ ոչ տայր ձայն յերկինս յերկրէ. վասն զի 'ի մեղաց անտի ապակահեալ խանգարեցաւ մարմնուոր գործին. իբրեւ զհող անբան և անմուռն, անկեալ դնէր 'ի մարդոցս բնութիւն ընդ ոտիւք մահու. ոչ յանդորրութեան գոհանալ մարթէին զ՚Կստուծոյ, և ոչ 'ի նեղութեան սլաղատել առնա: Իսկ մերոյ բնութեանս ճմարտութեամբ առ 'ի մկրտութիւն մերոյս տեսանի: Անթուրծ սափոր 'ի ջրոյ թրջի. իսկ մեր անթրծութիւնս անդ թրծի, և թանձրութիւնս անօսրանայ հարստութեամբ, և ճրագն որ 'ի սմա՝ լուցեալ բորբոքի: Աթէ միայն 'ի տեղւոյն հաստատեալ կայցեմք՝ լուցեալ անշիջանելի իմացական ճրագուն, ինքն անձամբ զանձն հարկանէ թշնամին մեր, և խափանեալ լինին պատերազմունք նորա 'ի մէնջ: Ար-

պէս և ինքնասաց ձայն Մտուծոյ յայտ առնէ 'ի սուրբ յիշատակարանին . “ Եթէ սատանայ զատանայ մերժէ, յանձն իւր բարժանեցաւ, անցեալ ուրեմն է տէրութիւն նորա , : Եւ ճշմարիտ առկօք յայտ առնէ . տուն և թագաւորութիւն որ յանձն իւր բարժանի, ոչ կարէ կալ հաստատուն :

Եպա խօսել սկսաւ Վեդէոն և ասէ . Խնդրեցից և ես 'ի ձէնջ խնդրուած մի, եթէ տացեք ինձ . այր իւրաքանչիւր 'ի զօրականիդ եկեցցէ առ իս, բերցէ գինդ մի սակի : Եսն ամենեքեան . Եհաասիկ տամք : Տարածեցին բաձկոն մի մեծ, և բերին այր իւրաքանչիւր գինդ մի և ընկենուին 'ի շեղձակոյտ անդր . և եղև շեղձակոյտ գնդացն՝ ոսկոյ լտերս իբրև հազար և եօթն հարիւր : Եւ առ ինչ արդեօք զգինդսն մեծարգոյ համարեցաւ քան զամենայն : Յայտնի է և ոչ կարեմք թագուցանել . յորժամ գինդք ձօնեալք զականջաց կախիցեն կամ զարանց կամ զկանաց, լսելիք մարդոյն պղծելով պղծեցան 'ի շարժել գնդացն . զոր Տէր գնդացն յիշէ, որում ձօնեցանն : Յորժամ դուռն լսելեացն խարխարեցաւ, բոլոր բնութիւն մարմնոյն աւերեցաւ, ընդ նմին և հոգիքն խարխարեցան : Ս'ի լսելիք են բարւոյ և չարի . դատաւոր ընտրող միտքն լինին և վարդապետ 'ի ներքս անդր : Աղոպտեաց Եհան զգինդսն նոցա, ընդ նրմին և սրբեաց զայլանդակ լսելիս նոցա :

Սուր եկի արկանել յերկիր . ոչ կոտորել ասաց Տէրն, այլ քակել զայր 'ի հօրէ և զգուտար 'ի մօրէ . և եղևցի տանուտեառն թշնամիք՝ ընտանիք իւր : Ետուածային սուրն զմեղացն կապանս կտրեաց, և քակեաց զմեզ 'ի նոցանէ : Տայր և մայր կարդացաք քարի և փայտի, այլ և պաշտեցաք եւս . այսուհետեւ ոչ նոյնպէս անուանեմք, այլ 'ի պէտս հրոյ և շինուածոյ մեզ ծախեմք : Եւ այսպէս փոխանակ պատուոյ թշնամանեմք և անարգեմք զնոսա :



Եւ. վասն դատերն Յեփթայեայ և պատարապէլ 'ի հօրէն:

Եւտուած որ զմիս զուարակաց ոչ ուտէ և զարիւն նոխազաց ոչ ըմպէ, զհարդ արիւն մարդոյ քաղցրանայցէ նմա. զոր և մարդոյս բնութիւնն ոչ առնու յանձն առանց գրոյն հրամանի, և 'ի միտն անգամ ուրեք մի անկցի այսպիսի խորհուրդ:

Եւհա, ասեն, զԽասհակ խնդրեաց յԼաբահամէ: Եւառնու քեզ յանձն ընթերցուածն զայդ. ոչ ասէ խնդրեալ, այլ փորձեալ զգեղեցիկ կամս նորա՝ յայտնի եցոյց ամենայն մարդոյ, այլ ոչ եթէ զմարդ 'ի պատարագ ընկալաւ: Իսկ ընդէր, ասեն, պատարագեցու գուստրն Յեփթայեայ. ոչ ընդ վայր խոտեցին հեթանոսք զպոռնկորդին չմատուցանել 'ի քրմութիւն, վասն զի չէ անապական ծնունդ առ 'ի հօրէ. որպէս բազում իսառնուածս ունի մարմնով, բազում ունի և զայլընդակութիւն բարուց: Յեփթայի պոռնկորդի էր, տարագիր հալածական 'ի հարազատ եղբարցն առ 'ի հօրէ. և ամենայն Իսրայէլ վատնեալ զինի դիցն օտարաց. և որգիքն Եւնայ անտերունչ գտեալ զաշխարհն՝ հին բազայս 'ի վերայ դնէին. Յելանէն ձեր յաշխարհէն եգիպտացուոց՝ զաշխարհն մեր հարէք պատերազմաւ և կալարուք. արդ զայն վրէժ եկեալ խնդրեմք: Եւորդ յայնմ վտանգի երթեալ ծերակոյտն Իսրայէլի ուխտիւ ածին զԵփթայի, կացուցին իշխան 'ի վերայ իւրեանց: Իսկ նա տեսեալ զբազմութիւն զօրացն Եւնայ՝ զարհուրեցաւ 'ի միտս իւր և ասէ. Տէր Եւտուած Իսրայէլի, եթէ մասնեցես զնոսա 'ի ձեռս իմ, և դարձայց որջանդամ 'ի մեծ պատերազմէն յաղթող, ով և ելցէ 'ի տանէ իմձ ընդ առաջ իմ, քեզ պատարագ մատուցից: Եւ գործն զբանիցն աջողեցաւ: Եւուի ինձ թէ պատարագն ընդունելի չէ. ահա, ասեն, թէ զհարդ ետ յաղթութիւն նմա Եւտուած, և ապրեցաւ Իսրայէլ 'ի հարուածոցն 'ի ձեռացն Եւնայ:

Եւ զարմանար ընդ Եւտուծոյ առ այդ սքանչելադոր ծուծիւն: Եւոյն ծնօտիւն կոտորեաց Եւամիտն հազար այր. միթէ ծնօտին տամք զյաղթութիւնն. և կամ որ մաճին փայտիւ զեօթն հարիւրն սատակեաց: Եւ այն

Ճնօտին, և ոչ այն փայտին: Այլ որպէս երկոքեանն, նոյնպէս և դատերն Յեփթայեայ:

Դարձեալ և 'ի պատմութեանն այլ ընդ այլոյ կայ: Ո՛ր և ելցէ, ասէ, 'ի դատերաց նորա: Այլ զինի այնր ասէ, Թե՛ այն միամօր էր նորա: Բ՛ուռի ինձ՝ Թէ և պատմութիւնն ոչ ունի. զկարգն հաստատուն: Այլ որ ելցէ 'ի դատերաց իմոց ընդ առաջ իմ, այլ զինչ և ելցէ 'ի տանէ իմնէ: Ի տան մեծի և փոքու գոն անասունք սուրբք և անսուրբք. և եթէ ուղտք և էջք, կամ բնաւ շուն պատասհէր ընդ առաջ, միթէ պատարագելիք էին: Այլ նոքա և ոչ սա. այլ վրիպական բանք ելին 'ի տաղնապ ժամանակին: Համարեաց Թէ զդուստրն ուխտեաց. յորժամ ել նա ընդ առաջ՝ ընդէր վայեաց, ընդէր պատուեաց զպատմութեանն, ընդէր ատաց՝ խոչ ընդ ոտն և խոչ ընդ ակն: Այլ Թէ ուխտիւն եղեւ յաղթութիւնն, գոհանալ պարտ էր և ոչ զղջանալ: Ողբս 'ի վերայ աս և ասէ. Սայ ինձ, դուստր իմ, ընկձերով ընկձեցեր զիս. և ես զբերան իմ բացի վասն քո յուխտ պատարագաց, և արդ ոչ կարեմ դարձուցանել: Երբահամ զայս ոչ ասաց, որպէս երեւի մեզ: Աբաց զբերան իւր աղջիկն և ասէ. Նիս դարձ, հայր իմ. եթէ ինեւ ես Եստուած զյաղթութիւն Իսրայէլի և ասրեցոյց 'ի ձեռաց ամենայնոցն, որպէս և ելին բանքն 'ի բերանոց քոյ. արա համարձակ:

Իայց զայն արժան է մեզ գիտել, զինչ է զոր ասաց աղջիկն. Ինդրուած մի ինդրեմ 'ի քէն, հայր իմ, մի արգելուր յինէն. Թող երթայց ամիսս երկուս լացից զկուսութիւնն իմ, ոչ 'ի գիւղս և ոչ 'ի քաղաքս, այլ 'ի լերինս: Այլ հայրն վաղվաղակի յանձն առնու և ասէ, երթ դուստր իմ: Ս'ի դատարկաբանութիւն Թուրքի ինչ քեզ պսպիսի ինդրուածս աղջկանն. լաւադոյն է քան զյանձնատութիւն պատարագելոյն: Ի լերինս խընդրեցին զկոճն և ոչ 'ի քաղաքս, զի մի յափշտակեալ գտցի աղջիկն յանօրէն մարդոց, և 'ի քաջութիւն անաբխութեանն վստահութիւն խառնեցցի: Իսկ յերկարումն երկուց ամսոցն՝ և այն նշանակ մեծի իմաստութեանն նորա: Հիւանդ որ յերկար ախտանայ, ուծացեալ ինի գութք հարազատաց նորա. փութան տափնապին զելս վշտացելոյն յաշխարհէս:

Երևն եհաս ժամանակ պատարագելոյ նորա : Ընդ ժողովեցաւ ամենայն Իսրայէլ 'ի Վանայ մինչեւ ց'Երասաբէէ մարդախողխող տեսանելով զհայր առ որդւով : Երկու ամիս լացին 'ի լերին, հնչեաց բարբառ զուժի նորա ընդ ամենայն երկիր, ժողովեաց և ած զբազմութիւնն մարդկան . քանզի կարծեցին ամենեքեան՝ թէ նոր օրէնք դնին, ոչ 'ի մարդկանէ, այլ յ'ստուծոյ : Սաստիկացան վերջին լաղիւնքն քան զառաջին երկուց ամոցն . 'ի միտս իւրեանց այսր և անգր կոծեալ լինէին, յիշելով զԱբրահամ և զժամանակ փորձութեան նորա : Ըմենայն բազմութիւնն արանց և կանանց զայս խորհուրդ 'ի մտի եղեալ՝ կարծէին զ'ստուած այցելութիւն եկեալ հասանել նոցա :

Եւ ընդգէմ պատարագին իբրեւ կարծիք մտաց նեղեալ տաքնապէին, և յայտնութիւն ձայնի ոչ եղեւ վերուստ 'ի վայր, փութացաւ Յեփթայի և եհան զսուրն վաղվաղակի . կափոյց զաչ մտացն յանտեսութիւնն, մինչեւ աղիքն գալարէին 'ի գութ խանդաղատանաց . թէպէտ սիրտն 'ի բերանն էր, հարաւ սուրն 'ի փող զստերն և կորեաց : Ըն 'ի գոչիւն հեղման արեանն, և 'ի հանչիւն կոկորդին, և 'ի շարժումն բոլոր մարմնոյն՝ առ հասարակ ամենայն բազմութիւնն բոլոր մարդկանն միաձայն միաբարբառ ճչեցին . իբր թէ երկինք և երկիր լացին զմահ միամօրին, զանտանելին յողջակէզ յանհրաման սեղանոյ անտի :

Ս'ի ոք ամենեւին յանուսումնութեան զայս պատարագ 'ստուծոյ կարծիցէ հրամայեալ : Ըպա թէ 'ի Պաղոսի թղթոյ անտի յանդիմանեացես զիս վասն Յեփթայեայ յիշելոյն, յայսմ վայրի ոչ ելանէր ըստ կարգն մարգարէութիւնն Սուլեսի . որպէս նա զաշխարհս յ'ստուծոյ սկիզբն առնէ լինելոյ, և սա զհաւատս : Ըստ նմին օրինակի և Պուկաս աւետարանագիրն վասն մարդանալոյն Տեառն սկիզբն արարեալ 'ի Յովսեփայ՝ երթայ ելանէ յ'դամ և յ'ստուած, զչարս և զչարիս 'ի ներքս փակելով՝ կարգաւ ասէ զանուանս նահապետացն . զի զաստուածածանութեան թութիւնն զիտասցես, այլ ոչ եթէ զընտրութիւն մարդկանն : Եւ լին մտօք և Պաղոս վարի . սկիզբն առնէ վերուստ 'ի վայր յ'ստուծոյ արարածոց . յ'բէլէ անցանէ գայ առ Լնովք, առ Լոյ և

առ Ղաբրահամ, առ Խաահակ, առ Յակոբ և յամենայն կարգս ծննդոց նորա : Ի նմին կարգի յիշէ և զՎեդէոն, և զՂաբթայի և զՍամբասն, զայցելու թիւնն Ղստուծոյ յայտ առնելով 'ի վերայ նոցա, ոչ 'ի լաւութիւն մարդկան հարեցեալ Պաւղոսի, այլ 'ի մարդասիրութիւնն Ղստուծոյ, զորս 'ի չարութենէ 'ի բարութիւնն ընտրեաց . զՂաբթայի յաւազակութենէ, զՍամբասն յանգաւակունեաց : Ի այց քանզի Ղստուծով էր յաղթութիւնն պատերազմացնոցա, բաւական համարեցաւ Պաւղոս արկանել զնոսա 'ի կարգ հաւատացելոցն . միանգամայն և յորդորումն հեթանոսաց բազմութեանն, որպէս և ոռ նոսա, յՂստուած :

ԺԶ. Առ Սամբասն :

Վործի հաստատեցաւ նա բարկութեան 'ի վերայ այլազգեացն . նովաւ կամէր առնուլ Ղստուած զվրէժ որդւոցն Ենակայ : Եւ անդ էր շնապէս մի յառիւծուց . գողեաց և յորձակեցաւ 'ի վերայ նորա : Ի՞նչիւ՞ծ առիւծոյ սրատահեցաւ . մինն հինաւուրց լի չարութեամբ, և մինն այն ինչ կորիւն առիւծու մատաղ յաւուրց, և լի երկնաւոր զօրութեամբն . հին առիւծն գոչէր մեծաձայն ահարկանելով մատաղ կորեանն . իսկ նա զօրութեամբ մունչէ՝ քամահելով զանոյժ բանս, և փափուկ մարմնազն հեղձուցանէր : Ի՞նչ ուրեմն չարասէր թշնամին մարդկան՝ մինչ դեռ հրեշտակն Ղստուծոյ զաւետիս չքնաղ մտնկանն հօր և մօրն աւետարանէր, լուաւ զամենայն բառ կարգի զոր ասաց նա հրեշտակն . դէտակն ունէր նա թէ ուր կօրուցէ զնա 'ի դեղո : Եւ յորովայնէ 'ի սննդեանն ոչ կարաց քնաակ նա . եկն եմուտ 'ի չար գազանն մողէգնեալ, կատաղեցոց և յարոյց 'ի վերայ նորա . թերեւս կարացէ զաստուածատուր չունորհան խափանել, դքանկաղի ծաղիկն խամրացուցանել, զարծարծեալ լոյսն Խորայէլի շիջուցանել : Ինչո՞ւմ գունգբ դիւացն ընդ նմա եկեալ յօգնականութիւն եկին մտին յառիւծն գազանացեալ . մունչեաց ընդդէմ եօթնագիսակ մանկանն : Իսկ նա իբրեւ զուխտաւոր քահանայ՝ զաջ ձեռն զնէր 'ի վերայ զլիտցն և զահեակն

արկաններ զնեքքին կզականս . 'ի գիրկս իւր առեալ Հեղձուցանէր զերեւակի սրտամուծիւնն , և թմբերեցուցեալ զանմահ չարութիւնն՝ ընդ նմին և դռնն զազանին քաղեալ հանէր : Բազուկ առ բազուկ կարկառէր , և ձայն առ ձայն բարբառէր , զբազում գունդս դիւացն 'ի բաց հալածէր . ոչ բրաւ ջախջախեալ և սրով հատեալ՝ զգեղեցիկ բնութիւն առիւծոյն ոչ ապականէր , որ էր խորհուրդ բոլոր աշխարհիս :

Արդ յետ բազում աւուրց անցանելոյ 'ի վերայ դիական առիւծուն , սրբեցաւ նա 'ի նեխ գիջութենէն , թափուր և ունայն մնաց որովայն նորա . թափուր և ունայն կացին երկինք և երկիր , վասն զի ոչ շողացին 'ի սմն հրեշտակք երկնաւորք : Ահեք ճրձիտք մուտ և ել առնէին 'ի փոր նորա , բերէին զեկամուտ դառնութիւնն , և հանէին զբնական քաղցրութիւնն . որպէս և 'ի միջոյ աշխարհիս և 'ի մարդոյ յիւրաքանչիւր՝ քաղէին հանէին 'ի մտաց նորա զքաղցրութիւն բանիցն Աստուծոյ : Արդ դիկ կենդանի մեռեալ դիականց նմանէին , հոտ մահու հարկանէր ամենեցունց . կենացն հոտով օծաւ խնկեցաւ մանուկն Սամիսոն , անոյշ հոտոյն զառիւծն մեռեալ իւղեաց խնկեաց : Հայն հոտ կենաց դիմեաց եկն պարս մի մեղուաց , եկն և հաճեցաւ ընդ պատրաստեալ ամանն , զտեղի առեալ զետեղեցաւ 'ի մէջ նորա . այնչափ ցանկալի և բաղձալի , մինչեւ ուխտաւոր մանուկն ճաշակեաց և հաճոյ թուեցաւ նմն :

Անգէն Սամիսոն յաղթեաց և սպան զառիւծն զազանս : Օհն 'ի ջուրց զգեցաւ երկրորդ Արամ , կապեաց ընկեաց յանապատին զայն առիւծն՝ որ 'ի սկզբանէ սատակեաց զազգս մարդկան : Սամիսոն զմահ առիւծուն ոչ յայտնեաց ծնողաց իւրոց . Տէր մեր յայտ յանդիման քարոզեաց զբեկումն անմահ առիւծուն , և մեղտուաւ իշխանութիւն տկար մարմնով կոխել զգաթանութիւն նորա : Տէր մեր իբրեւ Աստուած և որդի Աստուծոյ սպան զչար զազանն , հալածեաց զգունդս դիւացն 'ի բնակութենէ իւրեանց , սրբեաց և մաքրեաց զչարահոտութիւնն նորա՝ որ 'ի բոլոր աշխարհիս , իւղեաց և խնկեաց զամենայն նեխութիւնս նորա . և ահա փոխանակ զնդակի մեղուացն՝ հրեշտակք երկնաւորք ել և էջս առնէին 'ի սմն :

Տես զերկոտասան Ղապեալն և զարմայիր : Մեղուք արագաթեւք զգաւառին վայրօք եւեթ կարեն շըրջել, զաւօրեայ փոշի ծաղկանցն 'ի նիւթ մեղուագործութեանն փութան մատուցանել : Ղապեալքն անթեւք և թեւաորք՝ զհեռաստանն իբրեւ մօտաւորս մեղրագործեցին : Օրնչ ծաղիկք պատուականք իցեն, զոր ոչ Ղապեալն տեսանիցես . զհին աշխարհս նորոգեցին, որպէս մեղուքն զմեռեալ առիւծն նոր ծաղիօք նորոգեցին :

Ղնաց չըբաւ, ասէ, Սամիսոն, կալաւ երեք հարիւր աղուես և կապեաց ձեռ ընդ ձեռ երկուս երկուս, և մէն մի ջահ լուցեալ եղ 'ի մէջ ձեռոց նոցա, և արձակեաց զնոսա ընդ անդաստանս այլազգեայն : Սան որոյ այլաբանութիւն ունի բանս . ուստի զծածուկ զչարիս ոգւոց որ կայ 'ի նմա՝ տեսանեմք : Եկեղեցի հեթաւ նոսաց որ Ղապեալոց անտի հիմնարկեցաւ, անդաստան ամենալից բոլոր աշխարհս այս երկնացաւ . վասն զի Տէրն երկնի և երկրի անբակ միաբանութիւն գործեաց ամենեցուն : Մինչ դեռ յայսպիսի հրաշակերտ վայելչութիւն ծով և ցամաք առ հասարակ ցնծացեալ բերկրէին, գունդք զիւացն առ հասարակ քայքայեալ ցրուցան յօտարութիւն . քանզի թիւնք հին վիշապին անհամեցան . մարդիկ առողջ մարմնով և սուրբ հոգւով հրեշտակային կեանս կէին յեկեղեցւոյ . յեղակարծումն ժամու ամպ ագահութեան փտտացաւ, առագաստեալ կալաւ զաչս առատ մատակարարացն, և արգել 'ի նոցանէ զըզյն իմանալի, որ առ սակաւ սակաւ տարածեցաւ կալաւ զբոլոր աշխարհս : Իսկ զկնի ամենայն չարեայ՝ աստատին 'ի սոցանէ իսկ բորբոքեցաւ հուր անշիջանելի՝ ուսումն այլանդակաց, որ վատթարագոյն են 'ի տեսանել քան զերամակս ձրձիտ աղուեսուց . հարիւր կերպարանօք բերեն զճմարտութիւն վարդապետացն, և սիրտք իւրեանց հեռացեալ են 'ի ճմարտոն Ղստուծոյ : Բայց թերեւս ասիցէ որ . զինչ եւս պիտոյ էր հըսկային՝ ծնօտի իշոյն կարօտանալ : Բաջ միտ դիր կարգաբանութեան գրոցն և անտի ուսանիս : Սուրբ ուստաւոր մանուկն՝ զինչ պիղծ մերձենայր 'ի ձեռս նորա, որբեալ լինէր . որպէս պիղծ առիւծն և 'ի պղծագործ մեղուէն, նոյնպէս և ծնօտ իշոյն առժամայն զէն օգնա .

կանութեան 'ի ձեռին նորա, իսկ առ 'ի յապա մարտութիւն հեթանոսաց. զոր և Տէրն արարածոց սրբեաց : Սամիթոն զյայտնի պատերազմն ոսկերք վճարեաց. ոսկերք մարտիրոսացն զյայտնի և զծածուկ մեղս 'ի մարդկանէ 'ի բաց սրբեցին : Իսկ ջուրն, ասէն, 'ի ծնօտէ ի շոյն առ ինչ հոսեցաւ : Ար զյաղթութիւն ետ նմա 'ի ձեռն ծնօտին, անտի և զծարաւն յափոյց. որ զէն փրկուութեան եղեւ, նոյն և պատճառք կենաց նորա. էարք զջուրն 'ի ծնօտէ ի շոյն, ընդ նմին էարք զիմաստութիւնն Մատուծոյ : Ինչին իւրում կարծէր Սամիթոն զյաղթութիւնն մեծ պատերազմին. ծնօտին ոչ տայր զյաղթութիւնն : Իկն ծարաւ կռուել ընդ նմա. զոր ոչ ծանեաւ 'ի յաղթութեան իւրում, ծանեաւ զնա 'ի սաստիկ ցաւ մարմանն իւրում : Բլ սակաւիկ մի ակնարկեցից և արդ 'ի ժամանակիս յայս : Սկըն ցամաքեալ անասնոյն՝ անյուսալի էր թէ ջուր ելցէ 'ի նմանէն. աշխարհս ցամաքեալ յարդարութենէ՝ յանյուսալի էր թէ առաջին յանցանքն ձրի թողցին :

Իջ նա, ասէ, 'ի Պազա և եմուտ առ կին մի պոսնիկ : Յուզեցան արք քաղաքին և զգիշերն ամենայն պահեցին զնա պահապանօքն : Բայց քանզի շնորհքն Մատուծոյ առ նմա էր, առաւել քան զչափն զործեաց նոր սքանչելիս. զգրունս քաղաքին սեամբքն հանդերձ և դռնափակօքն թափեաց և եբարձ՝ գնաց 'ի լեառն մի բարձր, և կանգնեաց 'ի լերինն Վեբրնի : Արոյ տեսեալ է զքաղաքն և զգրունս քաղաքին, նա զարմանայ առաւել քան զյոյժ : Իւր է այս օրինակ իծանելոյն Տեառն մերոյ 'ի դժոխս և աւերելոյ զքաղաքս մահու և այլ ոչ յիշելոյ 'ի վախճան ժամանակս : Բպա եթէ ինչ վասն կնոջն պոռնկի սոսկասցին միաք քո, զմտաւ ած ջեր դու զբոլոր աշխարհիս զպոռնկութիւնն և զարմայիր յոյժ, զի ոչ խորշեցաւ և ոչ գարշեցաւ :

Բայց խնդիր առաջի կայ, թէ զինչ իցէ յեթմն մատուցաբաժանումն գիտակաց նորա. որում և հրեշտակն պատուիրեաց զգուշութեամբ՝ չերանել երբեք երկաթոյ 'ի զլուխ նորա : (Թիւ եթմնեկին՝ որպէս ասացեալ է մեր յայլում վայրի, վասն զի մի է զօրութիւնն աստուածային գրոց, վեց 'ի նոցանէ զվեցօրեայ արարածքս նշանակէ՝ որ 'ի սկզբանէ, իսկ եթմնեբորդն՝ սուրբ փա

գուկ նուիրեալ Մտուծոյ օր, որ և անաշխատելի զօրութեան հանգիստ անուանեցաւ : Մայս ուրեմն աշխարհս և աշխարհաբարն յուխտաւոր մանկանս սպաւորեալ կերպարանեցաւ :

Եւ այս շնորհք տեսանին 'ի Սամիթան ըստ եօթնեղեակ գիտակաց նորա թուոյ, յօրինակ գեղեցիկ շառակեղին՝ որ բուսանելոց էր յարմատոյն (Յեսուայ, յիշեալ զբանն Լայտեայ մարգարէի, զեօթն մատունս Հոգւոյն սրբոյ ասացեալ 'ի վերայ նորա ըստ նորին թուականին ձեւոյ. և Պաղոս առաքեալ ասէ 'ի կորնթացոց թղթին, “Եւ Մտուած յեկեղեցւոյ առաքեալս, մարգարէս, հովիւս և վարդապետս, զօրութիւնս, բրժրչիութիւնս, ազգս լեզուաց, թարգմանութիւնս լեզուաց” : Եւ այս շնորհք եօթնեկի առ իւրաքանչիւր անձին տեսանի. և եթէ մի յայոցանէ պակաս իցէ յուժեքէ, խեղ ասեն նմա և ոչ ողջանդամ. ապա թէ եօթնեքեան կտրիցին, մեռեալ է և ոչ կենդանի :

Եւ զբոթութիւն հերացն պարտիմք ասել թէ զիարդ 'ի նոսա զօրութիւնն Հոգւոյն բնակեալ էր, և ոչ 'ի սիրտս և ոչ 'ի միտս և ոչ յայլ մատունս արդարութեան : () Ի ահաւանիկ առ պիղծ կանայս մտանէր նա, և Հոգին Մտուծոյ ոչ թողոյր զնա 'ի ձեռաց. և 'ի կտրել հերաց նորա՝ եթող զնա շնորհքն Մտուծոյ, տկարացաւ և եղև իբրև զմի յանուժ մարդկանն : Հօգի օժութեան ունէր Սաւուղ թագաւորն. նոյն Հոգին զօրացոյց զնա 'ի պատերազմին ամոնացւոց. այլ յանցանելն իւրում զպատուիրանաւն Մտուծոյ՝ ինքն յընթենէ ջնջեաց զօժութիւնն Հոգւոյն սրբոյ. եթող զնա Տէր, և սկսաւ շարչարել զնա այն պիղծ : Եւ որ ոչ օժութեան Հոգի ունէր Սամիթան, այլ զօրութեանն. և զօրութիւնն զեռ 'ի նմա էր, ոչ կարէին պիղծ կանայքն խափանել զօրութիւն նորա. բայց յորժամ հասան գէպ նորա, ընդ նմին հատանի և 'ի մեծ զօրութենէ : Եւ էր նշանակ բազմութիւն մազոյն օրհնութեան Մտուծոյ, որ առ Երահամա. “Եւ իցի զաւակ քո իբրև զաստեղս երկնից և իբրև զաւազ առ ամիս ծովու” : () Բազմութիւն աստեղաց և զաւազ ոչ որ կարէ թուել, բայց միայն որ արարն զնոսա. նոյնպէս և զհերացն բազմութիւնն ոչ որ պիտէ : Եւ աւել քան



զայս իմաստըր զբազմութիւն զօրութեանն Մատուծոյ որ 'ի Սամիսոն:

Մտք էր ըստ իմաստութեան Հոգւոյն Հոգի ունալանցն այլ որպէս այլաբանեն նովաւ զօրացեալք, Սամիսոն օրինակ աբրահամեան տօհմին ազգի ժողովրդեան իւրեանց, յորս գոյր զօրութիւն օրհնութեան Մատուծոյ, այս ինքն յեօթնեկի գիտական՝ որով պատկեալ էր գլուխն Սամիսոնի դատողին Խրայէլի, որ ցուցանէր զզօրութիւն օրհնութեան Մատուծոյ 'ի նախնին իւրեանց յԱբրահամ, որպէս 'ի նախնին մեր յԱդամ՝ թէ «Մէտեցէք և բազմացարուք և լցէք զերկիր», նոյն պէս և առ Աբրահամ որդին Միքանայ՝ թէ «Բազմանայի զաւակ քո իբրեւ զաստեղս երկնից և որպէս զաւազ», Եւ գլխաւորեալ աճեցաւ և աւարտեցաւ առ երկոցունց օրհնութիւնն Մատուծոյ, որպէս աւետիք բարեացն Մատուծոյ վասն ուխտաւոր մանկանն, այս ինքն առ ծնօղսն Սամիսոնի: Եւ մինչ դեռ կայր նա յուխտի նորա, զհազարսն հալածէր և զբիւրսն շարժէր. և յորժամ բացամբրժեաց զանձն իւր յուխտէն Մատուծոյ, յայնժամ 'ի ձեռն պռնկիկն մասնիչ գտաւ սուրբ խորհրդոյն Մատուծոյ. զի արարայնդեցաւ կարանօք եօթնագիսակ վարս գլխոյ նորա, նշանակ և ենթակայ եօթնարփի շնորհացն Մատուծոյ. 'ի պռնկէն յապաւեալ ինէր: Կտրեցաւ զօրութիւնն. նախ թմբրեցուցեալ զնա անապակաւ, և անդէն 'ի մէջ ծնագաց իւրոց գամեալ զնա՝ լքմամբ զբաջ և զարի հսկայն. մոլեկան ախտիւն իբրեւ պարանաւ պարաւանդեալ զնա հոգւով նախ կուրացոյց զնա մտօք, և յետ այնորիկ մարմնով 'ի ձեռնս այլազգեացն:

Եօթնեկի յանցանօքն շիջոյց յինքեան զեօթնարփի շնորհս Հոգւոյն եօթնագիսեան հերացն հատմամբ. ծաղր և այսն եղեալ առ հասարակ եօթն ազգացն քանանացոց: Օ որ այսպէս լքեալ և աղքատացեալ գլով կացուցին զնա յաղօրիս, զայն՝ որ կտորէր և մանրէր և առ աթուր հարկանէր զայլազգիսն յօրինակ ազգի ժողովրդեանն իւրոյ. որ նոյնպէս եօթնեկի յանցանօքն իւրեանց առ որթուն, և որպէս պղծեցանն 'ի Ռեզբեգովը՝ զեօթնաջահեան աշտանակն լուսոյ ազատութեան իւրեանց նուաղեցուցին յանձինս իւրեանց, և

որպէս արպահանեցան 'ի գործս իւրեանց, և պոռնկեցան 'ի զնացս իւրեանց: «Ի՛հա երդուայ 'ի բարկութեան իմում, թէ մտցեն 'ի հանդիստ», և ոչ մտին, այլ անկան տապաստ յանապատին: } Եգիպտոս էին մտորելեալքն յԵգիպտոսէ. իսկ բուսեալքն 'ի նոցանէ՝ յորս գոյր կայծակն օրհնութեան, զօրացեալ նովաւ ժառանգեցին զերկիրն աւետեաց: Իրջնպէս վաղվազեցին սրբա որպէս և հարքն իւրեանց, և մոռցան զգործս Իստուծոյ. խառնակեցան ընդ հեթանոսս, հաւատարիմ ծառայեցին կոռց նոցա որպէս ընտոս. և ոչ անսացին նմա, այլ արտաբոյ Իստուծոյ խորհրդոցն կարուցին զանձինս իւրեանց. վասն այնորիկ տիրեցին նոցա ատելիք իւրեանց, և խոնարհեղեն 'ի նեղոյ ձեռին եօթն ազգին քանանացոց: Եւ թէպէտ և բազում անգամ փրկեաց զնոսս, այլ նոքա առաւել քան զհարս իւրեանց դառնացուցին զնա 'ի խորհուրդս իւրեանց: Եւ ահա յապաւեալ և հատեալ նոսազեցան քան զամենայն ազգս, թէպէտ և արմատն ոչ հատաւ և ճիւղ ողկուզին ոչ արպահանեցաւ, զի օրհնութիւն Տեառն գոյր 'ի նմա, որպէս ասէ քան մարգարէին. «Ի՞նչ ոչ Տեառն զօրութեանց թողեալ էր մեզ զաւակ, իբրեւ զՍողոմ լինէաք և Վանորոյ նմանէաք», և դարձեալ. «Ս'ի պահասեսցէ իշխան } Ուրայ, և մի պետ յերանաց նորս», որ էր յարմարոյն } Ետեայ: Իր թէպէտ և ելեալքն յԵգիպտոսէ հարքն և ծնունդք նոցա խոտորեալք դտան և թիւրեալք, և բազում եղեն քան զհեր գլխոյ անօրէնութիւնք նոցա, զի ոչ կացին յուխտի նորս, համբարձ զձեռն իւր 'ի վերայ նոցա սատակել յանապատին, և 'ի Վանան մատնել այլազգեացն հեթանոսաց:

Եւ գլուխ ամենայն չարեաց նոցա՝ որ յետ ծառայից նորս օր կոտորեցին, և զսեղանս նորս կործանեցին, որպէս ամբաստան լինի Եղիա զՍարայէլէ, և 'ի Տէրն մեզան, զժառանգութիւնն յախշտակել կամելով զժառանգն սպանին. և այնու հետեւ կոտորեցան և սպառեցան մշակքն անիրաւութեան, որպէս գիտակքն այնորիկ յապաւեալ և հատեալ՝ որ էր 'ի գլուխ ուխտաւորին Սամիսոնի. և զայգին նոցա ետ 'ի ձեռս այլոց մշակայ՝ որ եղեն բուսակք նորոգ և կենդանի, պողաբեր եղեալ և աճեցունք

յարմատոյ անտի նահապետացն, այս ինքն 'ի գլխոյ ժողովրդեանն : Ալ զբանն զոր երդմամբ եդ ընդ Աբրահամու և ընդ զաւակի նորա յուխտ յաւիտենից, յիշեաց 'ի ձեռն զաւակի նորա՝ որ եղեւ նմա ըստ մարմնոյ, որով օրհնեցան ամենայն ազգ երկրի : Արածնեալք 'ի հաւատոց անտի Աբրահամու՝ կոչեցան որդիք նորա և ժառանգք աւետեաց նորա, և եղեն նորատունկք սիրելի՝ ծնունդք լուսոյ շուրջ զսեղանով խաչին զօրացեալք Տողուզն 'ի փառս : Որով կարողք եղեն ամենայն զօրութեամբ խաչին 'ի զիմի հարկանել չարին յաւուր մարտի և պատերազմի, և եօթնպատիկ հատուցանել նեղեացն նեղութիւն ծառայութեան, և նեղելոցն պատրաստել հանգիստ ազատութեան : Ալ այսպէս ըստ բնաւորին՝ նորագործ կազմածօք մտեալ 'ի տուն հօրին՝ զգործիս նորա յափշտակեցին . և զամուրս նորա հանդերձ սեամբքն հաստատելովք, որ իբրեւ պարանօք եռահիւսիւք երրորդական միականութեամբ նորին զօրութեամբ, և աջեացն և ահեկեացն հակառակօքն միաբանելովք 'ի կործանումն զօրացեալք հակառակամարտին, ինքնաբարշմամբ զողնայարս տանց նոցա 'ի միմեանս՝ խարխարեալ փլուցին 'ի վերայ գլխոց նոցա . և կորուսին զանձինս իւրեանց չարչարանօք 'ի նոցանէ ընդ այլազգիս վասն աստուածահրաման օրինացն և սքանչելի անուան նորա, զի գտցեն զնա յաւուրն յետնում և պահեսցեն 'ի կեանսն յաւիտենականս : Ալ այսպէս զնախատինս նախատչացն զմեզ՝ բարձին 'ի մէջ, և փառաբերեցաւ անուն սրբոյն Խորայելի . և պարծիմք այսուհետեւ՝ նովին փառօք փառաւորեալ 'ի փառս նախնական մերոյն փառաց :

Ալ և այլ տեսութիւն, որ եղեւ շնորհալի գիտական նորա . խորհուրդ եօթնօրեայ կենցաղոյս, որով թուով ժամանակս սկսանի, և անդր 'ի նա դարձական յոգնապիսութեամբ բազմանայ, և 'ի նոյն թիւ եօթներեկին կատարի . 'ի միակէն սկսեալ և 'ի մասնականսն բազմացեալ, և 'ի նոյն աւարտումն բոլորեալ, և ըստ շնորհարարչութեան միմեամբք զօրացեալք : Այսպէս և ըստ ժամանակին եղեալքս 'ի գերագոյն գոյէն գոյացեալք յառաջատելով 'ի յոգնապիսութեան եղանակութիւն, այս ինքն 'ի բնութիւնն, 'ի տեսակ, 'ի գեղ և 'ի վայել

չուծիւն տրամազարդութեան զօրացեալք՝ անհակառակ և անմարտ բերելով ըստ բնութեան, այն որ ըստ բողոքին տեսանի: Իսկ յորժամ ախտակրեցան մանաւորքն՝ ՚ի բողոքին տարբերական այլայլութեամբ, արտամերժեալք եղեն ՚ի համազօր իսկականութենէն. ՚ի հնութիւնն ապականութեան ստորանկեալ բանական բնութեանս հանդերձ զգայականօք և գոյացականօք, որոց պատճառ գտաւ իշխանականաւն պակասեալ ՚ի բարւոյն՝ զօրացաւ չարն հնացուցիչ եօթնակի յանցանօքն նախաստեղծին, յոգնապիտութեամբ առաւելեալ և բազմացեալ քան զհեր դիւոյ. և տոռամբք մեղաց պարաւանդեալ ամենայն զգայութիւնք ախտակրեալք գողացեալ եղեն ըստ հեշտութեանն: Եւ ահա ծառայք գտան այլադքի դիւացն և մեղացն. մինչեւ յայց ել արարիչն և փրկիչն Ղաւմայ՝ ոչ այլ ուստեք, բայց ՚ի բնութեանս եգիտ զկայծակն նորոգման մերոյ հնութեանս. զոր ՚ի պատճառս նորա առեալ զմարմին խորհրտութեան մերոյ, վերընծայեալ նորոգեաց ըստ նմանութեան մարմնոյ փառաց իւրոց յազատութիւն փառաց որդւոյն Ստուծոյ. եկեալ ամենայն եղականօքս հանդերձ, որ ըստ ինքեան ապականեցաւ, և ահա փառաւորեալ զօրացան և գտան յաղթողք ՚ի վերայ յաղթողին՝ որ կենացն է հակառակ: Եւ վերաբռսեալք առին հասկ և եղեն յայր կատարեալ, և միաւորական զօրութեամբն յօղեցան ՚ի գլուխն Վրիստոս: Եւ այնուհետեւ յայտնի եղեւ աստուածայետականին Նիսուսի կեանքն ՚ի մարմնի մերում. որով կենեղւտ եղեալ, յաղթող գտան մահաբերին:

Եւ յայէս զանազանի խորհուրդ եօթնադիսակ հերացն Սամփսոնի ՚ի խորհուրդ Ղաւմայ. զի ստեղծ հեր Ստուած զմարդն հող յերկրէ և զկենդանական շունչն եգ ՚ի նմա, և այնպէս արար Ստուած զմարդն ՚ի պատկեր իւր. գոյարարողական զօրութեամբն սպաւորեալ վերածեաց ՚ի նմանութիւն պատկերի անմահական և անապական իւրոյ փառացն: Իսկ ՚ի ձեռն ուխտազանց յանցաւորութեանն վայրածեցաւ տարամերժեալ ՚ի միակողմեալ յաստուածակերտ փառացն որ ՚ի նմա: Եւ ահա գոյր ՚ի ծնունդս Ղաւմայ հնացուցիչ նոյն զօրութիւնն մահու և ապականութեան. նա և գոյր ՚ի դարս

դարս նշան յաւերժական փառաց նորա, անմահականն՝ յաւերժական կեանս նախահօրն . նոյնպէս ընդ անմահիւ անապականն՝ ՚ի փոխումն Անուշայ և ՚ի վերացումն Աղիայի . իսկ լուսազգեստութիւն՝ ՚ի լուսաւորութիւն երեսաց փառացն Սոփսէսի, և զօրութիւն անձին նորա՝ յեօթնագիսակ ՚ի հերս գլխոյն Սամիսոնի : Իսկ յամենայնէդ նուաղիլ սոցա յետ մահուն, տարաւերժեալ նորա յետ յանցանացն նշանակէ :

Իսկ առ Սամիսոնի այլ իմն յայտնի նորահրաշ եւս տեսութիւն : Վրանդի յետ յապաւելոյն հանդերձ զօրութեամբ զհերս գլխոյ նորա, ընդ երկար ժամանակս առեաց բուսողորէն եօթնագիսակ հեր գլխոյ նորա . և ՚ի վախճան ժամանակաց իւրոց կանգնեաց նշան յաղթութեան յօրինակ ծննդոցս Ադամայ . որ յետ մահուն և ՚ի դժոխս իջանելոյն գոյացուցիչն կենաց՝ կենդանարար նովին սկզբնական կենացն զօրութեամբ դիմեաց ՚ի դժոխս, և սերմանեաց ՚ի նմա զբուսական զօրութիւնն կենացն հատի, և բազում արգիւնարար ներգործական զօրութեամբ վերաբերեաց ընդ ինքեան ամենայաղթ նշանաւ :

Եւ և այլ տեսութիւն : Վրանդի զօրութիւնն Բստուծոյ, որպէս ասէ գիր, ՚ի տկարութեան առաւել կատարի, որպէս յոլով ունի օրինակ . զի Ադամ՝ որ ՚ի պատկեր և ՚ի նմանութիւն Բստուծոյ արարաւ, ՚ի հողոյ ըստեղծաւ . և Նոյ լաստափայտին աստեղծաւ հանդերձ ամենայն կենդանեօք, և սերմն աշխարհի պահեցաւ : Ի ճախոյրձս մականի Ասկոր հօտս բազում ստացաւ . ՚ի ձեռն համբակի միոյ գերւոյ՝ զԱգիպտոս բացակայ և մերձաւոր գաւառօք յեօթնամեայ սովոյն կերակրեաց . ՚ի ձեռն մունի և գորտի զԱգիպտոս տանջեաց : Սակայնաւ ծայրիւ հարեալ գաւազանաւն Սոփսէսի՝ զհամասարածն վիմատառեաց, նովին և զպարաժն հոսանուտս գործեաց . ձեռաց տարածմամբ Սոփսէսի զմանդէկ բազմութեամբ սատակեաց . տապանակաւ զՆորդանան ՚ի վեր կապեայ, և զԱրիւքով ՚ի ձայն փողոյ ՚ի վայր կործանեաց, զքանանացիսն տկար պիծակօք թայթահարեալ կոտորեաց, և ՚ի ձեռն փողոյ և ջահի զԱգիպտոս վանեաց . և ծնօտիւ միով ցամաքելով Սամիսոն յայլազգեստն զհազարմն սատակեաց և զբերսն վա-

նեաց : Արպէս պաղատիտ թղթ զվերան Վզեկիայի բժշկեաց , այսպէս տկար և չնչին հերով երկնային և ոչ երկրաւոր ցուցանէր յաղթութիւն . զի ոչ մարդոյ երեւոյթ զօրութիւնն , այլ Մտուծոյ անտեսականի . զի ոչ յոսկերաց ստուարացելոց , այլ 'ի հերաց նուազացելոց . զի առաւելութիւն զօրութեանն իցէ յՄտուծոյ' և ոչ 'ի մէջ , յանդիմանութիւն թերահաւատին Խարայել :

Եթէ այր մի եբրայեցի այնչափ զօրանայր շնորհօքն Մտուծոյ՝ որ ենթակայացեալ էր յեօթնագիսեան հերս զլիւյ նորա , անպարտելի զօրութիւն ցուցեալ՝ միայն յանձն իւր ցուցանէր զբոլոր ազատութիւն ազգի ժողովրդեան իւրոյ , վասն որոյ դատեաց զԽարայել ամսքսն , որչափ եւս առաւել բոլոր ազգն հազարօք և բիւրօք՝ եթէ կացեալ էին յուխտին Տեառն և ըստ իրաւանց նորա գնացեալ : Եւ արդ ապախտաւոր դտաւ շնորհացն Մտուծոյ , և մոլեկան ախտին երկիր եպագ Սամիւսն . և անդէն մերկացաւ 'ի շնորհացն , լքաւ և կնատեցաւ . ուստի և ուստերաց և դստերաց հեթանոսաց յազօրիս համակեալ , այսն և խաղ եղեւ նոցա : Երջնպէս և ամենայն Խարայել յորժամ որթոյն երկիր եպագ , և երնջուցն զոհեաց , Վամաւսեայ նուիրեաց և զՄահադ պաշտեաց , 'ի ճանձիկն Մկկարոնի հարցանէր և նրստեալ լայր զՍամուղ , յայնժամ մատնեաց 'ի գերութիւն զզօրութիւնս նոցա , և 'ի սուր հեթանոսաց էած փակեաց զնոսա , և ոչ ոք էր որ օգնէր նոցա . և այսպէս լի եղեւ նախատանօք 'ի մէջ հեթանոսաց :

Իսկ Սամիւսն որչափ նախատեցաւ 'ի նոցանէ , այնչափ լի արար զերեսս նոցա անարգանօք 'ի յաճել հերացն և 'ի զօրանալ շնորհացն Մտուծոյ 'ի նմա : Եւ այսպէս և Խարայել յետ դարձի գերութեանն , յորժամ հայեցաւ Մտուած 'ի նեղութիւնս նոցա , յայնժամ յիշեաց զուխտ իւր՝ որ ընդ Մբրահամու , և զղջացաւ փոխանակ նոցա ըստ բազում ողորմութեանն . այցարար և ժողովեաց 'ի հեթանոսաց զորդիս ազգի ժողովրդեան իւրոյ . և այնուհետեւ ոչ ասէն 'ի նոցանէ՝ Թէ ուր է Մտուած նոցա : Եւ ահա յայտնի եղեւ զօրութիւնն Մտուծոյ 'ի վերայ նոցա աւ 'ի խնդրել զվրէժ մահու յատելեաց իւրեանց , և հատուցին դրացեայ

եօթնպատիկ: Այլ այսպէս փառք Մատուծոյ ծագեցաւ  
 առ նոսա, որով փառաւորեալ պարծին 'ի Տէր. զի նմա  
 վայել է փառք իշխանութիւն և պատիւ այժմ և միշտ  
 և յաւիտեանս յաւիտենից. ամէն:



## Հ Ա Յ Ր Մ Ե Ր ՈՐ Յ Ե Ր Կ Ի Ն Ս

Ի պարզ բնութեամբ, և առաւել ունի զբարձրութիւն բանից. 'ի վեր հայեցոյց, և զ'ստուած հայր ուսոյց ամենեցուն. որդւոց առ հայր կարգալ՝ անձուկ գրութոյն ստիպէ զնոսա, և կամք կարօտութեանն զհայրն ածէ 'ի գութ ողորմութեան: 'Ստ կամաց հօրն՝ և որդիքն պարտին լինել. ապա և հայրն ըստ կամաց որդւոցն՝ զպէտս նոցա կատարէ, և բոլոր մեծութեան իւրոյ զնոսա առնէ ժառանգորդս: հայրք անուն՝ մի է հոգեւորաց և մարմնաւորաց. պէտքն ըստ մասանց բաժանեալ որդին 'ի միմեանց: Օ երկրաւոր հարս ախտք ցանկութեան մարմնոյ շարժեցին յորդեծնութիւն, ըստ ախտաւոր յղութեանն՝ ախտաւոր որդիս ծնանել: Փոփոխական է հայրութիւնն. երբեմն որդի եղել հայրնա հրաժարեաց 'ի կենաց աշխարհէս, բարձաւ 'ի նմանէ հայրութիւնն. 'ի թեղի մատեաւ որդին և եղել հայր, և զնոյն ճանապարհ զնաց: Այսպէս փոխանորդութեամբ վախճանելոց է աշխարհս:

Մի է հայր ճշմարիտ և արարիչ բոլոր աշխարհիս. առանց ախտից յղացաւ, և առանց ցաւոց ծնաւ զամենայն զերեւելիս և զաներեւոյթս. որ ծնանն՝ նոյն եկեալ օւսուցանէ զորդիսն կարգալ առ հայրն երկնաւոր, զի մի հանապաղ 'ի խանձարուրս և յորրանս կացցէ աշխարհս, կաթնածուծք և ջամբակերք, թաթաւեալ և թաղեալ գարշելի աղտովք. յորմէ ճանձրացան մարք և ստնաուք, և զերեսս 'ի բաց դարձուցին դայեակք և անուցիք: Այլ են սոքա օրէնք և մարդարէք. 'ի ծով լուացին և ոչ կարացին սրբել. ընդ գետս անցուցին և ոչ ողողեցան. յաճախեցին յօճառս և լուացան բարակաւ, և ոչ սրբեցան. զիւրեամբք ածեալ բարձին, ըն-



կեցին և 'ի բաց կային : Վթաղաւ Հայրն երկնաւոր , խոնարհեցաւ յերկնից յերկիր , եգիտ զամենեսեան յաբին յապաժոյժ , 'ի զոհս մեռելոտի կոտց պաշտամանն : Մ, լուաց , սրբեաց , զգեցոյց զհանդերձն երկնաւոր , և մերձեցոյց անդրէն 'ի նոյն որդեգրութիւնն : Ստոյց ըզհայրենի վարդապետութիւնն , զի կարդասցեն առ սիրելի Հայրն երկնաւոր : Յորժամ , ասէ , յաղթաւ կայցեք , մի տղայաբար շատախօսք լինիջիք : Մտուած սրբտին խորհրդոցն է լսող , և բարի գործոցն է հատուցանող փոխարէն բարի : Ըերանով վկայութիւն պաշտօնի է բաւական ասելն . “ Հայր մեր որ յերկինս , սուրբ է անուն քո , , :

Սե՛ծ է այս պարգեւս քան զամենայն պարգեւս առ մարդիկ , Մտուծոյ՝ Հայր լինել մարդկան : Չիք իշխանութիւն հրեշտակաց զայս ասել . թէպէտ և հզօրք են և հոգեւորք , սպասաւորք են և ոչ որդիք : Սվ մարդ , զգոյշ կաց անձին քում , յորպիսի պատիւ մեծարեցար՝ մինչեւ Հայր քեզ զՄտուած իշխեցեր անուանել . և զայս եւս աճ զմտաւ քով , ըստ հօրն պատուի և զքեզ ձեւացո , զի ծանիցեն վերինք և ներքինք՝ թէ արդարեւ Մտուծոյ որդի ես : Բանիւ ծնանի Մտուած զմարդն . թէպէտ և բանիւ ոչ կարես , մի ըստ մարմնոյդ կամաց թաթաւիր ընդ երկիր . հատ ընկեա 'ի քէն 'ի բաց զաւելորդ ցանկութիւնս : Ըատ և բաւական համարեա քեզ զհարկաւոր կերակուրնս . մի անցանք և շուայտանար : Ի գիրութենէ սոնքանայ մարդ , և 'ի բազում ճարպոյ ելանեն անօրէնութիւնք , որպէս յարբեցութենէ գիջութիւնք պղծութեան . այնպիսին ոչ կարէ անուանել զՄտուած Հայր : Սչ ահա քեզէն իսկ վեկայեցեր ասելով՝ սուրբ է անուն քո . անուն Մտուծոյ ո՛ կարէ դնել . սուրբն ասելով՝ այն է ճմարիտ անուն Մտուծոյ : Սուտ աստուածոցն անուանքն ոչ են սուրբ . ոմն գող , ոմն սպանող , ոմն շուն , և ամենեքին իւրաքանչիւր ախտիւքն չարչարանաց . մանաւանդ թէ չիցեն իսկ , և ոչ այլ լինելոց են : Սարդիկ որ զնոսա աստուածս անուանեցին , նոքա ոչ են ճմարիտ որդիք Մտուծոյ . որոց ուսուցանէ կարգալ առ Մտուած , և որոց յաղթան հրամայէ կալ առ Հայրն , նոքօք բանայ դուռն ամենեցուն , զի ամենեքեան ընդ այն դուռն դիմեացեն

մտանել, զնոյն ազօթս ուսցին՝ աղաչել զՄատուած և ասել. Հայր մեր որ յերկինս, սուրբ է անուն քո : (Յոր ժամ՝ ճմարտախօս ուսցին լինել յազօթսն, ապա և ճմարտագործք երեւեցին յաշխարհի, յայնժամ կարեն լքանել և ՚ի բաց թողուլ զուտ աստուածսն . որ քարին և փայտին հայր և մայր կարդային, և ՚ի նոցանէ ՚ի բաց կացին, և յանառակ գործոց իւրեանց հրաժարեցին, սրբեցան միտք իւրեանց՝ ՚ի գիտութիւն ինաստութեան, և բացան բերանք նոցա համարձակս բարբառել և ասել. « Եկեացէ արքայութիւն քո . եղիցին կամք քո որպէս յերկինս և յերկրի » :

Իբրեւ թագաւորեաց Մատուած ՚ի վերայ ամենայնի, արքայութիւն նորա ՚ի վերայ կամարարաց իւրոց : Երայն, ստէ, եկեացէ արքայութիւն քո : Եւ յիբրեւ զայն, « Օագեացէ աստղն (Յակոբայ, և յարիցէ այր յԻսրայէլէ, և հասցէ և աստակեացէ զգորութիւնս Մամիկայ » : Եւստղն ծագեաց, և այլն յարեաւ, Եհար սատակեաց զսատանայ, որ էր գորութիւն հէթանոսաց : Եւս կամք Մատուծոյ եին ՚ի սկզբանէ, և կատարեցան ՚ի գալստեան Տեառն մերոյ (Յիսուսի Վրիստոսի : Օայս ազօթս բանիւք պարտիւք ուսանել, և հաւատովք յուսալ յերկրորդ գալուստ նորա, յորժամ ըստ ազօթից մերոց և գործք մերերեւեցին ստուգութեամբ :

« Եկեացէ արքայութիւն քո » : Ինքն արքայութիւնն ուսուցանէ վասն իւր խօսել. « Եր յաշխարհի, և աշխարհ նոյաւ եղեւ, և աշխարհ զնա ոչ ծանեաւ » : Աւուսցանէ Հայր ասել, զի զնա միայն գիտասցես արարիչ աշխարհի, արարչութեամբ՝ բոլորովին, որդէգրութեամբ՝ մարդոյ միայն . որ արարն՝ նոյն և արքայ, և որ եկն՝ նոյն և արքայութիւն նորա . որ բնութեամբ Մատուած մեր, նոյն Հայր մեր՝ շնորհօք աստուածութեամբն իւրով : (Յորժամ Մատուած Հայր է ամենեցուն, Վրիստոս եզապր է ամենայնի՝ որ առնեն զկամն նորա : Եր արքայ, և եղեւ քո եղապր : Եւս պարզեւք մեծ են քան զառաջին արարչութեանն . յայնժամ ըստ պատկերի Մատուծոյ ասացաւ լինել մարդ, իբրեւ թէ ըստ օրինակին ձևացոյց . որպէս և կամեցաւ հողեղէնն հողեղինիս տիպք լինել, զի և սա ՚ի նա ուսցի առաքիւնութեամբ ձեւանալ : Իբրեւ ոչ կարաց միաբանել նմա,

ինքն իսկ զնորա տիպն էառ, որպէս և ինքն գիտէ . ինքն ձեւացոյց անխախտելի և անքակտելի զորպիսութիւնն, անհասանելի և անասելի, միայն հաւատալի և յուսալի, և զնա միայն արժանի սիրելութեան՝ որ մերօրն ընդ մեզ խօսի և ուսուցանէ . խօսի ազգակցան և ուսուցանէ զաներեւոյթ աստուածութիւնն յերեւելիս, զի երեւելեօք զաներեւոյթ արքայութիւնն ծանխցես . ուրով եկն՝ նոյն և երկրորդ անգամ եկեսցէ : Այժմ՝ վարդապետութիւնն զաշակերտան որդիս ասաց, և զծառայս տէրս արարեալ, և զմահականացուս յանմահութիւն հրաւիրեալ ասելով՝ եկեսցէ արքայութիւն, ՚ի զգուշութիւն պատրաստութեան . ապա ՚ի հատուցմունս իւրաքանչիւր իշխանութեան : Արշափ և զքեզ կարասցես վիճակեցուցանել, ՚ի մասունս արքայութեան վերաբերել ըղձական են աղօթքն, և ՚ի վեր քան զանութիւնս մեր պարգեւս խոստանայ :

“ Աղիցին, ասէ, կամք քո, : կամք Աստուծոյ է սրբութիւն մարդոյն, զի բաժանակից արար արքայութեան իւրում . ոչ զի ոչ կարիցեմք հասանել յայն բաժին, այլ զի դիւրաւ ստանայցեմք զհամբերութիւնն վասն յուսոյն մերոյ իբրեւ զայնօրի՝ որոց զաղօթան ուսոյց . եթէ նոքա կատարեցան ըստ աղօթիցն, ապա և մեք կարեմք . միայն հաւատա յուսա սիրեա, և անդէն կատարեցար ինչումեամք : Աւ եթէ տրտմութեամք չարչարակից լինիս Վրիստօթի, ինքն Աստուած զօրացուցանէ ՚ի համբերութիւնն . և եթէ ոչ գոյր կարողութիւն, և ոչ զայնպիսի զաղօթան Աստուած ուսուցանէր մեզ : Յառաջինսն հայեցարուք և քաջալերեցարուք . ոչ զչարչարանսն միայն բաւական համարեցան անձանց ՚ի հաւատս, այլ և զմեռանեխ քան զպարելն . ՚ի նահատակադիրն հայեցան և կատարեցան : Արցա՝ բանիւ գովողք եղիցուք, և գործովք՝ զանձինս մեր ՚ի նոյն նահատակութիւնն կատարեալք : Հասարակաց է Աստուած հայր ամենեցուն . հասարակ պարտիմք որդիք լինել ամենեքեան, զի և մի է ժառանգութիւնն զոր բաշխեաց ամենեցուն :

“ Աղիցին կամք քո որպէս յերկինս և յերկրի, : Քբու կարէ Աստուած զբոլոր մարդիկ երկնաւորս անել, զաղօթան ՚ի մեր կամս ընկենու . զի մեք երկրա-

ւորքս՝ մեղէն կարեմք լինել երկնաւորք : Ս երկն զօրքն ամենեւեկն կամաց նորա սպասեն սիրով . լծեալ կան ՚ի միաբանութեան փառաւորելով զ՛ստուած , և յահազին փառաց նորա ծածկեն զոտս և զերեսս , զի յինքեանս սիրեացեն զ՛ստուած . փոխանակ այզ տեսանելոյ՝ զսէրն բաւական համարին յանձինս իւրեանց . ՚ի նոցա սիրոյն և Մտուած զկամս իւր սիրով ՚ի նոսա կատարեաց : Ս ՚ի փութացուք մարմնաւոր այզ տեսանել զ՛ստուած , զի մի ծախիցիմք տարածամ : Սէրն ՚ի մէջ լիցի առ նա պատգամաւոր , և ՚ի սիրոյ նորա կատարեացին կամք նորա ՚ի մեղ : Օ որ ինչ ուսուցին մեզ մարգարէքն , զայնու փութացուք երթալ . քանզի նոքա բանիւք խօսեցան և գործովք կատարեցին . ոչ այլ որ էր նոցա վարդապետ , այլ որ քեզ զաղօթս ուսոյց . և դու բանիւ ուսիր զաղօթս , և գործով փութա կատարել : Ս հեռի ես ՚ի հրեշտակաց , այլ ընդ նոսա կաս յաղօթս , զի ընդ նոսին փառաւորեացես զ՛ստուած . որպէս դու ընդ նոսա միաբանիս , նոյնպէս և նոքա ընդ քեզ երգակից լինին յաղօթսն և յօրհնութիւնսն : Հաւմարձակ բանաս զբերանդ և ասես , « Եղիցին կամք քո որպէս յերկինս և յերկրի » : Ս՛եծ է այս իշխանութիւն քան զառաջին օրհնութիւնսն . անդ ՚ի վերայ երկրի միայն տիրել իշխանութեամբ . աստ , ասէ , յերկինս և յերկրի :

« Օ հաց մեր հանապազորդ տուր մեզ » : Օ երկրաբոյս հացս Մտուած առանց աղաչելոյ ամենեցուն շնորհէ առ հասարակ . « Օ մարդիկ և զանապուհ կեցուցանես դու , տէր » : Եւ որպէս մարթի ասել . սա և հանապազորդ իսկ չէ . տղայութիւն արգելու , հիւանդութիւն կարճէ , կարօտութիւն խափանէ , մահ քակէ և ՚ի բաց հատանէ : « Հարքն ձեր կերան զմանանայն յանապառին և մեռան . այս է հացն ճմարիտ՝ որ յերկնից իջեալ . յայսմ հացէ եթէ կերիցէ որ՝ մի մեռցի յաւիտեան » : Եւ սէին ՚ի նմանէ զբանն , և ոչ կարէին զաղվաղակի ՚ի միտ առնուլ . կրկնէ և երեքկնէ զնոյն բան և ասէ , զի դիւրաւ լուիցեն և հաւատովք ընկալցին ըզբանին զօրութիւն . « Ես եմ , ասէ , կենդանի հացն՝ որ իջեալ յերկնից . յայսմ հացէ որ ուտէ , մի ձաշակեացէ » : Օ այս հացս ուսուցանէ յաղօթսն իւրնդ

րել Մատուցոյ հանապազորդ : Եթէ քաջ միտ զնես, որ զայս հացս սրբութեամբ ուտէ և ըստ արժանի սման պատրաստէ զանձն իւր, երկրաւոր արքայութեանս նա ոչ կարօտանայ. 'ի մահկանացու ձեռս անմահ հաց եղեալ՝ անդէն վաղվաղակի և ձեռքն անմահացան. և ուտելով զսա՝ բոլորովին մարդն չնչով և հողով և մարմնով հոգիացաւ և բաժանակից եղել Քրիստոսի. միայն զսկիզբն զօրութեան մինչեւ 'ի վախճան անարատ պահելով : Չիք ինչ յերկրաւոր չարչարանաց, որ նմա յաղթէ. արհամարհեալ է առաջի նորա արծաթ, և ոսկի ատեցեալ է յաչս նորա, ցաւ համարի զմեծութիւն աշխարհիս, վասն զի խորհուրդք իւր սրբեցան յազատութիւն երկնաւոր՝ անմահ հացին առլցեալ : Այն եղել բաւական ամենայնի. եթէ տղայ է, կատարելահասակ երեւեցաւ. եթէ 'ի ցաւոց տկարացաւ, զօրութիւն Մատուցոյ 'ի նմա բնակեցաւ. եթէ վախճանեցաւ 'ի կենաց աշխարհիս, զանմահ կեանսն ընդ իւր տարաւ առ Մատուց : Օ այս ուսուցանէր Տէրն մեր յաղթան աղաչել առ ինքն՝ զհաց մեր օր ըստ օրէ տուր մեզ, ոչ յերկրէ, այլ 'ի Տեառնէ. յայտ է թէ և ոչ յերկնից, այլ զՏէրն ամենեցուն. « Մ. յս է, ասէ, իմ մարմին, և այս է իմ արիւն », : Թէպէտ և անփշրելի էր, վասն սիրոյ քո փշրեցաւ. և զքեզ՝ որ 'ի կամս քո փշրեցար, անփշրելի աստուածութեամբն յինքն յարեաց. « Աչ թողցես զանձն իմ 'ի դժոխս, և ոչ տացես սրբոյ քում տեսանել զապականութիւն », : Յուրբաթու խաչեցաւ 'ի փշրումն մահու. 'ի միաշաբաթով զփշրեալ ոսկերսն Մղամայ ժողովեաց և յարեաց յանմահութիւնն, և երեւեցոյց բազմաց ճշմարտութեամբ և ոչ առ աչօք. մի օր հացացաւ 'ի վերնատանն, և հանապազ հացանայ յեկեղեցիս 'ի վերայ սուրբ սեղանոյն. նախ ինքն յինքենէ ճաշակեաց, և ապա զմեզ զամենեսեան ճաշակիցս արար նմին չարչարանաց : Աս և ոչ այսուհետեւ 'ի չարչարանս է, այլ 'ի հայրենի փառսն փառաւորի 'ի հրեշտակաց և 'ի մարդկանէ, և զմեր ամենեցուն զչարչարանս եբարձ յիւր անչարչարելի աստուածութիւնն : Օ այս յոյս հաւատոց մերոց իբրեւ զհարիսիս հաստատուն սրահեցուք յոգիս և 'ի մարմինս մեր. որպէս սիւն շինուածոյ է հաստատութիւն, հա-

ւատք մարդոյ են անքահուծիւն առ Մտուած . որով  
 Համարձակուծեամբ կարէ բարբառել և ասել . “ Թող  
 մեզ զպարտան մեր , որպէս և մեք թողումք մերոց պար-  
 տապանաց , , :

Մյս են աղօթք ճմարիտ , բանական և գործնական .  
 յորժամ դու ոչ պահանջեսցես զպարտան յրնկերէն քո  
 առ քեզ , յայնժամ և Մտուած զբոլոր յանցանս չնոր-  
 հեսցես քեզ յանմեղուծիւն : | ուր Պետրոսի՝ զհարդ-  
 ուսաւ ՚ի Տեառնէ : Մյս եօթն անգամ կամեցաւ թո-  
 ղուլ զյանցանս եղբօրն , Տէրն մեր զեօթն եօթանա-  
 սուն անգամ ասաց : Պետրոս իբրեւ զկարդ սահման  
 եզ , Տէրն մեր ոչ սահմանեաց զբարերարութիւն մար-  
 դասիրութեան աստուածութեանն իւրոյ : Հանապազ  
 մեղանչեմք բանիւք և գործովք մերովք , և Մտուած  
 տեսանէ և զանց առնէ , զի երկայնմուծեամբն իւրով  
 ածցէ զմեզ յապաշխարութիւն . չմեղանչելն իսկ՝ է մար-  
 դոյն ՚ի կատարեալ արդարութիւն . իսկ եթէ յանցեալ  
 իբրեւ զմարդ , փութացի զղջանալ յապաշխարութիւն .  
 Ի բաց են դրունք ողորմութեան նորա , ոչ փակէ ընդ-  
 դէմ ապաշխարողաց . մանաւանդ որք հաւատովքն գի-  
 տեն ինդրել , նոքա և առաքինութեամբ կարեն ճգնել  
 ՚ի վաստակս հոգեւորս . նոքա ոչ միայն զպարտան թո-  
 ղուն ընկերաց իւրեանց , այլ և զինչս իւրեանց բաշխեն  
 ՚ի կարօտեալս . զօրութիւն Մտուծոյ է՝ որ ձգէ զնոսա  
 յառաքինութիւն , որպէս և առաջինքն առնէին . “ Ար  
 միանգամ , ասէ , գեղից և ագարակաց և ընչից տեարք  
 էին , վաճառէին զհւրաքանչիւր ստացուածս և բերէին  
 դնէին առ ոտս Մաքեղոցն , , : Տէր մեր զնոսա քարոզս  
 բանին առաքեաց . նոքա քարոզք էին բանին , և ընչից  
 մատակարարք : Չայն բանի յունկն հասանէ , և սէր  
 վերնոյն առանց բանի ուսուցանէր զառատութիւն . ոչ  
 զի աղքատանալ կամէին , այլ զի այլում մեծութեան  
 հասցեն՝ երկնաւորին : Եւ դու յորժամ ընկերին թո-  
 ղուս զպարտին քո , ոչ զի ատելով ատէիր զիրսն քո ,  
 այլ զի սակաւ ողորմութեամբն զոր արարեր՝ զբազմա-  
 պատիկ պարտան քո զոր պարտէիր՝ թողցէ քեզ Մ-  
 տուած : Օ այս բանից զՏեա երթիջիր . յորժամ ընկե-  
 րին քում՝ թողուս , և դու թողութեան արժանի եղեր :  
 Համարձակուծեամբ բանաս զգերանդ և ասես . “ Ի՞նչ

տար զիս՝ի փորձութիւն, այլ փրկեա՛ի չարէն, ։ Աչ են կամք Մատուծոյ զմարդն տանել՝ի փորձութիւն, այլ ապրեցուցանել՝ի փորձութենէ և փրկել՝ի մահուանէ . զի որ յիւր Որդին ոչ խնայեաց, այլ վասն մեր ամենեցուն՝ի մահ մատնեաց, նովաւ զամենայն բարիս չնորհէ ամենեցուն՝ որ խնդրեն՝ի նմանէ : Թէպէտ և ոչ է մեր կարողութիւն փոխարէն հատուցանել Մատուծոյ, որչափ կարն է մեր՝ մի հեղգասցուք : Սակաւապետութիւն մեր՝ի պահս համարեալ է, և չափաւոր արբումն՝ի զինեհատութիւն, միջին հանդերձքն յանսիրութիւն, և հարկաւոր ստացուածք յաղքատութիւն . վասն երանութեանն հեղբան լինել, ընկերին ուսուցանել ցածութիւն : Եթէ անբուն ոչ կարեմք լինել, մի բնաւ զգիշերն քնոյ տացուք, զի մի բնաւ մոռացկոտ լիցուք՝ի սաղմոսս և յօրհնութիւնս : Եթէ զկարօտութիւն աղքատաց ոչ կարեմք լցուցանել, մի պատառաւ և բաժակաւ կարօտացուցուք զնոսս : Սի գտցի յափշտակութիւն որբոց և այրեաց՝ի ստացուածս մեր . ամենայն զինչ և իցէ մեր՝ նուիրեալ լիցի Մատուծոյ . յայնժամ և անձինք մեր լիցին նմա պատարագ հաճոյ և ընդունելի : Մենեցուն փութալ արժան է՝ի պատուիրանս Մատուծոյ՝ առնել և կատարել, արանց և կանանց, ծառայից և ազատաց, զի Տէր մեր վասն ամենեցուն թողութեան եկն . և նորա մարդասիրութեանն վայելեն փառք իշխանութիւն և պատիւ այժմ և միշտ և յաւիտեանս յաւիտենից . ամէն :



Յաջորդ ճառք գասնին յանուն Եղիշէի Վարդապետի . այլ հա. րազատութեանն և իմաստիցն չիք երաշխաւորել :

## Ի ՄԿՐՏՈՒԹԻՒՆՆ ՔՐԻՍՏՈՍԻ

Նրաչափաւ և պայծառ մեծի լուսաւորութեան աւուրս հանդիպեցաք, զմարգարեական զերգս առեալ աղաղակեսցուք սուրբ սրտիւ և կատարեալ հաւատով. “Տէր Լստուած մեր երեւեցաւ մեզ”, յա և առաքելական քարոզն գոչէ ասելով. “Լճա ժամանակ ընդունելի, ահա օր փրկութեան”, Երկրորդ և վերստին ծնունդ Քրիստոսի ըստ մարմնոյ, յետ առաջնոյ և անպատումն և անհաս և անքննելի ծննդեանն: Լճն անժամանակ ՚ի չօրէ ծնունդն ոչ քննելի մտաց մարդկայնոց, և ոչ հասու եղեալ անմարմին և երկնաւոր զօրութեանցն. բայց միայնոյ չօրն՝ որ զնայն ծնաւ, և ծնիցելոյ միաձնին և քննողին չօգւոյն սրբոյ զխորս Լստուծոյ: Իսկ երկրորդի ծննդեանս ժամանակեայ լինելով մարմնով ՚ի կուսէ յառաջ եկեալ, յայտնեալ երկնաւորաց և երկրաւորաց մասնաւորաբար, այլ ոչ կատարելապէս: Իսկ երկրորդս գերագոյն խորհրդոյ զօրութիւն. քանզի ըստ թուոյ երեւնամեայ զօրով դայ ՚ի մկրտութիւն, կատարեալ յամենայնի ըստ աստուածութեանն, կատարեալ և ՚ի հասակի մարդկութեանս: Եւ քանզի երկոց տասանց գործէ զմարդն կատարեալ, ըստ այսմ ստեղծագործեալ և առաջինն Լստամ, խաբեալ յօձէն արտաքոյ լինի փափկութեանն դրախտին. ըստ այնմ կատարելութեան տնօրինեալ երկրորդ Լստամն ջախէ զգլուխ վիշապին ՚ի Յորդանանու հոսանսն: Լրդ ՚ի սկզբանն չրջէր չօգին սուրբ առանց կերպի ՚ի վերայ ջուրց առ յօրինել զտարր արարածոց, զոր կուխեաց նախանձաւոր թշնամին: Լստ չօգին աղաւնս կերպ տեւելամբ զաղապանութիւն արարածոց վերստին հրաչափործեաց. զծածկեալ խորհուրդն յախտեան կան ծանոյց, յայտնեալ զանձնաւորութիւն Երրորդութեանն. ձայն չօր և ՚ի վերայ սիրելի միաձնի Որ.



դուրս : Յառաջնումն ապականի երկիր ջրհեղեղաւն կուրրատեամբ . իսկ աստ կենագործի երկիր ջրհեղեղաւն մկրտութեամբ , ոչ յրնկղմումն արարածոց ըստ բնութեանն , այլ զմեղաց ընկղմէ զգործ : Ընդ թաղումն 'ի ջուրն սեռի մարդկան զեղծումն գործեաց . աստ թաղումն 'ի ջուրն նորոգումն և կենաց հաղորդութիւն : Ընդ աղաւնի շղաբեր ունելով , զաւետիս ցածութեան բարկութեանն աւետարանէր . աստ աղաւնույ նմանութիւն զկենացն առհաւատչեայ և զվնտնջնաւոր յարակայութիւն առ աստուածութիւնն աւետարանէր ձայնիւ հօր , որ զեկուցանէր զսիրելութիւն Որդւոյ : Ըստ սոր կուսածինն յամբողջոյն ընդունի զձեռնադրութիւնն , Ըստուածն ճմարիտ յորդւոյ քահանայապետին , ամենասուրբն 'ի մեղաց 'ի լցելոյն հոգւովն սրբով յորովայնի մօրն : Ըստ է շարադրութիւն ազգակցութեան Սարիամու առ Լիլիսաբէթ , այլ ոչ ըստ ազգականութեան տոհմից . վասն զի ոչ խառնակի ցեղն Յուդայ ընդ ցեղապետն 'ի Էւեայ : Եւ զայստօիկ օրէնադիրն ցուցանէ :

Ըրդ զմի ճանապարհ վարեցին Վրիստոս և Յովհաննէս . այլ Վրիստոս տիրաբար և աստուածապէս և մարդասիրաբար , իսկ Յովհաննէս ծառայապէս , մարգարէօրէն և բարեկամաբար . զմի ունելով կարապետ երկրորեան զՎաբրիէլ հրեշտակապետն : Ըստ ոչ համեմատի Օւքարիա ընդ Սարիամու . զի առ քահանայապետն ահիւ և իշխանաբար առաքեալ զամբոյ արգանդին պողաբերութիւնն քարոզէր . և 'ի չհաւանել ծերոյն՝ կապեաց զէզուին յարձակումնն զքահանային : Իսկ առ Սարիամ զաւետիս գալտեան Ռանին աւետարանեաց . և 'ի չհաւանել կուսին՝ զհոգւոյն սրբոյ զեկաւորութիւնն պատմէ կարող այնմ խոստմանն լինել , յիշատակ բերելով զմարգարէականն բան : Ուստի և 'ի լեռնակողմն հրէաստանի ընթացեալ 'ի նկատել զասացեալն հրեշտակապետին որ վասն յուրութեանն Լիլիսաբէթի . որ զազգականութիւնն առ միմեանս համեմատէր , զՍարիամուն առ Լիլիսաբէթ . այս ինքն զկուսական արգանդին զյուրութիւնն , և զամբոյն զպողաբերութիւնն յանցեալ ժամանակի :

Ըրդ մտանէ Սարիամ 'ի տուն Օւքարիայ , կեն

դանի տապանակն ունելով յինքեան զՆանն կենդանի :  
 Իսկ Լոյիսաբեթ ունելով յինքեան յերում տապանակին զձայն Ռանին կենդանույ, և տուեալ ողջոյն  
 Լոյիսաբեթի Սարիամ, իսպտոց ձայնն ընդ գալուստ  
 Ռանին : Յարգանդէ յարգանդ նոր սբանչելիք լինէին :  
 Լոյիսաբեթի մանուկն յարգանդէ մօրն յորովայնի կուսին  
 բնակեցելումն զպարտս երկրպագութեանն հատուցանէր :  
 Ո՛վ հրաշիցս . 'ի միում վայրկեան ժամանակի յորովայնի  
 բնակեալքն բացայայտեն զճշմարտութիւնն . մինն ծառայաբար  
 մատուցանէր, իսկ միւսն սիրապէս ընդունէր զեստուումն  
 խոնարհութեանն : Յետ այսորիկ հասանէր օր ծննդեան  
 Լոյիսաբեթի . և կոչելով զյորջորջումն անուանն՝ լուծանի  
 կապանք լեզուին հօրն և քահանայապետին . քանզի ոչ էր  
 պարտ 'ի դալ ձայնին լուել հօրն : Ըրդ հասանէ օր  
 ծննդեան կուսին, և խզէ զկապանս նախահօրն  
 քահանայապետին յաւիտենականաւ, օր  
 կոչեցան Յիսուս :

Դարձեալ դադարէ Յովհաննէս յանապատին ամս  
 երեսուն, և առաքի 'ի մկրտութիւն յետ կատարելոյ  
 այնց ժամանակաց : Առեալ դադարէ և Յիսուս նոյն  
 գունակ . մտեալ ընդ Թուոյ ամաց երեսնից՝ և դայ 'ի  
 մկրտութիւն, անաղտն 'ի մեղաց, առլցեալն անդատին  
 յորովայնէ մօրն հոգւոյն սրբով, առաքեալն 'ի հօրէ  
 սիրապէս առ առաքեալն 'ի հոգւոյն սրբոյ յանապատին  
 ծառայապէս, Տէրն մարգարէիցն և Առաքելոցն առ  
 Առաքեալն և մարգարէն, սկիզբն և անդրանիկն ամենայն  
 արարածոց առ 'ի յետին մարգարէիցն և առ 'ի վերջին  
 օրինացն և առ անդրանիկն Առաքելոց և առ որ 'ի  
 յայնմ հետէ արքայութիւն Մտուծոյ բանադատի : Այս  
 կարապետս՝ կատարած հնոց օրինացն Սովսէսի . և սկիզբն  
 նոր օրինացս՝ Վրիստոս : Տեսեր զառ 'ի միւսեանց  
 զճշմարտութիւնն հետեւողութեամբ, այլ ոչ համեմատաբար .  
 զի ոչ հեռաձգեալ որոշին նմանութեամբն, և ոչ բովանդակին  
 յարելութեամբ : Օրիթակետ և ասիցի ծնունդ և ծնունդ,  
 այլ մինն կուսական, իսկ միւսն ամլական . մին 'ի  
 հոգւոյն սրբոյ յղացեալ, իսկ միւսն սերմանական 'ի  
 Օպարիայէ սաղմնառեալ : Վաղում օրինակս ունի  
 յինքեան Լոյիսաբեթ . իսկ 'ի կուսութեանն  
 ծնանել և 'ի կուսութեան մնալ մօրն, ոչ

օրինօք և ոչ 'ի մէջ արարածոց լինեալք կամ լինելոց է կարողութիւն. բայց միայն 'ի միոյն 'ի միածնէն ըստ բարբառոյ մարգարէութեանն Եսայեայ՝ որ գուշակեաց Եւանջելոսէ զճնիցեայն : Տեսանէս զանջրպետութիւնն 'ի մէջ Վրիստոսի և Յովհաննու, մերձեալ և յոյժ հեռագոյն :

Ըրդ երկրայ յայտնեցի քեզ և զանուանցն զանազանութիւն զՅիսուսի և զՍկրտչին, պէսպէս և այլազունակ մերձենալով և հեռաձգելով : Ըսի տէր Յիսուս, ասի և տէր Յովհաննէս. այլ նա ըստ բնութեան տէր և արարչութեան, իսկ Յովհաննէս ըստ հասարակաց առ 'ի միմեանց յորջորջմանց : Դարձեալ կոչի մարդ և Յիսուս. սակայն ոչ իբրեւ զմի 'ի մարդկանէ, զի ոչ ունի ըստ մարմնոյ հայր, որպէս և ոչ ըստ առաջին ծննդեանն մայր : Իսկ Յովհաննու հայր և մայր գոլով յապականացու սերմանէ ունելով զմարդեղութիւնն : Կոչի Վրիստոս ծառայ ըստ մարմնոյ, եթէ « Արդի մարդոյ ոչ եկն պաշտօն առնուլ, այլ պաշտել », ոչ ըստ բնութեանն, այլ կամաւոր աղքատութեամբ : Իսկ Յովհաննէս ըստ բնութեան գոլով ծառայ հաւասար մեզ 'ի ծառայական կերպի : Դարձեալ անուանի արեգակն արդարութեան Վրիստոս, անուանի և Յովհաննէս Ճրագ. անուանք լուսաւորութեանն, և զանազանութիւն յոյժ մեկուսի. զի մին զաշխարհս լուսաւորէ անվախճան լուսոյն, իսկ միւսն աղօտաբար սուղ ինչ առ աչս մատուցանէ զտեսաւորութիւնն : Աննապարհ ասի Վրիստոս. իսկ Յովհաննէս պատրաստող ճանապարհին Տեառն : Վարողէ Վրիստոս աշխարհի ապաշխարել, զի մերձեալ է արքայութիւնն երկնից. քարողէ և Յովհաննէս. այլ և Յիսուս ընդհանուր օրեգերաց, իսկ Յովհաննէս յատուկ միայն ազգին հրէից : Դառն է Վրիստոս բարձող զմեզս աշխարհի սակս խաչին. գառն է և Յովհաննէս հերովդիազայ մոլեգնութեամբն զենեալ : Ես վասն փրկութեան առ 'ի մուտս սրբութեան յաւիտենականի, և սա վասն յանդիմանութեան օրինացն : Կարապետ կոչի Վրիստոս տիեզերաց. կարապետ ասի և Յովհաննէս երկնային կարապետին : Սկրտէ Վրիստոս, այլ 'ի հօգի և 'ի հօր զկատարեալ մկրտութիւնն. մկրտէ և Յովհաննէս, այլ

միայն ապաշինարութեամբ : Մկրտեցաւ Վրիստոս դարձեալ արեամբ . մկրտեցաւ և Յովհաննէս արեամբ ձեռնադրեալ 'ի Տերովդիայ : Վարդէ Վրիստոս որք ընդ իշխանութեամբ մահու էին 'ի դժոխս . քարոզէր և Յովհաննէս նոյն 'ի դժոխս զգալուստ արեգահանն արդարութեան : Յոյով և պէսպէս պատմէ կտակ աստուածային զյորջորջումն անուանցն զանազանութեանցն , որ բաւականացեալքս կայցին : Բայց և ոչ զմեծն և զառաւելագոյնն թողում . ասել արժանաւոր վարկանիմ՝ զանզուգահանն և զարարչականն : Ետուած է Վրիստոս , աստուածացոյց և Յովհաննէս . Վրիստոս բնութեամբ , իսկ Յովհաննէս բոտ նորին : Որպէս է որդին Ետուծոյ բոտ բնութեանն Ետուծոյ , իսկ Յովհաննէս և որ բոտ նորա՝ հաւատովք որդիք բոտ չնորհաց : Եւ մի չիացուցէ զքեզ ասացեալքդ՝ եթէ աստուածացոյց ըզ-Յովհաննէս . որ և զիս աստուածացուցէ , բոտ այնմ՝ եթէ երեւեսցի Ետուած 'ի մէջ աստուած եղելոց և թագաւորաց . քանզի ասէ մարդարէութիւնն . « Ես ասացի թէ աստուածք իցէք , կամ որդիք բարձրելոյն » . այլ և առ Սովսէս ասէ . « Ետու զքեզ աստուած Փարաւոնի » : Բոտ այսմ օրինակի ասին սուրբքն աստուածք , այլ ոչ բոտ անզուգական արարչութեանն :

Եւ դարձեալ վերստին երկրորդելով զկարապետին շարադրելով զանուանան և առնութեք զփրկչականն անուն , զի 'ի մեծի այսմ առուր ընծայեցուցից 'ի լուսաւորական յայտնութեանս զբանից իմոց զպտուղ : Եւ քեալ և մարդարէ առաքեցելոյն 'ի Տօրէ Բանին . մարդարէ՝ որ զմարդարէացեալն տեսեր . կարապետ արեգականն արդարութեան . ճրագգ մեծի լուսոյն . արուսեակդ թափանցիկ և անհասանելի լուսոյն . պատրաստող կենաց ճանապարհին . բարեկամ փեսային . ձայն Բանին . քարոզ ճշմարտութեանն . ձեռնադրող այնմ՝ որ ձեռօքն իւրովք ստեղծ զամենայն . վկայ վկայեցելոյ 'ի Տօրէ Բանին . մկրտիչ՝ որ մկրտէ 'ի հուր և 'ի Տօգին . 'ի ծնունդս կանանց վերագոյն ամենայն արարածոց . աւետարանիչդ Սիովսի , քարոզդ Երուսաղէմի , աղաղակէիր ասելով . Եհա գառն Ետուծոյ՝ որ բառնայ զմեզս աշխարհի . ահա գառն Ետուծոյ՝ որ 'ի խաչին պատարագի , և զապականութիւն արարածոցս նորոգէ

ջրով և հողով և արեամբ . հրեշտակ մեծի խորհրդոյ հրեշտակին , որ երիւք կատարեալ մկրտութեամբն զերից զանձնաւորութեանն կատարէր զգաւանութիւն : ջրով զապականեալն մաքրէր , որպէս առ համաշխարհական բարկութեամբն . բայց սակայն լուացումն բարկութեան և կորստեան , իսկ սա լուացումն կենդանութեան , և մաքրումն հողոյ ընդդիմակաց զօրութեանն յարձակելոյն 'ի սատանայական հողոցն ազդեցութեանց : Իսկ ջրով , որպէս զի փորձեսցէ իբրեւ զսկի ընտիր , զի խոտանն տոչորեսցի , և 'ի բանից որոշեսցի 'ի պատուական նիւթոցն . զի զտեալ ընտիր կացուցէ ըզմարդեային բնութիւնս . ստեղծագործելով վերստին արարչագործեաց : Եւս է մեծի մկրտութեանն զօրութիւն , լուսաւորութեանն պայծառութիւն , որով հայր յայտնի և Որդի ճանաչի և սուրբ հոգին քարոզի . մկրտչին պատիւն համբաւի . մկրտեալն զմկրտչին առաւելութիւնն քարոզէ ասելով . “ Ըն յարուցեալ 'ի ծնունդս կանանց մեծ քան զհոյճաննէս . բայց փոքրիկն յարքայութեան երկնից մեծ է քան զնա ” : Եւս փառք յաւիտեանս . ամէն :



## Ի ԹԱՌՈՐ ԼԵՐԻՆ

ՅԱՅՏՆՈՒԹԻՒՆ ՏԵԱՌՆ ԱՌ ՊԵՏՐՈՍԵԱՆՑ

Մինչդեռ երթային նորա՝ ի ճանապարհի, ասէ Տէր մեր ցերկոտասանսն. “Օ ո՞ ուստեք ասեն զինէն մարդիկս թէ իցեմ”, : Պատմեցին նմա զարտաքնոցն, զի այլ ընդ այլը կարծէին : Ըսէ ցնոսա. “Իսկ դուք զինչ ասէք զինէն”, : Յառաջեցաւ Պետրոս և ասէ. “Դու ես Վրիստոս Յիսուս որդի Լստուծոյ : Գովեաց Տէր մեր զգեղեցիկ վկայութիւն նորա, և Հօր իւրում ետ զյայտնութիւն Հորհին. և զի դեռ եւս Պետրոս այսր և անոր դեգերէր, կարծէր եթէ Վրիստոս ոչ մեռանիցի, ոչ քաջ գիտացեալ՝ եթէ մահուամբն նորա մահ մեռանի և աշխարհ կենդանանայ. ետես Տէր մեր եթէ մոռացաւ Սիմոն զերանութիւնսն երկնաւորս, արկ մորմորումն բանից՝ ի լսելիս նորա. բոլոր ինքն շարժեցաւ յահագին երկիւղէն իբրեւ լուա՝ ի Տեառնէ, եթէ “Պարտ է որդւոյ մարդոյ բազում չարչարանս ընդունել, մեռանել և յերիր աւուր յառնել”, : Եւ յիստորմեցոյց անուամբ մահուն, և առաւել քան զյոյժ մխիթարեաց աւետօք յարութեանն : Իսկ նորա՝ ի մեծ տագնապէ մահուն յիշատակօք մոռացաւ զաւետիս յառնելոյն. որպէս և է տեսանել ի բնութեանս մերում. Հին ախտքն բնութեանն մեղացն՝ ոչ տայ թոյլ վաղվաղակի եկամուտ նորոյ կենացս ի ներքս անկանել. որպէս և որդիք ժողովրդեանն Հին կուրութեամբն խանտային ընդ նորոյ կենացս երեւումն, անուանելով զնա Լիզիա կամ Լորեմիա կամ զայլ ոք յառաջին մարդարեայն, չար ի մխիթարութիւն անձանց իւրեանց մահկանացուացս : Մահկանացու կարծէք՝ զմիտս ժողովրդեանն յերկուացուցանելով յայնմանէ, որ եկն կատարել զքանս մարգարէիցն : Լովին ախտիւ խօթանայր և

Պէտրոս. զվկայութիւնն Կեղեցիկ մատոյց, զխորհուրդսն չարաչար հիւանդացոյց. իբրեւ յանգագ սաստկագոյնս ընդդէմ չոպա. «Վաւ քեզ, մի լիցի այդ բան», ասէ : ( ) քորոք հին կարծիս մտացն ած թափեաց, զառաջին Կեղեցիկ վկայութիւնն ելոյծ. Հայր յայտնեաց նմա զբոլոր աստուածութիւնն Արդւոյ, զի աստուածութեամբ և մարդկութեամբ զչարչարանսն ընդունիցի, և որ չարչարիցի՝ նոյն և յառնիցէ : Հայսմ աւետիս խնդալ էր ամենեցուն, և ոչ ըղձիւք արգելուլ զնա յերկոցունց : Տեսեր, ուր զաստուծոյն խօսեցաւ, երանի ետ նմա. իսկ ուր ըստ հին մարդոյն խորհեցաւ, ասաց նմա յայտնապէս. «Յետս երթ, սատանայ, զի ոչ խորհիս զԱստուծոյն, այլ զմարդկանս», :

Սարգոյ խորհուրդք իբրեւ զժուխ անպիտան էն. 'ի ծուխ անդր սաստեաց և հետակորոյս արար զնա 'ի նոր մարդոյս, զի իցէ ինքնածագ լցս առանց ապականացու խորհրդոյ, որ և արքունիքն իսկ անուանելոց էին՝ յորս սաստեաց. և առ ընկէց զնա յետոյ իւր, զի ինքն ըզկամն Հօր իւրոյ կատարիցէ առանց գայթակղութեան իրիք դնելոյ : Աւսոյց և նոցա չարչարանս ընդունել յիւրաքանչիւր անձինս, և անդէն առ նմին յուսով յարութեամբ հաստատեաց զնոսա. ոչ միայն որ յապայն լինիցի, այլ զի և առժամայն փոքր 'ի շատէ ցուցցէ զնման ծութիւն երկրորդ գալստեանն իւրոյ, որպէս և ասէ իսկ անսուտ վկայութեամբ. «Ղրդարեւ ասեմ ձեզ, իցեն ոմանք որ այժմ աստ կայցեն, մի ճաշակեսցեն զմահ, մինչեւ տեսցեն զարքայութիւնն Աստուծոյ, զի եկեալ հասեալ իցէ զօրութեամբ իւրով», :

Եւ յայսմ տեղւոջ երեւի ոմանց սակաւիկ մի ընդդէմ միմեանց բանք աւետարանագրացն : Ստութէոս յետ վեց աւուր ասէ. իսկ Ղուկաս և Սարկոս յետ ութ աւուր ասեն. այլ մեք բաւական համարիմք զմանց ասացեալսն. Ստութէոս, ասեն, զաստի անտիսն եթող և միայն զմիջոցն առ 'ի համար. իսկ երկուքն և զխոստանախն և զերեւելն հանդերձ միջաւն. և հաճոյ թուեցաւ ամենեցուն ընդունել զայս. և մեք 'ի նոցուն հաւանիմք միաբանեալ, որպէս ցուցանէ մեզ Սարկոս աւետարանագիր. Եւ եղեւ յետ բանիցս այսոցիկ իբրեւ անցին աւուրք ութ, առեալ Տէր մեր ընդ իւր

զՊետրոս և զՅակոբոս և զՅովհաննէս, և ել 'ի լեառն մի բարձր առանձինն . և յայլակերպս եղեւ առաջի նոցա, և ձորձք իւր եղեն փայլուն և սպիտակ յոյժ, որպէս զի ոչ կարէին թափիչք երկրի այնպիսի ինչ սպիտակացուցանել . և երեւեցան նոցա Ս'ովսէս և Լ'ղիա զի կային և խօսէին ընդ Յիսուսի և պատմէին զեյա նորա զոր կամէր կատարել Արուսաղէմ : Յայս վայր սուրբ աւետարանագիրս երկրորդեաց զյայտնութիւնն երկնաւոր : Յամենայն բանս աստուածային գրոց՝ յոյժ է զարմանալ հողեղէն բնութեանս . իսկ յայնպիսում յերկնաւոր երեւման՝ ոչ միայն մեք թկարանամք, այլ և անմարմին զօրութիւնք երկնից : Օ բոլոր ժամանակն զոր շրջեցաւ Տէր մեր յաշխարհի՝ առաւել զանցուցանէ ըստ մարդկան խոնարհութեանս . իսկ 'ի լերինս յայսմիկ՝ և ըստ հրեշտակացն անցոյց ահաւորութիւնն . ոչ միայն զի ինքն լոպսեղէն փառօքն երեւեցաւ, այլ զի և զմահուն եբեկ դրունս, և զառաքելոյն կատարեաց զխոստմունս . “ Լ'ստուծոյ, ասէ, այսպէս լաւ խորհել, զի առանց մեր մի ինչ կատարեսցի ” : Լ'լ Վաւիթ յաղազակէն իւրում ասէ . “ Ենձ սպասեն արդարք մինչեւ հատուցես ” : Լ'լ երկրորդ մեծ ձայնիւքն 'ի մեծամեծաց մինչեւ ցփոքրկունս՝ կատարածին ոչ ուրուք ընկալեալ լինի զհատուցմունսն իւրաբանչիւր . որպէս 'ի միում շաբաթու հաստատեաց զամենայն արարածս, 'ի միում աւուր շաբաթանան երկինք և երկիր, և ամենայն մարդ ընդունի ըստ վաստակոց իւրոց : Լ'րդ էած ընդ իւր ըլլ Ս'ովսէս և զԼ'ղիա 'ի վկայութիւն . զի Ս'ովսէսիւ զյարութիւն մեռելոցն ուսուցանէ նոցա, և Լ'ղիայիւ ցուցցէ զսիրելի մահ աստուածութեանն իւրոյ նոցա, որում Լ'ղիայն յոյժ էր տեղեկագոյն, և ցանկայր թէ երբ լինիցի տեսանել . և տեղին Ճմարիտ էր արքայութիւն, քանզի լիով էր անդ միանական Լ'րրորդութիւնն : Լ'լ վասն զի ոչ է Լ'ստուած 'ի տեղւոջ, երեւեցաւ մարմնաւ կանացն իբրեւ զտեղաւոր . և 'ի տեղւոջն ուր Լ'ստուածն զումարեցաւ՝ առանց պատկառելոյ անուանի արքայութիւն . քանզի այն իսկ է արքայութիւն՝ ուր աստուածութիւնն երեւի :

Լ'լ զու, ով տէր իմ Պետրոս, ընդէր զահի հարեալ ես 'ի մահունանդ, ուստի բոլոր բարիքն զեղանին աշխար-



Տի. զոր և այժմ իսկ յայլոց զգոյն լուիցես . զի ասէ աւետարանագիրն եթէ Սոլսէս և Լոյիա զեւնորա պատմէին զոր կատարելոցն էր յԱրուսաղէմ : Ըրդ իբրեւ ետես Պետրոս, եթէ մեռեալք և կենդանիք զնոյն բանս քարոզեն, և ինքն կամօք Տէր յայն եկեալ է Տօր միաբանութեամբ, եւս քաջ վտանգեցաւ յառաջին երկուդն . քանզի հաստատեալ գիտաց եթէ ՚ի մահուանէ Տէր մեր ոչ է զանգիտելոց, և մեզ թողուլ և փախել զսա անհար է . նա և զայն եւս քաջագոյն ածէր զմտաւ . եթէ յորժամ իջանէ սա ՚ի լեռնէ աստի, պարզ յԱրուսաղէմ երթայ, ուր մեզ կասկած իսկ է մահու . վասն այս խղճի մտաց իւրոց սկսաւ ասել ցՏէր, զի հրամայեցէ առնել տաղաւարս իւրաքանչիւր նոցա, և զՍոլսէս և զԼոյիա մի արձակեցէ անդրէն . որպէս թէ ասիցէ որ ՚ի կարծիս մտաց իւրոց, թէ չիք յայսմ լեռին իշխանութիւն մահու, և եթէ ՚ի լեռանս յայս մահ երկնչի ելանել . հրեայքն իսկ ոչ կարեն յանդգնել ՚ի սա . ապա եթէ և մեք իսկ երթիցուք յԱրուսաղէմ, յորժամ և Սոլսէս և Լոյիա ընդ մեզ իցեն, ոչ կարեն քահանայքն խուել զմեզ . քանզի յոյժ տեղեկագոյն են սաստիկ ահին սոցա : Ըն Սոլսէս է այս որ յանապատին բիւրս բազումն կոտորեաց ՚ի նոցանէ, և բանիւ հրամանաւ սորա բացաւ երկիր և եկուլ զբանակս նոցա : Սեն անտեղեակ և վասն Լոյիայի, թէ սակաւիկ ինչ խոժոռին ընդդէմ սորա, կապէ զերկինս և արգելու զանձրեւ ՚ի սոցանէ . և եթէ եւս յանդգնեցին իջուցանէ հուր յերկնից և այրէ զթշնամիսն ճըլմարտութեանն . ՚ի բազում տեղիս գիտեն զգօրութիւն ահի սորա, ոչ միայն անուանեալ քահանայքն, այլ և արտաքին ուրացողքն նոցա . չէ մոռացեալ նոցա զսատակումն զութհարիւր քրմաց նոցա զոր ինքն իւրովք ձեռօքն կոտորեաց ՚ի հեղեղատն Սիլոնի . և եթէ Ըրքաբ թաղաւոր երկնչէր ՚ի սմանէ, որչափ եւս Ըննա և Սայիափա որ տկարագոյնք են քան զԸրքաբ :

Ս ասն այսր ամենայն կարծեաց նոցա որ մարդկաբար երկնչէին, յոյժ ողորմեալ նոցա Տօր ՚ի վերուստ ասէ . « Իս է որդի իմ սիրելի, զմա լուարուք », : Ըառայք երկրաւորք պահապանք լինէին տեառն իւրեանց . զի երկրեան անկեալք են ընդ ախտիւք երկիւղի . երկնից

տէրութիւնն ոչ ինքն յումեքէ պահեալ լինի, այլ նա պահէ զամենեսեան իւրով զօրութեամբն: Առ տաղաւարս հարկանել դուք մի աշխատիք. եթէ կարի ջեռարուք, ահա տուեալ է ձեզ ամպ հովանի, ընդ ամպովք հովանեաւ զովացարուք: Այս բարբառ իբրեւ եկն նոցա յերկնից, հայեցան տեսին զՍիսուս միայն. և ապա կարացին իմանալ, եթէ յահէ անտի թմբրեալ էին նոքա, և ոչ գիտէին զինչ խօսէին: Առ եթէ թմբրեալս կոչէ զնոսա գիրն, զիւրոք ծանեան զՍուլէս և զԱղիա. յայտ է թէ յիմարելոց էին թմբրեալք, այլ ոչ ՚ի լսելոյ և յիմանալոյ. զոր աչօքն տեսին՝ ճշմարտ էր, և զոր ականջօքն լուան՝ չէր սուտ. այլ քանզի կարի ահագին էր ժամն, ոչ կարաց մարդկային բնութիւնն հասու լինել երկնաւոր բնութեանն. վասն զի այսր և անդր սայթաքէին և մեղադրել ոք ոչ կարէր: Օ ի եթէ մեծն Աբրա համ զվերին զօրութիւնսն բողոքովին մարդացեալս ետես, բախելով ՚ի յոգիսն՝ ոչ կարէր կալ ՚ի վերայ ճշմարտիւ, այսր և անդր տարաբերէր զմիտան. տեսանէր երիս և մի կարծէր, կարծէր մի և խօսէր ընդ երիս. երեւէին մարդ, նա իմանայր Աստուած. և ո՞րսկ ՚ի հողեղէն բնութեանս կարասցէ ճշմարտիւ կալ և իմանալ զայն զանբաւ մեծութիւն. ոչ միայն մարդիկ մարմնաւոր, այլ և ոչ պարզ բնութիւնքն երկնից: Յիրաւի կոչէ գիրն թմբրեալս զնոսա. յորմէ զօրութենէ լերինք հալին և անդունդք ցամաքին, և ամենայն թանձրահող երկիրս ՚ի հիմանէ դղրդեալ սասանի. ողորմութեամբ իւրով ինայէ ՚ի մեզ, զի գործք ձեռաց նորա եմք. որպէս հաւնապազ յամենեսեան և այն օր երկեան ՚ի լերինն:

Վիտեմք զի աստուածային գիրք այլ ընդ այլոց չեստին, այլ զամենայն պատմեն ճշմարտիւ. բայց է բան, որպէս ասի՝ նոյնպէս և իմանի. այլ պիտոյ է ծածկեալ մտաց բանին յայտնութիւն, որ հաւատովք ընդունին ՚ի փրկութիւն անձանց: Օսանեան, ասեն, պետրոսեանք զՍուլէս և զԱղիա. իբրեւ ասես, եթէ այն ծանեան, զիւրոք ասեն ծանեան՝ զոր ոչն գիտէին. քաջ ՚ի միտ առ զզօրութիւն բանին, և մի մտացկոտ լինիր իբրեւ զտէր Պետրոս. ՚ի գլուխ ճառիդ ընթերցիր, արքայութիւն ասաց տեղւոյն. չիք անդ մտացումն մարդկային, այլ յիշողութիւն անմտացման. քանզի մեզ

նմանութեամբ էր տեղին արքայութիւն, իսկ առ աստուածութիւնն ամենայնիւ բովանդակ: Ուսոյց մեզ Տէր ոչ զքնական դպրութիւնս, այլ զիմացական գիտութիւնն. իբրեւ թէ փոխեցան արքն յերկրէ յերկինս, զստտի իմացմունս թմբրութիւն կօչեցին. զանտեսն ճանաչելով՝ արքայութեան մանկունս անուանեաց, և մարգարէութեան մանկունս. ուսոյց նոցա գիտութեամբ, զի ոչ եւս կարօտանայցեմք յերկնաւոր ժառանգութեանն, անծանօթս լինել առաջնոց, միջնոց և վերջնոց: Յորժամ արքայութեան որդիք լինիցին արժանաւոր մարդիկ, ծանօթութիւն յաստուածատուր շնորհէ անտի բաշխի. զոր այժմ մտօք իմանամք՝ ընդ հայելի օրինակ անուանեցաւ. իսկ յորժամ մարմնական քող ՚ի մէնջ բարձցի, դէմ՝ յանդիման տեսանեմք զաստուածութիւնն որպէս և մարթի, զհրեշտակոց բնութիւն բովանդակ, զանծանօթսն իբրեւ զանձինս մեր, արտաքնովքս իբրեւ զարտաքին դէմն, մտօք զարտաքին և զներքին: Եւ զի դեռ եւս պետրօսեամք մարմնաւորք էին, կաթեաց ՚ի նոսա նշոյլ իմանալի շնորհին ՚ի յոգիսն. բաւանդակ ծանեան զ]] ովսէս և զԱղիա. իսկ արտաքին զգայութեամբք էր ՚ի տեղւոյ անդ՝ որ այլ ընդ այլոյ խօսեցան. և այլոյ մասամբ զարձեալ ողորմեցաւ նոցա Մտուած. այն է՝ զի հաւաստեաւ ծանեան զ]] ովսէս և զԱղիա. և զի մի ինչ գէզ մնացէ ՚ի միտս նոցա, ՚ի բանից անտի նոցա եւս քաջ հաստատեցին դժանօթութիւնն: Արքա յայտնի խօսէին ընդ Տեառն, և սոքա զամէն լիով լսէին ՚ի նոցանէ, և զոր լուանն՝ այլ ոչ իմացան. զի եթէ մոռացեալ էին՝ և գրէին ոչ աւետարանագիրքն:

Բայց ինդիր այս կայ առաջի. զինչ արդեօք Սովսէս խօսէր ընդ Տեառն, և կամ զինչ Աղիա երկրորդէր առաջի նորա: Ընկտարանիչն պատմէ եթէ զէլս նորա ասէին զոր կատարելոց էր Արուսաղէմ. ելք նորա մահ նորա է, և ՚ի մահուանէ իսկ նորա եղեն ամենայն բարութիւնքն երկնաւորք: Եւ ո՞ր արդեօք գրեաց Սովսէս վասն մահու որդւոյն Մտուածոյ: Սի այդպէս հարցաներ զիս թէ ո՞ր արդեօք գրեաց. ամենայն մարգարէք և օրէնք վասն մարդանալոյ Բանին Մտուածոյ պատմեցին մեզ, չարչարելոյ և մեռանելոյ և յառնելոյ:

ի Նստունդն . “ Սարգարէ ձեզ յարուսցէ Մատուած յեղբարց ձերոց , յօրէնսդրութիւն նորոց կտակարանաց . մի իբրեւ զին ասելով նմա լուիջիք , զիւր օրէնսն լուեցոյց . զՏեառնն յառաջ հրամայեաց մատուցանել , ի մկրտութիւնն , ի ծոփն , յամսն , ի սիւն հրոյն , ի խոցումն կողիցն , ի վտակաբուխ վէմն : Եթէ յինէն ոչ ընդունիս , յԱռաքելոց հարկաւ որ ընդունիս . “ Սէմն , ասէ , որ երթայր զհետ ժողովրդեանն նա ինքն էր Վրիտտոս , ի փայտ խաչին , ի գաւազանն նշանագործ , ի մահ անարատին , ի հեղումն արեան գառանցն յԱզգիպտոս , ի զօրութիւն մահուն փրկութեամբ նոցին ի ծառայութենէ , զաւետիս յարութեանն , զայն սուրբ ոսկերքն Յովսէփու պատմէին նոցա . մեռեալք զկենդանիս ապրեցուցին ի մահունէն . զվերանալն նորա՝ մեծն Ղաւթիթ գրեաց նոցա և ամենեցուն . “ Համբարձաւ Մատուած օրհնութեամբ և Տէր մեր ձայնիւ փողով , : Օայս ամենայն և Եղիա գիտէր , քանզի մի հոգի էր որ խօսէր յամենեսեան , միօրինակ գիտէին ամենեքեան . էր որ սակաւ բանիւք զայս ասէր , և էր որ բազմագոյն առնէր զյանդիմանութիւնն , սակայն զօրութեամբ զսոյն երկրորդեն : Օայս ամենայն խօսէին ընդ Տեառն Սովսէս և Եղիա , զի Ղաքբեալքն վկայ լինիցին անսուտ բանից նոցա , եթէ վաղու հասեալ էր դատաւճիւն մահու ի վերայ նոցա , և մի որ իշխեսցէ լինել ընդդէմ բանիցն նորա . և որպէս երեւեցաւ յայտնի , յայնմ հետէ այլ ոչ որ իշխեսցաւ երկրորդել զնոյն բանս առաջի Տեառն :

Բայց դու իբրեւ լուիցես զկալն մովսիսեանց և խօսել ընդ նմա , մի վարկարարազի անփոյթ առնիցես և մի սակաւ բանս իմանայցես , և մի ընդ վայր շատխօսութիւն համարեցիս . քաջ զմտաւ ած և տես զպատուական արսն . եթէ միտ դնես , զբոլոր երկրային արքունեօքս զանց առնէ տեղին . և կամ ոչ արաջի կանն , և կամ որք կանն՝ եթէ ոչ զերկնից մեծութիւնն ունէին , ոչ կարէին առաջի Տեառն երկնից կալ և խօսել ընդ նմա . այլ սիրով իւրով ած զնոսա , և ողորմութեամբ իւրով մերձեցոյց առ ինքն , և ներելով իւրով արար նոցա զունկնդրութիւնն . վասն որոյ կարացին լինել յերկարաբանք : Թուի ինձ թէ յոյժ ողբային զազ-

գատոհմն, զի գուժ ունէին 'ի վերայ գաւառացն վաւրն քաղցր արմատոյն . թէպէտ և լեալ էր 'ի նոցանէ յառաջ արդարք բազումք, յայնմ ժամանակի չար տեսանէին զամենեսեան : Ամարտեցին եթէ եկն եհաս ժամանակ, և մերձեցաւ օրն յորում շիջանելոց էր նոցա ճրագն առկայծեալ, և եղէզն ջախջախեալ արմատաքի խլելոց էր . 'ի ծածուկ ողբային զագգն 'ի միտս իւրեանց . տեսին եթէ ամենայն ինչ նոցա 'ի հեթանոսս փոխելոց է, և նոքա մնան լոկ իբրեւ մարմին առանց շնչոյ : Տեսին և զբարերարութիւնն Մատուծոյ, որ ոչ կամի ընդ կորուստ և ոչ ընդ մի մարդոյ, համարձակեցան հարցանել ցՏէր՝ որ գիտէր զծածուկս սրտից նոցա, եթէ գուցէ ինչ հնարս, ասեն, այլով օրինակաւ քեզ չմեռանել, և ազգին չկորնչել, և հեթանոսաց լինել փրկութիւն : Իսկ Տէր մեր ոչ տրտմեցոյց զսիրելի ծառայան իւր, այլ զհարցումն սլատասխանոյն 'ի կամն Հօր իւր արար :

Գուցէ ասիցէք ցիս, ուստի իշխեցեր զանգիրսդ երկրորդեւ : Եւ իսկ տեսի զՏէր զի լայր զԱրուսաղէմ, և յոյժ լայր զագգն ընտրեալ . նոյնպէս մեծ էր, զի այսօր 'ի վերայ երեսաց իւրոց յաղօթս անկաւ առ Մատուծ . ոչ մարդ էր դու զնաքեայ, այլ բոլոր զօրութեամբ իւրով, յերկար տաժանութիւն զողջոյն գիշերն, մինչեւ քրտունք սաստիկք հոսեցան 'ի նմանէ : Եւ 'ի կատարել աղօթիցն, զմովսիսեանց հարցուածն երկրորդէր . « Հայր, ասէ, եթէ հնար է՝ անցցէ բաժակս այս յինէն », և անդէն վաղ վաղակի զինգիր իրացն 'ի կամն Հօր իւրոյ ապաստան առնէր : Եւ դարձեալ եկաց յաղօթս, և զնոյն բանս երկրորդեաց : Եւ մեզ այս կարեւոր է ուսանել քան զամենայն . որպէս նա ըստ կամն Հօրն ոչ կամեցաւ ելանել, և մի դու ըստ նորա կամնն ելանիցես : Եւ ասն որոյ և եղիայեանք ոչ կարացին մեզագիր լինել Տեառն . նոյնպէս և պետրոսեանք որք ականասեպք եղեն, ոչ միայն մեղադրեալք, այլ և նոքա շնորհակալու ընդ ամենայն տիեզերս : Եւ յ է յերկարաբանութիւն արանցն առ Տէր, ոչ միայն շատ իօսելով ընդ նմա, այլ ամենեւին չգնալ 'ի նմանէ, նա և եթէ հնար ինչ գուցէ՝ մեռանել ընդ նմա . և եթէ Սովսէս ոչ մարթէր կրկին մեռանել, վամն Լիդիայի՝ եթէ Տէր կամէր՝ գոյր հնար :

Յորժամ առաջին հարցուած նոցա 'ի գլուխ ոչ չողաւ, վասն երկրորդին յոյժ էին ցանկացեալք: Ո՞րք 'ի սիրելի զօրականացն մնասցէ 'ի պատերազմէ, յորժամ թագաւորն ինքնին 'ի վերայ թշնամւոյն ելանիցէ. և եթէ երկրայինքն զայս առնեն, որք յերկբայս են յաղթիլ քան թէ յաղթել, քանի՞օն յօժարութեամբ երկնաւորին լինել նահատակակից. զի ոչ մահու կասկած առաջի կայ, այլ անմահ կենաց յաղթութիւն: Յայսմ պատերազմէ ոչ ումեք օրէն է զանգիտել, ոչ արանց և ոչ կանանց, ոչ արդարոց և ոչ մեղաւորաց, թէ հնար է՝ գուցէ և երկնաւորացն: Բայց սա աւասիկ թէպէտ և Այիլայի կարի անձկալի՝ լինել նմա խաչակից, բայց արգել զնա Տէր, զի մի որ յարդարոց խաչացի ընդ նմա. քանզի ոչ իսկ էր եկեալ եթէ վասն արդարոց խաչացի, այլ վասն բարւոյ՝ որպէս և համարձակեցաւ իսկ մեռանել, զի իւրով մահուամբն զամենեցուն մահ խափանեսցէ: Երգել զԱյիլա 'ի մահուանէ, զի մի ըզտուեալ պատիւն հանցէ 'ի նմանէ. և ոչ միայն զԱյիլա արգելու լինել իւր մահակից, այլ և ոչ զմի որ յարդարոց՝ ոչ կամի եթէ որ մեռցի ընդ նմա, այլ 'ի մեղաւորաց, ոչ իւրով բանիւ, այլ զոր քահանայապետքն կամեսցին. յայնժամ թերեւս և անդ երեւեսցի նորա բերերարութիւնն, զոր և յառաջագոյն իսկ ասացեալն է, եթէ վասն մեր ընդ անօրէնս համարեցաւ: Եւ սէր իւր ինայեաց Այիլա, զի կեցցէ յանմահութեան պարգեւին, և լիցի քարոզ երկրորդ գալստեան նորա:

Գիտէ Եստուած զինչ գործէ, և զբարին ինքն առանձինն կատարէ. շատ իցէ քեզ եթէ 'ի նորա յոյսն գիտիցես վայելել, և յորժամ նա դուռն բացցէ քեզ. ապա եթէ կամիս՝ և դու կարես գործել իբրեւ զնա, որպէս եղև Եսաթելովքն և լինի Քրիստոսիւ մինչև ցայսօր: Գիտեմ զի բազումք ցասուցեալ են ինձ. Տէր մեր, ասեն, զարքայութիւնն եցոյց 'ի լերին անդ, և դու եկեալ զմահու ճառս պատմես մեզ: Սիտ գիր ճառիդ, և անտի հաւանիս. ելանել իսկ նոցա 'ի լեռանն՝ մահու պատճառք եղէն սկիզբն. և եկեալ մովսիսեանց գնոյն երկրորդեցին առաջի Տեառն, և մեք 'ի նոյն ճառ տեսաք զարքայութիւնն: Յոյժ սպիտակ էր պայծառութիւն ձորձոյն և անցանէր ըստ արեգակնային ճառա-

գայթապան . ըստ արժանաւոր տեղւոյն և հանդերձիցն վայելութիւն պիտոյ էր . այլ կատարեալ այնիւ էր արքայութիւնն՝ ուր հայր և Արդի մարդկան յայտնին . զայն և անփոփոխ իսկ է իմանալ , անանց կալ մնալ յաւիտենական : Իայց 'ի սպիտակութիւն ձորձոյն սակաւիկ մի ակնարկեցից 'ի մահ անմահին : Ըմենայն արարածք յանմխիթար սուգ նստէին . վասն զի անմահին Ըստուծոյ անմահ պատկեր՝ մարդս է . ընդ մահուամբ անկեալ դնէր յանլոյծ խաւարի , և սգածէին առ հասարակ արդարք և մեղաւորք , և ծանրալից հանդերձ սգոյ ունէին , որ է նմանութիւն խաւարի . և ոչ որ կարէր յեղեղոցս զծանրութիւն սգոյն բառնալ յաշխարհէ , բայց միայն այնիւ էր հնար՝ որով եղեւն ամենայն : Ըրդ զարդարեցաւ 'ի մահն իւր , ոչ երկրային պատուական հանդերձիւք , այլ բնական ինքնածագ լուսոյն իւրով , զի հալածեցէ յաշխարհէ զիշխանութիւն խաւարի , և զԹախծալից տրտմութիւն մարդկան մխիթարեցէ . և զներկուած հին տրտմութեանն՝ իւրով անապական լուսոյն սպիտակացուցէ : Ըւ մարդիկ որ 'ի վերայ մահուան սիրելեաց իւրեանց տխրին և մթանան , և գրեթէ կենդանոյն զմահ ճաշակեն , հայեցին նորա 'ի զըւարթութիւն պայծառութեան մահու որդւոյն Ըստուծոյ , և բարձցի 'ի նոցանէ սուգն անյոյս տրտմութեան , և լցցին յուսով յարութեամբն , և մի եւս այլ երկիցեն 'ի մահուանէ , որ դողացոյց զարդարս և զմեղաւորս : Ըւ ան այսորիկ խօսիմք 'ի տեղւոյն աստ զճառս մահու , զի տեսանեմք 'ի սմա զարքայութիւն երկնից , որ եկեալ հասեալ է զօրութեամբ իւրով մեծաւ համարձակութեամբ : Ոտն հարկանեմք 'ի վերայ մահու . վասն զի յուսով 'ի վերայ արքայութեան տեսաք զանձինս . հաճեալ եմք ընդ տեղի լերինս , ուր կրկին յայտնութիւնն եղեւ առ մեզ , մանաւանդ թէ երեքկին . մեռեալ գիտէաք զՍուսէս և կենդանի տեսաք . նա եբեր զաւետիս յարութեան ամենայն մարմնոյ : Ըստահաւատ ազգն հրէից զհոգին Ըղիայի յափշտակեալ խոստովանէին , և զմարմինն իբրեւ զանպիտան ինչ գոյացութիւն 'ի վայր ընկեցեալ . եկն երեւեցաւ բովանդակ հոգւով և մարմնով , զի բարձցէ զիսիդ՝ 'ի մտաց նոցա , եթէ կամեսցին ընդունել : Ըարծէաք եթէ ոչ անցանէ թագա-

ւորուծիւն մահու . տեսաք անդ 'ի լերին զմահ մեռեալ  
և զկեանս թազաւորեալ :

Եթէ դուք կամիր՝ անդէն 'ի ճառս լերինն դարձցուք ,  
քանդի և իջեալ իսկ չեմք 'ի լեռնէ անտի . և մինչ անդն  
եմք՝ զանտիսն եւեթ խօսեսցուք . և զինչ անդ բանքն  
են՝ համակ զնովիմբ եկեսցուք . և եթէ առ 'ի պէտս այ-  
լոց բանից իջցուք 'ի լեռնէ անտի , դարձեալ 'ի նոյն լեռն  
ելցուք . եթէ երկիցս և եթէ երիցս , սակայն զնոյն ա-  
րասցուք . մինչեւ կատարեսցի ճառս , շուրջ զլերամբն  
փակեսցուք : Բայց առ այժմ՝ 'ի վեր անդ զտէր Պետ-  
րոս հարցանել պարտ է , եթէ առ ինչ սիրեցեր այդ-  
չափ զլեռննդ և այդր կամիս առնել քեզ բնակուծիւն ,  
քեզ և ընկերացդ . եթէ առնիցես՝ սակաւիկ մի պատե-  
հագոյն է քեզ և Տեառն և Սովսէսի : Եւ այդ ինձ  
կարի պատեհագոյն թուի : Յարեաւ , ասէ , 'ի մեռելոց ,  
վասն այսր կամիմ թէ աստ կայցեն : Յարուցեալ՝ որ-  
տաղաւարի կարօտանայ , այնմ եւս յարուծեան իսկ  
չէ արժան ասել , այլ երազ և առ աչօք երեւումն : Ու-  
րեմն չեւ եւս տեղեկացեալ վասն՝ յարուցելոյն , սակաւ  
մի ճաշակ եցոյց քեզ յարուծիւնն , ընդ տեսանելն և  
թմբրեցար . եթէ այնպէս փառօք էին նոքա քեզ՝ որ ան-  
փոփոխ ընդունելոյն են , դու ապաքէն եւս առաւել վը-  
տանդէիր : Բայց ոչ կարեմ մեղադիր լինել քեզ , զի  
դեռ եւս հրէախառն ես . ընթեռնուս զգրեալսդ օրի-  
նացն , այլ իմանալ չեւ եւս կարացեալ զարժանն :

Ի լերինն շքեղացան դէմքն Սովսէսի , և հարքն ձեր  
որ կարացին հայել յերեսս նորա մերկ , և դու զոգիսդ  
ընդ մարմնական վարագուրովդ ծածկեալ ունիս : Սով-  
սէս ծածկելով զդէմն՝ մերձեցոյց վնոսս առ ինքն , և  
Տէր զայն քող մերկանայ 'ի սրտից ձերոց . անդստին իսկ  
ունի զմարդասիրուծիւն առ ազգդ ձեր . աստուածա-  
նուն մեծարեաց զճառայս իւր և փառօք իւրովք զար-  
դարեաց զնա , և ժողովուրդն առ ատելուծեան իւ-  
րեանց փախչէին 'ի նմանէ . և նա նշանօք և արուեստիք  
արծարծէր զնոսս , զի ընդելեալ մարդասիրուծեամբ  
նորա մերկ գիմօք կարասցեն տեսանել զաստուածու-  
ծիւնն : Սոյն սա նա է , որ բազում իրօք կրթեաց ըզ-  
ձեզ , զի այսօր արժանի լինիցիք տեսանել զճաշանչ լու-  
սոյ աստուածուծեանն . բայց այսօր դու լաւագոյն ցու-



ցար քան զնոսա . Թէպէտ և զարհուրեցար , այլ ոչ 'ի փախուստ դարձար . այդպէս երեւեցաւ , եթէ սէր Մտուծոյ մեծապէս բնակեալ է 'ի քեզ՝ քան յառաջին ժողովուրդն :

ՄԵՂ և արդ շուրջ զքեւ հայեաց քաջ . ընդ ում շրջիս , առ ում նստիս , ոյր ես ուղեկից , և կամ ոյր խորհրդակից : Ոչ դու ետուր զգեղեցիկ վկայութիւնն և դու խոստովանեցար զՔրիստոս որդի Մտուծոյ . ով քաջ . Մտուած խոստովանիս և 'ի տաղաւորս բնակեցուցանես . զայդ ոչ միայն Քրիստոս չառնու քեզ յանձն , այլ և ոչ ընկերակից քո Լիդիա . զվերանալն նորա տեսեր դու , և պատիւ մեծութեանն երեւեցաւ քեզ . եթէ զայն Ճմարիտ գիտացեր , զայս ոչ արժանապէս խօսիս : Յինչ նիւթոց կազմեցես զխուզոդ , ասա ինձ . ապաքէն 'ի փայտէ և 'ի խոտոյ . ով մեծ յերկոտասանսդ , քաջայուշ լեր . կառս ունի հրեղէնս , երիվարս բոցեղէնս , հուր և խոտ 'ի միասին ոչ բնակեն . բայց եթէ զայն եւս արտաքոյ թողուցու , ինքն 'ի նոյն պատիւ է զարդարեալ . և եթէ ոչ այնպէս էր , զիտրդ հանդարտէր կայր բոցոյն առաջի : Քեզ այսօր սակաւիկ մի սպիտակութիւն երեւեցաւ , և դեռ աստանդես բանիւք . ուր Լիդիայն բնակեալ է , եւս առաւել պայծառագոյն է , քան որ քեզդ երեւեցաւ . և դու զայդպիսի այր 'ի տաղաւորս հրաւիրես , և ոչ պատկառիս 'ի շքեղ պատուոյ նորա : Վարձեալ և զտէրդ աշխարհաց 'ի կարօտութիւն ածցես և 'ի տեղով կարծես . զզա գիտեա տեղի ամենեցուն և զամենեցուն կարօտութիւն բառնալ : Ոչ 'ի տեղովէ այտի երեւեցաւ դա պատուական , այլ տեղիդ դովաւ շքեղացաւ : Սակաւիկ մի սպիտակ ձորձով զարհուրեցար , յորժամ բուռն հայրենի փառօքն տեսցես , յայնժամ և ոչ զմի տեղի յերկրաւոր պատուականաց աստի դմա համարեցիս արժանի . այլ բարբառն որ եկն 'ի վերուստ՝ զայն գիտեա դմա տեղի և փառս և վայելութիւն անպատում . և դու յայն հայեաց , զՏեա այնր ձայնի լեր կաթողին : Մյժմ աչք մարմնոյդ լցան լուսով , ապա բողբոջին իսկ դու լուսալի լինիս . զի և դու իսկ քեզ հազիւ կարիցես հասու լինել : ՄԵՂ տէրդ արքայութեան՝ չէ կարօտ տաղաւորաց . ամպոյն արժան էր քեզ ուսանել , որ եհար ժո .

զովրդեանն տաղաւարս յանապատի անբաւ բազմու-  
թեանն. ամսն էր բաւական հովանի, և զբոլոր գիշերն  
լոյս հրոյ առաջնորդէր. և եթէ 'ի չարսն այնպէս գը-  
թայր, որչափ եւս առաւել 'ի ձեզ տառապեալս: Օ ա-  
մենայն ինչ թողէք և զհետ դորա շրջիք. զինչ ասե-  
ձեզ լուարուք, և զամենայն բարի կամս ձեր՝ դա կա-  
տարէ: Ընդէն իսկ 'ի տեղւոջդ փոքր մի աղէխարչե-  
ցայք 'ի տապոյ փառաց դորա, արագ արագ թանձրա-  
յոյց զամսն 'ի վերայ ձեր. եթէ սակաւ մի յամեալ էր՝  
և դուք և տեղիդ բոցակէզ լինէիք. նա և 'ի բնական  
ջերմութեանս աստի են տեղիք, ուր ամարանի հրդեհք  
բորբոքին. և եթէ մասնաւոր լոյս այդպիսի սաստիկ տա-  
պով հարկանէ՝ զինչ կարծես զինքնածագն լոյս, եթէ  
թոյլ տայր որ ունէր գծով և զցամաք՝ առ հասարակ կի-  
զար: Յայնմ լուսոյ ճաճանչ սակաւ մի երեւեցաւ Պաւ-  
ղոսի. թէպէտ և ոչ այրեաց զմարմին նորա, զլոյս աչաց  
նորա եկէզ. թէպէտ և այլ չնորհեցաւ նմա, զառաջինն  
կորոյս: Արորմութեամբ իւրով ծածկեալ ունի ինքն  
զինքն, գրէ թէ ոչ բաւեն տեսանել զաստուածութիւն  
նորա: Տեսեր, ուր խոնարհութեամբ խօսի Լստուած  
ընդ արարածս, զմարդասիրութիւնն իւր յայտնէ. եթէ  
որպէս էրն՝ և յայտնէր զինքն, եղեալքս յապականու-  
թիւն դառնային առաջի նորա:

Ընդ մի, տէր Պետրոս, բարիոք թուեսցի առնել զմա  
տաղաւարս, զի չէ ժամանակդ այդպիսի գործոյ, և ոչ  
դու ունիս կազմած շինողաց. չես տեղեակ հիւսնու-  
թեան, և ոչ գիտես յորմ կարգել քարինս: Արդա-  
պէտ անուանեցաւ և զիւր արուեստն ոչ թաքոյց 'ի քէն.  
բայց եթէ դու մտացկոտ ինչ իցես, ես ոչ գիտեմ: Հա-  
նապազ քո առաջի գործեաց և գործէ, և յոյժ կամի  
զի ունիք և բանիւք և գործովք, որպէս ինքն առանց  
մարմնաւոր աշխատութեանց վարէ զարուեստն, 'ի դոյն  
նահատակութիւն և զձեզ կրթէ: Ա'ի ընդ քուն խօ-  
սիր և մի զձմարտութիւնն երազակոծ եղեալ՝ այլ ընդ  
այլս պատմես. յերկնաւոր մանրագորս հոտտեցար,  
զհետ հետոց դորա ուսիր վերաբերիլ. 'ի ստուերաշուք  
տարերցս ելանել փութայիր, քան նստել ընդ սովաւ.  
յանապական լուսոյն 'ի ծմակային տեղիւ մի աղաչէր  
բնակել զայդպիսի չքնաղ լոյս. թէ և ջրայինքն տեսաւ.

նէին՝ ՚ի ցամաք դիմէին, և եթէ ՚ի սանդարամետա-  
 կանան ծագէր՝ ՚ի վեր կորզեալ ածէր զամենեսեանս . ե-  
 թէ գոյր իշխանութիւն՝ հրեշտակաց թողեալ զայն երկ-  
 նից լոյսն՝ առ այդ լոյսդ իջանէին : Այդ լոյս յերկնից  
 յերկիր երեւի, զերկրաւորս յերկինս տանի հանէ . և  
 յորժամ յերկրէ ՚ի վեր ծագէ, զվերինսն ՚ի վայր խո-  
 նարհեցուցանէ . այդ լուսով ետես Յակոբ զտէր լուսե-  
 ղէն սանդղոցն . ՚ի լուսեղէն տեղիս բնակեալ էր Աղիա,  
 զայն լոյս թողեալ՝ առ այս լոյս խոնարհեցաւ և եկն .  
 յայդ լոյս աւանդեալ էր Սոփէս, ազգեցաւ նմա ՚ի  
 Աբբաւ լերինն, փութացաւ եկն առ անձկալիդ : Տե-  
 սանէս զհարդ փարին երկոքեան զլուսոջն . չյազին բա-  
 զում՝ բանիւն զոր խօսինն ընդ նմա . ՚ի ծագել այդ լու-  
 սոյ՝ արեգակն խաւարեցաւ, որպէս աստեղք յարեգա-  
 կանէ . արեգակն ՚ի դմանէ չերեւեցաւ : Աւ քեզ յոյժ  
 երանի տամ, զայդ տեսեր և յայն հրաւիրեցար . ամե-  
 նայն աշակերտ զվարդապետին արուեստն փութայ ու-  
 սանել : Աջ ՚ի քոց տաղաւարաց անտի եհան դա զքեզ .  
 խղիւճս իմն արարեալ ձեր ՚ի ծովեղերին, վասն այդր լու-  
 սոյ՝ ետ թողուլ ձեզ զայն, զի յայդ թեւակոխես՝ ջլք, ընդ  
 այդ ընդել՝ ջլք, զայդիւ եկես՝ ջլք, ՚ի դոյն խոկաս՝ ջլք, դմն  
 արժանի լիճք զգենուլ : Աիք տեսեալ զագգ թռչնոցդ .  
 ձագուցն յորժամ թեւքն թաւացեալ հաստանան՝ ոչ ըն-  
 թացս ունին ՚ի վերայ բունոցն, այլ ՚ի հայրենի արուեստ  
 վերաբերին . զոր տեսանենն՝ զմտաւ ածեն զայն . մինչդեռ  
 մատաղաբոյս են թեւքն՝ անդէն ՚ի տեղումն ստէպ բս-  
 տէպ շարժին . յորժամ բոլոր վարազաթեւք աճեցեալ  
 մեծանան՝ տակաւին ՚ի վեր վազեն ոստախաղաց լինե-  
 լով և աներկիւղք եղեալ յանկանելոյ, ապա բարձրա-  
 ցեալ ՚ի վերոյ օդոց ճախրենն զլերամբք, թռուցեալ առ  
 ամպովք քերեն, անկասկածք անցանէն գնալ յերկրա-  
 սող շնասակարացս :

( Երկնակաւ իմն Տէր զձեզ ուսուցանէ . կրթեաց ՚ի  
 նշանս և յարուեստս մեծամեծս, զի ամենայնիւ զձեզ  
 յինքն սպասաւորեալ միացուսցէ, զի և դուք զայլս ՚ի  
 մահուանէ ՚ի կեանս որսաս՝ ջլք . արար զձեզ կիրթս և  
 հմուտս և տեղեկաւոյնս, զի իցէք պատճառք կենաց  
 ամենայն աշխարհի : Բայց դու որ ոչ էիր ՚ի լերին անդ,  
 մի իբրեւ զանուն լուսոյն լես՝ առ այսմ լոյս հարցին

կացցեն միտք քո. զայս լոյս հանապազ տեսանեմք, ոչ յիմարիմք և ոչ թմբրիմք, և ոչ ամենեւին երկիրդ ինչ անկանի 'ի սիրտս մեր. այլ որ զցայգն եմք՝ նոյն եմք և զցերեկն. վասն զի նիւթեղէն արարած է, և մեզ 'ի սպասաւորութիւն առեալ. պղտոր, մթին, փոշխառն, մրրկեալ, խթացեալ տեսեր, և ոչ զերկինսն վերինս կարէ ցուցանել. և այնչափ օտար է յայնմ լուսոյ, որ պէս և նկարեալն 'ի կենդանոյ: Որպէս և ինքն աստուածութիւնն բազում մասամբք երեւեցաւ մարգարէիցն, և մի որ 'ի նոցանէ զՄատուած ոչ կարաց տեսանել. այլ նամտութեամբն որով տեսին՝ բաւական համարեցան. հանգեան կամօք իւրեանց և կատարեցան բանք նոցա գործովք: Որպէս և այսօր 'ի լերինն երեւեցաւ, այն է զոր հանապազ տեսանէին. այլ ոչ այսօր նոյնպէս տեսին, և ոչ այլ ընդ այլոյ զայլ որ Վրիստոս տեսին. որ էրն՝ զնոյն տեսին, ոչ նոյնպէս դձուծ. փոքր մի վերագոյն քան զառաջինն տեսին և թմբրեցան 'ի նշանաց անտի. և եթէ աւելի քան զձեզ կարծէիք՝ այլ ոչ ինչ 'ի վեր հայէին միտք ձեր: Մատուծոյ նշանագործութիւն բոլոր արարածքս են. զաշխարհս ոչ 'ի նշանս ինչ արարեալ է ումեք, զի և զոյր իսկ որ ոչ յառաջ քան զաշխարհ. և նա բնութեամբ ունի զբարերարութիւնն. զոր ինչ կամի՝ կարէ առնել, ոչ 'ի պէտս իւրոյ անկարօտ բնութեանն, այլ 'ի յեղեղոցս 'ի լուսն առանց պահասութեան. և զմարդ սիրէ քան զբոլոր արարածս. և կամի 'ի ձեռն նշանացն՝ զի զանեղ բնութիւնն ծանիցեն, և 'ի ճանաչելոյ անտի լիցի սիրոյ բարեկամութիւն. և դարձեալ եւս վերագոյնս ձգիցէ, որպէս թէ իւր իսկ առնիցէ դահակից: Օ որ և այսօր առ ձեզ նորին սիրոյ եցոյց զօրութիւն, ոչ երկրաւոր նշանօք, այլ երկնից մասնաւորութեամբ. ցայսօր զմարմնականն տեսանէիք իբրեւ զմարդ, վարդապետ կարդայիք, ըստ մարդկութեան եւեթ իմանայիք զզարմացումնդ. վասն այսորիկ փարատեաց 'ի նոցանէ զմարմնաւոր տգիտութիւնն, զի երկնաւոր յայտնութեամբն կրթեսցէ զնոսա, և մի համակ զմարմնականօքն եկեսցեն. որպէս և ասէ զիրն, եթէ «Յայլակերպս եղև առաջի նոցա», «Յայլակերպսն ոչ այլ ինչ է իմանալ, այլ աստուածականերպ երեւեցաւ առաջի նոցա, զի և զնոսա յայն կեր-

պարանս փոխեաց 'ի ժամանակի իւրում . կրթեցան աչք նոցա հայել 'ի մարմնաւորութիւնն Տեառն . ոչ կարացին խորհուրդք նոցա համբառնալ յերկինս . ընդհարան աչք նոցա 'ի լոյս փառաց նորա , կարացին զարժանի էութիւնն նորա իմանալ : Ի բազում բարձր տեղիս ելեալ էին նոքա ընդ Տեառն , այլ ոչ մտօք . այնպիսի տեսիլ եցոյց նոցա այն օր զիմանալի լոյսն , զի կրթեցեղ զնոսա յեւս առաւելութիւն : Բստ մարմնոյ 'ի լեառն ելին , մտօք վերացոյց յամենայն աշխարհական ցանկութեանցս . բարձր է լեառն քան զբաղաքս , զնոսա քան զբնաւ աշխարհս բարձրացոյց : Երբեմն ելին ընդ Տեառն 'ի Գաղիլեայ 'ի լեառնն՝ ուր զերանութիւնան աւետարանեաց նոցա . բանս երկնաւորս լուան , այլ միտք նոցա ոչ ինչ բարձաւ 'ի յերկրաւորացս . իսկ աստ բանիւք ինչ ոչ խօսեցաւ ընդ նոսա . լուսով երկնացոյց զլեառնն , և լուութեամբ երկնաւորս արար զնոսա :

Ի իսկ 'ի բնութեանս մերում , յորժամ չըջիմք 'ի բազմամբօխ քաղաքի , զքաղաքական կարգան սիրեմք ուսանել . յաճախադոյն պշնումք ընդ փառս երկրաւորս , և խոնարհին միտք մեր յիրս երկրաւորս ապականացուս . և եթէ ոչ մեծաւ պատրաստութեամբ զգոյշ կայցես անձին քում , հազիւ կարացես ապրել 'ի պատիր զբօսանաց աշխարհիս : Ս անն որոյ և Ս ուլսէս հանեալ զժողովուրդն Ազգիպտոսէ , չըջան առ յանապատի անդ ամն քառասուն , և ապա կարաց լինել նոցա օրէնսդիր . իսկ իբրեւ բնակեցան 'ի քաղաքս բազմամարդիս , և զեդեալ օրէնան ոչ կարացին պահել : Եւ է ճշմարիտ , որ ընդ երկիրն պշնու՝ զերկինս ոչ կարէ տեսանել : Ըպա և Տէր մեր իբրեւ Ազգիպտոսէ եհան զաշակերտան 'ի լեառն անդր , և ուսոյց նոցա զանդիր օրէնս երկնից . քանզի և մեր տեղին առաջին անդիր էր : Գիր զմարմնականացն խօսի , անգրութիւն զանմարմին էութիւնն ցուցանէ : Գիր՝ զմահն Ս ուլսէօի պատմէ , իսկ անգրութիւն՝ զյայտնութիւն Տեառն առ աշակերտան : Գիրն ինքն անցական է , և զանցաւոր աշխարհս արկանէ ընդ պատմութեամբ . անգիրն յինքեան գրէ զանցաւորս , զի անանցս արասցէ : Գիրն զլերանալն Ազգիպտի նիւթական պատուականօքս ասէ . անգրութիւն զերեւումն Տեառն և զեղիպեանոյ : Ոչ իբրեւ այլք յայ

լում նստեալք և եկեալք, այլ ինքն ինքեամբ երեւեցաւ 'ի վերոյ քան զերկինս . ոչ այրեցող բնութիւն՝ մարմնականաց ահ արկանելով, այլ լոյս փափուկ և արարող, արպէս և ժառանգաւորաց արքայութեան՝ յանմարմնականաց տեղիան զգենուլ : Այնպիսի տէր երեւեալ, և լատ իւրում էական բնութեանն շնորհեաց և ծառայիցն զնոյն փառաւորութիւն . զի եթէ ոչ այնպէս էին, և ոչ մերձենալ կարէին 'ի հուրն ամենակէզ : Այլ պատրասեանք որք տեսող են աստուածային փառացն, և նոքա 'ի վեր կորզեցին 'ի ծանր մարմնակա նացա, հասանելով մինչեւ յիմանալի հրեշտակաց բնակութիւնս . անցեալ կային գեր 'ի վերոյ մահուամբ, որպէս և երեքն՝ սոյնպէս և երիւքն . ոչ միայն չերկնչել 'ի մահուանէ, այլ և 'ի բազում տեղիս հարածական առնել զմահ 'ի մարգկանէ . քանզի յոյժ մեծացաւ աղքատութիւնն նոցա : Այլին իբրեւ զերկչոտս գտանել 'ի վերոյ քան զերկիւղ . ելին իբրեւ ընդ որդւոյ մարդոյ, զնոյն տեղին անդ որդի Աստուծոյ . ելին տգիտազոյնք, ուսան անդ զկատարեալ գիտութիւն . ելին ընդ այնմ՝ զոր գիտէին ծնեալ 'ի կուսէ, իմացան անդ զնոյն ծրնեալ 'ի հորէ յառաջ քան զաշխարհս . ելին ընդ այնմ՝ որ մերտեալն էր 'ի Յովհաննէ, տեսին անդ զնոյն՝ որ բնակեալն էր 'ի ճառագայթս անմատոյց լուսոյ փառաց իւրոց . ելին ընդ այնմ՝ որ հետիոտս վաստակէր զնալով, զնոյն իմացան անդ որ նստի 'ի կառս քերուլէականս . ելին ընդ այնմ՝ որում հրեայքն սպառնային ըղմահն, զնոյն գիտացին տէր մահու և կենաց . ելին ընդ այնմ՝ զոր աղաչէինն մի մատնել զինքն 'ի մահ, իմացան եթէ ոչ սա երթայ 'ի մեռեալս՝ արահամեանք ոչ կարեն զալ առ մովսիսեանս . և զոր արգելուինն 'ի մահուանէ, յառաջ քան զժամանակն փութային տեսանել զմահ նորա : Արքայութեան պատճառանօք եհան զնոսա 'ի լեռան անդր . իմաստնացոյց եթէ առանց մահու միաճնին ոչ որ կարէ ժառանգել զարքայութիւնն :

Այլ իբրեւ երկոքեան հատածքս այս ունին յինքեանս զերկնաւորս և զերկրաւոր բարութիւնս, առ ինչ արգեաք պատուիրէր Տէր մեր աշակերտացն և ասէր, ամենեւին չասել ումեք զմեծ յայանութիւնն որ երեւեցաւ նոցա : Այս սովորութիւն է վարդապետութեանն

Վրիստոսի . յորժամ զմարդասիրութիւնն ցուցանէր բժշկելով՝ առ արտաժետս նոցա բազմաց 'ի նոցանէն գնոյն պատուիրէր : Մի ումեք, ասէ, ասիցեք վայրապար կամ 'ի գիւղս կամ 'ի քաղաքս . զի և դու գնոյն ուսանիցիս չառնել աշխարհագոյժ զողորմութիւնս քո . ապա եթէ պիտոյ եւս է ցուցանել, փոխանակ բանից զործքն քարոզեսցեն : Բնուած զբոլոր աշխարհս արար և ետ մեզ, և երախտիս ինչ ոչ համարեցաւ մեզ, բայց միայն ճանաչել զնա և զհետ երթալ կամայ նորա : Պատուիրեաց աշակերտացն լինել աստուածանման . քան զի ժառանգ իւր հաստատեաց զնոսա և նորօք զամենայն աշխարհ . յորժամ Բնուածով առնիցեն զամենայն մեծամեծս վարդապետին իւրեանց, ծածկագիտին միայն աւանդեսցեն զխորհուրդսն : Վարձեալ և յոյժ ինայեաց 'ի նոսա . միթէ ըստ մարմնոյ ինչ պարծեսցին վասն մեծամեծ սքանչելեացն՝ զոր և զործեսցին և տեսին անդ . զի ընդ մէջ թշնամեաց շրջէին և ոչ բարեկամաց, և աւելի առաջի կեղծաւոր մեկնչաց, որ իբրեւ զճանձն կեղասէրք էին, ուր գտցեն թարախս՝ առաւել եւս զայրացուցանէն զվէրն . չարագոյն եւս քան զայս լինէին բանք նենդաւոր մարդոց . որպէս և եղեն իսկ նորա պատճառք մահու ժողովրդեանն, ոչ միայն հողածին մարմնոյ, այլ և անմահ ոգւոյ սպանողք :

Պատուիրեաց նոր նորոգելոցն՝ որք արբին զճաշակս նոր գինւոյն, մի արկցեն 'ի տիկնս զօրութիւն գինւոյն 'ի հինան, զի ոչ հանդարտեն ընդունել զոյժ նորա . արդէլ զնոսա 'ի մեծ վնասէն . քանզի զիտէր եթէ տիկքն պատառին և գինին հեղու 'ի կորուստ նոցա, որպէս առ Արայխափայիւն իսկ երեւեցաւ . զի յորժամ տեսանիցէք զորդի մարդոյ զի նստի ընդ աջմէ զօրութեանն Բնուածոյ, իբրեւ զտիկ հին ցելաւ 'ի պատառել պատմուճանին իւրոյ . բոլոր ինքն հեղաւ անկաւ յաստուածային աշտիճանէն . և եթէ 'ի Տեառն բանից անտի այնպէս զարկան անկան դանալք, զինչ համարիցիս դու՝ եթէ յաշակերտաց անտի լուեալ էր վասն երկնաւոր սքանչելեացն . ոչ ահա իբրեւ զհուր բորբոքէին ընդդէմ նոցա, այրէին զանձինս և զնոսա առ հասարակ : Վանզի յորժամ լսէին 'ի նոցանէ՝ անդէն հարցանէին ցնոսա, զինչ էր առաւելութիւն վերին տեսլեանն : Եւ եթէ

վասն Սուլէսի և Լաղիայի պատմէին նոցա՝ սուտ համարէին, զի ոչ կարէին յայտ ուրեք ցուցանել. թէ ասէին՝ եկին երեւեցան և զնացին, զայն ոչ արդար համարէին, քանզի ոչ ունէին զհաւատոցն զհառութիւն. յայնժամ և զոր աչօքն իսկ տեսեալ էր ՚ի Տեառնէ՝ չհաւատային: Վարձեալ թէ և վասն սպիտակ ձորձոցն ինչ ասէին, կրկին կորուստ կորստականացն իսկ հասանէր, կամ լսէին իսկ ոչ զբանս նոցա, կամ ՚ի մէջ բերէին զսպիտակ ձորձս նոցա. քանզի երկրապիշք միայն էին և անհաւատ լսելիք, զիմանալի յայտնութիւնն ոչ կարէին տեսանել. և նոքա ՚ի լերին անդ մարմնաւոր ինչ յայտնութիւն ոչ տեսին, այլ երկնաւոր զօրութիւնն իմանալով, զայն՝ որոյ ՚ի յայտնութիւնն նա միայն գիտէ, և ում կամի ինքն յայտնէ ըստ մասանց, և մտացն միայն ծոց բաւէ ժողովելով, այլ ոչ բանիւ պատմել և սիրուել ՚ի լսելիս ուրուք. զի որ բանիւ գծագրի՝ ընդ մարմնաձեւութեամբ անկանի երեւումն նորա. իսկ երկնաւոր փառքն յայսմանէ վերագոյն են, և ՚ի մարդկանէ և ՚ի հրէշտակաց: Աւր Պաւղոսի առաքելոյ, որ ոչ միայն ՚ի լեառն բարձրացաւ, այլ և յերկինս երրորդ և ՚ի դըրախտն, և զպատրաստութիւն սրբոցն ետես, և զբարբառ պարգեւատուին լուաւ, այլ դէմ յանդիմանն ոչ կարաց հանդիպել. և բարբառ որ եկն նմա ՚ի վերուստ ըստ մասանց՝ զօրութիւն բանիցն ոչ ումեք կարաց երկրորդէ: Երայնս և վասն երկնաւոր պարգեւացն՝ զի պատրաստեալ պահին՝ զայն ասաց. այլ ՚ի պատուական երկրաւորաց աստի նմանել ումեք ոչ կարաց, իբրեւ է ճշմարիտ հանդերձեալ. և մեք յայն եմք յուսացեալք՝ զոր Պաւղոսն ետես և պատմել ոչ կարաց. հաւատացեալք ՚ի Քրիստոս լիով իմանան և զիմացեալն տեսնեն. և յուսով այնպէս ակն ունիմք՝ որպէս և երանելին Պաւղոսը: Եւ վասն այսր ամենայնի զոր Մաքեալքն ՚ի լերին անդ տեսին հոգւով սրբով, չհրամայեաց պատմել ՚ի լսելիս թերահաւատ ժողովրդեանն, մի՛ զի կարէին իսկ ոչ նոքա պատմողք լինել. միւս եւս՝ որոց պատմէինն՝ նոքա ոչ էին արժանի լսել: Արպէս և ինքն Տէր յառաջագոյն ուսոյց զՄաքեալսն. «Սի տայք, ասէ, զսրբութեան շանց, և մի արկանեք զմարգարիտս ձեր առաջի խողաց», շան՝ սուրբ և պիղծ կերակուր ընդ մի հա-



մարեալ են . և խողի քան զպատուական մարգարետ ընդ պարանոցի՝ խոհերական տիղմ՝ յոր թաւալի՝ լաւ թուի . զայս տեսանել՝ չար պարգեւաց տուողին թուի , և եւս չարագոյն արտաքին տեսողաց : Ասան որոյ և Տէր մեր զուսաւոր խորհուրդն լուսոյ մանկանցն յայտնեաց , զի եղիցին վկայք ճշմարտութեանն լուսոյն՝ որ երեւեցաւ նոցա՝ ՚ի լերին անդ . և նովին լուսով լուացեալք կայցեն մնասցեն իբրեւ զանստուեր ճառագայթս . և նոքին եղիցին քարոզք լուսաւորութեան նորա , որք եղեն իսկ և կատարեցան . և ամենայն արարածք որք նստէին ՚ի խաւարի և ՚ի ստուերս մահու՝ յայն լոյսն յանանց դիմեցին , և նովին լուսովն լուսաւորեցան և լուսաւորեցին մինչեւ յերկրորդ յայտնութիւն նորին լուսոյ . և նոյն Տէր զալոց է լուսաւոր ամպովք յերկնից ամենայն լուսաւոր զորօք երկնաւորօք . և ՚ի նոյն լոյս լուսաւորին մեռեալք , և կենդանիք ամենայն արժանաւորք՝ յանստուերս և յանվախձան յաւիտեանս :

Յոյժ կասկած եղեւ մտաց իմոց իբրեւ մերձ եղէ ՚ի կատարած ճառիս . ապա յիշեցի եթէ իրք անխնդիրք մնացին ՚ի միջի սորա . քանզի փոքր ՚ի շատէ տեղեկագոյն եմ խուզող մտաց՝ որ անմեղութեամբ քննեն զզուրութիւն բանին ՚ի շահն անձանց և ՚ի փառս սուրբ եկեղեցւոյ : Տեսանեմք իսկ աստէն և ՚ի մերում աշխարհիս , բազումք վարեցեալք առաքինութեամբ անսխալ հաւատովք ըստ առաքելական կանոնին , յորոց ցնծացեալ բերկրի սուրբ եկեղեցի հեթանոսաց : Օայս հաւատ յանձին պահելով զեզերէին յուսումնասիրութեան ուխտաւոր մանկունք հայոց մեծաց , զանձինս պարապեցուցեալ ՚ի վաճառաշահ օգտից . ոչ ինչ բնթանան զհետ ընչաւետ մեծութեան , այլ գործ հանապազորդ այնպիսեայն՝ պահք և աղօթք , զանձինս պահել յամենայն ոգէսպան փնասուց : Այլ հարցք և խնդիրք վասն ծածկեալ բանին զոր բնթեռնուն ՚ի սուրբ կտակարանս , դիտեմ զի հարցանեն յայսմ ճառի ցմիմեանս և յիս . Յարեաւ , ասեն , Սուլէս ՚ի մեռելոց մարմնով և եկն ՚ի Աբբաւ լեառն առ Տէրն մեր . Աղիայի ահա չէր ինչ խափան , որպէս վերացաւն երագ՝ ահա երագագոյն եւս գայր . Սուլէսի ընդ այն ինչ ոչ զարմանամք եթէ ընդ Աղիայի արագութեամբ գտաւ . այլ

Եթէ մարմնով յարեալ և կամ եթէ հողով՝ կերպաւ րանեցաւ առաջի նոցա : Եթէ մարմնով յարեալ՝ ճիշտ մարիտ վիշտ եղեւ նմա , այն որ աղաչէր զՄատուած միանգամ չմեռանել՝ կրկին արդեօք զմահ ճաշակեաց . մանաւանդ զի Ղիզիա ետես յանմահութեան , և զՏէր հայրենի փառօքն յարքայութեան . և ինքն անդ եւս՝ ի հողոյ եկեալ և անդէն արագ արագ դառնայր . կարի դժուարագոյն է տեղիդ ասեն :

Ինձ ոչ ծանրագոյն թուի հարցուածդ . է ինչ որ ՚ի գրոց ունիմ առնել անդրէն պատասխանի , և է ինչ որ յանգիր էութենէն՝ հայելով յաստուածային զօրութիւն . և ընդդէմք ինչ ոչ են միմեանց . քանզի գիրն ՚ի լսելիս ազդէ զաստուածային պատուիրանս , իսկ անգրութիւնն՝ յաներեւոյթ մտացն տախտակս . և են երկօրեան աստուածատուր շնորհք , զոր աչք տեսանեն , շրթունք ընթեռնուն , ականջք լսեն . առանց գրոց միտք բերեն զմեկնութիւն : Ըրդ քաջ մտառուացն մեծ է որովայն և անձանձրոյթ է ծոյն , և անձանրանալի է բազմութիւն բեռինն . որչափ և անկանի ՚ի ներքս , ոչ յագեալ շատանայ բազմութեամբն . աղաչելով զՄատուած՝ ընկալեալ զերկակն և երրեկին կարիցէ հասու լինել . որպէս և է տեսանել , որք առանց գրոց խորամուխ եղեն ՚ի սէր որդւոյն Մատուծոյ՝ ճմարտութեամբ հասու եղեն գրեւցն , և ոչ ինչ ծածկեցաւ ՚ի նոցանէ յանգիր օրինացն Մատուծոյ . որպէս և ինքն իսկ Մաքեալ ասէ . “Օ ի այն զոր կամք յաղօթս՝ որպէս արժան իցէ ոչ գիտեմք , այլ ինքն հոգին հասանէ ՚ի թիկունս՝ ՚ի հեծութիւնս անմուռնչս բարեխօսէ առ Մատուած ,” : Մմենայն սուրբք առանց բանի պատմութեան խօսին ընդ Մատուծոյ , և առանց ձայնի արձակելոյ ՚ի վերուստ՝ լսեն կամաց նորա . և զոր ասենն և զոր լսենն՝ ընդ գրով արկանել ոչ կարեն , և առաքինի գործովք իւրեանց յայտնի առնեն զանգիր օրէնսն Մատուծոյ : Եւ յորժամ զայսպիսի զօրութիւն յոգիս մեր հետազօտեմք , կարեմք զծածուկս բանին Մատուծոյ ծածկապէս խմանալ , և բզտուչութիւն պարգեւին որ շնորհեաց մեզ՝ արտաբերեմք բարբառով . զի և յայլոց լսելիս ազդիցէ հնչումն երկնաւոր :

Յարոց Ղիզիա զմեռեալ և երկուս Ղիզա , և կրկի-

նստմահճ որ ոչ ասէ նոցա , այլ մի կեանք և մի մահճ . և  
 Տէր մեր յարոյց զմեռեալս , նոյն ասի և նոցա . այս-  
 քանք էին և Ս՛ովսէսի . քանզի յառաջին մահուան իւ-  
 բում ոչ հիւանդացաւ . ինքն Տէրն կոչեաց զնա 'ի լեառն ,  
 և ինքն Տէրն որպէս և զտէր առանց չարչարանաց ա-  
 ւանդեաց զնա գերեզմանին : Եւ յամ և մահ իսկ ոչ է  
 արժան ասել՝ այլ և փոփոխումն . Վաւիթ և զայս քուն  
 իսկ անուանեաց . “ Եւ ննջեցի և 'ի քուն եղէ , զար-  
 թեայ և Տէր ընդունելի մեր է , : Վաւ իսկ որ հարցա-  
 նեսդ՝ ոչ հանապազօր 'ի քուն մտանես , ընդ առաւօտն  
 յարուցեալ կանգնիս . ոչ ինչ տրտմիս յաղագս յառնե-  
 լոյն . զի գիտես եթէ անդէն հասանէ ընդկողմանել :  
 Եւ յամ թէ ասիցես թէ այս դիւրագոյն է և այն դժուա-  
 րագոյն , մի ասեր , սուտ կարծես . հազար անգամ մահն  
 Ս՛ովսէսի դիւրագոյն է , քան զքունդ քա : Եւ թէ քաղ-  
 ցեալ և ծարաւի 'ի քուն մտանիցես , յար ուտես և ոչ  
 յազիս . աղբեր աղբեր շրջիս և ոչ ըմպես . և եթէ բռ-  
 նագատեցար ինչ աւելի քան զչափն անբուն , զառա-  
 ւօտն ցանկաս տեսանել . և եթէ պայմանաւ կերակրոյն  
 և առողջութեամբ մարմնոցդ դէպ եղեւ քեզ շարժել  
 զաղտեղութիւն , և կամ լինիս երազակոծ , այսր և անոր  
 միտքդ դրդուին , որով 'ի տուրնջեան քեզ չարաւ թուի  
 ցին . և չեք իսկ ամենեւին խաղաղութիւն 'ի մերում  
 շարժումուն : Իսկ յայսմանէ Տէրն մեր զՍ՛ովսէս պար-  
 կեշտագոյնս ամփոփեաց . ծերութիւն ոչ թարշամեցոյց  
 զքեզ նորա , և հիւանդութիւն ոչ ապականեաց զմար-  
 մին նորա , ոչ յառաջնում նուագին հէծութեամբ եջ 'ի  
 դժոխս , և ոչ 'ի վերջնում հրաժարելս 'ի Տեառնէ դան-  
 դաղեցաւ ինչ թերեւս . և վասն այնորիկ Մատուած ինք-  
 նին իսկ ամփոփեաց . . . սա 'ի մահ անոր . 'ի ձեռն նորա  
 փոխեաց զնա և ծածկեաց . և ձայն նորա կոչեաց զնա ,  
 և զամպն հովանի արար 'ի վերայ նոցա . նոյն ինքն փու-  
 թանակի ած առ սիրելին իւր զՍ՛ովսէս , որպէս և ինքն  
 Տէրն մեր ասէ . “ Հայր յարուցանէ զմեռեալս և կեն-  
 դանի առնէ , : Յարոյց Որդի զ՛՛) ազար կարդալով առ  
 Հայր . յարոյց զՍ՛ովսէս Հայր միաբանութեամբ Որդւոյ ,  
 զի երեւեցան իսկ առ նմա . ըստ այսմ իմաջիր զանբակ  
 միաբանութիւնն սուրբ Երրորդութեանն , և յարարչու-  
 թեան և 'ի փրկութեան և 'ի նշանագործութեան և 'ի

յարու թեան նորոգմանն : Ալ վանս Մովսէսի յարու թեան մարմնովն մի ինչ տկարասցին միտք ուրուք չէ ճառ բանիցս այսոցիկ առակ օրինակի , որպէս մեծաբանն 'ի դժոխս և կամ Մբրահամու և 'Ա ազարու յարքայու թեանն . այն զՏանգերձելոցն յայտ առնէ : Տեսեր և յաշակերտաց անտի չիք որ այնմ վկայ . քանզի ծածուկքն Մտտուծոյ միայն են յայտնի . իսկ որ ճշմարտիւս երեւեցան , զայս և մարդիկ ընդ Մտտուծոյ կարացին տեսանել :

Ի այց էս յոյժ ազաչեմ զամենեւեան , ինչ որ յերկրէ և այսր է՝ բազում այն է որ քննի իմաստուն մտաց , և սակաւ այն է որ ծածկի 'ի մէնջ . իսկ առ աստուածութիւնն և ոչ քան զական քթթումն՝ անկանի ընդ գիտութեամբ . զի էտ վէմն զըւրն՝ զայն գիտեմք ամենեքեան . ճրպէս էտ , ծածկեալ 'ի մէնջ . ճրպէս երթայր զՏետ նոցա , թարգմանէ մեզ Պաւղոս . զիմք զնայր առանց ոտից , զայն և ոչ Պաւղոս գիտէր . նոյն իսկ Պաւղոս զվերանան իւր յերկինս՝ զնշան ճանապարհին եթէ հարցանես ոչ գիտէ պատմել : Օ ի եկն Մովսէս 'ի մեռելոց մարմնով՝ հաւատամք ճշմարիտ . ճրպէս եկն , և ոչ ինքն Մովսէս գիտէ : հաւատամք եթէ կերան անմարմինքն զճաշն Մբրահամու . նոյնպէս հաւատամք եթէ եկին Մովսէս և Եղիա առ Տէրն մեր 'ի լծաբովր . և եթէ որ յայմանէ յերկբայս լինի , երեք սիւնքն մեզ վկայեն դարձեալ . և եթէ այլ որ անհանձար մտօք ասիցէ , եթէ կերպարանաւ միայն երեւեցան , այդմ չէ հնար , մի հաւատար . ստուեր 'ի հայելոջ երեւին բանք . ոչ ստեն աստուածային գիրք՝ ուր առակն է . ոչ 'ի մարդկանէ ինդրեն վկայ , այլ մտաց իմացուցանեն զմեկնութիւն բանին . իսկ ուր ճշմարտութիւնն է , յայտնի երեւի պարզաբանութիւնն :

Մսաց Եսայի . “Տեսի զտէր յաթոռ բարձրութեան , ճշմարիտ էր տեսին , այլ ոչ զօրպիտութիւնն կարէր տեսին ջուցանել մեզ . ուր կամի Մտտուած՝ առակօք խօսի ընդ ծառայս իւր մարգարէս . և ուր եւս խոնարհութեամբ խօսի՝ և զինքն թանձրացուցանէ , որչափ բաւէ մեր բնութիւնս տեսանել . և վկայս ածէ հրաշակերտս և 'ի հրեշտակաց և 'ի մարդկանէ արդարոց . է զի 'ի կենդանեաց և է զի 'ի մեռելոց : Սոյնպէս և յայսմ տեղոջ բազում ինչ նշանս արար Մտտուած 'ի ձեռն Մովսէսի ,

և մեծարեաց զնա քան զամենայն մարդարէսն . զսա յա  
րոյց 'ի մեռելոց , զսա տեսաք զի կայր և խօսէր ընդ  
'Վրիստոսի . որպէս տեսաքն և վկայեմք , որպիսութիւն  
յարութեան նորա՝ Տեառն միայն յայտնի : Եւ զի ե-  
կին՝ Կոլակէս և Եղիա և խօսեցան ընդ 'Վրիստոսի և  
տեսին երեք Եւաքեալքն , վկայեմք ձշմարիտ բանից նո-  
ցա . և որ յաչս մեր անհնար է , Եւսուածոյ՝ ամենայն  
ինչ հնարաւոր է :

Եւ զամս յերկին գեղեցկութեան և վայրացն վայել-  
չութեան՝ եթէ կամիք ախորժելով ունին զնել , սակա-  
ւիկ մի երկրորդեցից ձեզ զտեսիլ ցանկալի տեղւոյն :  
Եւ երկ յաւետարանէն գիտէք ամենեքեան զտեղին .  
բայց մեր և անձամբ իսկ հասեալ և աչօք տեսեալ , ոչ  
յատուկ միայն առանձինն , այլ բազում ընկերակցօք .  
որոց և կամ իսկ եղև ունանց մեալ 'ի լերինն , ոչ ըստ  
մարմնոյ ախորժութեամբ բազմանաց , այլ առ գութ օր-  
ոյն 'Վրիստոսի : 'Վանդի բնակեալ են անդ բազմու-  
թիւն սքանչելի եղբարց , որք հոգւով յաճախագոյն վա-  
րին՝ քան թէ մարմնով : 'Վանդի թէ ըստ մարմնատեր  
մտաց որ հայի 'ի տեղի անդ , վայելազոյն երեւի քան  
զտեսիլս բազում լերանց . նախ զի նիստ նորա է 'ի մեծ  
դաշտի միջ յերկրին գալիլէացւոց , և այլ յեառն ամե-  
նեւին հուպ ոչ գոյ 'ի նմա , բայց տեսանելով հեռա-  
գոյն . և ինքն է բարձր և բոլորանիստ . և շուրջ զիւրեւ  
ունի ինքնաբուխ գուբս ջրոց և խիտ առ խիտս ծառա-  
տունկս բազումն՝ որք պտղաբերին յանձրեւաբուղիս ամ  
պոց , և լինին ազգի ազգի միրգք քաղցրահամք . և բա-  
զումք և այլ համադամք անուշութեան . որթք գի-  
նէբերք , որ իբրեւ թագաւորաց ըմպել արժանիք . ըզ-  
դէմն լերին յաճախագոյն ծառք ձիթենիք և եղջիւ-  
րենիք . չորեքեան օրք 'ի նա շնչելով , յողովագոյն հիւ-  
սիսի զօրանայ 'ի նա : Եւ շաւիղն ընդ որ Տեառնն  
ելեալ է , յոյժ ողորդ է ելն , այսր և անդր մանուածով  
արարեալ ճանսպարհ . ով և կամի ելանել կալ յա-  
զօթս , զիւրաւ զելն 'ի վեր առնիցէ : Յորժամ ելանէ  
որ 'ի բուն դագաթն լերինն , բոլոր դաշտն առ հասա-  
րակ յայտնի երեւի , յարեւելից կողմանէ մինչեւ 'ի Յոր-  
դանան գետ , յարեւմուտս՝ մինչեւ 'ի ծովն մեծ յաշ-  
խարհն ծայդանացւոց , 'ի հիւսիսի՝ մինչեւ 'ի ծովն Տի-

մերեայ, 'ի հարաւ՝ մինչեւ յայդին՝ խարովթայ եղբայե-  
լացոյ . և ամենայն բազմա թիւն վարայն նստի գիւղ  
առ գիւղ և ագարակ առ ագարակ, և բազում քաղաքք  
'ի մէջ նոցա . և ինքն կատար լերինն՝ հովտանէ գոգա-  
ցեալ . գոն և ծառք ասկաւազոյնք և թանձրահող բա-  
զում 'ի նա :

Այլ 'ի տեղոջն ուր երեւեցաւ նոցա Տէր լուսաւոր  
պայծառութեամբն, յարեւելից կողմննէ հովտացն,  
յետ բանիցն Պետրոսի՝ հեռագոյն 'ի մթնեանց շինեալ  
երիս եկեղեցիս, և ունին պաշտօնեայս բազումս, գա-  
տեալք և որոշեալք յամենայն մարմնաւոր ցանկա-  
թեանց . թէպէտ և կեան մարմնով, այլ ոչ վարին ըստ  
մարմնոց քերականց . այնպիսի են առաքինիք՝ զի և կար-  
ծէ որ ոչ զնոցանէ թէ շարժեացէ զնոսա կարտաթիւն  
մարմնոց . ոչ երբեք ընկալան յաւերէ՛ ոսկի կամ՝ ար-  
ծաթ կամ՝ հանդերձ, կամ՝ բնաւ որ ինչ պիտոյ է մարմ-  
նոց . այլ որպէս հաճոյ թուեցաւ միտքունելոց ամենե-  
ցան՝ առն ի բարբառիւր արարեալ փայտաւ երկնատնի,  
և այնի խարխարեալ յաղին զթանձրահող հովտացն,  
սերմանելով 'ի նմա ցորեան և գարիս, և թէ այլ ունիք  
իցեն, 'ի սէտս կելոյ մարդկան . և 'ի չափ հասեալ հաս-  
կացն՝ ժայրաբաւզ հնձերով աննաշուփ կատեալ մարդու  
ցի սթն հորմոցն հոտելով զարդիւնս շեղոյն . և արդեալ  
'ի շտեմարանս, զնոցն դարձեալ ինքեանք լետեն 'ի ձեան  
երկանի . մեծաւ սասժանութեամբ որ ըստ որէ պատ-  
րագանն զհարկաւոր կերակրին . և դարմանին հաջիւ  
և ջրով լոկով, և աղիւ համեմելով, զոր և խորտիին ա-  
նուանեն : Ամեն և այլ յաւելում յանաշութիւն  
կերակրոց . 'ի ձմեռանային ժամանակի բազնն զիւր լե-  
րինն և թթուեցոցանեն աղիւ և ջրով և զորպիւ . և  
որպէս ինքեանք խի սակն, կորի օգտակար է 'ի սասկ  
առաք. փորձով : Այլ շորքաւանի ամենեւին ինչ 'ի վեր  
'ի լեռանն ոչ եղան . այնպէս սարքս պահեն զիւր ձա-  
նասարհին ; իրիւ թէ՛ ժողովք հրեշտակաց իցեն և ոչ  
մարդկան . բանի են խի արարելու իրիւր զանանոր  
մինս : Այլ նոցա իւր յամենա վառն կերակրոց . բայց  
եթի՛ փրկութեան անհեջ կամ թեղոց որ համապարտոյ վա-  
ռեալ զնոցն յերիւ եկեղեցիան : Այլ նոցա գինս 'ի ստ-  
փորս, բայց և թէ 'ի սոլա տերունեան բաժակին : Այլ

նոցա դարման պաճուճանաց 'ի պէտս հիւանդաց, և ոչ պատրաստութիւնք վասն օտարաց. այլ օտարաց և ընտանեաց հասարակ է նոցա միաբանութիւն. իբր ոչ եթէ ինքեանք մարդատեացք ինչ են, այլ մարտ եղեալ կռուին ընդ ապստամբ մարմնոց, եթէ գուցէ զասպարէզսն չկախեալ ուղիղ՝ զհեծեալն քարավէժ տունիցէ :

Ս ան որոյ և ոչ կամին հանապազ ճաշակել. այլ սովորութիւն է նոցա բնական ամառանի ազանելով, և ձմերանի հաւաքելով զաւուրս շաբաթուն. իսկ որ հզօրագոյնքն են 'ի նոսա՝ զողջոյն շաբաթն ձգեալ 'ի զլուխ տանին : Այս եթէ որ երթայր 'ի հեռաստանէ առ սէր սուրբ ժողովոյն, կամ եղեւ ամենեցուն 'ի սովորականն լուծանել բերան. կարի յոյժ փոյթ յանձին ունին 'ի հոգեւոր կերակուրն, զի մի երբէք դադարեցնեն 'ի ճաշակելոյ. եթէ պէտ և հանապազ ուտեն անյագութեամբ՝ եւս առաւել քաղցնուն և ծարաւին : Այ միայն զհարիւր և զյիսուն սաղմոսն արկեալ 'ի վար ձայնիւ, այլ բովանդակ զսուրբ կտակարանս եկեղեցւոյ, որով փառաւորեալ և ահաւոր ձայնիւք շքեղացուցանեն զսուրբ եկեղեցիսն 'ի լերին անդ : Ա զոր ընթեւնուն բանիւք, և է զոր պաշտեն փոփոխական ձայնիւք, զդադարումն ոչ երբէք անուղ յագելով՝ փոխանորդութեամբք միմեանց գունդք գունդք արեղայիցն, յերիս եկեղեցիս բաժանելով հասարակութեամբ առանց կատարելոյ ունին զկարգ պաշտամանն, զտուրնջեանն և զգիշերւոյ. իսկ զերեկունն և զառաւօտին ժամն՝ ոչ եւս փոխանակաւ յաջորդութեամբ միմեանց, այլ միաբանելով ընդ միմեանս լինի բազմութիւն ժողովոյն վեցերորդ քան զայլոց ժամուցն : Այ մի յերիս եկեղեցիս մեծագոյն է քան զերկունս, զոր և հերունեանն իսկ անուանեն. և յերկուս անդ եղեալ են զնշխարս Աւաքելոցն, որք և հիմնարկեցին իսկ զաեղին այն օր՝ ասելով զանուն երկոց տաղաւարացն. և անուանեն զնոսա վկայարանս սուրբս, և յիշատակեն զնոսա յանուն Սովթսի և Աղիայի. և զբոլոր աղօթանս՝ ի կիրարկելին կատարեն. իսկ յերկունս եւս երթան և անդ զԱբուուած փառաւորեն : Այ էն ամենեքեան մաշկազգեացք, զիտեն և ձեռնակերտիկ արուեստ. ոմն է որ զփիւրիւն առնէ, և ոմանք զնոյն նիւթս ստպատս գործեն. եթէ այլ ինչ պէտք են՝ գործեն, ընդ

լեառնն 'ի վայր իջանելով . և զամենայն զինչ և գործեն զարուեստն՝ ոչ յայլ ինչ պէտս օգտի, այլ 'ի գինս ձիւթոյ կանթեղացն հանապազօրոց փառման, և 'ի ծախս օղենեացն, ուստի զմաշկեղէն հանդերձիկն ձեւեն, նովին և զհողաբիրն հայթայթեն : Վարձեալ հարկատուք են միմեանց սիրով . քանզի գոն 'ի միջի նոցա օտարատունք, և յիւրաքանչիւր վաստակոց անդր հարկին . են 'ի նոսա ճերագոյնք, որք ոչ հարկին զպէտս անձանց վճարել միաբան . վասն այնպիսեացն առաւել հոգ տանին քան անձանց . վասն զի հրեշտականմանք են, ոչ միայն արտաքին պիտոյիւքն սիրեն զմիմեանս, այլ և զճածկութիւն խորհրդոց իւրաքանչիւր որ ոչ թաքուցանէ յընկերէ . եթէ յանկարծ շարժեցան միտք ուրուք յիշելով զկերակուր տենչալիս, յայտնէ զախտն իւր միւսումն որ լաւագոյն է քան զնա . միաբանութեամբ աղօթս արարեալ 'ի վերայ՝ վաղվաղակի եկն յառողջութիւն անցաւութեան . քանզի և ինքն իսկ որ հիւանդացան՝ տեղեկագոյն գիտէ կուուել ընդ եկամուտ չարին խորհրդոց, մանաւանդ զի փորձիւ իսկ զչափ առեալ էր յառաջագոյն, եթէ ընդ կերակուրս մտանեն ամենայն մեղք 'ի բնութիւն մարդոյն . եթէ զայն դուռն մեղաց փակէ որ, բազում վնասք արդէլուն 'ի նմանէ : զոր ոմանք բազմազուիս զաղան կարգացին զպարարումն որովայնի : Տեսէր, և նոքա նախ զնա սպանին, և յայլ եւս 'ի վնասարար գլխոց նորա՝ աներկիւղք զաղարեցին 'ի լերին անդ, զի յերկրաւոր բարձրութեանէն յերկնաւոր բարձրութիւնսն առ Տէրն իւրեանց կարացեն վերաբերել, որպէս Սոլիսէսն և Լիդիայն փառօք երեւեցան Տեառն 'ի նմին լերին :

Եւ ես տառապեալս քան զամենայն մարդ, որ հետեւեցայ հետիոտս ընդ տէրունեան շաւիղն 'ի լեառն անդ, և աչօք տեսի զժողով սքանչելի եղբարց, աղաչեմ զընթերցողդ և զլսողդ, աղօթս արարէք 'ի վերայ իմ և ձեր հասարակ . ընդ նոսա անբեցուք յահաւոր դատաստանացն Լստուծոյ, և երկնից արքայութեանն արժանի լինել 'ի Բրիստոս Յիսուս 'ի տէր մեր . որում փառք յաւիտեանս յաւիտենից :



Ի ՉԱՐՉԱՐԱՆՍ ՏԵՍՈՒՆ

Յոյժ առաւել զարմննամ ընդ ժայրհու թիւնս մեր, թէ յոր բարձրութիւնս ձկտեցաւ հասանել. ոչ զի եհաս զարմացաւ, այլ զի կամեցաւ հասանել և ոչ եհաս, որպէս և կարծէ իսկ ամբաստանութիւնս մեր. զառ ՚ի ծայրիւք բարձրութեանն բերիլ, և գործէ սողելով զառ երկրաւս զամենայն վատթարութիւնս: Վանգի բաղուսք են ծնունդք վատթար մտօրնն, և անպիտան են պտուղք որ ՚ի նմանէ ճաշակին խորհուրդք: Վանգի ինքն ՚ի վեր, և գործք գետնամարտանք և հեշտութիւնք աղտեղիք և ցանկութիւնք անտուակք, սէրք լիտութեանց և տենչակք անյազութեանց, զբաղուն մեծութեանց և հանդիստ ժամանակեանք ոչ ինչ ամենեւին ՚ի վեր կարացեալ հայել, և զիմննալի մեծութիւնն տեսանել յորիս և ՚ի մարմնա: Յոր եթէ սակաւ մի մերձեացիս և ընդհարցիս ընդ այն մեծութիւն, ծաղրարացես զառ ՚ի ներքոյ արեգարհանս. հեռացես այտուհետեւ յախտալի տեսակացս, և մինչ դեռ իցես ՚ի մարմնի վերացուցեալ դմբցես զբեղ ՚ի վերոյ քան զամենայն երեւելիսս: Որպէս և մեծս այս Յովհաննէս աւետարանադիրս սկիզբն արնէ, ոչ ՚ի ծովէ, ոչ ՚ի ցամալքէ, և ոչ յարգարոց մարդկանէ, և ոչ ՚ի տեղւոյն անտի ուստի ծագումն կենդանի երեւեցաւ. նա և ոչ ՚ի վեր յերկնէ և յերկրէ լինելութեանցն: Իսկ յառաջ պարտ է սկսանել. յանկողնանէն. ըստ ժամն և ըստ ժամանակի, ըստ գարտ և ըստ յախտեանս հասանել յանիմանալին և յանրթանելին, ՚ի միառոյ զօրութիւնն, ուստի ամենայն սքանչելի լինելութիւնն:

“ Ի սկզբանէ էր բանն, և բանն էր առ Վստուած, և Վստուած էր բանն „, որ և բողորեցուն սա է պատ-

Ճան : Արդ զայս ճշմարտութիւնս լսելով՝ մի՛ յանցաւոր կար՛ի կեանս և ՚ի ժամանակեայս . այլ ընդ նմին՝ Առաքելոյ թուիցուք յանմարմին տեղին, տեսանելով անդ զբանն՝ Աստուած մարմնացեալ, և աղայեցուք զՏէրն ամենազուժ, զի ծագեացէ զըյս չնորհի իւրոյ յոգիս և ՚ի մարմինս մեր . և լուսաւորեսցին աչք մտացս մերոց, լինելով մեզ արժանի ըստ նորա փառացն պատմող սուրբ չարչարանաց և լուսաւոր յարութեան նորա . յորմէ մեծացեալ է յոյժ եկեղեցի, և ունի բազում հարս հոգեկիրս, առաքեալս, մարդարէս, հովիւս ճշմարիտս . ուրոց ստացուած է զանձն երկնաւոր : Այլ որչափ բազում են հարքն հոգեւորք, և բազում ունին որդիս առաքինիս, և որչափ բազում են յոյժ ժառանգութիւնքն՝ առաւել քան զայն եկք և ժառանգիչք : Իսկ եթէ առաջինքն ՚ի դարս իւրեանց գտան կատարեալք վաստակօք, արթնութեամբ տքնեալք, և հաւատովք հաստատեալք, և մեծաւ ճգնութեամբ ՚ի հեռաստանէ հայեցեալք, անդուստ զինքեամբք տեսեալ զՏէրն ամենայնի, որ եկն ՚ի փրկութիւն ամենեցուն, ոչ վրիպեցին ՚ի կենարար աւետեաց նորա . ընկալան և հաւատացին, և կան հաստատուն մինչեւ ցայսօր : Բայքէն և որդուցս ընդ նոյն հետս հարցն պարտ է ընթանալ, զնոյն հաւատս ունելով, զնոյն վաստակս յանձին բերելով, նովին համբերութեամբ երկայնամիտ լինելով, նորին միւսանգամ գալտեանն ակն ունել, նորին աւետեացն սարսել : Այլ յորժամ այսմ ամենայնի խոկք և կիրթք իցեմք, ընդհարք և ընդեւք ՚ի վաստակս հարց մերոց հոգեւորաց, և երեւիցիմք եթէ նոցա հարց հոգեւոր որդիք եմք, նա և ՚ի ձեռն հոգւոյն իսկ օգնականութեան կարիցեմք գտանել զժառանգութիւն սուրբ հարցն զոր աւանդեցին մեզ : Օ ի ահաւասիկ առաջինքն սերմանեցին և սնուցին, և միջինքն հնձեցին և վաստակեցին, և մեք եկեալ մտաք ի վաստակս առաջնոյն :

Արդ և մի մեք վերջինքս հեղգութեամբ ճուլսացուք, գուցէ վրիպեալ գտանիցիմք ՚ի սկսմանէն, յաճմանէն, և անպտուղք ՚ի ծայրէն զնացեալք իբրեւ վատ ժառանգիչք՝ սովամահ զանձինս առնիցեմք, ահա գիտեմք իսկ ամենեքեան թէ ունի եկեղեցի բազում մեծութիւն և զանձ երկնաւոր, զոր ոչ ոք կարէ հասու լինել և ար-

կանել ընդ թուական համարօք : Բայց ես փոքր 'ի շատէ ասացից զգիտակս ծայրից երկնաւոր պտղոցն 'ի բազմաց զմասնն . զի միով մասամբն երեւեցցին ամենայն մասունքն : Օ ի թէպէտ և յոյժ առցեալ իցէք ամենքեան աստուածային մեծութեամբն , ես ոչ ինչ առ 'ի յոյժ գիտութեան առաջ անցեալ մաստոցանիցեմ՝ զձեզ 'ի նոր հաւատս գլխաւորելով , կամ նորաձայն բարբառս ինչ օտարոտիս պատմելով , որ քաւ և մի լիցի , կամ ասել կամ լսել զայնպիսիս 'ի սուրբ եկեղեցւոյ : Բայ առ գութ սիրոյն Տեառն ամենեցուն , և առ խանդադատանս հարցն մերոց առաջնոց , որք հաւատովքն իւրեանց եղեն սիւնք հաստատութեան յաղթողք եկեղեցւոյ , կամիմք և մեք ըստ մերում փոքր գիտութեանս՝ տալ զանձինս յաշխատութիւն 'ի տուէ և 'ի գիշերի , անդադար լինել յրնթերցուածս երկնաւոր կտակարանաց , և 'ի մտածութիւն տեսական խորհրդոց . զի և 'ի մեզ կամեցէ նշոյլ Հոգւոյն սրբոյ . զի ճանարտեսցուք ընդ անվրէպ շաւիղս որ տանիցին ընդ նուրբ ճանապարհն՝ մտանել ընդ նեզ դուռն 'ի մեծ քաղաքամայրն երկնաւոր :

**Ա**րդ ահա հասաք 'ի կէտն միջին՝ որ է սկիզբն վերջին , և կատարումն առաջին : “ Բնաս այս , ասէ , եղիցի ձեզ սկիզբն ամնոց յամիս տարւոյն , , : Բրգարեւ նոր չքնաղ զօրութիւն Հոգւոյն սրբոյ օրէնսդրէ 'ի ձեռն Սովսէսի՝ որ բուռն հարկանէ զամնոյն , և ամնոյն պատճառանօք տանի հանէ յարարչութիւնն : “ Բրաջին ամիսս այս , ասէ , ձեզ սկիզբն ամնոց , , , որ է արեգ ամիս . զի 'ի սկզբանն լինելութեան ոչ է սա ամիս , այլ օր և սկիզբն , և օր դարձեալ նորածին և ամիս նախադաս և ժամանակ զարնանային : Օ ի 'ի փարատել ջուրցն յերեսաց երկրէ և ընդ երեւել ցամաքին՝ ձայն 'ի վերուստ արձակեալ “ Բուսուսցէ երկիր զբոյս խոտոց սերմանէցելոց և ծառոց պտղաբերեցելոց , , և անդէն երկիր բզհրամանն երկնային լուեալ իբրեւ մտաւոր և բանաւոր՝ զարդինս գործեալ 'ի մէջ բերէ : Եւ ըստ իւրաքանչիւր տեսակաց կատարելութիւն երեւէր միանգամայն խոտոց և ծառոց . ոչ միայն անձինք ըստ ազգի և ըստ նմանութեան , այլ և պտուղք իւրաքանչիւրք հասեալք

և կատարեալք: Սոյն ամիսս այս յաւուրս արկածից ջրհեղեղին, որ զբովանդակ տարին արգելեալ փակեցաւ արդարն 'ի ներքս 'ի տապանին, ողորմութիւն 'ի վերուստ կաթեցեալ հրամայե նմա ելանել 'ի տապանէն և ամենեցուն որ ընդ նմայն էին, լինի ամիսս այս սկիզբն ամնոց յաւուրս տարւոյն . և միւսանգամ երկիր դալարաբեր լինէր, և սնուցանէր զամենայն կենդանիս որ 'ի նմա, զի աճեցեալք բազմասցին արարածք ըստ առաջին գոյացութեան:

Լ'րդ Մ'ուսէս՝ որ արժանի եղեւ հոգւոյն սրբոյ պատմել զլինելութիւն արարածոց, դնէ զամիսս զայս 'ի սկզբանն սկիզբն լինելութեան աշխարհի, և խանգարման ջուրցն արականելոյ զերկիր . յարմարական թուոց ամնայ զամիսս զայս ցուցանէ սկիզբն: Այլ փրկեալ Մ'ուսէսի զժողովուրդն յեգիպտոսական ծառայութենէն՝ օրինադրէ զեբրայեցիսն 'ի մեծ տօնիս ասելով. “ Լ'միսս այս եղիցի ձեզ սկիզբն ամնոց յամիսս տարւոյն ”: Այլ միայն փրկելով գնոսս 'ի չարաչար ծառայութենէն, այլ և զատուցեալ 'ի հեթանոսական տօնիցն հրամայե 'ի տասն և 'ի չորս ամնոյն զենուլ գառն . ըստ տան իւրաքանչիւր առնել տօնս 'ի գիշերին՝ յորում կատարեսցի լուսաւոր խորհուրդ յարութեանն Վրիստոսի:

Լ'րդ որովհետեւ գտանի ամիսս այս սկիզբն արարչութեան, հիմն հաստատութեան գոյացութեանց աճմանց, և թուական ժամուց և ժամանակաց և դարուց կատարման աշխարհիս, և պատարագ հաշտութեան 'ի սմա մատուցաւ՝ որպէս և վերագոյնն ասացաք՝ յաւուրս արդարոյն, և պատճառք ազատութեան 'ի խիստ ծառայութենէ աբրահամեան զաւակին, արդ որովհետեւ փրկիմք յերկրաւոր ծառայութենէս յազատութիւն, յայսմ վայրի, եղբարք, մտադիրութեամբ վաստակեսցուք. զօրէն առաքինի մշակաց 'ի խոր հերկեսցուք և ճգնութեամբ մեծաւ զխստութիւն երկրիս կակղեսցուք, զի 'ի խոր բրելոյ շուրջ զբանիւն արմատախիլ զշնասակար սէզն քաղեսցուք. զի գեղեցիկ սերմանեցեալք ցորեանահատքն զտէր անդոյն ուրախ արասցեն: Օ ի եթէ յովտն նշանախեց՝ որ է մի 'ի փոքրկանց տառից, և ունի զտեղն մեծամեծաց, և եթէ որ զնա արհամարհիցէ՝ յետնեալ գտանիցի յարուեստին իւրում՝

որչափ եւս առաւել մեզ արժան է երկնչել քանց առնելով զմեծամեծ պարգեւօք Հոգւոյն սրբոյ, որոյ սկիզբն և միջոցն և կատարածն լի է երկնաւոր մեծութեամբն: Օ ի եթէ սկսայց ՚ի միակէն և անջից ՚ի Հարիւրեակն և Հասից ՚ի Հազարսն և յանդգնեցայց ՚ի բիւր բազումս, առաւել քան զնոյնս անդրէն մնաց բազում:

(Թ) Այլէտ առ քեզ տարացոյց կատարեալ՝ որով Հաւառնեսցին միտքդ գալ ՚ի ճմարիտ Հաւանութիւն: (Յ) որ ժամ ծարաւեալ յաղբերն դիմեսցես դու և եւս բազումք ընդ քեզ, եթէ բիւր անգամ ըմպիցես, ոչ կարացես արբամբն քով զբղիումն աղբերն ցամաքեցուցանել, և ոչ զնոյն ջուր արբցես զոր յառաջն արբեր: Եւ եթէ նստիցիս առ աղբերն, ոչ նմին ջրոյ կրկին դիպեսցիս, և ոչ օտարոտի ինչ դարձեալ ՚ի նա խառնեալ տեսանիցես, և ոչ որ երէկն՝ քեզ այսօր կրկին երեւեսցի: Իսկ արդ եթէ բնութիւն ջուրցն անհատ գնացիքն այսպէս մեծամեծ խոհականութիւնս ցուցանեն մարդոյ, քանի՛ եւս առաւել բանքն աստուածայինք՝ եթէ արբցես զնա յոգիս ծարաւեայս. ոչ երբեք առջցիս ծանրութեամբ, այլ թեթեւացեալ անդէն ՚ի նոյն փափագիցես: (Թ) Այլէտ և Համն և բնութիւնն նոյն իցէ, այլ տեսակք խոհականութեանցն այլ և այլ ճաշակիցին ՚ի միտս իմաստասիրաց, և ամենեքեան առ մինն զլիաւորեալ Հայեցուցանեն ճմարտութիւն:

(Բ) Երբ զինչ է այն որ հրամայէ արգելուլ զգառնն ՚ի տասներորդ աւուր ամսոյն, զկենդանին ՚ի մէջ կենդանեաց, զձայնաւորն ՚ի մէջ բանաւորաց: Եւ զստորհուրդ յայտնի. յոր եթէ կամեսցի որ, ամենայն իրօք կարասցէ հայել: Օ ի տասնեակն ունի զկատարումն թուականին, և թուականն զնիւթական գոյութիւն աշխարհիս: Օ ի նիւթականաւն զմարմնականս առցէ ուսումն կատարեալ վարդապետութեան: Եւ ՚ի լուսալիւր լուսնին առ երեկոյի ժամանակին զենու պատարագն. որ յայտնապէս ցուցանէ զարատութիւն պակասութեան օրինադրեցելոյ տօնին: Եւ այց զի է մեծախորհրդութիւն ճմարիտ գառնին Եստուծոյ, որ զալոց և փրկելոց է զԻսրայէլ, ոչ յԵգիպտոսէ միայն, այլ ՚ի սատանայական ծառայութենէ, նշանակի արիւն գառանցն ՚ի վե-

րայ-սեմոց իւրաքանչիւր, և պահէ զտունս ամենեցուն 'ի հարուածոց, յորում եղիպտացիքն հարան 'ի մեծա մեծաց մինչև 'ի փոքունս : Այլ զոր օրինակ ուրախ լինին երկրագործք 'ի տեսիլս ծաղկանց ծառոց յառաջ քան զհասանել պտղոց, այսպէս և մեք ուրախ լիցուք 'ի խորհուրդ տօնիս այսորիկ մինչև զենցի գառնն Աստուծոյ, որ է տօն փրկութեան Հրէից և հեթանոսաց : Արդ փոխանակ զի ոչ ունէին իւրեանց խորայելացիքն երկիր քնակութեան և տաճար յանուն Աստուծոյ ժողովել ամենեցուն, և ոչ զազգն՝) Եւեայ ձեռնադրեալ 'ի քահանայութիւն, բաւական համարեցաւ շնորհն Աստուծոյ զանձն իւրաքանչիւր առնել տաճար և քնակութիւն Աստուծոյ, և յամենայն տունս լինել քահանայս :

Բայց մեք այսու ամենայնիւ ձեպով 'ի կատարեալ հրամանն Առնեսի անցուք . որ գործով զգառնն Աստուծոյ առ որդիսն Արայելի օրինադրէ, և զօրութեամբ առ որդիսն Աստուծոյ 'ի հեռաստանէ ակնարկէր : Ա՛ի հում ուտիցէք, ասէ, որ է զազանային շաղղակերութիւն . և մի եփեալ ջրով, որ է տարածումն և զեղխութիւն աստիճն յաշխարհիս . և մի բնաւ չուտիցես, որ է վրիպումն ուրացութեան . այլ խորովոյ կերիջիր, որ է անպաճոյճ ծախումն երկնաւոր հրոյն : Առլաղակի կերիջիք, մի յամելով իբրեւ եթէ միով մասամբ մարմնոյն ուտել . այլ զօրութեամբ զօրէն հրոյ ամենայն մասամբ գոյացութեան իւրոյ : Օգլուխն հանդերձ ուտիքն և փորոտեաւն, ասէ : Այլ կարի յոյժ վայելաբար ցնախաստեղծ գլուխն և զստորագիր ոտս մարմնոյն հանդերձ անդական փորոտեաւն հրամայէ ուտել, զանց արարեալ ընդ չարչարանացն, զի յերեցունց քաջապէս ապրել կարացեալ) Իսկ զաւելորդն յերիցն մնացեալ յայդ հրով հրամայէ այրել, որ է մեղք և անօրէնութիւնք : Արքանեալ ասելով զօտիք ընդ մէջ և կօշիկ յոտս, ցուպ 'ի ձեռին, ճրագունք լուցեալք, ամենեքեան այսք նշանակք են արութեան պնդութեան՝ առժամայն յելս գաղթին փոյթք, իսկ առ յապա՝ գաղութ լինել 'ի բնաւ աշխարհիս կենաց : Բանգի գօտիքն ուսուցանեն զարիական պատերազմն, և ցուպն զարքունեանն և զխրատականն . իսկ կօշիկքն զաներկիւղութիւն ճանապարհին՝ անմիաս զնալով 'ի վերայ թիւնաբեր սողոց . և

լուցեալ ճիւղաւորներն զանշէջ մտաց մարդոյն լուսաւորու-  
թիւն, որ զտէր խորհրդոյն 'ի հեռաստանէ իբրեւ 'ի  
մտոյ տեսանէ, առաւել յայտնագոյն յասելն, եթէ  
“Օտկը նորա մի բեկանիցէք և 'ի յայգ մի հանի-  
ցէք”, որպէս և եղև իսկ, զոր և յառաջիկայ բանիս  
տեսցուք:

Արդ եթէ Սովսէս յառաջագոյն կրթէր զժողո-  
վուրդն յայտարարի յայտնագոյն խորհուրդ՝ յորում ծած-  
կեալք յ'Եստուծոյ առ յապա յայտնելոց էին, և մար-  
գարէքն նովին հոգևով զնոյն քարոզէին, և արդարքն  
հաւատային, և ժողովուրդն ամենայն գալստեան Տեառն  
ակն ունէին, որպէս և կինն շամիտացի ասէր՝ եթէ յոր-  
ժամ Սեսիայն եկեսցէ՝ նա մեզ զամենայն պատմե-  
ցէ, արդ նոյն Տէր՝ որ զայս ակնարկութիւնս առ ժողո-  
վուրդն կատարեաց, 'ի սմին արեգ ամենան աւետարա-  
նեցաւ 'ի հրեշտակէն սրբոյ կուսին 'ի 'Կազարէթ. զի  
զոյն ամիսս արասցէ սկիզբն նորոյ փրկութեանս: Եւ  
եմուտ արգելաւ գառնն Եստուծոյ յորովայն կուսին՝ լի-  
նելով անդ ամիսս ինն. զի բացցէ զաչա կուրացելոցն,  
յիշատակելով նոցա զգեհուսն գառնն որ յ'Գրիպտոս.  
զի աճեցեալք և 'ի չափ հասեալք կատարեալ գիտու-  
թեանն՝ թերեւս ոչ վրիպեսցին 'ի գառնէն Եստուծոյ,  
որ փրկելոցն էր զնոսա յանլոծ կապանացն հնութենէ  
մեղաց: Որպէս զի և ինքն իսկ գառնն Եստուծոյ զա-  
մենայն դեգերումն յամելոցն երեսնամեայ ժամանա-  
կաւն և աւելի եւս ամօք առ որդիս ժողովրդեանն գու-  
մարէր ծննդեամբ ծագմանն և յայտնութեամբ մկր-  
տութեանն, որպէս զի զնշանագործութիւնն զամենայն  
'ի մէջ հրէաստանի կատարէր, և զընտրութիւն Եւա-  
քելոցն 'ի նոցունց որդւոցն որոչէր, և հանապազորդ  
կրթելով զամենեսեան ուսուցանէր յորինաց և 'ի մար-  
գարէից՝ եթէ վասն իմոյ գալստեանս քարոզեցին ամե-  
նեքեան, և ասելով յ'Ղաքեալսն՝ եթէ “Էմ ուրեք  
առաքեալ, բայց միայն առ ոչխարս կորուսեալս տանն  
Իորայէլի”, 'Եւ և զաւետիս հարցն հաստատէր մտա-  
նելով ընդ թլփատութեամբ, յանձն առնուլ՝ ծառօթս  
և բարեկամս առնել 'ի մէջ ամենեցունց. դուռն բա-  
նայր յինքն մերձենալոյ մաքսաւորաց և մեղաւորաց.  
հալածաբանս առնէր զդեւս 'ի սահմանաց ընտրեալ ազ-

գին . զախտս և զգարչարանս բժշկէր , թօթափեալք յանձանց՝ որք հաւատով մերձենային 'ի նա : Ա և որ մեծն էր քան զամենայն , 'ի բազում տեղիս բազում անգամ զմահ կապէր , և զնէր 'ի ներքոյ իւրոյ յաղթող զօրութեանն . և զմեռեալս կենդանիս պահանջէր յանօրէն բռնաւորէն . և զամենայն արտօսք հատեալ յամենայն աչաց , սուգ և տրտմութիւն փախտեայ լինէր յերեսաց նորա . ատելութիւն հալածէր և ազահութիւն յանդիմանէր . խաւար փախչէր և լոյս թագաւորէր :

Ա զայս ամենայն իբրեւ այսպէս յօրինեալ կազմեաց , քահանայքն և քահանայապետքն հարեալ նա . խանձուն ախտիք՝ կափուցին զաչս իւրեանց 'ի լուսոյն ճշմարտութեան , և խցեալ զսելիս իւրեանց՝ ոչ կամեցեալ ունկնդիր լինել օրինաց և մարգարէից , և ոչ ընդունել զբարոգութիւնն՝ որ կատարէր զաւետիս մարգարէիցն : Այլ 'ի վերայ այսր ամենայնի բարեգործութեանցս հակառակեալք և ընդդէմ զարձեալք արգելութիւն զժողովուրդն անուսկնդիր լինել կենդանարար վարդապետութեանն : Արդ եկեալ էհաս 'ի նոյն ամիսս , որ 'ի սկզբանց գորհուրդ կենարարին նշանակէր , և Տէքն ամենեցուն առ սեր որդւոցն Աստուծոյ 'ի նոյն գութ եկեալ գնոյն զատիկ ընդ նոսա խնդութեամբ կամէր կատարել . զի թերեւս յետս փարատեսցի խաւար նախանձու 'ի խորհրդոց նոցա , և բացցին աչք մտաց նոցա՝ զորս կամօքն կուրացուցին . և ծանիցեն զՏէր տօնին՝ որ եկն 'ի կեցուցանել զարարածս առ հասարակ , որք մեռեալ էին 'ի մեղս իւրեանց :

Բայց արդ զու լուր զմեծամեծ չարիսն : Իբրեւ մերձեցաւ , ասէ , տճն բաղարջակերացն՝ որ անուանեալ կուչէին զատիկ , գիտացին եթէ գայ Աիսուս 'ի բազմութիւն ժողովրդեանն ուսուցանել զնոսա , զահի հարան և յոյժ յերկիւղի էին , եթէ գուցէ կամ զհոյրս բանայցէ կամ զանդամալոցծս բժշկիցէ կամ զգիւհահարս արբէ . մանաւանդ եթէ զմեռեալ որ յարուցանիցէ , և ամենայն ժողովուրդն հաւատան 'ի նա : Ա ան այսր երկիւղի խորհուրդ արարին քահանայապետքն և մեկնիչքն և պատմեցին իշխանացն և ուսուցին զբազմութիւն ժողովրդոցն , զի ուր տեսցէ որ՝ գուշակեսցէ . և



ինքեանք իսկ վառեալք իբրու զինուք, զի ուր և գտա-  
նիցեն՝ սպանցեն :

Եւ իբրեւ այսպէս ոչ հնարեցաւ նոցա, գտաւ նոցա  
օգնական՝ որ ՚ի սկզբանէ իսկ բնակեալ էր ՚ի սիրտս նո-  
ցա : Եւ ՚ի ձեռն միջնորդի ուրեմն՝ որ անուամբ էք ընդ  
աշակերտսն, և գործակից չարակամաց քահանայիցն լի-  
նէր, որպէս և աւետարանն յայտնադոյն իսկ ցուցանէ .  
“ Սատանայի իսկ, ասէ, արկեալ էր ՚ի սիրտն Յու-  
դայի, զի մատնեսցէ զնա նոցա ” : Տեսանէն, զի գոր-  
ծակից էին՝ ոչ քահանայութեանն, այլ սատանայա-  
կան գործոյն : Եւ դաւ առ նոսա և ասէ . Օ ինչ տայք  
ինձ, և ես մատնեցից զվարդապետն : Եւ նորա մատու-  
ցին նմա վաղվազակի կշիռ երեսուն արծաթոյ : Եւ մո-  
լիք, և ոչ քահանայք . զի թէպէտ և չարաչար մատ-  
նէր, այլ զանուն գեղեցիկ խոստովանէր . վարդապետ  
ասաց, և ոչ գող և սպանող, և ոչ այլ ինչ մի ՚ի չարա-  
գործաց աշխարհիս : Բանզի զարծաթոյ խոստանայք,  
ընդէր ոչ գործոց նորա հարցանէք եթէ վասն որոյ չա-  
րեաց մատնես զնա ՚ի ձեռս մեր : Եւ թերեւս եր-  
կեայք հարցանել եթէ վասն որոյ չարեաց մատնեցեր  
զնա . զայդ բարւոք արարէք, զի ձեզնէ իսկ գիտէք և  
հասեալ էք ՚ի վերայ եթէ ոչ գտաւ նենգութիւն ՚ի  
բերան նորա, և ոչ անօրէնութիւն ՚ի գործս նորա, ո-  
րով ոչ ոք ՚ի մարդկանէ զնա յանդիմանել կարէ :

Բայց աղէ դուք, հարցանեմ զձեզ, ընդէր տայք  
զարծաթոյ, և ուստի տայք, և վասն էր երեսուն լիտր :  
Եթէ մահապարտ է, որպէս ասէքդ, մի առնէք զկո-  
րուստ արծաթոյդ . ոչ ոք ՚ի մարդկանէ գնէ արծաթոյ  
զմահապարտ և սպանանէ . թոյլ տուք այդր, մեղքն  
իւր ամբաստանէն զմամնէ . զգործոց նորա բռնն հա-  
րէք, զի չարիք նորա մատնեն զնա ՚ի մահ : Եւ գիտեմ  
զի ճշմարիտք էք . մանաւանդ և իմաստունք և քահա-  
նայապետք և առաւելեալք գիտութեամբ քան զամե-  
նեսեան . գիտէք՝ աւաղիկ գուշակ յաշակերտաց նորա,  
հարցէք և գրեցէք զգործս վարդապետին իւրոյ : Եւ ինչքն  
արարէք՝ ուստի սկսաւն նա առնել, այդրէն իսկ ՚ի օտ-  
նիդ գտանէք բազում գալիլեացիս : Եւ գտանէք անդ  
՚ի հարսանիսն զԹուրն գինի եղեալ, և ՚ի Կափառնաում  
՚ի հինգ նկանակէն հինգ հազարքն յագեցեալք և եր-

կոտասան սակառի լի մնացեալք . և եթէ 'ի Վային հարցանէք, զորդի այրւոյն միամօր 'ի մեռելոց յարուցեալ տեսանէք . և եթէ 'ի տուն քահանայապետին մտանէք, զնոյն տեսանէք . և եթէ յերկիրն գերգեեսացւոց մտանէք, ոչ միայն զբազմադեւ պատանին բժշկեալ տեսանէք, այլ և զգեւան 'ի ծովն հեղձուցեալ . և եթէ 'ի Պէննադա քաղաք մտանիցէք, ոչ միայն զկինն առողջացեալ տեսանիցէք, այլ և զտէրունեան անդրին կանգնեալ, և բժշկեալն բուռն հարեալ ունի զդրօշակէն Տեառն, և ընդ նորին անդրեան բուսեալ արմատ՝ որ մատուցանէ զբժշկութիւն ախտացելոց: Վայց ես գիտեմ, զի ոչ կարէք երթալ 'ի հեռաստան, քանզի և կամիք իսկ ոչ . 'ի Ղեթանիա մատերուք, մօտ այդրէն հարցէք ց'՝ ազար՝ եթէ ո՞ր չոգաւ և կամ ուստի եկն . և եթէ զդա ոչ կամիք հարցանել, քանզի չարաչար պատմէ զձէնջ վասն հանդերձեալ տեղւոյն որ պատրաստեալ է ձեզ . և կամ յԱրիքով զկոյրն հարցէք, զոր 'ի հեռաստանէ ձայնիւն բժշկեաց: Եւ եթէ զնոսա պատճառանօք կար ծէք, այդրէն իսկ 'ի դմին քաղաքի տեսէք 'ի Ղեթ հեզգա զերեսուն և զութ ամ . զանողորմութիւնն ձեր մահի՞քն ազազակեցեն: Եւ 'ի Սելով հարցեալ, զառ 'ի ծննդենէ կոյրն տեսանէք լուսաւորեալ . և տեղեկութեամբ իսկ գիտէ տալ պատասխանի:

Ըրդ վասն որոյ գործոյ մատնի 'ի ձեռս ձեր վարդապետն: Եւ եթէ գիտէք և չար են գործքն, ահա լուայք ապաքէն, գրեցէք և մատուցէք դատաւորին ձերում, զի 'ի գործոց իւրոց մատնեսցի: Եւս եթէ բարի են գործքն, որպէս և են իսկ բարի, ոչ գուք միայն պարտեալ ամաչէք, այլ և ամենայն մերձաւորք ձեր ընդ ձեզ: Եւ որ մատնեացն՝ ոչ միայն ամթոյ արժանի է, այլ և բազում հարուածոց փոխանակ զայնպիսի շնորհս զանապոյ: Եւ եթէ ճշմարտասէրք էիք, դուք ձեզէն իսկ առնուիք վրէժս 'ի նմանէ . զի որ ընդ այն հայեր, չար ընդ բարոյ ոչ հատուցանէր: Ըրդ քանզի զայդ ոչ արարէք, արծաթ եւս տայք նմա . և ոչ 'ի տանց ձերոց, այլ 'ի սուրբ նուիրաց տաճարին . ոչ ահա յանդիմանեալ կշտամբիք . քանզի ոչ զմարդոյ աւանդ, այլ զԱրտուծոյ հատանէք և կողպտէք զամենասուրբ տաճարն . ոչ 'ի փրկանս գերեաց և ոչ 'ի տուրս աղքատաց, այլ 'ի

գինս արեան արդարոյ . և արդարոյ ոչ 'ի մարդկանէ ուրուք, այլ զորդուոյ Լ'ստուծոյ :

Լ'սյա յիրաւի ուրեմն ( ) արարիա մարգարէ յառաջագոյն գիտելով զչարութիւնդ ձեր, որ տարապարտ սուտ մարգարէիցն ձերոց մատուցանէիք վարձս բազումս, քանզի խօսէին զկամս չար անձանց ձերոց, և դովիչք եւս լինէին չարութեան գնացից ձերոց, ասէ և ճշմարիտ մարգարէն. « Եթէ բարւոք թուի ձեզ այդպիսեացդ ծախս անբաւս լինել, տուք և ինձ զվարձս իմ . ապա թէ ոչ, զրոյց արարէք, զի և ես գիտացից », և նորա վաղվաղակի կռեցին և ետուն 'ի ձեռս նորա երեսուն արծաթի : Եւ այս էր յաչ մարգարէին անհնարին դառնութիւն, տեսանել 'ի նմա զամենամեծ և զահագին չարիան զոր գործելոց էր ժողովուրդն . ոչ կարէր հանդարտել ծանրութեան իրացն, առեալ արկանէր զայն 'ի տուն Տեառն 'ի բոլք, զի թերեւս պատկառեսցեն 'ի մոլեկան գործոյն, որ և զգիւպն ամբարշտութեամբ զանցուցանէր : Լ'որդ ոչ յաւելուն և ոչ հատանն 'ի կատարեալ չարեացն . պահէն զերեսուն թիւն և բերեալ մատուցանեն մատնչին, զի գնեսցեն զարիւն աստուածային, ոչ դիպուածով և ոչ որ են յանկարծակի 'ի ներքս անկեալ, այլ հնացեալ խորհրդով զոր կատարէին 'ի նորոգիչն ամենայնի չարութեամբ :

Լ'որդ զերեսուն թիւ արծաթոյդ եթէ յոսկի փոխանակեսցես, լինի բաժանեալ յերբեակ յիներորդ . և եթէ 'ի նոյն իսկ 'ի թիւ արծաթոյն, բազկանայ յերիս տանեակս . առաջին տանեկան անարգեցին զտան պատուիրանսն . երկրորդ տանեկան ուրացան զփրկութիւն Լ'ովսէսի . երրորդ տանեկան չհաւատացին երկրին պարգեւաց : Լ'արձեալ 'ի ձեռն սորին երբեակ թուականի զչայր ընդ որթուն փոխանակեցին յանապատին, և քարկոծելով զմարգարէսն զառնացուցին զսուրբ Նոզին, և քնացորդօք նորուն թուականին գնեցին զսուրբ արիւնն յանձինս և յորդիս իւրեանց մինչեւ ցյաւ խտեան :

Եւ քանզի զայրացեալք էին 'ի նախանձ բարկութեան իբրեւ զազանս անապատի, ոչ ինչ փոյթ արարեալ վանս սխառուական տօնին, ժողովեցան քահանայքն և քահանայապետքն, ծերք և փարիսեցիք, և որ իշխան էր

տաճարին հանդերձ ամենայն բազմու թեամբն՝ վառեալք  
 իբրեւ զինուք, և առաջնորդս եւս ունէին, որում է  
 տուն զարծաթն՝ ի տաճարէ անտի. ընդ նմին և զօրա-  
 լիքն իւրեանց զանամարմին և զիմանալին սատանայ. և  
 զժամանակ զիչերոյն օգնական, զի ՚ի խաւարային ժա-  
 մուն անկցին ՚ի խորխորասն կորստեան: «Մեզ որում  
 էս համբուրեցից, ասէ, նա է, կաջիք և տարջիք զգու-  
 շու թեամբ», ՚Մեզ ձախողակի ողջունին յետս ընդգէմ  
 հատուցումն անդրէն ընդունի: «Որում էս թացից,  
 ասէ, ՚ի սկաւառակէս և տաց, նա է որ մատնելոց է զիս»,  
 թացիցն՝ զօրհնութիւնսն լուացից ասէ: Որոյ սիրտն  
 եղեւ բնակութիւն նենգաւոր թշնամոյն, ոչ դադարի  
 անդ շնորհն աստուածային. իսկ ուր աստուածային շը-  
 նորհն ոչ բնակեալ լինի, նա կոխան անցաւորաց ճանա-  
 պարհի է:

Իսկ Պետրոս որ լի էր բարեսէր նախանձու, մանա-  
 ւանդ իբրեւ զաշակերտակիցն իւր ընդ նոսա ետես, ոչ  
 կարաց համբերել սատանայական զօրութեանն. քան-  
 զի լուեալ էր յամենագէտ Տեառնէն, եթէ է ոյր զոյ սու-  
 սեր՝ առցէ, և ոյր ոչն գուցէ՝ գնեսցէ և բերցէ: Օխնչ  
 են հրամանս պատասխանուոյս այտորիկ. իբրու զի յայտ-  
 նի է իմաստնոց, սրոյ նմանեցոյց զճշմարտութիւնն. ո-  
 յոյ ստացեալ իցէ զաստուածպաշտութիւնն՝ պինդ կաց-  
 ցէ, և որ սակաւ մի թուլացեալ իցէ՝ գնեսցէ, ոչ սու-  
 սեր ՚ի մարդոյ ումեքէ, այլ յորդուոյ մարդոյ զճշմար-  
 տութիւնն, ոչ գնոյ արծաթոյ, այլ արեամբ անձին իւ-  
 ըոյ. քանզի՝ սուր եկն արկանել, ոչ միայն յերեւելի  
 մերձաւորութիւնն, այլ և ընդ հոգի և ընդ մարմին յան-  
 ձինս իւրաքանչիւր: Իսկ է սուսերն բնական և ստա-  
 ցական. իսկ Պետրոս զերկոսեանն ունէր. բնական առ-  
 սէր վարդապետին զոր ունէր ՚ի սուրբ ոգին, իսկ ստա-  
 ցական որով զճառային ունին ՚ի բաց հատանէր: Եւ  
 կարի վայելաբար զճառային և ոչ զազատի, զմեղաց և  
 ոչ զարդարութեան, զունին զապստամբ, ոչ զզլուին  
 պատուեալ գմասնն, և ոչ զամենայնս. քանզի ոչ այլ  
 ինչ նման է ծառայութեանն, որպէս զգայութիւն մտաց:  
 Բանզի ակն ընդհարութեամբ՝ միտքն ընդ իմանա-  
 լին բախեցան, և ունին ընդ լողութեամբ, աչք ՚ի տե-  
 սաւորութիւն պատրաստեցան, և խոհականութիւն ան-

զուտ արատախանութիւնն արտաբերեաց . իսկ ընկալցն հասարակութիւն զճաշակեղէնն զարթոյց յընտրութիւն որոշարութեան . և ՚ի ձեռն զգայութեանցս այսոցիկ ամենայն զգալիք առին զգուշութիւն արհարհնութեան :

Իսկ ականջացն դժուարագոյն իմն է աւուուլ արհարհնութիւնն անձայնութեան , որ և կոխի իսկ ՚ի բարում անարժան ձայնից . և ոչ միայն ծառայ մնայ , այլ և ծառայեցելոց զգարութեանցս կրկին ծառայեցեալ : Ընդհանելով ՚ի բաց զունկն ծառային , նշանակեաց զանդրատինն ՚ի սկզբանէ զանրութիւնն և զանհնազանդութիւն մարդկան : Բայց քանզի շատ է զի և բարերար Տէր երկնի և երկրի զամենայն խեղութիւնս մեր եկն ՚ի բժշկել , և զթերութիւնս մտաց մերոց խուլ և կատարել , ոչ զանց արար մարդասիրութիւնն նորա և զունկանք ծառային . այլ առեալ անդրէն ՚ի տեղուջն եղեալ անվէր և անսպի զտեղին ցուցանելով , որ է նշանակ դարձի մեղուցելոցն յապաշխարութիւն . և խօսի ընդ ամենեսեան աղերս բանիւք և քաղցր բարբառով :

Բայց քանզի զօրութիւնն էր անպարտելի , թէպէտ և յոյժ խոնարհագոյնս խօսի , սակայն ետ եմն ասելով Ըստուածն մարդացեալ , երկիցս անգամ անդրէն յառաջ բնութիւնն զարկոյց զնոսա և ոչ իմացան : Որովմեալ այնուհետեւ և բարերարին անարժանիցն , երկցս անդէն ՚ի տեղուջն կատարէ բան . զՍերտոսի զտուրն անդրէն հրամայէ դարձուցանել , և զինքն փոխանակ աշակերտացն մասնէ ՚ի ձեռս ունելեացն , միանգամայն և զՅօր կատարէ զհրամայեալն զբաժակ մահուն ըմպելով : Եւ քանզի էր Ըստուած անուտ , եղև մարդ ճշմարիտ՝ անկասկածելի աստուածութեամբն աներկիւղ մասնէր ՚ի ձեռս ունելեացն . իսկ մարդկային բնութեամբն երկիւղազին խանդաղատական աղօթիւք զայն որ կարողն էր փրկել ՚ի մահուանէ՝ աղաչէր ոչ զուզնաքեայ և մտահաճոյ , այլ ընդ այլոյ ինչ երազատես լինէր , այլ յառաջահոգակ և նախախնամ հովիւ կենդանի բանաւոր խաշանց կանխագէտ տեսանէր զինչ լինելոցն էր :

Ընեալ այնուհետեւ զաշակերտան զայ հասանէ ՚ի տեղին զոր յառաջագոյն նկարեալ էր մարգարէիցն .

« յողովեցից, ասէ, զամենայն ազգս երկրի, և իջուցից զնոսա ՚ի ձորն (Յովսափաթայ. և անդ նստայց դատել զամենայն ազգս շուրջանակի », : Եւրդ ոչ զի յառաջագոյն ասացեալ էր մարգարեութեանն՝ ահա մայ իրքն կատարէին, այլ նոյն ինքն հոգի Եւսուած մարգարեիւքն խօսէր որ ինչ լինելոցն էր. ոչ այսօր, այլ որ ՚ի սկզբբանց յեղումնն ըստ կամաց յազատութեանն առաջին մարդոյն էր : Եւ քանզի ոչ հարկաւոր էին իրքն, այլ ըստ խրատութեան և ըստ յօժարութեան վատթարի ոգւոյ անփոյթ արարեալ զյօժարութիւնս, քաջաբեր լինել քան անարգագոյն պտուղս : Եւ քանզի Տէրն ամենեցուն ոչ եկեալ էր ՚ի դատապարտութիւն, այլ փրկել ՚ի ծառայութենէ և նորոգել յազատութիւն, խնդրէր աղօթիւք յայնմանէ՝ որ առաքեաց կորզել զաշխարհ ՚ի մոլորութենէ, և հասուցանել ՚ի հօրն արքայութիւն :

**Ա**րդ ետես յայսմ տեղուջ եթէ եկեալ հասեալ է ամենայն արարածք ահանատես լինել մահուան որդւոյն Եւսուծոյ, եթող զաշակերտսն ՚ի խոնարհագոյն տեղուջն, և ինքն սահաւիճ մի ՚ի վերագոյն տեղին մատեաւ. անկաւ ՚ի վերայ երեսաց իւրոց՝ խոնարհեալ համբուրէր զգէմն երկրի, և հեղջոր զուրբ զարտասուան ՚ի սուրբ հատուած հողոյն, և բառնայր զառաջին անէծան : Եւ արձեալ կանգնէր, ՚ի վեր հայեցեալ կարգայր առ հայր աղօթիւք ասելով. հայր եթէ հնար ինչ է, անցո զբաժակս զայս յինէն : Իբրու տէր էր հնարից և անհնարից, առ հայր կարդալով ցուցանէր զմիասնական Երրորդութիւնն, և միանգամայն և ըզմարդկութեանս բնութիւն, որ այնչափ վերաբերեցաւ յաստուածութիւնն : Եւ զօթս առնէր ոչ միւսմ ազգի և կամ միւսմ մասին, այլ ամենայն մարդկան և տիեզերաց. ոչ մարդկան միայն, այլ ամենայն կենդանեաց, ցամաքայնոց և ջրայնոց և օդայնոց, երկնի և որ յերկինս : ( ) Ի թէպէտ և որդի էր ըստ աստուածութեանն, սակայն ՚ի ձեռն մարմնազգեցիկն լինելոյ՝ ուսաւ ՚ի չարչարանացն մահու զնեղութիւն ամենայն կենդանեաց, որ անկեալ են ընդ ապականութեամբ մահու. զի յորժամ իրքն կատարեցան ՚ի յապականութիւն ամենայն

մահականացուացս, կարող իցէ օգնական լինել յանչարչարութիւնս. նա և որ առաջիկայ իրքն էին, ոչ փոքր և ոչ դուզնաբեայ ինչ էր, այլ ահագին մեծապէս :

Օ ի եթէ ՚ի մահուանն Ովսիայ որդւոյն Միմիայ ՚ի տարապարտուց մեռանելոցն՝ ամենայն Խորայել առնուլ սուգ՝ ոչ մի ցեղ կամ երկու, այլ ամենեքեան, զոր մեծապէս մարգարէն ողբայ, “ Զաւուրն յայնմիկ, ասէ, դիցես կոծ սաստիկ իբրեւ զկոծն աղաղութամթով որ ՚ի դաշտին, ազգ տանն Դաւթի առանձինն և կանայք նոցա առանձինն, ազգք տանն Կաթանայ առանձին և կանայք նոցա առանձինն, ազգք տանն Շմաւոնի առանձին և կանայք նոցա առանձինն, որչափ եւս առաւել ՚ի մահ որդւոյն Մատուծոյ երկինք խոնարհեալ, երկիր գորդեալ, և ամենայն իմանալի զօրութիւնքն զարհուրեալ :

Իսկ ամենայնի Տէրն յայսմ վայրի ոչ մի անգամ միայն, այլ և երկիցս և երկիցս ՚ի վայր անկանի, իբրեւ թէ երկինք յերկիր. և դարձեալ կանգնեցաւ՝ որպէս թէ զերկիր ընդ իւր կանգնէ ՚ի վեր տարրացեալ, միութիւն գործելով երկնաւորաց և երկրաւորաց. և ոչ փոքր ինչ էր ծանրութիւն բեռինն՝ զերկինս բառնալով և զերկիր կախելով զինքենէ : Տեսանէս, և ոչ քիրան դուզնաբեայ բղխէր յաստուածային մարմնոյն, այլ քիրան ուժգին և արիւն. և արիւնն ոչ միով մասամբ, այլ վտակք բազմահոսանք. որով զերկին սրբէր, և զերկիր լուսնայր, և զօդ մաքրեաց յառաջին ծիւց ճեն. ճերաց զօհիցն ապահանութեան :

Եւ ՚ի վերայ այս ամենայնի սքանչելագործութեանց՝ աշակերտքն անկեալ զնէին անընգոստ քնով : Եւ սակայն մարդասէր Տէրն հեզաբար հանդարտութեամբ մատուցեալ ընդոստուցանէր զաշակերտսն, իբրեւ թէ զաշխարհ ՚ի քնոց, և աղերս բանիւք ասելով. Ով Պետրէ, այգալէս վայրիկ մի ոչ կարացէք արթուն կալ. քանզի վեց օր արարի զերկին և զերկիր և զամենայն զարդս նորա. և արդ ահա այս վեցհազարեան ամ է, որովք անկեալ խանգարեցան ընդ ապահանութեամբք, և իմ եկեալ փրկել և անդրէն նորոգել : Եւրդ աղէ զարթիր և արթուն կաց սակաւ մի, և թափեա ՚ի քէն զծանրութիւն քնոյդ, և տես զինչ ինչ գործելոց է ընդ

իս ազգատոհմի քո 'ի վերայ ամենայն բարեգործութեանց ինց մինչեւ ցայսօր : Օ ինչ կամին հասուցանել ինձ ժողովեալ ամենեցուն իբրեւ 'ի վերայ մահապարտի, ոչ ըստ աշխարհի սովորական մահու սպանանել, այլ մեծապէս անարդանայ : Եւ ես յօյժ խռովեալ եմ և ողբամ դառնապէս, քանզի 'ի մահուան իմում գիտեմ զինչ լինելոց է . ընտրեալ տաճարս աւերելոց է, քահանայութիւնն լուսցի, պաշտօնն դադարէ, ընթերցութեամբ սուրբ կտակարանացն որ վասն նորա աղաղակէին 'ի տուգ մտանեն . հօրն հանապազօրդ շիջանի, պատարագք խափանին, ողջակէզքն որ վասն մեզաց՝ զտեղի առնու, ուխտադրութիւնն որ 'ի հեռատանէ՝ ոչ եւս եկեսցէ . անձկեալ քաղաքն Երուսաղէմ աւերեսցի, և ամենայն Իսրայէլ ցրուեսցի : Եւ և դուք իսկ երկոտասանքդ որ ընդ իս էք, յայսմ գիշերի գայթակղելոց էք . քանզի զրեալ է, պարտ է զի և կատարեսցի . “ Հարից զհովիւն, և ցրուեսցին խաշինքն ” : Իսկ արդ խաշինք առանց հովուի՝ սպա մատնին 'ի ձեռս գիշակեր գազանաց . մանաւանդ զի առ եւս սատանայ յայսմ աւուր օձան խարբալել զձեզ իբրեւ զցորեան . և ես աղաչեցից զհայր, զի մի պակասեսցին հաւատք քո :

Եւ բարեոք ասաց եթէ մի պակասեսցեն . քանզի աստուածութեանն ոչ են կամք տեսանել զարութիւն մարդկան, բայց և մարդոյն պիտի առաքինութիւն զգենու յանձին զգուշութիւն, և 'ի հօրն արքայութիւն և յուրսխութիւն մտանել : Օ ի մի պակասեսցեն, ասէ . այլ ոչ եթէ մի ուրացին : Եւրանալն և չուրանալն 'ի ձեռս նորա էր . իսկ ընդունելն անդրէն գործ մարդասիրութեան : Եւ որպէս վասն ամենայն Իսրայէլի ողբալից աղաչանօք աղաղակէր առ հայր, զի մի կորիցէ ազգն ընտրեալ, սոյնպէս և վասն երկոտասանիցն յանձն առնէր հօգւոյն սրբոյ, զի հաստատուն կայցեն 'ի ժամ փորձութեանն : Իսկ Պետրոս առ գուծ սիրոյն Տեառն իւր անփորձաբար խիզախէր, բայց Տէրն սր ինչ լինելոց էր՝ յառաջագոյն պատմեաց նմա . և Պետրոս 'ի փորձանացն իմաստնացեալ՝ դառնապէս արտասուօք և մեծաւ զղմամբ վերստին զանձն հաստատէր յաշխատութիւն : Եւ այն որ 'ի ժամ փորձութեանն քան զնմ



կակղազոյն, յետոյ քան զանդամանդեայ եւս առաւել խստագոյն երեւեցաւ :

Ո՛րքանի մեծ ժարհուծիւն քահանայիցն և քահանայապետին, և ամենայն մեծամեծացն որ ընդ նոսա . մինչդեռ Տէրն ամենայնի վասն ամենեցուն աղաչէր որ թալով զի մի մասնեցին յանբժշկելի հարուածան, նոցա ոչ ինչ փոյթ արարեալ 'ի յիսկապէսն որ լինելոյ էր, այլ յանդգնաբոյն ևս քան զսոգոմայեցիսն յարձակեցան 'ի վերայ : Այլ յերաւի ասացի թէ եւս չարութեամբ քան զնոսա . քանզի 'ի Սողոմ հրեշտակքն նշան ինչ ոչ արարին, այլ զՍողոմ իսկ արարին նշան ահագին ամենայն տեսողաց, և արժանապէս հատուցումն անարժանիցն հատուցաւ . զի եթէ վասն անարգութեան հրեշտակացն ամենայն մասունք երկրին ընկալան զաստուածային հարուածքն, իսկ ուր Տէր հրեշտակացն կրէր զանարգանս մահու, ո՞վ բաւական է հատուցանել վրէժ դատաստանին այնորիկ . ոչ միայն թանձրացեալ մարմինս որ աստէն յերեւելիսս ընդունի զվճիռն մահու, այլ և անապական ոգիքն ընդ ամին մարմնոյ կապեալ և անկեալ յանշէջ հուր գեհենին, որ առաւել սաստկութեամբ այրեսցի քան զերկիրն սոգոմնացւոց :

Այլ հասեալ, ասէ, քահանայապետն և ամբօինս՝ առանց պատկառելոյ արկին զձեռս իւրեանց կալան զՆիսուս, կապեցին և առեալ տարան 'ի տուն քահանայապետին : Ապացին զայն, որ եկն արձակեաց զմեզ 'ի կապանացն անոյծ : 'ի տուն տարան զայն, որ երկինք և երկիր ոչ տանին . հրեղէն բնութիւնն 'ի մէջ փայտեղէն տան մտեալ կայր, և ոչ ծախէր տունն . որ իջուցանէր հուր 'ի պատարագս նոցա և ընդունէր 'ի քառութիւն մեղաց, ինքն ընդունողն առաջի կայր պատարագամատուցին, յորմէ սերոբէքն և քերոբէքն թեւօքն ծածկէին զոտս և զերեսս իւրեանց յահէ մեծութեան նորա :

Օտեր տաճարին վասն տաճարին պահանջէին : Ո՞վ մեծամեծ յանցանայն . զինչ ինչ չար ասաց . « Ապակեցէք, ասէ, զտաճարդ, և ես յերկր առուր շինեմ », : Այլ իսկ, ասեն, լուպ : Ո՞վ քահանայք, և մեծ իցէ արդեօք յանցանքս այս : Արեն՝ և կարի մեծ . շինեմ,

ասաց, և ոչ եթէ աւերեմ. թուի ինձ եթէ դուք զերիս աւուրս ոչ կարէք աւերել, նա և ոչ բազում ամս : Բայց բարեոք ասէր թէ քակեցէք. քանզի 'ի սկզբանէ քակել եւեթ գիտէք, և ոչ շինել : Բնա քակեցէք զազգս արդարոցն, և ես այլ արդարս շինեցից 'ի միջի ձերում . քակեցէք և դուք զմարդարէութիւնս յանձանց ձերոց, սակայն ես այլ մարդարէս յարուցից ձեզ քարոզել զճշմարտութիւն . անարգեցէք դուք զվէմն՝ որ էր գլուխ անկեան, և ես այլ երկոտասան վէմն կանգնեցի յաշխարհի ձերում, զի շինեցից զձեզ 'ի վերայ անշարժ հիւնանս՝ և ոչ կամեցարուք : Իսկ արդ զինչ մեծ է եթէ քակէք զտաճարդ, և յերկր աւուր կանգնեմ զդա : Օ երկինս ոչ ապաքէն առանց աւուր կանգնեցի, և զերկիր առանց ժամու հաստատեցի, և զամենայն գոյացութիւնս 'ի վեց աւուր զարդարեցի . դուք զտաճարդ 'ի քառասուն ամ շինեցիք, ես զմարդ 'ի քառասուն օր նկարեցի յարգանդի . դուք զտաճարդ 'ի քառասուն ամ շինեցիք, ես զձեզ քառասուն ամ շինեցի յանապատին՝ և ոչ շինեցարուք : Բոր որովհետեւ քառասնամեայքդ՝ անխրատեալք և չլինեալք 'ի վերայ վիմին՝ որ տայր ձեզ զջուրն 'ի նմին անապատի, արդ քակեցէք դուք զայս տաճար զոր տեսանէքս զիս, և ես յերկր աւուր շինեցից զսա առանց ձեռագործի . զի այլ թէ կամիցիք քակել, ոչ կարէք : Բայց զայդ տաճար զոր Սողոմոն շինեաց, եթէ կամիք և եթէ ոչ կամիք, դա քակելոց է 'ի թշնամեաց ձերոց . մանաւանդ թէ ողբքն իմ իսկ դառնապէս ասացեալ են 'ի վերայ տաճարիդ . որպէս և դու իսկ, ուլ քահանայապետ Սայիափա, մարդարէացար ոչ 'ի կամաց քոց . «Վայցեն, ասես, այնուհետեւ հռոմք, և բառնայցեն զազգս մեր և զտեղի և զօրէնս մեր», որ և լինելոց է ոչ յետ բազում աւուրց, այլ առ կենօք քովք տեսցես զայն :

Եւ զայս ասելով՝ վերամբարձադոյն եւս հայեցուցեալ, ցատոյց զքահանայապետն և ասէ . որ այժմն մրտեալ կամ առաջի քո կապանօք և մեծ անարգութեամբք, տեսցես յերկինս վերացեալ, և նստիմ 'ի հայրենի աթոռն յաջմէ զօրութեանցն Բստուծոյ : Օ այս լուեալ քահանայապետին, ձեռն զօձիւք հարկանէր, և յերկուս զպատմուձանն պատառէր . զի 'ի

պատառել պատմութիւնսն, զազգն ամենայն զայրացուցե յարուցանել 'ի վերայ Յիսուսի : Բայց թերեւս յերաւի պատառեցեր զպատմութիւնսն . զի ընդ նմին պատառելոց էր և քահանայութիւնսն : Վանդի արժանի իսկ էր զօճիս պատառել 'ի մեծամեծ չարութեանն զոր զործելոց էր յայսմ տեղոջ : Եւ առակքն տերունեան յոյժ հանդիպեցան ճշմարտութեամբ . “ Այ որ արկանէ գինի 'ի տիկս հինս . ապա թէ ոչ պայթուցանէ գինի նոր զտիկս հինս ” . յորս սակաւիկ մի կաթեաց զորութիւն ուժոյ՝ սակաւիկ գինի նորոյ, և անդրէն հին տիկքն յերկուս հերձաւ : Իսկ արդ զինչ ինչ մեծ ասաց որդւոյ մարդոյ նստել ընդ աջմէ Կտուծոյ ասաց : Ահնացեալ կուրութեանն, որ ոչ ամենեւին և առ ոտս անգամ տեսանէն . զորհանապազ սաղմոսարանն երգէ . “ Կաց տէր ցտէր իմ, նիստ ընդ աջմէ իմմէ, մինչեւ եղից զթշնամիս քո պատուանդանս ոտից քոց ” : Այ էթէ զնստեալն յարուցանելով հրամայէ անդրէն նստել, այլ զձեւն նստելն ածէ 'ի նստուցանել, և ոչ զեղեալ թշնամին կրկնէ անդրէն զնելով զայլաձեւ եղեալսն, որ իբրեւ զքեզդ է ընդդիմացեալ, զնէ պատուանդանս ոտից նորս : Եւ էթէ դժուար թուիցի քեզ մարդոյ որդի Կտուծոյն լինել, ընդէր ոչ յառաջագոյն պատառեցեր, յորժամ լուար 'ի հողւոյն սրբոյ 'ի ձեռն Սովսիսի “ Արդի իմ անդրանիկ Խարայէլ, արձակեա զեւ կեսցէ պաշտեսցէ զիմ պաշտօնն ” . ապա թէ ոչ սպանանեմ զորդին քո զանդրանիկ : Եւրդ վասն քո կամիմ էթէ սպանանէ Կտուած զորդի զանդրանիկ զթագաւորին եգիպտացւոց, զի դու լիցիս որդի անդրանիկ Կտուծոյ . և դու հայհոյէս և սպանանես զմիածին որդիդ Կտուծոյ, և բարկացեալ ես էթէ ընդէր նստուցանէ ընդ աջմէ իւրմէ :

Եւս ընդդիմութիւն և ընդ դիւաց ամբարշտութեամբն զանց առնէ, պատերազմ տայ ընդ Կտուծոյ և ընդ մարդկան և ընդ սուրբ հողւոյն միանգամայն, որ ասաց ցիս տէր . “ Արդի իմ ես դու, ես այսօր ծնայ զքեզ ” : Եւ անդէն զիշխանութիւնսն 'ի ձեռս տայ, ոչ միայն 'ի վերայ ազգին յորմէ ծնանի, այլ ամենայն հեթանոսաց 'ի ծագաց մինչեւ 'ի ծագս երկրի : Եւրդ որովհետեւ ատեցեր և մերժեցեր զխաղաղութիւնսն 'ի

բայ 'ի քէն, խումբ առեալ աշխարհական պատերազմաւ 'ի վերայ երկրի, զոր յառաջագոյն խկ նշանակելի դու 'ի հարկանել փողոյն 'ի գլուխս ամսոց և 'ի շաբաթս քո և 'ի լրմունս և 'ի պակասութեան լուսնի և յամենայն տօնս երեւելիս քո, յայտ է եթէ 'ի սկզբանէ 'ի մարտ պատերազմի մտեալ էիր ընդ իս: Արդ որ ընդ ամենայն երեւելիս կռուելիր, ամենեքեան ընդ քեզ տայցեն պատերազմ. փողն լռեսցէ, շաբաթն լուծցի, լրմունք լուսնին քեզ յերկրի հետնոսաց երեւեսցին, երեւմունք հրեշտակաց քեզ այլ մի հանդիպեսցին. վասն զի ամենայնքս 'ի վերայ քո հեղեալ էին 'ի պատիւ և 'ի փառս մեծարանաց: Արդ հոգին սուրբ ելցէ և գնացցէ 'ի քէն, զի այլ մարգարէ 'ի միջի քում մի մարգարէասցի. որովհետեւ ասացեր թէ հայհոյեաց, և իշխեսցեր զայդ ասել, ամենեքեան քում սուտ բանիցդ ետուն վկայութիւն թէ մահապարտ է:

Իսկ արդ որոյ մահապարտի, ով նոյնվեալք, կռուիս հանեն և ընդ երեսս թքանեն: Առփես զայն որ զարդարեաց զգլուխ քո յականս պատուականս, և թքանես ընդ երեսս այնմ որ յարարչութեանն փչեաց 'ի քեզ հոգի կենդանի. վասն որոյ և կոյրդ շրջի աղաղակէ յայտնութեամբ ընդ փողոցս քաղաքիդ, «Արում Յիսուսն ասեն, անէ, նա կաւ արար թքով և ծեփեաց զաչս իմ», հրամայեաց լուսնալ 'ի Սելովհա, և տեսանեմ», Այլորն լուսաւորեցաւ, և դու լուսաւորդ կուրացար: Տեսանես, քանզի յանդգնութիւն անհանձարիցն էր, և անհամեմատ համբերութիւնն Աստուծոյ, յանօրինաց կռփի, և 'ի մեղաւորաց թուք յերեսն ընդունի ազատիչն ամենայնի: Այս 'ի վեր է քան զենութիւն մարդկային. որ արար զարարածս, նա միայն կարաց տանել յայսմ ամենայնի:

Դարձեալ հարցանեմ զքեզ այդքէն, ով քահանայապետ. ուստի ետուր զարծաթն մատնչին. ոչ յառաջ ասացի քեզ թէ մի տար. ոչ երբեք գնի արծաթոյ արիւն արդար. ահա այժմ այդքէն 'ի քեզ ընդունի զերկոսեանն:

Երեւ ետես Յուդա եթէ մատնեաց զՏեր 'ի գատատան մահու՝ յոյժ զգջացաւ, և դարձոյց զարծաթն առ քահանայապետն և առ ծերս ժողովրդեանն և

ասէ . մեղայ զի մատնեցի զարիւն արդար : Եւ նոքա աւսն . մեզ չէ փոյթ , դու պիտես . և նա ընկեց զարծաթն 'ի տաճարն , և ինքն զնայ 'ի խեղզ արկ և մեռա , :

Ո՛վ Յուդա , քանի չար եղև քեզ թողուլ զճնան ըրիտ վարդապետն քո , որ ուսուցանէր քեզ զգնացս արդարութեան և զխօսս ստուգութեան . ո՛վ ուսոյց քեզ զյետս ընդդէմ խոստովանութիւն : Մեղայ , ասէ , զի մատնեցի զարիւն արդար : Բշակերտ որդւոյ մարդոյ էիր , զվարդապետութիւնն յերկնէ և յերկրէ ուսանէիր , զնշանադործութիւնս զՏոբեոյն սրբոյ տեսանէիր , որդի զդա Բստուծոյ գիտէիր . և այժմ ասես՝ մեղայ զի մատնեցի զարիւն արդար : Ո՛վ երբեք յարդարոց սաստեաց ծովու և դադարեցին այլք նորա . կամ յորո՞յ մարգարէի դեւքն չնազանդեցան երբեք , որպէս յանուն Յիսուսի Վրիստոսի 'ի ձեռն եօթանասնիցն : Վրան ասացեր եթէ զարիւն արդար մատնեցի , ընդէ՞ր ոչ ասացեր եթէ զորդին Բստուծոյ մատնեցի . թող ամաչեցեալ լինէր Բննա և Վրիստոս առաջի ամենայն ժողովրդեանդ : Վրան առ քահանայոց բերեր զարծաթ , ընդէ՞ր առ Պիղատոս ոչ տարար . քան 'ի մէջ տաճարիդ ընկեցեր , ընդէ՞ր ոչ ընկեցեր զայդ 'ի յատենական դատաստանիդ . թող կոչէր դատաւորն զամենայն պատուականս ժողովրդեանն , և յանդիմանեալ կշտամբեր զքահանայապետսն՝ եթէ զայր անմեղ արծաթոյ զնէք և սուտ բանիք դատաւարսէք , և կցորդ առնէք զիս ամբարշտութեանդ ձերոյ : Բարձեալ՝ քան չոքար 'ի տուն և խեղզեցար , ընթացեալ քո քեզէն առ դատաւորն ճիչ առեալ և զաղաղակ բարձեալ ասելով առաջի ամենայն բազմութեանդ զմեծամեծսն և զքրանչեւիսն զոր գործէր վարդապետն քո : Եւ եթէ այնպէս ոչ լսէին բանիցն քոց , կացեալ իցիւ քո առաջի խաչին , և խաչելոյն առաջի ասացեալ՝ թէ մեղայ զի մատնեցի զարիւն արդար : Որ չայրն էր գթութեանց և տէր ու զորմութեանց , որ ամենեւին է փրկիչ և ամենայնի կեցուցիչ , որ ոչ եկն դատաւարտել զմարդիկ , այլ արդարացուցանել և շնորհել զյանոյանս իւրաքանչիւր որ դառնան առ խաչեցեալն : Ոչ էին մեղքն քո մեծ քան զգրթութիւնն Բստուծոյ , որ 'ի ձայն բարձր աղաղակէր և ասէր . ամենայն որ ծարաւի է՝ եկեսցէ առ իս , և արբ-

ցէ յինէն զԹուրն կենդանի, միանգամայն 'ի թողութիւն և յանմահութիւն : Ոչ ապաքէն զմեծ արիւնն իւր վասն մեծ մեղաց աշխարհի հեղու յերկիր, և նովին սուրբ արեամբն գնէր զմեռեալս և զկենդանիս . համարեա թէ դու մի 'ի նոցանէ էիր : Որ զամենայն կարէր առնել, քեզ միայն համարեցար բաւական 'ի փրկութիւն . յայտ է եթէ որ զառաջին մարդն յանցոյց, նոյն նա քեզ զպէցոյց զխորդենի կուրութիւնդ . որում ոչ ծագեաց նշոյլ շնորհի որդւոյն Մատուծոյ յոգիս մոլորելոյդ, վասն որոյ և ընդ վայր հարար, և զհեղձամղձուկ դառնութիւն ժառանգեցեր :

Երբ յիրաւի ուրեմն սուրբ Հոգին ողբ առեալ 'ի բերանոյ Դաւթի ասէ . “ Մատուծ օրհնութեան իմոյ մի լուեր . զի բերան մեղաւորի, բերան նենգաւորի բացաւ 'ի վերայ իմ . խօսեցան զինէն 'ի լեզուս նենգաւորս, և բանիւ ատելութեան զիս պաշարեցին . մարտեան ընդ իս 'ի տարապարտուց, այլ ես յաղօթս կայի . ” : Երդ ամենայն սաղմոսս այս՝ չարութեամբ և անիծիւք 'ի վերայ մատնչին ասացաւ, զոր մեծաւ համբերութեամբ Տէր 'ի խաչելութեանն կատարեաց : Եւ վասն զի զան պատճառն մեղաց 'ի մահ դատապարտեաց, կատարեցաւ 'ի վերայ նորա բանն, “ Որ հայհոյեցցէ, ասէ, զՀոգին սուրբ, ոչ թողցի նմա յայսմ աշխարհի և մի 'ի հանդերձելումն . ” . որպէս և եղեւ իսկ 'ի վերայ նորա : Քանզի և աշակերտակիցքն բարկացեալ էին և քահանայքն ցասուցեալ և ընտանիքն իւր ոստուցեալ . ոչ զք փոյթ արար խնդրել զանգիւտ կորուստ նորա, և ոչ զք իծոյց զնա 'ի չարաչար կախաղանէն . ուռաւ փոր նորա, և հեղաւ որովայն նորա, և ցրուեցան ամենայն ոսկերք նորա 'ի դժօխս . իբրեւ զշուն մեռաւ, և իբրեւ զգեշ քարչեցաւ . ել սին 'ի վաստակոցն, և ջնջեցաւ անուն նորա 'ի դպրութենէ կենաց :

Իսկ քահանայապետք և ծերք ժողովրդեանն առին զարծալան և ասեն . Ոչ է արժան զայդ ունել 'ի գանձս, զի զինք արեան են . խորհեցան և գնեցին զազարակն բրտի : Ո՛վ մեծի անմտութեան քահանայից . տալ արժան էր զարծալդ 'ի տաճարէ այտի, և ընդունել չէր արժան . ոչ այժմ պղծեցաւ արծալդ, այլ յառաջագոյն բաղում ժամանակօք՝ յաւուրց անտի Արեմիայի

մարդարէի. « Ըբի, ասէ, զերեսուն արծաթին զգինս վաճառելոյն զոր գնեցի յորդոցն Խարայէլ, ետու զնա 'ի գինս ագարակի բրտի », Օ ի մի կարծիցէք եթէ մարդոյ է տեսութիւնս, ասէ մարդարէն. « Որպէս և հրաման ետ ինձ տէր », Ըհաւասիկ երեւիք դուք եթէ ծնունդք էք սատանայի, զի զգործսն հօր ձերոյ կատարէք հանապազ : Ըրդ ոչ եթէ արծաթդ պիղծ է, այլ դուք պղծեցիք զսրբութիւն արծաթոյդ :

Պիղծ էր Ղողիադ այլազգի, և պիղծ զինուք կամէր կոտորել զԽարայէլ. իսկ Ըստուած 'ի ձեռն Ղաւթի կործանեաց զՏպարտութիւն նորա, յորում բնակեալ էր սատանայ, և նորուն զինուն եհատ զգլուխ հսկային. և զսուրն օրով եհատ, ոչ միայն պիղծ չհամարեցաւ, այլ և յոյժ սուրբ, և ետ զնա ցԼբիթար քահանայապետ. և նա առեալ եդ 'ի պահեստի ընդ սեղանոջն, Ըստուծոյ նուիրեալ զյաղթութիւնն և ոչ մարդոյ. և սեղանն ոչ պղծեցաւ : Եւ շինեաց Սողոմոն զտաճարն, ոչ զօրութեամբ հեթանոսական մտիւքն, և օգնակա նութեամբն Խիրանայ կռապաշտի, ուստի և Յեղաբէլ նղովեալ մորրեցոյց զԽարայէլ : Դարձեալ ուստի նորդեաց Օրաբաբէլ զգոյն տաճարին. իբրու յայտնի է ամենեցուն : Վանգի 'ի գալստեանն դարձին իւրեանց՝ հարին զազգս բազումն, և աւարօք գերութեանն կազմեցին զաւեր տաճարին, զոր և մեծ մարդարէն Ընդէաս յանդիման բարբառի. « Եղիցին փառք տանս այսորիկ, ասէ, մեծ վերջինս քան զառաջինն », Եւ զի մի պիղծ համարիցին զկապուտ դիականցն անկերոյ, ասէ Օաքարիա. « Եւ եղիցի յաւուր յայնմիկ որ 'ի վերայ սանձաց ձիոցն 'ի սրբութիւն տեառն », որ կատարեցաւ գործով 'ի վերայ Երուսաղէմի 'ի հարկանել երկոտասան բիւրուցն յաւուրս Յեսուայ յովսեփեկեանցն քահանայի մեծի, և Օրաբաբէլի սաղաթիկէանց :

Ըրդ ոչ եթէ զարծաթդ չէ արժան ընդունել 'ի գանձն, այլ զձեզ հանել յամենասուրբ տաճարեդ. որ ոչ միայն զարծաթ դորա պղծեցէք, այլ և զօրէնս Սովսէսի՝ չընդունելով զկատարիչ օրինացն. վասն այսորիկ ամբաստանեն զձէնջ ոչ միայն սպառ տաճարիդ, այլ և երկինք և երկիր ամենայն զարդուք իւրեանց :

“Եւ առեալ ածեն, ասէ, զՆիսուս ՚ի վանացն Կայիւ ափայ կապանօք առ Պիղատոս. և նոքա ոչ մտին ՚ի ներքըս, զի մի պղծեսցին”, : Ուր իցէ սրբութիւն ձեր, սիւ քահանայք. զսուրբ տաճարն ՚ի գինս վաճառելոյն պղծեցէք. զանձինս ձեր և զամենեցուն՝ որ մերձ են առ ձեզ, յանձնառութեամբ սուրբ արեանդ պղծեցէք. արդ ընդէր ոչ մտանէք յատենատունդ : Եթէ արդարութեամբ լինի դատաստանդ, դա ոչ արժանի մահու գտանի, և դուք ապրեալ լինիք յարդար արենէդ. իսկ տեղիդ զորոյ յատակ այդր սուրբ գարշապարքդ կոխեցին, եթէ յառաջագոյն ինչ ունէր զաղտ անիրաւութեան, ՚ի ձեռն արդար դատաստանիդ սրբեալ և մաքրեալ լինի ամենայն տունդ ատենիւդ հանդերձ : Եւս եթէ ՚ի դատարդէդ ինչ խորշիք իբրեւ յանձնատհանոսէ, ահաւաղիկ դա առ ձեզ արտաքս ելանէ, մերձ առ ձեզ կալով առանց միջնորդի խօսի ընդ կարծեցեալ սուրբ քահանայապետդ : Եւս թուի ինձ՝ թէ յորմէ դուք խորշիք, դորա յառաջագոյն իմացեալ է ոչ միայն զպղծութիւնդ ձեր, այլ և զմեծդ անիրաւութիւն. քանզի և գիտաց իսկ՝ եթէ առ նախանձու մատնեցին զնա, վասն որոյ կրկնէ և երեքկնէ և բազում անգամ հարցանէ. Օ ինչ ինչ չարիս գործեալ է, ասէ, զի ածէք մատուցէք զսա ՚ի մահ դատաստանի : Իսկ իբրեւ ոչ գտանէին ամենեւին տեղի պատասխանատուութեան, խռովութեան իմն մեծի պարտ առնէին ՚ի Վալիլէէ մինչեւ ցԵրուսաղէմ. դարձեալ և թագաւորութեան զբարտաթիւն ՚ի վերայ դնէին :

Իբրեւ ետես, ասէ, Պիղատոս՝ եթէ ինքեանք ոչ մտանէն, ինքն ել առ նոսա. և սողտանելով զնոսա ՚ի միտս իւր՝ ասէ. Ո՛վ, գիտեմ զի քահանայք էք և քահանայապետք, ոչ երբեք գիտէք սուտ խօսել, քանզի սուրբ էք. և ՚ի ներքս անգամ առ իս ոչ մտէք, զի մի պղծիցիք. արդ ասացէք զիս՝ զինչ չարիս գործեալ է նորա, զի թողէք զուրախութիւն պատուական տօնիդ ձերոյ, և իբրեւ արդարութեան նախանձորդք վրէժխնդիր էք, իբրեւ թէ չարագործի. գրով սուք ինձ զտուն ամբաստանութիւն, զի ըստ գործոց նորա զդատաստանն հատուցից : Եւս ամենեքեան միաբան. Եւք



զիտեմք, զի մահապարտ է ըստ օրինաց մերոց: Ըարկացաւ դատաւորն և ասէ. (Թաւի ինձ՝ եթէ ճշմարտաւեացք ուննիք էք դուք. զիմորդ կարեմ՝ ես զայր անմեղ առանց յանցանաց սպանանել: արդ առէք և ըստ օրինաց ձերոց որպէս և սովոր էք՝ դատեցարուք: Պատասխանի ետուն քահանայապետքն և ասեն. Սէք հրաման ունիմք յօրինաց մերոց չսպանանել զոք: Ըսէ դատաւորն. Եւ ես երկնչիմ յօրինաց հռոմայեցոց առանց յանցանաց դատել զարդար ոք: Ըսեն քահանայապետքն. Սէք վկայեմք՝ եթէ մահապարտ է, քանզի խռովիչ է և զանձն իւր ՚ի Թագաւորութիւն մատուցանէ: Ըսէ դարձեալ դատաւորն. Որպիսի խռովիչ. յափշտակող իբրեւ զաւազակ, Թէ բռնութեամբ իբրեւ զԹագաւոր, Թէ յափշտակող և աւարառու. յորում լերին բնակեալ էր, և զոր ճանապարհս պաշարէր, և զոր ՚ի ճանապարհորդաց կողոպտեաց, և կամ զոր գաւառ հինեալ աւարեաց. զինչ շատ տարաւ ՚ի գերութիւն, ըզմարդիկ եթէ զանասուն. ածէք զմնացեալ ոք յընկերաց գերելոցն, զի և ՚ի նոցանէն եւս ճշմարտեցից. և եթէ զզանձն ուրուք ան բռնաբար, ընդէր յառաջադոյն ինձ ոչ բողբեցէք. և եթէ որպէս ասէքդ՝ Թէ Թագաւորութեամբ խռովէ զմեզ և հանէ ՚ի հարկաց կայսեր, ցուցէք ինձ ո՞վ են սպասաւորք դորա, և կամ քանի՞ զինուոր ունի, և որպիսի սպասաւորութիւն զինուոր, որով կարէ զդեմ ունել հռոմայեցոց՝ հանելով զձեզ ՚ի ծառայութենէ կայսեր, որպէս ասացէքդ:

Իբրեւ տեսին քահանայքն Թէ յամենայն կողմանց ած և արգելեաց զնոսա յանպատասխանատուութիւն, սկսան լրբենի զիմօք խօսել ընդ դատաւորին և ասեն. Ո՛վ քաջ դատաւոր, ընդէր ոչ հաւատաս արգարոցս. դու իբրեւ զմեզ տեսեր յատենիս, չէր արժան քեզ այդպիսի բանիւք բազում քննութիւնս առնել, այլ միայն հաւատալ մեզ, և զինչ ասեմք՝ վաղվաղակի կատարել: Իբրեւ զայն լուաւ Պիղատոս, ստգտանէր զանմտութիւն պատասխանեացն նոցա, զսրովելով ընդ մտքս իւր զքահանայապետն: Եւ մտաւ անդրէն Պիղատոս առ Յիսուս և ասէ. Ըրդարեւ դու ես Թագաւորն հրեից: Եւ պատասխանի Յիսուս և ասէ. Վոյով բանիւ խօսիս դու ցիս զայդ, եթէ այլ ոք եղ քեզ բանս

ի բերանդ : Լսէ Պիղատոս . Եւ ոչ հրեայ եմ . ազգաստոհմն քո մատնեաց զքեզ 'ի ձեռս իմ , ինչ արարեալ է քո նոցա : Պատասխանի ետ Յիսուս և ասէ . Լքբայ եմ իսկ արդարեւ , ով դատաւոր , այլ ոչ յայսմ աշխարհէ : Լսէ դատաւորն . թիկ այդպէս է , թագաւոր ոմն ես դու :

Եւ ել անդրէն Պիղատոս առ հրեայնս և ասէ ցնուսա . Պիտասջիբ ամենեքեան , զի ես և ոչ մի ինչ պատճառս մահու կարեմ 'ի վերայ նորա գտանել . է ձեր սովորութիւն մի որ 'ի կապելոց արձակել 'ի տօնի աստ . կամիք զի արձակեցից ձեզ զարքայդ հրէից : Հասարակ զազաղակ բարձին ասելով . Ս'ի զդա , մի զդա , այլ արձակեա մեզ զորդի Լքբայ : Եւ էր այն որդի Լքբեայն աւազակ մի : Իբրեւ զայն լուաւ Պիղատոս , յոյժ տրրաւ մեցաւ ընդ կատաղութիւն ժողովրդեան : Յամենայնի , ասէ , տեսանեմ զձեզ վրիպեալս 'ի ճմարտութենէն . խոսովութենապարտ արարէք , և ոչ մի ինչ բան վաստու 'ի վերայ կարացէք դնել . թագաւորութեան անուամբ հայհոյեցէք , և զգործ իշխանութեան ինձ ոչ ցուցէք : Օ այս այր մի աւազակ որ 'ի բազում ժամանակաց բազում չարիս գործէր , որ 'ի դաշտի զճանապարհս պաշարէր , զմարդիկ կոտորէր , զուղեգնացս խափանէր , ըզտուարածս 'ի լերանց հարածէր , ճանապարհաց հատս առնէր , 'ի շէնս զորմն ծակուտէր , և զմեծատանց գանձս տանէր , զաղքատս անողորմս լացուցանէր , յԵրաուծոյ չերկնչէր և 'ի մարդկանէ չամսչէր , 'ի դատաւորաց չպատկաւէր , 'ի տանջանաց չզանցիտէր , 'ի տուգանաց չակնածէր , յամենայն պղծութիւնս խառնէր , զամենայն չարիս գործէր , և ես 'ի բազում ժամանակաց 'ի խընդիր էի , և մեծաւ ճգնութեամբ հազիւ ըմբռնեցի , արդարժան էր ձեզ զայսպիսի այր յայսմ տօնի խնդրել :

Ետունս սրտասխանի քահանայապետքն և ասէն . Ս'ան զի մեծ է տօնս , կամիմք զի մեծամեզ այր ապրեալ լիցի 'ի մեծի տօնիս : Ետ պատասխանի Պիղատոս քահանայապետիցն և ասէ . Որովհետեւ այդչափ մարդասերք էք և զմեծամեզի փրկութիւն խնդրէք 'ի մեծի տօնիս , արձակեցից ձեզ զԲրիստոսն . որպէս զուր ասէք , նա է մեծամեզ քան զամենեսեան : Օ այս լուեալ հիացան ամենեքեան , և ոչ գտան պատասխա-

նիք՝ ի բերանս նոցա . յուզեցին զամբոս բազմութեանն ,  
 ՚ի ձայն բարձր աղաղակեցին և ասէն . Սի գրա, մի գրա,  
 այլ արձակեա մեզ զորդի Մբբայ : Բնէ դարձեալ Պի-  
 դատոս . Իսկ զի արարից զարքայն Հրէից : Եւ նոքա նու-  
 վին բարբառով եւս սնդագոյն քան զառաջինն ասէին .  
 Բարձ ՚ի մէջ և հան ՚ի խաչ :

Եւ մինչ դեռ անդէն յատենին էր դատաւորն , ա-  
 ուաքեաց առ նա կինն իւր և ասէ . Չկայ ինչ քու և ար-  
 դարոյդ այդորիկ , քանզի բազում անցք անցին ընդ իս  
 յայտմ գիշերի վասն դորա : Եւ աքեաց դատաւորն անդ-  
 րէն առ կինն և ասէ . Ես զի առնեմ , բանից բան տամ  
 քահանայապետից , և պատասխանեաց պատասխանի  
 կարեմ դարձուցանել քահանայիցս . իսկ աղաղակի բազ-  
 մութեանս ես ոչ կարեմ կալ առաջի . ոչ միայն օգնել  
 ոչ կարեմ առնս այսմիկ , այլ և յանձնէ յոյժ երկնցիմ ,  
 եթէ գուցէ յակամայ խառնեցայց յարիւն արդար . դու  
 ՚ի տեսեան գիշերոյ զարմացեալ և զարհուրեալ ես ընդ  
 արդարութիւն սորա . բայց ես ՚ի տուրնջեան իսկ զահի  
 հարեալ եմ յերեսաց սորա : Օ ի որպէս առաւել է  
 մարդ քան զստուեր անձին իւրոյ , այնչափ առաւել է  
 երեւումն տեսեան սորա քան զարհուրս գիշերայինս :

Եւ որ իբրեւ ետես դատաւորն եթէ ամենայն բազ-  
 մութիւնն միաբան աղաղակեն ասելով ՚ի խաչ հան , և  
 եթէ ՚ի նա եւս ձգեն զբանս հայհոյութեան վասն ար-  
 քունի իրաց , վաղվաղակի ջուր խնդրեաց և լուաց ըզ-  
 ձեռան , և զանձն իւր ՚ի բաց թօթափեաց առաջի ամե-  
 նայն բազմութեան ատենին՝ ասելով յանդիման քա-  
 հանայիցն և քահանայապետիցն . Ինտասջիք , ով Հը-  
 րեայք , քաւեալ եմ ես յարենէդ յայդմանէ , զոր դու-  
 քըն կամիք ՚ի տարապարտուց հեղուլ : Եւ նոքա միա-  
 բան յանձն առին : Եւ իւն դորա , ասէն , թէ արդարոյ  
 է ՚ի գլուխս մեր , և եթէ մեղաւորի է ՚ի գլուխս մեր  
 և որդւոց մերոց , և թէ որդւոյ Բստուծոյ՝ ՚ի մեր և  
 յորդւոց մերոց և յորդիս որդւոց մերոց : Յայնժամ  
 արձակեաց նոցա զԲարաբբա զորդի Մբբայ , և զՅի-  
 սուս կալեալ ետ ՚ի ձեռս նոցա , զի ՚ի խաչ հանիցեն :

Ով անբաւ բարերարութեանն Բստուծոյ և անկշիռ  
 մեծութեան սիրոյ նորա , որ քան զմիտս և զխորհուրդս  
 անցանէ , ոչ միայն քան զիմաստնոց մարդկան , այլ և

քան զվերին զուարթնոցն : Ամենայն որ հերկէ զերկիր, զայլոյ մարմին կակղէ, և զարտաքին սերմանեացն մնուցանէ զբոյսս . իսկ Յիսուս երկնայինն երկրացաւ, և կամօք եկն 'ի հերկումն և 'ի կակղումն, և յիւր մարմինն եբարձ զամենայն չարութեան մերոյ սերմանիս : Ի սուրբ երեսս ընկալաւ թուփ պիղծ 'ի պիղծ և 'ի հայհոյիչ բերանոց . և որ ամենասուրբ թքոյն եբաց զաչս կուրու թեան մարմնոց և զողոց մերոց, ընկալաւ ապտակ 'ի ծառայէն ծառայից, և յապտակաց աներեւոյթ հարուածոցն զերծոյց . ետ զինքն յապտակս՝ որ էրն աղատ և ազատիչ ամենեցուն, զի իւրով ազատութեամբն ազատեցեղ զմեզ 'ի ծառայութենէն . որում կամօք տուաք զանձինս յանարժան ծառայութիւն, և նովին կամօք փշաբոյս արարաք ոչ միայն զերկիր՝ այլ և զմարմինս մեր, մանաւանդ թէ և զհոգի առաւել քան ըզմարմին, խլեաց արմատաքի զբոյսս չարաչար փշոց մերոց . և ոչ եթող աստէն յերկրի, այլ բոլորեաց կազմեաց զօրէն պատուական պսակի, և եղաւ 'ի գլուխ :

Այլ քանի է չարութիւն մարդկան, և կամ որչափ բարերարութիւն Աստուծոյ . այն որ պսակեաց զբահանայան յոսկի և 'ի զմրուխտ և յայլ բազում ահանս պատուականս, և զարդարեաց զնոսս 'ի զարդ ոսկեհուն պճղնաւոր, և 'ի զանգակաձայն հնչումն, և 'ի զարմացումն վահասին, փոխանակ այսր ամենայնի տեսանեմ զձախողակի հատուցումն . զի ոչ միայն պսակ 'ի փշոց եղին 'ի գլուխ նորա, այլ և եղէգն ձաղանաց յաջոյ ձեռին նորա : Բայց յոյժ առաւել զարմանամ ընդ այս իրս, զիարդ իցէ եղէգն ձաղանաց . թուի ինձ թէ ոչ այսօր բուսաւ եղէգնս այս, այլ յաւուրց անտի Ասայեայ մարդարէի . « Արագն աղօտ աղօտ, ասէ, մի չիջցի . և եղէգն ՉախՉախեալ մի բեկցի, մինչեւ հանցէ 'ի դատաստան զիրաւունս արդարութեան » : Այս յայտնի է ամենեցուն . լուսով ատենաք ուղղին և եղեգամբ զիր հաստատի : Իսկ արդ եթէ ճրագ աղօտ աղօտ էր Յովհաննէս, որպէս և էր իսկ Ճմարիտ, որչափ նոցա գալ էր՝ փութացան շիջուցանել . այլնա առաւել քան զձառագայթս արեգականն բացափայլ արձակէր զնոյլ լուսոյ իւրոյ : Արդ բարիօք կատարէք զկանխադիր բանս մարդարէիցն ձերոց, այլ չարաչար ընդունիք զվճիռ դա

տատանի յանձինս ձեր : Եղեգամբ մարդիկ զրին և արձակին յազատութիւն 'ի չարաչար ծառայութեանէ . իսկ դուք աւաղիկ երկրաբոյս եղեգամբ աստուածային ձեռամբն անջինջ դեղով զրիք և արձակիք յերկնաւոր ազատութեանէն 'ի սատանայական ծառայութիւնն . ապա յիրաւի ուրեմն առնուք զեղէգն 'ի ձեռանէ դորա և հարկանէք զգլուխ դորա . զի երեւեսցի եթէ անձամբ զանձինս հրաժարեցուցանէք 'ի գլխոյդ յայդմանէ , որ պսակելոց է զամենայն սուրբս յանթառամ պսակ արքայութեանն :

“ Երբ յարձեալ , սաէ , մատուցին նմա գինի ընդ լեղի խառնեալ . ճաշակեաց և ոչ կամէր ըմպել , : Եւ այս եւս առաւել մեծի սիրոյն երեւի տեղի . այգին զոր փոխեաց Երզնկայոսէ , բազում այգիս խլեաց 'ի Վանան և զնոսա տնկեաց , պարսպեաց օրինօք և ամրացոյց մարգարէիք . կացոյց նմա թագաւորս վերակացուս , և առաջնորդս քահանայս և քահանայապետս , ուխտս և պատարագս , նուէրս աստուածայինս 'ի տուէ և 'ի գիւշերի : Եկն տէր այգւոյն 'ի ժամ պողոյն ընդունել 'ի նոցանէ զճաշակս վայելութեան գինւոյն . գինին զբռնութիւն անուշութեանն ոչ փոխեաց , քանզի աստուածային աջոյն էր տնկեալ զայգին : Եղի 'ի գինի անդր խառնեալ տային ըմպել : Եղին կատարեալ դառնութիւն է . այս բերք ոչ աստուածային տնկոյն են , այլ գիւտք չարասէր մարդոց և նախանձոտ կամաց , որք զանխառն զանգանել կամին և 'ի սուրբ բնութիւն գործոյն Երտուծոյ գիւրեանց դառնութիւն մեղացն խառնել կամեցան : Օ այս աստուածութիւնն քեզ յանձն ոչ առնու . քանզի ոչ եթէ սակաւ մի խառնեցին զլեղին , այլ այնչափ թանձրացուցին , զոր և մարգարէն Երախթ յառաջագոյն ասէր ողբալով . “ Ետուն 'ի կերակուր ինձ լեղի , և 'ի ծարաւ իմ արբուցին ինձ քացախ , : Երբ զհետեւ առատ էք 'ի չարութիւնս և կապեալք 'ի բարեգործութեանէ , զայդ կամս ձեր ոչ կատարեցից : “ ճաշակեաց և ոչ կամէր ըմպել , : Վանզի նոքա այնպէս կամէին եթէ հնար ինչ իցէ յոյժ կերիցէ զլեղին , և առաւել յոյժ արբցէ զքացախն : Եւ եթէ որ ասիցէ , ուստի գիտես զկամս աներեւոյթս , մանաւանդ և զանգրեալսն , 'ի պատրաստութեանէ անտի իմացիր . ում արդեօք եր-

բէք 'ի մարդկանէ գտաւ 'ի ժամ մահուն լեղի և քաշախ 'ի միխթարութիւն . բայց միայն այսոցիկ՝ որոց առաջնորդ և վարդապետ էր հայր նոցա սատանայ . որք ընդ նմին իսկ ժառանգելոց են զպատրաստեալ տեղին երկոցունց կողմանցն :

Արդ Վարաբբայն զոր արդարագոյն համարեցան , շնորհեցաւ նոցա արձակել 'ի դատաւորէն , և այլ եւս չարս երկուս աւազակո , որոց էին գործք իրեանց չարութեամբ և դժնդակագոյնք քան զամենայն մահապարտաց , որ յայնմ ժամանակի պահէին 'ի բանդի դատաւորին , և 'ի նմին աւուր դիպեցան 'ի խաչելութեանն Վրիստոսի , մի ընդ աջմէ և միւսն ընդ ահեկէ նորա . զի մի և մի բան 'ի կանխագիր մարգարէութենէ անտի ոչ վրիպեցի :

Այլ երթային զհետ նորա բազմութիւն արանց և կանանց , քահանայից և քահանայապետաց մեկնիւք օրինացն և ծերք ժողովրդեանն , ակնատես լինել փութային մահու անարգանաց կենարարին իւրեանց . և յոյժ խնդութիւն էր 'ի միտմին մտորելոցն , եթէ 'ի մէջ աւազակացն խաչեցի , հայհոյեալ յերկրէ և դատապարտեալ յերկինս : Վանդի ունին մարդիկ բարս բընութեան . յորժամ տեսանեն զք 'ի մեծի թշուառութեան և 'ի հարուածս չարչարանաց և 'ի ձաղանս անարգութեան մահու , կարծեն ամբարիշտ մտքն՝ իբրեւ յՆստուծոյ զպատիժ պատուհասին եկեալ հասեալ 'ի վերայ նորա , որտմտեալ բարկանան , և հնարին յանձանց եւս դառնութենէ յաւելուլ 'ի տանջանս պատժաւորացն : Այս այս անխորհրդածութիւնս ծնունդ է կոյր մտաց , որ միայն զառժամայնս իմանայ և զառաջաւ կայսն ոչ տեսանէ , որք անկեալք 'ի ճշմարտութենէ և վրիպեալք 'ի հանգերձեալ կենացն . որպէս եղեւ իսկ 'ի կենսագիրտ տեղւոջն՝ ընտրութիւնք երկոցունց կողմանցն , ունաց 'ի վայր անկեալ , և ունաց 'ի վեր ելանել : Վանդի մինչ դեռ փոյթք էին 'ի հայհոյութիւն , և սրատեսիւք 'ի ձաղանս անարգանաց նորա , կամէին ընել և զնորին զթշնամանութիւնս 'ի բերանոյ աւազակաց : Վանդի մարդ յորժամ դառնացեալ 'ի վիշտս տանջանաց և հատեալ է յոյս կենաց նորա , մերձեալ է 'ի դուռն անդարձ մահու , մանաւանդ յայնպիսի մա-

հու՝ յորում՝ աւաղակէքն կային, ոչ ինչ պատկառի այն պիտին թշնամանել զգատող իւր, նա և յերկինս ձգել հայհոյութիւն բանից :

Բայց արդ դու եկ յարեաց 'ի լուսաւոր տեղին և մեր ձեցիր 'ի փրկական խաչն տէրունական, և տես անդ զնոր և զչքնաղ գործան՝ որ գործեցան : Արիս փայտս կանգնեալ և երիս մարդս խաչեալ՝ հասարակ կան 'ի միում պատժի, ոչ որ քան զոր 'ի դիւրագոյն տեղում, այլ մի քան զմի 'ի դժնդակագոյն հարուածս : Յայսմ վայրի յոյժ զարմացեալ հիանամ, թէ ուստի գտաւ աւաղակն ջատագով ճշմարտութեանն . յայտնի տկամք ետես և ոչ ինչ զարմանալիս . յառաջագոյն ոչ ինչ գիտեր զճշմարիտ վարդապետութիւն Տեառն . յիւրոց գործոցն՝ ունայն էր յարդար վաստակոց . իմաստութիւն երկնային հեռի էր 'ի նմանէ, քանզի ծնունդ էր մեղաց և սնունդ դառնութեան . այր մի որ 'ի մանկութենէ իւր մէ իբրեւ մող 'ի վայր անկեալ 'ի քաղաքէ, հեռացեալ 'ի մարդկանէ, ատեցեալ զլոյս տունջեան, և սիրեցեալ զխաւար գիշերոյ, կցորդ էր քաղաքաւեր գողոց, և հաղորդ յափշտակող աւաղակաց . խորհուրդք նենգաւորք և գործք վատթարք, բարեկամ անարդաց և սիրելի լիտեաց, ատելի զգաստից և զազրալի ամենայն բարեսէր մարդկան : որսացեալ 'ի դատաւորէն ըմբռնեցաւ ըստ բազում յանցանաց իւրոց . և ըստ բազում յանցանաց իւրոց կայր 'ի պատիժս մահուն : Այլ արդ զինչ խօսի . յընկերն սաստելով և զանձն իւր դատապարտելով՝ յանդիմանիչ քահանայիցն գտանի, և ս առաւել քահանայապետիցն : Ինձ թուի՝ եթէ զգատաւորն յոյժ դարովէ, միանգամայն և զատեանն կշտամբէ և զիմաստուն աթոռակիցս դատաւորին յամօթ առնէ :

Բայց ընկեր նորա յանկակից էր հայհոյող ժողովըրդեանն, և սկսաւ հենգնելով ասել . Աթէ արդարեւ դու ես Արիստոնն, փրկեա զանձն քո և զմեզ ընդ քեզ : Իսկ միւսն 'ի ձայն բարձր լու 'ի լու ամենայն ժողովըրդեանն կագել սկսաւ ընդ ընկերին և ասել . Յետուծոյ ոչ երկնչիս դու, նա և 'ի մարդկանէ արժան էր քեզ ամաչել . մէք ըստ յետս ընդդէմ գնացից մերոց ձախողակի զհատուցումն ընկալաք, իսկ սա ընդէր . զի սորա չար ինչ ոչ էր գործեալ, և երբէք ու մէք 'ի մարդկանէ

չք մեղուցեալ: Օպս նորա ասելով, ամենայն բարեւոթիւն դատողացն ամաչեցեալ լինէր: Եւ գործարկեալ անդրէն զբանս իւր աւազակն ասէ. Տէր Ախառս, յիշեալ զիս 'ի գալստեան արքայութեան քո: Օ անուն ոչ գիտեմ զառնս զպսմիկ, և աւազակ ամաչեմ ասել. զք վերադոյն գտանի ոչ միայն քան զբարեգործ որ 'ի մարդկանէ, այլ և քան զյոյժ խրատեալս յորինաց և 'ի մեր գարեկից:

Աւստի է քեզ այդ, ով յափշտակող. ուր կաս, զ՞ տեսանես, և ընդ ում խօսիս. 'ի խոյզի տեսանես խաչեցեալ, և խօսիս ընդ Տեառն Ախառսի միանգամայն և ընդ արքայի որդւոյ՝ որ իշխէ արքայութեան և բաշխէ պարգեւս ամենեցուն: Իսկ արդ զինչ տեսեր, մեթէ կակղացոյց զփայտ խաչին իւրոյ առաւել քան ըզքոյդ. ոչ տեսանես աւազիկ փայտ չորեքկուսի 'ի վերայ վիմի կանգնեալ, զոտս և զձեռս երկաթով բեւեռեալ, անյոյժ կապանօք պնդեալ. տիգաւորք շուրջ պատեալ, քահանայք հայհոյեն, քահանայապետք դարովեն, ծերք լկտութեամբ այսն առնեն, փարիսեցիք լռկտութեամբ ոտնհարեն. բազմութիւն ժողովքեանոց 'ի ձայն բարձր աղաղակեն ասելով. Օ պաւ ապրեցոյց, զանձն իւր ոչ կարէ փրկել: Եւ ինքնին իսկ տեսնես եղէգն ձաղանաց և քացախ լեղի խառնեալ 'ի կերակուր և յըմպելի, զհանդերձան մերկացեալ, զպատմուշանն վիճակեալ, մերկ զփայտէ կախեալ, զլուխ 'ի փրչոց պսակեալ, երեսք թքալիցք, և ծնօտք ապտակեալք. և դու ասես՝ յիշեա զիս 'ի գալստեան արքայութեան բում:

Աւստի արդեօք ծագեաց այնպիսի լոյս յոգիս աւազակին, յոյժ զարմացեալ եմ և առաւել քան զյոյժ սքանչացեալ. 'ի Վազարեթ ոչ երթեալ, ծննդեանն չէր տեղեակ, 'ի Վանա գալիլեացւոցն սորա չէր երթեալ, 'ի հարսանիսն զսա ոչ զք կոչեաց, 'ի Թակոյկարուղի գինւոյն սորա չէր արբեալ, 'ի նկանակածին հացէն սորա չէր կերեալ, զկաւածեփ կոյրն ոչ էր տեսեալ, 'ի շամրտացի կնոջէն սորա չէր աշակերտեալ, ըզմահիճն անդամալուծին սորա չէր տեսեալ, յունայն գերեզմանն՝ ազարու սորա չէր երթեալ, զբողոք դուացն յերկիրն գերգեսացոց չէր լուեալ. և զի մի մի



Թուեցից յանուանէ . որպէս ունայն էր անձն իւր 'ի բարեգործութենէ , սոյնպէս անտես և անլուր էր յամենայն նշանադործութեանց Տեառն մերոյ : Արդ փոխանակ այսր ամենայնի փառաւորութեանց տեսանէր այր մի լի անարգանօք 'ի մահու խաչին , և խոստովանէր զնա տէր Յիսուս , որդի Աստուծոյ , և իշխան արքայութեան փառաց Տօրն . աներկբայ հաւատ , անթերահաւատ խնդիրք : Այս անուտ պատասխանի . Արդարեւ ասեմք զ, այսօր ընդ իս իցես 'ի զրախտին : Կարճառօտ խնդիրք և համառօտ պատասխանի . բանիւ հաւատաց , բանին բան պատասխանի լսէր . զինչ կայր իւր 'ի ժամու անդ՝ բոլոր զինքն եհեղ առաջի Տեառն ամենայնի իբրեւ զմարդ և զաղքատ , բայց միայն մեծացեալ հաւատովքն : Իսկ Տէր ոչ իբրեւ զմարդ և ոչ իբրեւ զաղքատ և իբրեւ զնախանձօտ , և ոչ իբրեւ զկիսապարզեւ , այլ իբրեւ զբարերար առատ մեծատուն անչարակնածութեամբ շնորհէ ոչ զմասն պարզեւին , այլ զամենայն զբուն զհայրենի տեղին . ոչ ուր ծառն մահու , այլ ուր միայն ծառն կենաց . ոչ ուր անցանկ տեղին էր՝ ուր օձն սողեցաւ եմուտ , այլ զոր ինքն Աստուած պարսպեաց 'ի սուր տէգ նիզակի իւրոյ հրեղէն շուրջանակաւ զոր քերթէն ինքնին պահէր . զորոյ ըզցանկն ոչ որ կարաց յարդարոցն խրամատել , ոչ Աբրահամ , ոչ Սահակ , ոչ Յակովբ , ոչ Սովսէս ինքն օրինօքն , և ոչ մարդարէքն քարոզութեամբքն . ոչ քահանայք պատարագօք և ոչ զեւտացիք 'ի պաշտաման իւրեանց . ոչ ուխտաւորք յուխտաւորաց , ոչ հարք ճշմարիտք և ոչ թագաւորք արդարք , ոչ գունդք մարտիրոսաց և ոչ վիճակք Վաքբէլոց . մանաւանդ թէ եւս վերագոյն ասացից , ոչ հրեշտակք , ոչ հրեշտակապետք , ոչ աթոռք , ոչ տէրութիւնք , ոչ պետութիւնք և ոչ իշխանութիւնք զբուն զրախտին բանալ ոչ կարացին , բայց միայն աւագակս այս :

Յիրաւի ուրեմն ասացաւ թէ աւագակն եբաց ըզգունն զրախտին . քանզի 'ի ժամուն յայնմիկ ամենայն արարածք 'ի սուգ տրտմութեան էին . արեգակն թաքուցեալ , լուսին խաւարեալ , աստեղք ծածկեալ , տիւհեռացեալ և գիշեր մերձեալ , վերինք զարմացեալք և ներքինք յիմարեալք , աշակերտք փախուցեալք և ծա-

նօթք հեռացեալք, բարեկամք չարախօսք և մերձաւորք թշնամեանոքք. ամենեցուն թողեալ՝ ամենեւին յետս կացեալք, միայն սա մերձեալ՝ ի խոստովանել, յի զառ ի ծննդեանէն սկիզբն առնէր, և ոչ ի մասնաւոր նշանաւ գործութենէ բուռն հարկանէր. այլ և վերանայր ըստ ախտական տեսակս և յաներեւոյթ արքայութիւնն հասածէր և ասէր. Յիշեա զիս յանչարչարելի արքայութեան ի քում գալստեանն:

Որ իցէ այն գալուստ, և կամ ուստի գայցէ, և կամ վասն որոյ իրաց գայ. և զիսորդ գիտացեր դու, ով աւագակ, պատմեա մեզ. որովհետեւ ընկեր եղեր Սովսէսի, դու աւաղիկ քան զՍինա ի վեր ամբարձար և զանմարմին տեսիլ տեսեր. թուի ինձ թէ հոգին սուրբ հանդիպեցաւ քեզ, և զհայրն բոլորեցունց տեսեր դու. և զոր մեծն Պաղոս ոչ կարաց թարգմանել մեզ ըզպատրաստեալ պարգեւան, դու յառաջագոյն մտեր և ժառանգեցեր զայն:

Եւ յ, ասէ, այդպէս է ճմարիտ. քանզի Տէր ինքն ինն ինձ առաջնորդեաց, և խոստացեալ եւս է. ոչ միայն յղեաց զիս ի դրախտն թէ օձն հանիցէ զիս անտի միւսանգամ: Ս ասն այսորիկ ընդ իս իցես, ասէ, ի ներքս ի դրախտին: Ինչ ինն ասելով, ոչ ժամանակեան և ոչ անժամանակեան, այլ բնաւ հանապազորդեան. միշտ լստուած ինքն ընդ իւր, միշտ հաւատացեալ ընդ նմա լստուած:

Ս ասն այսորիկ եհն ի չարչարանս, զի չարչարեցելոցն օգնական լիցի: Եւ աջին պտուղն առաջին ծառոյն ըզմարդն առաջին սպան. իսկ առաջին պտուղ խաչին զառաջնորդն մահու յանձին իւրում սպան. և ի մեռանել մահուն՝ առաջին պտուղ աւագակն կթեցաւ ի զօրութենէ իտչին: Ս վ չարադեւ քահանայք, և այլ եւս այդանիցէք զիսաչգ, և կամ զիսաչեալ ձաղիցէք. մինչ կամէիք ընդ անօրէնան սպանանել զղա, յանօրինէ անտի օրինաւորքդ կշտամբեալ յանդիմանեցայք, և անօրէնն քան զօրինաւորսդ գեր ի վերոյ գտաւ ոչ միայն քան զձեզ, այլ և քան զօրէնսդ ձեր զխովին:

Եւ ընդէր արդեօք այսպէս. քանզի ոչ եթէ օրէնքն տկար ինչ էին, այլ դուք տկարացուցանէք զնա չպահելով զօրէնան, վասն զի ոչ հաւատովք էիք: Իսկ

դա հաւատովք ետես զօրէնսն և զօրէնսդիրն : Օգրէնս ետես , զի կարօտեալ էին հաւատոց և ոչ գտանէին . զօրէնսդիրն ետես , զի եկն կատարել զօրէնսն և ոչ պակասեցուցանել . միանգամայն յառաջ մատեալ , պատուեաց զօրէնսն հաւատովքն , քանզի խոստովանեաց 'ի տուիչ օրինացն . մեծարեաց և զօրէնսդիրն , զի ասաց նմա՝ Լստուած և որդի Լստուծոյ , բաշխիչ պարգեւաց և տէր արքայութեան : Եղեւ սկիզբն հաւատոց և կատարիչ օրինաց , որդի Լբրահամու և սիրելի մարգարէից , աշակերտակից առաքելոց , առաջնորդ մարտիրոսաց , ժառանգորդ արքայութեանն , դռնապան դրախտին կենաց , միանգամայն սիրելի և սիրելի հօր և Որդոյ և հօգուցն սրբոյ :

Լորդ յոյժ սիրելի է ինձ բանս Լռաքելոյ զոր ասէ . “ Ուր առաւել եղեն մեղքն , առաւել եղեն շնորհքն Լստուծոյ ” : Լորդ զայս լսելով , եղբարք , ամենեցուն մեր միտք ճշմարիտ գիտելով ընթանան առ ազգն տեսական , 'ի դաւանն արդարոց , յերկիրն պարգեւաց՝ յանձկալի քաղաքն Երուսաղէմ , 'ի հրաշակերտ տաճարն Լստուծոյ . ուր օրէնքն աստուածատուրք և մարդարէքն հոգեկիրք , արդարք շնորհալիցք , հարքն կատարեալք և որդիք խրատեալք . ուր նշանք երկնայինք և արուեստք երկրայինք , ուր յայտնութիւնք հրեշտակաց և ընդունելութիւն պատարագաց 'ի ձեռն կենդանի հօգուցն սրբոյ , որով Լստուած ճանաչի ճշմարտապէս այնոցիկ՝ որոց ոգիքն սրբութեամբ համեմատեալ են ընդ Լստուծոյ : Լորդ վասն այսր ամենայնի յոյժ սիրեմ՝ զաշխարհն , և յաշխարհի անդ զգաւառն , և 'ի դաւառի անդ զքաղաքն ընտրեալ , և 'ի քաղաքին զբարձրացեալ տեղին Վաղգոթա , և 'ի տեղւոջ անդ զեւս բարձրացեալ վէմն , և 'ի վերայ վիմին զաշխարհաձեւ խաչն , և 'ի վերայ խաչին զխաչեցեալն , որ կայր առաջի երկնաւոր տեսողացն , և էր գեր 'ի վերոյ ոչ միայն քան զբարձրութիւնս լերանց , այլ և քան զերկինս . նա եւս քան զերկինս երկնից բարձրացեալ :

Եւ զի այսպէս է ճշմարիտ , հայեաց 'ի տեղին , և տես ճշմարիտ զեղելութիւն գործոցն որ անդ կատարեցան առանց երկբայութեան : Վասնզի մերկացուցին զտէրն արարածոց , զայն որ զգեցոյց զարգուք լուսոյ զեր-

կինս, և սրակեաց զերկիր անուշահոտ ծաղկօք: Եւ վիճակեցին զպատմութիւնսն զայն՝ որ առանց կշոյց և վիճակի ետ որդւոց մարդկան զգետ զարդուց ՚ի ծովէ և ՚ի ցամաքէ: Եւ ոչ արբուցին ջուր ՚ի ծարաւու այնմ որ մեծ բղխմամբ ամպոց բազմահոսան յորձանօք ոռոգանէր զամենայն երեսս երկրի. մինչեւ ասել նմա ՚ի չարչարանսն, ծարաւի եմ ես: Հաստիչն աղբերաց ծարաւի եմ ասէ. տէրն Ովկիանոսի և տուիչն անձրեւաց, անկարօտն յամենայնի և լցուցիչն կարօտելոց՝ ծարաւի եմ ասէր: Եւ յոր ՚ի սկզբան լինելու թեանս այնչափ ջրայեղց գործեաց զարարածս, մինչեւ սուրբ Հոգին շրջէր ՚ի վերայ ջուրց և ընդ վիհս մեծամեծս ՚ի վայր հոսեցոյց զանչափ խորութիւն ծովուց, և Տէրն այսր ամենայնի ՚ի գութ սիրոյ առ իւրսն եկեալ, և յիւրոցն մեծապէս չարչարեալ և չարչարանս ընկալեալ, մինչեւ բաժակի միոյ ջրոյ կարօտեալ, ասելով ծարաւի եմ, և ոչ որ տայր նմա ըմպել:

Ո՛ սիրտք դառնացեալք և միտք խարխարեալք և անձինք յիմարեալք. զի եթէ գոյր յումեք ՚ի մեզ այսօր գութ երկնաւոր սիրոյն և տապ նորին անձկոյ, ասէաք և մեք ընդ նմա՝ ծարաւի եմք, լինելով չարչարակից մեծի տանջանաց նորա: Եւ ոչ զի արբցուք զինն ՚ի մխիթարութիւնս սոցոյ, այլ զի յօժարութեամբ և չարչարանօք զմահ և զձաղանս փրկչին յանձն առեալ՝ քաջութեամբ ՚ի հանդէս նահատակութեան համբերութեամբ ընթացուք, և զախոյեանն կանգնեալ՝ վանեսցուք զթշնամին: Եւ և կարօտեսցուք բաժակի միոյ ջրոյ առ ՚ի մխիթարութիւն ծարաւոյ: Եւ և արժանաւոր սիրողաց Քրիստոսի պարտ է ընդ սուրբ մարգարէին ձայնակից լինել. “Եւնոյր որ, ասէ, և առնէր զգլուխ իմ շտեմարանս ջուրց բազմաց և զաչս իմ աղբիւր յորդ արտասուաց”, Եւ զինչ առնէիր այդու ամենայնիւ, ով մարգարէ: “Ի տուէ և ՚ի գիշերի լայի զԽորայէլ”, Եւրդ որ յահագին անապատին բազմաձով վտակս բղխեաց յանջրգի վիմէն, նոյն ինքն առանց նոցունց աշխատութեան զհետ երթայր ժողովրդեանն՝ արբուցանել զազգն ընտրեալ: Եւրդ նոյն վէմ վանս նոցուն և աստ մարգարեալ՝ ծարաւի եմ ես, ասէր: Եւ ոչ միայն զի չտան ջուր, այլ և փոխանակ ջրոյ՝ քայցախ ընդ լեղի խառնեալ մատուցանէին նմա:

Եւ կամ ո՞ր 'ի մարդկանէ իցէ սիրտ քարեղէն կամ պղնձի մարմին՝ զայս լսելով հանդարտել արտասուաց։ Օ ի եթէ յանճատման սիրելեաց մերոց ցտիմք և կոծիմք, ճէմք դառնացեալ սրտիւք, այրիմք խորովիմք 'ի գուծ սիրելեաց մերոց, և ըստ մնասանց մարմնոյն՝ ողբք դառնուծեան ձայնս արկանեմք։ Եւ զայս առնելով ոչ զարժանն կատարեմք, քանզի զպարտոն հատուցանեմք. ոչ զի ինքն է պարտական, այլ զի զմեր պարտին իւրովին հատուցէ. և ոչ զի 'ի պարտեացն ապրել զղաչէր, այլ յոյժ ցամաքեալ և պաքեալ՝ ջուր խնդրէր սակաւիկ մի, լուանալ զերաշտացեալ քիմն։ Նարաւի եմասէր. յականէ զոք ոչ կարգայր, զանուն ուրուք առանձին ոչ ասէր. զաղերսն 'ի մեզ անդր արկանէր, զկարօտուծ իւն ամենեցուն յայտնէր, զանողորմածուծ իւնն յամենեսեան տեսանէր։

Քանզի ճիշի սիրտս, հեղձնուն ոգիքս, փղձկին միտքս, և զխանդաղատմանն Սարիամու ոչ կարեմ աւել։ Քանզի մինչ դեռ կայր Տէրն 'ի շտապ տաղնապին, մօտ առ նմա կային, ասէ, մայր նորա և քոյր մօր նորա Սարիամ մագդաղենացի և այլ եւս կանայք՝ որ յառաջագոյն հաւատացեալք էին զալտեանն որդւոյն Մտուծոյ. աչօք իւրեանց տեսանէին զմեճ չարարանն, և ականջօք իւրեանց լսէին զհայհոյուծ իւննսն, մանաւանդ իբրեւ լուան 'ի բերանոյ նորա՝ թէ ծարաւի եմ։ Եւ դուք ձեզէն գիտէք զբարս բնուծեան կանանց՝ որչափ խանդաղատագոյնք են յողորմածուծ իւն, և մանաւանդ առ սիրելի ծնունդս իւրեանց։ Իսկ արդ զինչ կարծելի է 'ի ժամուն յայնմիկ վասն կանանցն այնոցիկ. զի թէ և էր հնար գտեալ նոցա, ոչ միայն ամանով մաւտուցանէին նմա ջուր, այլ և յորդաբնաց վտակս առ խաչիւն գործէին։ Եւ իբրեւ այսպէս ոչ էր 'ի ձեռս նոցա, զկրծից հարկանէին, զսիրտն կոծէին, 'ի միտոն ողբային, և արտասուս յորդագոյնս բղխէին, վայ անձանց կարգային, և զմահ քան զկեանս ընտրէին. մինչ դեռ կային յաշխարհի, հարեալ գիւղանց նմանէին։ Ասնս այսր ամենայնի յառաջագոյն պատասխանի լուեալ 'ի Տեառնէ՝ զոր ողբալով ասէր 'ի վերայ ամենայն ազգին. Վատերք Արուստղէմի, մի լայք 'ի վերայ իմ, այլ լայք 'ի վերայ անձանց և ուստերայ և դստերայ ձերոց։

զի եկեսցեն աւուրք՝ յորս ասիցեն, երանի ամլոց և ընդերաց այնոցիկ՝ որ ոչ ծնան, և ստեանցն՝ որ ոչ անուցին . յայնմ՝ ժամանակի սկսանիցին ասել լեբանց՝ թէ անկերուք ՚ի վերայ մեր, և բլրոց՝ թէ ծածկեցէք զմեզ . զի եթէ ընդ փայտ դալար զայս արարին, իսկ ընդ չորն զի՞նչ գործեսցեն :

Հայնժամ ՚ի տեղոջն ստուգաբանի կանխասացութիւն մարգարէին՝ Օ աքարիայ, որդւոյ Ղարեբեայ, և նմանի մահ որդւոյն Ղմոնայ՝ մահու որդւոյն Ղստուծոյ : Վանդի Ղվախաս այս՝ այր արդար էր և թագաւոր Ղսրայէլի . առաջնորդէր ժողովրդեանն ՚ի ճանապարհս աստուածպաշտութեան, և երբէք ումեք մարդկան ինչ ոչ մեզանչէր . այլ յորդորելով բովանդակեաց զսիրտս ամենայն մարդոյ՝ ածել ՚ի մի երկրպագութիւն Ղստուծոյ : Եւ մինչ դեռ խաղաղասէր վարուք կատարէր ըզկեանս իւր, եկն ել ՚ի վերայ նորա Պարաւոն Ղաղ յերկրէն եգիպտացւոց, եզ ընդ նմա պատերազմ և սպան զնա յերկրին հրէաստանի : Եւ քանզի արդարութեամբ էր թագաւորութիւնն Յովսիայ, և միամօր առ ՚ի ծննդենէ, և զուր մեռեալ ՚ի պատերազմի, խանդաղատէ մարգարէն ՚ի մահ թագաւորին . և յորդորեալ զամենայն ցեղն, ածէ ՚ի կոծ լալեաց . և նմանեցուցանէ զսաստիւթիւն կոծոյն կոտորելոց նունենեաց ՚ի դաշտին : Քուռի ինձ եթէ ցանկալի և վայելուչ է ծաղիկ նունենեաց ՚ի տեսիլ աչաց մարդկան . և ՚ի շնչել խորչակի, դիւրահոս վայրաբեր լինի առ հասարակ . և այն որ էր յառաջ պայծառագոյն քան զամենայն ծաղիկս, յետոյ տրտում և ախուր լինի քան զամենայն ծառս փշաբերս : Եւ ամս ուրոյ և մարգարէն ծաղիկի և պսակի նմանեցուցանէ զարդար թագաւորն . ունայն և թափուր մնաց ժողովուրդն իբրեւ ծառս մրգաթափս որ անսլիտան երեւին ՚ի տեսիլ մարդկան :

Եւ որ չորիւք թուական ցեղիւքս, զոր էած մարգարէն ՚ի կոծ թագաւորին, զարս առանձին և զկանայս առանձինն, իբրեւ զողի և զմարմին բոլոր բովանդակեաց ՚ի սուգ թագաւորին . որպէս և Տէր մեր ասելով ցկանայան՝ դատեքք Երուսաղէմի . և ցուցանէ նոցա թէ կոծելոց են ՚ի վերայ անձանց և ՚ի վերայ ամենայն Ղսրայէլի . ոչ միայն արք և կանայք առանձինն՝ որպէս տան Ղաւ-

Թի և երից ընկերաց իւրոց, այլ ամենայն ազգք և ազինք՝ ոչ միայն մարդկան, այլ և վերին զօրութեանց՝ որպէս երկնի և երկնաւորաց, և են Թուովզ, և ՚ի ձեռն չորիցս կոծին ամենայնքս: Ալ ընդէր արդեօք լինիցի այս. վասն զի ամենեքեան գտան յանողորմածութեան. Հրեայք ՚ի զուր պարտաւորեցին և մատնեցին: Արդ որովհետեւ երկոքեան կողմանքն միաբանեցան ՚ի չարութիւնս, ՚ի ձեռն չորից տարերցս չորիւք մասամբք՝ չորք անկիւնք յերկրիս յաճ մեծ և յաճազին կոծ առ հասարակ ամենայն երկիր կոծեցցին, արք առանձին և կանայք առանձինս. Իսրայէլ կոծեցցի, զի անջատեցաւ ՚ի ճշմարտան Մտուծոյ. հեթանոսք կոծին, զի անջատին ՚ի սուտ աստուածոցն իւրեանց. երկոքեան կողմանքն մտանեն ՚ի սուգ և ՚ի կոծ սաստիկ. և դառնայ կոծն ումանց յանգիւտ կորուստ, և ոմանց ՚ի կորստենէ յանանց լոյսն: Յայսմ վայրի կատարի ճշմարտութեամբ բան մարգարէին որ ասէ. «Կոծեցցին ամենայն ազինք առանձինս», «Եւ անդէն առ խաչին Տեառն ոչ փոքր և դուզնաբեայ էր կոծն, այլ յոյժ մեծ և աճազին, որ զանցուցանէր զամենայն կոծով:

**Ի** նմին ժամանակի, ասէ, բարձրացաւ Տէր մեր ՚ի վերայ խաչին. արեգակն խաւարեցաւ, վարագոյր տաւ ճարին ցելաւ մինչեւ ՚ի վայր, երկիր շարժեցաւ, վեմք պատառեցան, գերեզմանք բացան և բազումք ՚ի մեռելոց յարեան, և յետ յարութեանն Տեառն մտին ՚ի քաղաքն սուրբ և երեւեցան բազմաց:

Ալ ընդէր արդեօք Թագեաւ արեգակն և կորեաւ լոյս գեղեցիկ տունջեանն, և Թանձրացեալ տարրացաւ խաւարն ՚ի վերայ երկրի: Յայտնի է, և կարեմք ոչ Թագուցանել զճշմարտութիւնն. քանզի զհանդերձն զերծին առին յիւրեանս, և զնա մերկ պրկեալ բեւեռեցին ՚ի փայտին, ոչ կարացին վերին գունդքն հայել ՚ի մերկութիւն Տեառն երկնի և երկրի: Արեւմէք որ յառաջ քան զխաչելութիւնն շուրջ կային զաստուածութեամբն նորա, չկարացեալ հայել յաճազին փառս նորա, այլ երկուք Թեւովք ծածկէին զերես իւրեանց, և երկուք Թեւօքն ծածկէին զոտս իւրեանց, և երկուք Թեւօքն համբարձեալք և վերաբերեալք կախէին զան

պարտելի զօրութենէ նորա, և հրեղէն բերանովք զան հաստ սուրբ սուրբ սուրբն ասելով՝ անյագ ձայնիւքն զարարական զօրութիւնն փառաւորէին: Սոյնպէս հրեշտակք և հրեշտակապետք և ամենայն դասք զուարթնոցն կան յահի և ՚ի դողման. ոչ կարէին հայել և տեսանել զինքնագոյ բնութիւնն, տեղի տուեալ խարչին և թագչին յանմատոյց ճառագայթիցն յինքնածագ բնական լուսոյն. ոչ միայն պատուելով զարարական զօրութիւնն, այլ և գիտելով զիրեանց ներութիւնն ոչ ժարհին հայել յանդգնաբար և մերձենալ և մտել, զի մի սպականեալ ծախիցին յանմատոյց զօրութենէն: Եւ այս է ինայութիւն արարչին ամենեցուն, պահել զարարածս անփնաս յիրաքանչիւր բնութեանն, և առաւել ՚ի ժամուն յայնմիկ՝ յորում ահագին մահ որդւոյն Ստուծոյ երեւէր վերնոց և ներքնոց, տարերքս սպասաւոր լինէին ՚ի պատիւ խաչելոցն և ՚ի ծածկոյթ զուարթնոց, որոց ոչ էին կամք հայել և տեսանել զանարգութիւն մահուն նորա: Սոյնպէս և յամօթ առնելով զանհանձար ժողովուրդն՝ որ առանց ամօթոյ պատկառանաց հայէին ՚ի մերկութիւն որդւոյն Ստուծոյ, մածեալ թանձրացաւ խաւարն ՚ի վերայ լրբենի դիմաց նոցա, զի չէին արժանի հայել և տեսանել զկեանս իրեանց ՚ի վերայ խաչին:

Սոր զայս օրինակ յառաջագոյն տեսեալ Սովսէս հռչակ Ստուծոյ՝ կանգնեաց յանապատի անդ ատեան դատաստանի. քանզի ՚ի վերայ փրկական բարեգործութեանց Ստուծոյ առ ժողովուրդն՝ գտան նոքա ոչ գոհացողք, այլ հայհոյողք և տրտնջողք ՚ի Սովսէս և յՍտուած: Ինքնացուցին և դառնացուցին զսուրբ հռչակն Ստուծոյ, և առաքեաց ՚ի վերայ նոցա Ստուած օձօ մահաբերս. առանց ինայելոյ հարկանէին և սպանանէին ՚ի ժողովրդեանէն զբազումս: Իսկ Ստուծոյ ըստ իւրում բարերարութեանն յիշեցեալ զուխտն որ էր ընդ սիրելիս իւր, գթացեալ ողորմի հարելոցն և մաղկատելոցն յօձից սատակմանէ: Հրամայէ Սովսէսի առնել օձ նրութեանն, և բարձրացուցանել ՚ի մէջ ժողովրդեանն. զի որ կարացէ հայել և տեսանել զօձն Սովսէսի, ապրել կարացցէ ՚ի դառն թիւնից սպանող օձիցն: Եւ այս է յոյժ սքանչելի և իմացական տեսու-



Թիւնք . օձ հրամայէ առնել Ս՛ովսէսի , և զնիւթոյն ա-  
նուն 'ի մէջ ոչ բերէ . և ոչ մի ինչ՝ որ անկանի ընդ կա-  
նաւ ճարտարաց , և ոչ յայլոց ձեռակերտիկ արուեստից՝  
որ կազմի առանց հրոյ փորձութեան . այլ միայն հրաման  
տուեալ , Լըւ քեզ , ասէ , դու օձ . քեզ քեզէն աքա ,  
ասէ : Լըւ յայս հայեցեալ Ս՛ովսէսի յոյժ իմաստնա-  
նայ . տեսանէ զծածկութիւն իրացն հանդերձելոց , առնէ  
օձ պղնձի : Որպէս ինձ երեւի փոքր 'ի շատէ , ընդ ազօտ  
յայտնութիւն իմաստութեանն զանպարտելի զշնորհ-  
սըն Լըսուծոյ պղնձոյ նմանեցոյց Ս՛ովսէս , զի անվը-  
նաս պահեսցին այնոքիկ՝ որոց ստացեալ իցէ հաւատովքն  
ճշմարտութեան զնա : Բայց զձեւ պղնձի օձին ոչ յայլ  
օրինակ բաղկացոյց , այլ 'ի թիւնաւորացն և 'ի սպա-  
նողացն :

Լըդ տես զընտրութիւն որոյմանն . հարկանէին ա-  
մենեքեան , մեռանէին ոչ ամենեքեան . իբրու յայտ է  
ընտրութիւնք դատաստանին : Լըւ քանզի յօրկորստու-  
թենէ մտին մեղք յաշխարհ միջնորդաւ առաջին օձին ,  
նոյն ցանկութիւն կերակրոց շարժէր զմարմինս անյագ  
ժողովորեանն , յորմէ և գտաւ իսկ տրտունջ հայհոյու-  
թեան 'ի բերանս նոցա . հարկանէին և խածանէին յօ-  
ձիցն՝ որ մահս 'ի վերայ հասուցանէր : Վրանզի ոչ ինչ  
այլ գոյ նման ցանկութեան , որպէս զօձի բնութիւն խո-  
րագէտ և նենգաւոր . սողի և սպրդէ մտանել ընդ նեղ  
և ընդ նորք փապարս , մտանէ և ցուցանէ զգործ դա-  
նութեան մահուն . որպէս իգական ցանկութիւն հեղու  
և տապալի 'ի տենչանս կերակրոց , շարժի և շուպի յար-  
բեցութիւն անյագութեան . ուստի բազմազուխ գա-  
զան ցանկութիւնն զօրանայ 'ի վերայ զգայութեանցն  
մարդոյն և անյագ վարէ յիրս աղտեղիս : Վարձեալ և  
ձեւ սողնոցս այսորիկ շարժման ճշմարտապէս ցուցանէ  
զշարժումն մերոյ բնութեանս , որպէս և ուսաք իսկ 'ի  
բնական արանց՝ որ անստութեամբ տան հաւանութիւն  
իմաստնասէր մարդոց : Հինգ պատ առնու օձ 'ի սողել  
իւրում . իսկ առաջաքն և զինիքն ինուն զեօթներորդ  
թիւն . և բերէ զնմանութիւն զմերոյ զգայութեանցս ,  
երկուք աչք և զուգիւք ականջօք , ճաշակաւորութիւն ,  
խոհականութիւն և ներքին համբ որովայնին՝ որ շար-  
ժէ զամենայն մարդ 'ի մարմնական ցանկութիւնն :

Ըրդ այս է տեղալ օձիցն՝ ի ցանկացող ժողովուրդն՝ որ ամենայն մասամբքն զգայութեանցն յեղեալք էին՝ ի ցանկութիւն, և գործով զկամն աղտեղութեանն կատարէին :

Իսկ ընդ հարկանել օձիցն՝ և մահու վախճանէին . և որ կոխեալն միայն լինէր ի շարժմանց ցանկութեանցրն, զխածանելն խածան ի թիւնաբեր օձիցն, այլ ընդ մահուամբ ոչ արկանէր : Երբէք հայել և տեսանել զօձն Սովսէսի, վասն զի օձ էր որ սպանանէր, և որ սպանանէրն՝ նոյն և մաղկատէր . և ի ձեռն միւս օձին տեսեան՝ մաղկատեալքն ընդունէին զառողջութիւն . և պատեցան զբարձրացեալ օձիւն մաղկատեալքն և մաղկատիւքն . և նա միջնորդեցաւ և եկաց զատաւոր երկուցունց կողմանցն, և շնորհեաց ոմանց զառողջութիւն կենաց և ոմանց զընդդէմն : Եւ թէ և օձն պղնձի՝ որ կազմեցաւ ի ձեռաց իմաստնոյն Սովսէսի . այլ մեծութիւն զօրութեանն նորա զմանութիւն բերէր զբարձրացեալ խաչին՝ որ կանգնեցաւ ի Կողզութա, զոր Տէրն ինքնին յառաջագոյն օրինադրեաց ասելով . Որպէս բարձրացոյց, ասէ, Սովսէս զօձն յանապատին, սոյնպէս պարտ է բարձրանալ որդույ մարդոյ ի մէջ երկոցունց կողմանց, ոմանց յանդարձ մոլորութիւն, և այլոց ի ճանապարհ ճշմարտութեան :

Ըրդ խաւարեցաւ արեգակնն ի վերայ մոլորելոցն, զի չէին արժանի տեսանել զարեգակնն արդարութեան՝ որ բժշկէր զհարուածս աներեւոյթ առաջին օձին : Եւ որպէս յանապատին՝ այնորիկ որ յոգիւն հարեալ լինէին ի ցանկական օձէն, մարմնովքն կատարէր զգործս ապականութեան, ոչ կարէին տեսանել զօձն Սովսէսի, քանզի չէին արժանի շնորհատուր թողութեանն, վասն այսորիկ մահուամբք անկեալ տապաստ յանապատին դնէին . իսկ ուր դուզնաքեայքն խտտղմամբքն ցանկութեամբքն ախտացեալք էին՝ ի դիւրագոյն գային ի բժշկութիւն, սոյնպէս և աստ ի գագաթն տեղւոյս պատեցան զխաչիւն Տեառն Յիսուսի անօրէնք և օրինաւորք, անարժանք և արժանաւորք : Որ հնութեան կողմութեամբք հարեալ էին, ոչ կարացին տեսանել զմահն ի կեանս դարձեալ, և զմոլորութիւնն ի ճշմարտութիւն շրջեալ, զանէծսն յօրհնութիւն փոխանա-

կեալ, յառժամայն նեղութիւնս հայեցան, և 'ի հանդերձեալ հանգստենէն վրիպեցին :

Իսկ նա ըստ իւրում մարդասիրութեանն շնորհեաց զառողջութիւն բժշկութեան երկոցունց կողմանց՝ որք խածեալք և խոցոտեալք էին 'ի թիւնից հին վիշապին, և շնորհեալ զառողջութիւն 'ի ձեռն հաւատոցն ական՝ որք կարեն հայել և տեսանել զորդին մարդոյ 'ի վերայ խաչին, որ ընկալաւ չարչարանս յիւր մարմինն . և զնոյն իմանայցեն որդի Մտուծոյ, արարիչ երեւելեաց և աներեւութից : Վրանդի ոչ է թէ իբրեւ զ]] ուխտսի օձն պղնձի է՝ որ կախեցաւ զփայտէ յանապատին, որ առ ոմանս զօրանայր յառողջութիւն, և առ ոմանս տկարանայր յանդարձութիւն մահու : Վրանդի նմանութիւն ասաց Տէրն մեր, և ոչ զօրպիտութիւնն նմանութեան, որ ոչ բերէր զիսկութիւն ճշմարտութեանն : Օ ի է թէ բերէր, զինչ եւս պիտոյ էր երկրորդին գալ մտանել 'ի նորա տեղին, զոր և մեծս Ղաբեալ թարգմանէ մեզ զզօրութիւն խաչեցելոյն . « Լսյն որ ոչ գիտէր, ասէ, զմեղս՝ վասն մեր մեղք եղեւ, զի մեք լիցուք նուաւ արդարութիւն Մտուծոյ », և մեղքն օձին մտին յաշխարհ :

Երդ ձեւացուցեալ զինքն Տէրն օձին տեսակաւ՝ տրպաւորեալ կերպարանեցաւ յեօթն թուական զգայութիւնս և յանհատ բարձանելի խոհականութիւնն . և եղեն մեղք, քանզի էաք ամենեքեան ընդ նովին մեղք մաղկատեալք և մաղկատիչք . մաղկատեալք յառաջին հին թիւնից վիշապին, և մաղկատեալք յիւրաքանչիւր շարժմանց թուական զրոյ մասանց մարմնոյս : (Կակոտեցան աչք մեր յանարժանս հայելոյ, և ախտացան աւկանջք մեր յայլանդակս լսելոյ, ճաշակելիք մեր անյագ տէնչալով, և շարժմունք մեր անասնական ցանկութեամբք, և խոհականութիւնս մեր հպարտ բարձրացեալք . և եղեաք ամենայնիւ և ոչ մի մասն արդարութեան : Իսկ այն՝ որ ոչ գիտէր զմեղս և հեռի է յայսմ ամենայնէ, 'ի կամս իւրոյ բարերարութեանն եղեւ մեղս՝ որ ոչ էր նորա, զի մեք լիցուք արդարութիւն նովաւ . որ գոյրն մեր՝ կորուսաք . արդ գտցուք նովաւ, զի մի կորուսցուք այլ :

Իայց այս է օձն պղնձի զոր բարձրացոյց Ս ուխտս

յանապատին . հարկանել ոչ գիտէ , զի չունի թոյնս 'ի բնու թեանն . իսկ յայլոց ոչ հարկանի , զի անտանելի է գոյացու թիւնն : Ստիպաւ արատեցան հարեալքն և հարկանողքն . հարեալքն բժշկեցան և հարկանողքն ստեղծեցան , զի ջրեսցին թոյնքն իւրեանց յանպարտելի զօրութենէ գոյացու թեան մարմնոյն : Այլ կախի օծս այս զփայտէ բարձրացելոյ . և ոչ յաներեւոյթ և ոչ 'ի ծածուկ տեղւոջ , այլ 'ի յոյժ բարձրաւանդակի . ոչ թագուցեալ և ծածկեալ հանդերձիւք , այլ մերկ ամենայն մասամբք տեսլեանն կայ 'ի մէջ բազմութեան ժողովրդեանն : Այստի ամենեցուն է , և տեսանեն ոչ ամենեքեան . որ տեսանենն՝ ընդունին զառողջութիւն , և որք ոչն տեսանեն՝ հրաժարեն յաշխարհէս և յաշխարհէն կենաց :

Այս յիրաւի ուրեմն Տէրն մեր նմանեցուցանէ օձիս այսմ ոչ զօք յարդարոց և ոչ զօք 'ի մարգարէից և ոչ 'ի հարցն կատարելոց ումեք , այլ մարդոյ ումեմն միայնոյ և յոյժ միայնացելոյ , ոչ դուզնաբւոյ , այլ որդւոյ մարդոյ՝ որ ունի զբնութիւն ամենեցուն և 'ի վեր քան զամենեքեան , և արարիչ ամենեցուն և բոլորեցունց նորոգիչ , և ունի զմարմին մաղկատելի , այլ ոչ մաղկատող . և մաղկատի 'ի մարմին , այլ ոչ յոգի : Այլ մարմին ասացի 'ի ձեռս և 'ի յոտս , 'ի կողս և 'ի թիկունս , 'ի ծնօտս և 'ի գլուխս : Իսկ զդայութիւնք նորա տեսակ ունին զմերոյ թուականիս , այլ ոչ հարկանին ըստ մերոյ նմանութեանս :

Այս և ասացից իսկ փոքր 'ի շատէ սակաւ բանիւք : Ի ձեռն աչաց յառաջ քան գործով մեղանչեն մարդիկ . իսկ Տէրն մեր Վրիտտոս աչօք հայեցաւ 'ի կլինն բազմամեղ քան զամենայն քաղաքն՝ յորում բնակեալ էր . ծանեաւ զնա , և ծանոյց զինքն նմա : Աչք առ աչս հանդիպեցան , և յորդահոս արտասուս վիժեցին յապաշխարութիւն . մեղքն մեռան և արդարութիւնն կենդանացաւ : Ի սելեօք մարդիկ գերին 'ի վտի երգս ձայնից . նոզին լսելեօք եմուտ Տէրն մեր 'ի տուն քահանայապետին , և ետես անդ զմահ թագաւորեալ . և լուաւ անդ ձայնս ողբոց և կոծոց մեծաց , հալածեաց զմահ և լուեցոց զողբս կոծոցն յուսահատութեամբ : Ունէր և զձաշակաւորութիւն , այլ միայն զհարկաւորաց և ոչ

զաւելորդաց . լցոյց զբազմաց կարօտութիւնս , և վաստակեցան թիկունք մեռնակիրացն 'ի պատարուն 'ի սակառիսն : Եւ 'ի ձեռն խոհականութեանն ընդ Տօր 'ի բարձունս խօսէր , և յերկրի ընդ մարդկան շնորհալից խոնարհութեամբ շրջէր :

Եւ իբրեւ այս այսպէս էր ճշմարիտ , ոչ ինչ վրիպեալ գտայ ասելով եթէ մարմին մեր վերագոյն գտաւ քան զբնութիւնս մեր : Եւ վասն այսորիկ ինքն զինքն նմանեցուցանէ պղնձի օձին իբրեւ մեղաց և արդարութեան . մեղաց՝ զի ըստ մերում գոյացութեանս երեւեցաւ , իսկ արդարութեան՝ զի ոչ շարժեցաւ ըստ մերոց զգայութեանցս . և այտու ամենայնիւ արկանէ զսողան 'ի վարան տարակուսի . « Արպէս Սոլէս , ասէ , բարձրացոյց զօձն յանապատին , այսպէս պարտ է բարձրանալ որդւոյ մարդոյ » :

Եւ ինչ ասաց , ասեն , զայսպիսի բանս Տէրն՝ որ Ըստուածն էր բնութեամբ և մարդ ճշմարիտ . արարիչ ըստ աստուածութեանն և արդար ըստ մարդկութեանն , ընդէր օձին նմանեցուցանէ զինքն : Սոխնաստուն լողոյ , զբարիօք ասացեալոյ 'ի Տեառնէ մի այլ ընդ այլոյ տգեղագոյնս լսես . օձի նմանեցոյց զինքն , ոչ խածանողին և հարկանողին , այլ անթիւնին և բժշկողին . քանզի 'ի ձեռն թիւնաւոր օձին հարպք և մեռաք , իսկ 'ի ձեռն անթոյն օձին բժշկեցաք և ողջացաք : Կապէն մարմին է գոյացութիւն օձին , մարմին է և բնութիւնս մեր . մարմին մարմնոյ դիպեցաւ 'ի դրախտին , մարմին ընդ մարմնոյ խօսեցաւ , մարմին 'ի մարմնոյ խաբեցաւ , և թիւնաւորն զանթոյնն եհար և սպան : Սարմին էառ Տէր մեր Յիսուս Բրիստոս , ոչ զթիւնաւոր հին օձին , այլ զորոյ վիրաւորեցելոցն , և արար մահկանացու . մարմին մարմնոյ երեւեցաւ , անթոյնն թիւնաւորին , անվնասացեալ վնասացելոյն , անչարչարելին չարչարացելոյն , անապականն ապականացելոյն . աստ ահա միանգամայն իսկ ասացից , անմահն մահկանացուին , և Ըստուածն մարդոյն . սա՛ գոյացեալ և բաղկացեալ 'ի մարմին թանձրացեալ և կախեալ զփայտէ՝ ոչ յանապատի և ոչ 'ի քաղաքի , այլ արտաքոյ քաղաքի և հեռի յանապատէ :

Եւ ամենայն աշխարհք և քաղաքք ժողովեալ շուրջ պատեալ զնովաւ հայեին ամենեքեան , և տեսանեն ոչ

ամենեքեան : Որոց տեսանենն՝ ջնջին թոյնք օձահա-  
րութեանն, և առանց դեղոց ընդունին զկատարեալ ա-  
ռողութիւնն . աչք զգաստանան ցած հայեելով և տե-  
սանելով զաստուածութիւնն՝ ՚ի պարտաւոր մարմինն ,  
և ՚ի ձեռն ականջաց լսեն նորին բարբառոյ աստուածու-  
թեանն որ ասէ . “ Հայր, ՚ի ձեռս քո դնեմ զհոգի  
իմ ” : Եւ ընտրող ճաշակելիք քաղցրանայ ՚ի քիմն լու-  
ղաց բարբառոյն, և լցուցանէ քան զամենայն համս ա-  
նոյշ կերակրոց, և ՚ի ձեռն մարմնաւոր զգայութեանցս  
առողջանան ոգիքն, և լուսաւորին միտքն և լինին յոյժ  
սրատեսիլք . հային ՚ի չարչարանս խաչին և տեսանին  
զանչարչարելի աստուածութիւնն Որդւոյ, և վերաբե-  
րին հաւատք թուուցեալ և հասանեն առ Հայրն բոլ-  
րեցունց, և յիշեն զ]] ուխտս և զօճն պղծի, որ էր ա-  
ռակ օրինակի արդեան ժամանակին՝ որ կատարեցաւ ՚ի  
խաչելութեանն Վրիտտոսի . վասն զի ոչ ամենեքեան  
կարացին տեսանել : Եւ յնոցիկ՝ որոց խաւարեալ էին  
սիրտք իւրեանց, և հնութեամբ կուրութեամբն շա-  
ցեալ էին ոգիքն իւրեանց, և մարմնաւոր նախանձուն  
հարան և մաշեցան ՚ի մարմինս իւրեանց, գայթազե-  
ցին և դղրդեցան առ վիմին հաստատութեան, արգե-  
լաւ յաչաց նոցա տեսիլ ճառագայթից լուսոյն՝ մեծա-  
փայլ խաչին Վրիտտոսի, որ ծագեաց ՚ի մէջ ամենայն  
արարածոց :

]] անս այսորիկ երեւեցաւ ՚ի տեղւոջ անդ իրք ահա-  
գիւք և գործք մեծամեծք և սքանչելիք . քանզի վարա-  
գոյրն՝ որ արար ]] ուխտս հրամանաւն Եստուծոյ և ձը-  
գեաց ՚ի ներքս ՚ի խորանին, զի իցէ միջնորդ՝ անե-  
րեւոյթ տեսակ պահելով զսուրբան սրբոց, արտաքին  
խորանն՝ յորում հանապազորդ ղեւտացիքն կատարէին  
զպաշտօնսն իւրեանց, ապաքէն զմանուութիւն բերէր  
զերկնից երկնին, յորում կարծեմք զնութիւն անե-  
ղին . իսկ արդ զինչ եւս պիտոյ էր վարագոյրն, որ ծած-  
կեալ պահէր զսուրբ սրբոցն՝ զխորհուրդսն աներեւոյթ  
զօրութեանն : Իսկ այսօր ոչ ՚ի խորհուրդն ձեռնար-  
կեալ, այլ ՚ի բուն իսկ տէր խորհրդոյն, այն որ եկն  
յայտնել և ցուցանել զխորհուրդն իբրեւ զժամանա-  
կեան օգտութիւն, զի ծանիցեն և ընկալցին զանժամա-  
նակեան տէրն խորհրդոյն . և նոցա ոչ միայն չնկալեալ

այլ և մերկ մահուամբ 'ի փայտի բեւեռեալ. վասն որոյ և հերձաւ վարագոյրն, զի 'ի պատառել վարագուրին ունայն և թափուր մնաց սուրբ սրբոցն, քանզի ել գնաց սուրբ Հոգին 'ի տաճարէ անտի: Այլ փոխանակ զի ոչ պատառեցին զհանգերձս իւրեանց 'ի վերայ արեանցն զոր գործեցին, էարկ վարագոյրն զօձիսն 'ի վերայ Տեառնն իւրոյ՝ որ պահեր զխորհուրդ պատուոյ նորա: Ի պատառել վարագուրին պատառեցին սիրտք քահանայապետիցն, յորժամ տեսցեն զպատիւ սրբութեանն՝ որ յերկուս ցեղաւ, և ամաչեցեն առաջի ամենայն ժողովրդեանն՝ եթէ ոչ 'ի մարդ ձեռնարկեցին, այլ 'ի տէր տաճարին: Այլ որպէս պատառեցաւ վարագոյրն, ցուցանելով նոցա եթէ այսուհետեւ ոչ ինչ եմ ես պիտոյ 'ի ծածկոյթ արուգ սրբութեանցն, յորում ոչ եւս լիցին զօրութիւնք երկնաւորք, քանզի հեռացան անջատան նորա 'ի Տեառնէն երկնի և երկրի, սոյնպէս և երկիր շարժեցաւ 'ի ներքոյ բնակչաց անօրէն ժողովրդեանն: Քանզի մասն է արեգակն երկնի, միով մասամբ որ արգել զլոյսն իւր յարարածոց՝ ամենայն մասունք երկնի ընդ նմին խռովեցան և զգեցան սուգ: Այլ քանզի մասն է վարագոյր բերոց երկրիս, ընդ միում՝ մասին ամենայն մասունք երկրիս երերեալ զողացին՝ ոչ դուզնաբեայ, այլ յոյժ սաստիկ և ահագին. և այնչափ ուժգին, մինչ զի և ոչ միայն թանձր հողն սորա պայթեաց պատառեցաւ, այլ և վէմք մեծամեծք հիմնացեալք՝ հերձան և պատառեցան:

Սիւրբանեցին երկինք և երկիր 'ի մահու միաճնին Մատթոյ. և յիրաւի արժանապէս: Քանզի յորժամ գայր յերկնից թագաւորն մեծ 'ի փրկութիւն և 'ի կենդանութիւն, զերկինս ոչ շարժեաց և զերկիր ոչ դողացոյց, այլ հեղ և հանդարտ և յոյժ խաղաղութեամբ, որպէս և Հոգին սուրբ երգեաց 'ի բերանն Ղաւթի. «Իջէ իբրեւ զանձրեւ 'ի վերայ գեղման», քանզի 'ի վերայ գեղման տեղալով, ոչ լինին ձայնք բարբառոյ և ոչ բաբախմունք ճայթմանց և ոչ թնդիւնք դղրդմանց, այլ յոյժ քաղցրութեամբ անլուր և անտեսակ ձայնից: Այլ գեղմն, ասէ, ոչ հատանելով և ոչ կտրելով 'ի կենդանոյն զգեղմն և 'ի բաց դնելով, զի այս և սովորութիւն իսկ ոչ է մարդկան. այլ մինչ 'ի կենդանութեն է,

և իջանէ անձրեւ 'ի վերայ նորա, զփոշին սրբէ, զաղան լուանայ, զկիզն աճեցուցանէ, զկենդանին զուարթացուցանէ: Բայտ նմին նմանութեան սուրբ Հոգին 'ի նրմանութիւն ցօղոյ ազգեցաւ 'ի սուրբ կուսին զօրութեամբ մեծաւ, անլուր անտեսակ երեւոյթ տեսակ. որպէս կամեցաւ կատարեաց զարժանաւորութիւնն խաղաղութեամբ առանց խռովութեան և շարժման: Եկն եհաս 'ի տեղիս յայս՝ ուր արժան էր զայն խաղաղութիւն առնել. և ոչ կամեցան, այլ զքնդդէմն կատարեցին 'ի վերայ նորա: Տեսանէս, զի նոյնք ընդդէմ առ նոսին հատուցաւ:

Բայց վասն զի Բյտուած է, ոչ գոն նորա ընդդէմք, այլ յամենայն 'ի կողմանց ամենայնիւ օգտութիւնք երեւին. որպէս և 'ի շարժել վիմանց և 'ի պատառել երկրին՝ բացան, ասէ, գերեզմանք. և բազումք 'ի մեռելոց յարեան 'ի գերեզմանաց իւրեանց, և եկին մտին 'ի քաղաքն սուրբ և երեւեցան բազմաց: Օ՛ անուն ոչ եւս ասէ զյարուցելոցն, և ոչ զտունսն իւրաքանչիւր ցուցանէ, նա և ոչ զթիւ յարուցելոցն յայտ առնէ. այլ միայն բազում ասելով. և բազումք ոչ սահմանեալ զատանին 'ի թուական քանակաւն, այլ 'ի միմեանց առնուն զտուաւելութիւն. որպէս հինգքն առ երիւքն, իսկ տասունքն առ հնգիւքն, այլ եւս բազումք առ տասամբքն. և սահման բազմութեան ոչ յանգի. եթէ մինչեւ 'ի կատարումն թուականին հասցես, անթիւն քան զթուականն բազմագոյն մնայ: Բայց զի յարեանն ճշմարիտ, անսուտ աւետարանագիրն գրով հաստատեաց և զյարութիւնն և զբազմութիւնն. և որպէս 'ի մէջ ասաց բազումն, նովին բանիւ անորիշ ասաց և զերեւումն: Բազմաց, ասէ, երեւեցան. զանուն ուրուք յայտ ոչ առնէ:

Մենայն ինչ նորոգ և սքանչելի գործք երեւեցան 'ի խաչելութեանն Տեառն մերոյ Յիսուսի Վրիսաօսի, քանզի նոր իսկ աշխարհ գործելոց էր. և ասացից փոքր 'ի շատէ զնոյն իսկ զգործն՝ որ անդէն առ խաչին գործեցան, ոչ զիմ՝ և ոչ զայլոց 'ի մարդկանէ, այլ զնորին Տեառն յաւաջագոյն ասացեալ բերանով սուրբ մարգարէին. «Եւ եղիցի օրս, ասէ, օր մի մեծ, զի ոչ լոյս իցէ և ոչ խաւար, այլ ցուրտ և պարզ. և օրն այն յայտ



նի Տեառն, զի ոչ տիւ իցէ և ոչ զիշեր. և ընդ երեկս եղիցի լոյս, : Տեսանէս զյայտնութիւն Հոգւոյն սրբոյ . 'ի սկզբանէ արարածոց այսպիսի օր ոչ զիպեցաւ, բայց միայն 'ի խաչելութեան Տեառն . զի ոչ լոյս իցէ օրն, վասն զի Թաքեաւ արեգակնն . և ոչ խաւար իցէ, ասէ, վասն զի չեւ էր ժամ զիշերոյն հասեալ . քանզի 'ի հասարակ աւուրն եմուտ արեգակն 'ի մայրն, խաւար ասաց և ոչ զիշեր . զի արգելան ճառագայթք Չերմութեանն, ցուրտ ասաց և ոչ Չեր, և ցուրտ՝ ոչ դուզնաքեայ, այլ պարզ, հուրաստաց, նմանեալ է անստղաբեր ձմերայնոյ . և ձմեռն նշանակէ ատելութիւն չարին, որ և գործեցաւ իսկ առ ժողովուրդն : Եւ դարձեալ ասէ . « Ինչ երեկս եղիցի լոյս, : Երեկուն ժամդ դրացի և մերձաւոր է խաւարային զիշերոյ, որպէս և աշխարհս մերձեալ էր 'ի վախճան կատարածի, և դրացի էր անվախճան խաւարին . և ընդ երեկս մեծի աւուրն անխաւար լոյսն 'ի խաչէն ծագեաց յոգիս այնոցիկ՝ որոց կարացին տեսանել զաստուածութիւն որդւոյն Իստուծոյ, և ընդ նմին լուսաւորեցան, զի խաւար այլ 'ի վերայ նոցա մի տիրեսցէ :

« Եւ օրն այն, ասէ, յայտնի Տեառն, : Եւ յայտնութիւնն այն ոչ միով մասամբ կամ երկուք, այլ ամենայն լրութեամբ բազմութեանն : Եւ զինչ մեծ յայտնութիւն աւուրն քան զայն, զի ամենայն ինչ նոր եղեւ և ահագին, և խաւարնոր և զիշերնոր և օրնոր . նոր է և պատառումն վարագուրին, նոր է և շարժումն երկրին, նոր է և պատառումն վիմացն, նոր է և բացումն գերեզմանացն, նոր է և բազմութիւն յարութեան մեռելոցն, նոր է և յայտնութիւնն նոցա որ երեւեցանն բազմաց, նոր է և սուրբ քաղաքն : Եւ յիւրաւի նոր ասացի զամենայն . քանզի նոր է խաչն, նոր էր և խաչեցեալն և նորոգիչ էր ամենայն նորոգելոց . վասն այսորիկ ոչ զրեաց զանուանս յարուցելոցն, և ոչ զպնոցիկ՝ որոց երեւեցանն . քանզի նմանութիւն և օրինակ էին աւուրն յարութեան մեծի, որք ոչ եւս մի մի յառնելոց էն, և ոչ մասն 'ի բազմաց, այլ ամենեքեանս միանգամայնք առանց Թուոյ և անուանակոչութեան : Իայց բազում անգամ զնորն ասելով, ոչ ինչ վրեպեալ գտանիմք 'ի նորագործ իրաց, որ ամենայն ինչ նորպէս եղեւ :

Իբրեւ տեսին, ասէ, Հրեայքն եթէ խոնարհեցոյց զգլուխ իւր Վրիստոսս և արձակեաց զհողին, աղաչեցին զՊիղատոս վասն շաբաթուն, զի մի ազցին 'ի խաչին վերայ. այլ զի զբարձսն բեկցեն և իջուսցեն 'ի խաչէ անտի: Եւ եկեալ զինուորքն զաւազակացն բեկին. իսկ իբրեւ եկին առ Յիսուս, տեսին զինա կատարեալ էր, և ոչ ինչ մատեան 'ի նա. բայց մի ոմն 'ի զինուորացն տիգաւ եհար զկողս նորա, և ել անտի վաղվաղակի արիւն և ջուր:

Եւ զարձեալ նոր և սքանչելի տեսակ: Ո՞վ երբեք ետես 'ի մարդկանէ, որ յետ մահուան իւրոյ խոցեցի 'ի կողս իւր 'ի զի անձին իւրոյ, և ելանիցէ անտի արիւն և ջուր: Յառաջ քան զայս չիք եղեալ, և զինի այսորիկ ոչ լինիցի, բայց միայն 'ի մարմինն Յիսուսի Վրիստոսի: Եւ այս ոչ արտաքոյ մարգարէութեանն, այլ նորուն խոցեցելոյն հողուով. “Պարձցին, ասէ, և տեսցին զոր խոցեցինն”, և հարցանեն ոչ խոցողքն, և ոչ տեսանեն զայն զոր խոցեցինն. այլք խոցեն և այլք տեսանեն և ընդունին ոչ զխոցեալ, այլ զողջացեալ և զողջացուցիչ վիրաց, և զվիրաց ոչ միայն զերեւելեաց, այլ և զաներեւոյթ հարուածոց, և 'ի դեղս արիւն արեան, և ջուր ջրոյ: Եւ եթէ կամիս, ընկալ ճմարտապէս. քանզի ջուր է գոյացութիւն ամենայն կենդանեաց, և արիւն է կենդանութիւն ամենայն մարմնաւորաց. ընդ արեանն խառնեալ է մասն հոման ջերմութեան, և ընդ ջրոյ զանգեալ է յոյժ հողոյս զօրութիւն, և ընդ երկոսին տեսակս միաբանին ամենայն տարերքս և ցուցանեն զգոյացութիւն մարմնոյն Վստուածն բանի, զոր էառ ճմարտութեամբ զընութիւն մերոյ գոյացութեանս զոր ինքն ստեղծ յանշուշտ արարչութեանն:

Եւ որ ելեալ անտի ջուր 'ի լուացումն աւազանին սրբոյ, և արիւն բաժակ նորոյ ուխտին. զի ջրովս սրբեցուք զանձինս 'ի մեղաց, և արեամբն շարձարակից լուցուք մահու խաչի նորա: Օ գրեալսն կատարեցին ակամայ վասն անձանց իւրեանց և յօգուտ հեթանոսաց. մարգարէք՝ և ոչ անձանց կամօք ճմարտութեանն, մըշակք՝ և զայլոյ երկիր գործեն, վաճառականք՝ և այլում՝ ժողովեն մեծութիւն, առաջնորդք՝ և այլում՝ բանան

գունն կենաց, ընթերցողք՝ և այլում մեկնեն զբան  
կտակարանաց և զառակս ճշմարտութեանն :

Ըղաչեցին, ասէ, զՍիղատոս, զի մի ազգին ի վերայ խաւ  
ջին : Մարուք հրաժարէք յայնմանէ, որ բարձաւ ՚ի ձէնջ  
և տուաւ հեթանոսաց : Եւ քանզի ոչ կարէ մահ լինել  
դրացի կենաց, հրաժարէք և զուք յերեկուն ժամուդ  
՚ի կենաց փայտէդ, զի ծածկեսջիք ընդ ստուերաւ զի-  
շերոյդ զոր սիրեցէքդ . ընդ նմին լլցի ձեզ բնակութիւն :  
Օ անարժան խնդրուածսդ զոր աղաչեցէքզ զգատաւ-  
ւորդ, զի զբարձան բեկցեն և թուսցեն ՚ի խաչէ անտի,  
երկհազարեան և եւս աւելի ամօք զոսկր գառինն ոչ  
կարացիր բեկանել ըստ հրամանին Սոլիսի, և զգառնդ  
Մտուծոյ միանգամ և խաչեցեր՝ և բեկանել կամիս .  
զոր ոչ անու յանձն քեզ սուրբ Հոգին, զայդ կամօք  
քովք կատարել կամիս, զոր ոչ կարես : Մայց առ ի՞նչ  
արդեօք զայս առնիցէ Տէր . զանձն ՚ի մահ տայր չար-  
չարակից լինել աշխարհի, զոսկր բեկանել ոչ ունի յան-  
ձին . զոր ասացից փոքր ՚ի շատէ :

Բստ բնութեան և ըստ բարոյականին գոյացութիւն  
մարմնոցս մերոց յերկուց է բաղկացեալ, կակղութիւն  
մայ, և անգամք գործական փորձուոյ նիւթ էք մասին,  
և ունի զպատճառ կենաց ՚ի ձեռն աննպական մարմնոց :  
Իսկ ջիւք, նեարգք, և շունչ և ոսկերք, զորութիւն ա-  
րու գոյացութեան . այդ է որ ըստ բնականին : Իսկ բա-  
րոյականն, նիւթ իգական մասինն է, բովանդակ մարմ-  
նաւորութեանն, և հարստութեան ջլաց և ոսկերաց  
արուացեալ իմն պնդութեամբ . նմանի անախտ իմն պըն-  
գութեամբն անբեկանելոյ երկնային մտաց : Ասան որոյ  
և նիւթականն՝ անասուն մասինն գառանցն յձգիպտոս  
տուեալ լինին ՚ի կերակուր ժողովրդեանն . իսկ ոսկերքն  
հանդերձ այլովք մասամբքն ՚ի խոհականութեանն նմա-  
նութիւն պահեալ լինի առանց բեկանելոյ և փշբելոյ :  
Ասան որոյ և գառինք իսկ զենանին պատարագ Մտու-  
ծոյ, և ՚ի ձենձեր ծխոյ և ոչ ՚ի կարօտութիւն լլմանն,  
այլ միայն յիմաստութիւն և ՚ի խորհուրդ կատարեալ  
՚ի հանդերձելոյ լինելութեանն, որպէս երեւի իսկ ՚ի  
պատարագել գառինն Մտուծոյ : Օ բողբ զինքն ետ  
՚ի ձեռն մարդկան, և զբողբ մարդն աւանդեաց Մ-  
տուածն բանի . զբողբ զկանխագիր բանսն մարգարէիցն

յանձին իւրում կատարեաց, և բոլոր զբեզ յԵստուած կատարեսցէ :

Իւեկին, ասէ, զբարձս աւաղակացն . և առ Յիսուս եկին, ասէ, և տեսին զի նա կատարեալ էր : Եստուած բան և ճշմարիտ տեսակ այս է . զի որպէս կատարեալ էր ըստ աստուածութեանն, նոյնպէս կատարեալ էր ըստ չարչարանացն, կամօք և ոչ ակամայ . վասն այսորիկ, “Ոսկր նորա մի բեկանիցի”, : Իսկ խոցումն ՚ի կողմն զոր ընկալաւ՝ աղբիւր բղխման աշխարհի . նորոգումն ջրոյն կենդանութեան, որ առաւել եւս անկագործեսցէ, ոչ զծառս պարտիզին յԱդեմ, այլ զծառս կենդանիս յեկեղեցւոյն Եստուծոյ :

Բարձեալ յետ այսր ամենայնի կատարման և թաղումնն Յիսուսի ընդունի անշուշտ վկայութիւն յազգէն Հրէից . զի միաբանեցին ամենեքեան վկայք մասու որդւոյն Եստուծոյ, այլ ոչ ամենեքեան միաբան կցորդք կենաց նորա : Եւկն, ասէ, Յովսէփ այր արդար, ազատ ըստ բնութեան, և մեծատուն ըստ աշխարհի . ՚ի մարդկանէ ծածկութեամբ, և յԵստուծոյ յայանապէս : Սա ոչ միայն ՚ի չարութեան դործս նոցա ոչ գտանի, այլ և ոչ ՚ի խորհուրդս ամպարչտութեան նոցա : Եւ արդ տես զառնն քաջութիւն . ՚ի ժամուն յորում ամենայն որ միաբանեալ էր և ՚ի բաց կացեալք յԵստուծոյ, սա միայն վառեցաւ ՚ի ծածուկ զինուք առաքիւնութեան, և առ իւր զբազմադունդ զօրացն հաւատոց . քաջալերեցաւ յանձն իւր, և յառաջ քան զմտանէն ՚ի պատերազմ ետես զյաղթութիւնն՝ եթէ լինիմ պատերազմակից Եստուծոյ և յաղթեմ մարդկան : Բայց գիտեմ, զի ոմանք լսելով զայս՝ ոչ ինչ զարմանան ՚ի վերայ բանիցս ասացելոց . և այս է սովորութիւն անփորձ մտաց : Ս՚ի դու, եղբայր, զայս փոքր ՚ի շատէ ինչ համարիցիս . քանզի ահագին էր տեղին և երկիւղազին ժամն, և կասկած մասու ՚ի վերայ այնորիկ՝ որ իշխեր ասել եթէ յարդարութեան մեռաւ այրն . ոչ միայն յաղթիցն հանէին զնա քահանայքն, այլ և քան զաւագակս չարամահ սպանանէին : Եւ և աւետարանագիրս ոչ դուզնաքեայ պատմէ զառնս լաւութիւն, այլ ուժգին և մեծապէս :

« Եւն , ասէ , Յովսէփ արեմաթացի . համարձակեցաւ եմուտ առ դատաւորն , և խնդրեաց զմարմինն Յիսուսի , » : Իբրեւ լսիցես զհամարձակեցանս , մի դուզնաքեայ համարիցիս , այլ ոգւով և մարմնով ճգնութիւն . ոգւով , զի մեծապէս հաւատք պիտոյ էին 'ի ժամունս . քանզի ոչ իբրեւ զմարմին մարդոյ լոկոյ բառնայր , այլ իբրեւ զմարմին որդւոյ Մտուծոյ : Վարձեալ ըստ մարմնաւոր կարգի ոչ միայն 'ի ժողովրդէնէն էր նմա երկիւղ մահու , այլ եւս առաւել 'ի դատաւորէն և 'ի սպասաւորաց նորա . քանզի ածէին զմտաւ՝ եթէ զինչ են խնդիրք առնս այսորիկ . զայր մի՛ որ յայնչափ բազմութենէ վկայեցաւ եթէ մահապարտ է , որ և ըստ օրինի յանցաւորաց խաչեցաւ և մեռաւ , և սա եկեալ իբրեւ զանյանց և զանմեղ 'ի զուր մեռեալ՝ զմեծ և զճշմարիտ վկայ Մտուծոյ խնդրէ . գուցէ վազիւ և 'ի մեր վերայ հասանիցէ պատիժ պատուհասի :

Օ այս ամենայն զմտաւ ինչ ոչ ած այրս այս . այլ որպէս յառաջ հաստատեալ էր 'ի ճշմարտութիւնն Քրիստոսի , եւս առաւել 'ի մահուն հաստատուն եկաց : Եւ բարձեալ զմարմինն Յիսուսի , պատէ ոչ ձեպով և վարկպարազի , այլ յոյժ խորհրդով և զօրութեամբ 'ի կտաւս սուրբս և պատուականս , և զմուռս բազումն հանդերձանուշահոտ խնկովք . և այս ոչ արտաքս քան զնախախնամութիւն հոգւոյն սրբոյ լինէր : Եւս և զօսկին զոր յաքաջ ընկալաւ 'ի մոգուցն , փոխանակեաց 'ի ձեռն պատկերակերպ դահեկանին , ասելով ցորդիս ժողովրդդեանն . Յորում կայսեր կերպարանդ գտանի , այդ նմանկ է . իսկ յորում իմ կերպարան երեւի , այն իմ է : Քանզի մարգիկ՝ որ են յիշխանութեան , անդրիս կանգնեն յանուն իւրեանց , և զէմնն նկարեն 'ի դահեկանի , զի 'ի ձեռն պատկերագիր նկարուն ոսկին մեծարեալ և յարգեալ լինի յաշխարհի : Եւս զիմ պատկերակենդանի 'ի կենդանի դէմն մարդոյ նկարեցի . և ոչ զբերէ յաշխարհի զնմանութիւն Մտուծոյ , բայց միայն մարդ . ոչ ումք երեւի Մտուած , բայց միայն մարդոյ . ոչ զոք սիրէ Մտուած յերկրէ , բայց միայն զմարդ . Մտուած միայն մարդասէր , և մարդ միայն աստուածասէր . Մտուած մարդոյ , և մարդ Մտուծոյ . վասն մարդոյ Մտուած մարդացեալ , և վասն Մտուծոյ մարդ

աստուածացեալ: Աման այսորիկ երթայք տուք զկայսերն կայսեր, և զԱստուծոյն Աստուծոյ:

Օ այս պատարագս յառաջագոյն ընկալեալ Վրիստոսի յերկրպագութենէ մեզուցն, զոսկին՝ որպէս ասացի՝ ՚ի պատիւ Թագաւորութեանն. իսկ զմուսս և ըզխունկս ՚ի մահ վիրաւորելոյն և Թաղելոյն: Ար պատեցաւ ՚ի կտաւս ՚ի ձեռաց մարդկան, զի դու պատիցիս ՚ի զգեստ պատմուչանի փառաց որդւոյն Աստուծոյ: Օ մրսսեցաւ դի մարմնոյ նորա, որ է տեւողութիւն անխախտելի պահուն յերկար ժամանակաց, զի զմտեսցէ ըզքեզ ՚ի տեւողութիւն ոչ ՚ի ժամանակեան, այլ յամմահութիւն նորգման սուրբ Հոգւոյն: Ինկեցաւ իբրեւ մարմին մեռեալ, այն որ ինկելոցն է զամենեւեան ՚ի հոտ անուշութեան, որ բուրբ է լուսոյն կենաց: և եղաւ ՚ի գերեզմանի նորում, յորում ոչ էր ինչ բնաւ ամենեւին եղեալ: Արդ փոխանակ գերեզմանիդ տարցի զքեզ ՚ի քաղաքն երկնաւոր՝ որ առանց ձեռագործի կազմեալ իցէ:

«Աւ եղ, ասէ, վէմ մի մեծ կափարիչ ՚ի դուրս գերեզմանին և գնաց», : Բարիոք առնես, ո՛վ տէր Առվսէփ, զի լինիս վկայ ճշմարիտ Թաղման Տեառնգ. քան զի գիտես զԺխտողութիւն ազգիդ քո, Թէ գուցէ յուրաստ լինիցին վաղիւ՝ եթէ բնաւ իսկ ոչ եղաք զնա յայդմ՝ գերեզմանի. քանզի բազումք են որ ստեն, բազումք էք և դուք որ ոչ գիտէք ստել: Երկրորդինս գործակից քո, դա է որ ընդ Տեառնն իսկ ճարտարագոյնս մտանէր ՚ի քննութիւն բանից: Վանգի վկայեն քեզ փորողք գերեզմանիդ, վկայեն և վաճառականք կտաւոցն, վկայեն և հարիւր լիար զմտոյն, վկայեն և դիւազարդքն՝ որ ինկեցին զմարմինն տերունեան. վկայեն և ձեռք օգնականացն՝ որք զմեծ վէմն յեցուցին ՚ի դուռն գերեզմանին, եթէ արժան իցէ նմա գերեզման ասել և ոչ յարութիւն կենաց:

Ա՛վ տէր իմ Առվսէփ, յիշեցի և զմեծ վկայն քո զդաստաւորն, առ որ չողարն և ինդրեցեր իշխանութիւն բառնալ զմարմինգ: Իսկ արդ այդ զի առնէ. եթէ ամենեքեան ընդ նոսա միաբանեսցեն ՚ի ստութիւն, յորժամ և դու գյարուցեալն ՚ի մէջ ունիցիս, զինչ ունիցին խօսել: Աթէ պնդեալ յամառեսցեն ընդդէմ քո,

որպէս և սովոր իսկ են, աստացեա ջնոսսա՝ թէ որպէս կա պանօք ետուք ց՝ Պիղատոս, և Պիղատոս ետ ցզինուորան, և զինուորքն ետուն ցխաչն, և խաչն ետ ցգերեզմանն, արդ ձեզ յընտիր լինի, թէպէտ տուք ցիս 'ի գերեզմանէն զմեռեալն, թէպէտ առէք ընկալայք զյարուցեալն. ապա եթէ մի յայտցանէ ոչ առնէք, ձեր այլ ինչ գործ ոչ է, այլ հրաժարել և 'ի բաց գնալ 'ի յարուցելոյ, զոր և արարէք իսկ: Ընդ դու տէր իմ Յովսէփ, խնդա և ուրախ լեր. քանզի մեծ էր Յովսէփն առաջին՝ արդարեւ մեծամեծ յայտնութեանց արժանի: Ի Յովսէփայ 'ի Յովսէփ ձգտեցաւ մեծութիւնն. նա վկայ անարատ ծննդեանն սուրբ կուսին, և սա վկայ թաղմանն սուրին. և յերկուց ճշմարիտ վկայիցս երեւեսցի այլ բազմութիւն վկայից լուսաւոր յարութեան նորա:

Դարձեալ եկին, ասէ, քահանայքն առ Պիղատոս. Տէր, ասեն, յիշեցաք՝ զի ասէր մուլարն այն, եթէ յետ երից աւուրց յառնեմ 'ի մեռելոց. արդ հրամայեա զի պահեսցեն զգերեզմանն նորա, գուցէ դաւ ինչ յաշակերտաց նորա լինիցի, և բազումք զճետ համբաւոցն մուրրեացին: Տուեալ ձեզ, ասէ, դաս մի զինուորաց. երթայք՝ որպէս և գիտէք՝ զգուշացարուք: Եւ զայս հրամանն առեալ 'ի դատաւորէն՝ կնքեցին զգերեզմանն մատանեօք երկոցունց կողմանցն: Սվ նախահոգակ քահանայք, բարիօք առնէք՝ զի զգուշանայք. որ զանձինսդ ոչ կարէք պահել, այլում պահանորդք կամիք լինել. և դուք զարտուղի էք 'ի ճանապարհէն, և նմա մուլար և մուրրեցուցիչ կարդայք. ուստի գիտէք եթէ մուլար է նա, և ոչ արժանի իսկ է ամենեցուն ցուցանել զճշմարիտ ճանապարհն. թերեւս այսպանիցէք դուք զմոգան, որք մուրրեցուցին զճերովդէս, քանզի և օգուտ իսկ չէր զնա կացուցանել 'ի վերայ ճշմարիտ ճանապարհին:

Յիշեցաք մեք, ասեն, զմուլարն զայն: Թուռի ինձ՝ եթէ այլ ընդ այլոց տայք զպատասխանիդ. մուլար ոչ է արժան ասել ձեզ նմա, այլ մուրրեցուցիչ զթուրոդ. որպէս ասէ. «Սուրբեցան նոքա յանապատի և ոչ 'ի ճանապարհի», Եւ առ ինչ արդեօք ասիցի 'ի հոգւոյն սրբոյ, հոգեկիր պատմութիւնն իսկ յայտ առնէ. «Չառաջնորդեաց նոցա, ասէ, ընդ Քիլիշտ ընդ կարձոյ ճանապարհն. այլ շրջան առին յանապատին զքառասուն

ամբ, զի ամենայն յանցաւորութիւնն սպառեցի յանապատին, և ապա խրատեալք արժանի լիցին մտանել յայն երկիր պարգեւաց: Արպէս կարծեմ, մալորեցայք դուք ոչ յանապատի, այլ 'ի քաղաքի. ոչ յերկրէ խոստմանց, այլ 'ի Տեառնէն երկնի և երկրի. և արդ եկեալ առ դատաւորն զնա մոլար կարգայք: Ար մալորեցոյց, խօսի ճշմարիտ. եթէ մոլար է, թոյլ տուք, ոչ ինչ պարտ է կասկածել 'ի բանիցն նորա: Ապա եթէ զոր յառաջն առնէր՝ ճշմարիտ է, և ոչ կարէք յուրաստ լինել. նա և եթէ լինիք եւս, նոքա բազմագոյնք են քան զձեզ՝ որ տան վկայութիւն նշանագործութեանն. ոչ միայն կենդանիք օղջացեալք 'ի ցաւոց, այլ և հրաժարեալք մահուամբ և այսրէն դարձեալք յարութեամբ. և ոչ միայն օրդիք ազգիդ ձերոյ, այլ և բազումք 'ի հէթանոսաց և եւս բազմագոյնք 'ի դիւաց: Արդ եթէ այսք ամենեքին ոչ մոլար զնա ասեն, այլ դարձուցիչ մալորեոց, ապա եթէ ձեզ միայն թուի մոլար, երթայք զքոյշ լերուք, զուցէ զեղծիցիք, և ապա այլ ընդ այլոց յետոյ եւս պատճառս ինդրէք: Ահա աղիկ դատաւորդ առ ձեզ բարերար երեւեցաւ. զամենայն զինչ ասացէք, զկտն չարութեան ձերոյ կատարեաց. և այժմ ոչ միայր կամ երկու տայ ձեզ օգնական, այլ բովանդակ գունդ մի զինուորաց. և զգունդն ոչ եթէ հասարակագոյգս, այլ 'ի ձեռն առաջնորդի և սետի՝ որ մեծ և հաւատարիմ էր դատաւորին:

Այլ երթեալ ամենայն պատրաստութեամբ կնքեցին զդուրս գերեզմանին դասու մատանեօք իրեանց. և ինքեանք անդէն զտեղի առեալ մեծաւ զգուշութեամբ անըուն պահելով, զի մի նենգ ինչ ուստեք լինիցի: Ահ իմաստունք, մանաւանդ եթէ յոյժ մերոք. եթէ յառնել կամի 'ի մեռելոց, ապա զամենայն ինչ կարող է առնել. զդուրս գերեզմանիդ ոչ բանայ, և զկնիքդ ոչ բեկանէ, և ձեզ զանձն ոչ ցուցանէ. դուք զիարդ կարիցէք գիտել թէ յարիցէ զոր 'ի ներքս 'ի գերեզմանիդ աւանդեցէք. կարի թանձրասիրտք էք, և առաւել թմբեալք խելօք: Համարեաց եթէ զինուորդ դատաւորիդ անտեղեակ իցէն իբրեւ զարտաքինս և ոչ զներքինս. դուք որ այդչափ տեսէք զմեծամեծ սքանչելիս և 'ի ժամ մահու դորա, տակաւին ապշեալ էք և ոչ



խմանայք՝ եթէ որ զերկիր շարժեաց և զերկինս դըրը-  
դեաց, զինորդ կարէք պահել դուք զնա, քայց եթէ պա-  
հէք դուք նուաւ: Քանզի զինուորացն մեղադիր ոչ կա-  
րեմ լինել, զի սպասաւորք են դատաւորին, և հարկաւ-  
ւորեալք են կատարել զհրամանսնորա. այլ քահանայքն  
և մեկնիչքն յոյժ լալոյ և արտասուլաց արժանի են:  
Ա՛յ էմ՝ ՚ի վէմ՝ յեցուցեալ, և զվէմն ՚ի ներքս արդելէն,  
մանաւանդ եթէ զարարիչն երկնի և երկրի. և մատա-  
նիս ՚ի վերայ եդեալ, և պահպանացն զգուշացեալ:

Տեսանես գլխմարութիւնն. դու քոյոց մտացդ չկա-  
րես պահպան լինել. մինչ դեռ կաս ՚ի սուրբ տեղին,  
գտանիս յանարժան տեղուոյ. գոս արդ ՚ի քաղաքի, և  
տեսանես Իտաղիա. գործես ՚ի ցամաքի, և ՚ի ծովու-  
նստիս ՚ի նաւի. կաս ՚ի յերկրի, և ՚ի վեր յերկնից երկ-  
նի շրջիս ընդ գունդս հրեշտակաց: Քայց վասն ձեր գի-  
տեմ, զի ոչ երբէք կարացէք համբառնալ յերկրէս և  
տեսանել զգունդս երկնից, այլ հանապաղ գետնաքարչ  
աստէն սողելով՝ նմանեցայք անդրավարին հօրն ձերոյ.  
զի ոչ միայն հողակերք էք, այլ և հողահեղձք յոգիս  
և ՚ի մարմինս. վասն որոյ ոչ գիտէք զինչ գործէքդ:

Օ՛ր որպէս յամենայնի յամօթ եղեայք առաջի դատա-  
ւորիդ և ամենայն բազմութեան ժողովրդեանդ, եւս  
առաւել յամօթ լինելոց էք առաջի զինուորացդ՝ որ պա-  
հեն զգերեզմանդ: Յորժամ դոքա զճշմարիտն ձեզ պատ-  
մեսցեն, անկանիք ՚ի վարանս տարակուսի. սուտ ոչ կա-  
րէք առնել, քանզի հաւատարիմք են. յայտնել և ար-  
գարացուցանել դուք ոչ կամիք, քանզի կոյր աջօք էք  
՚ի դատաւորէդ և ՚ի ժողովրդոցդ, միանգամայն և յ՛բ-  
տուծոյ: Եւ արդ զինչ ինչ գործիցէք, եղուկ դուք և  
վայ ձեզ. չիք մխիթարութիւն և ոչ տեղի ասպատանի,  
քայց եթէ առ նոյն ինքն զոր սպանէքն և թաղեցէք.  
և քանզի մարդասէր է, ընդունի և ոչ յիշէ զառաջին  
յանցանս: Քայց ես գիտեմ՝ զի դուք ոչ առնէք զայդ,  
քանզի չէք արժանի. այլ անդրէն ՚ի տաճարն ընթա-  
նայք, քանզի դեռ եւս կան կարծիք սուտ յուսոյն: Վի-  
տեմ՝ զի ՚ի խորհուրդ մտանէք, և միտք ձեր ընթանան  
յարծաթն նզովեալ. զարծաթդ կորուսանելոց էք, ընդ  
նմին և զանձինս և զամենեսեան՝ որք լսելոց են ձերում  
մարութեանդ:

Եւ լաւ տէր մեր Յիսուս Քրիստոս զառ ՚ի ներքոյ աւրեգականս զամենայն զփրկագործն կատարեաց, և ՚ի ստորին կողմն երկրիս ամենայն զօրութեամբ իւրով խաղաց զնաց իջանել տեսանել զգօրութիւն մահու, և միւրթար տալ ազամեան զաւակին՝ որք յուսահատութեամբ նստէին ՚ի խաւարի և ՚ի ստուերս մահու: Եւ իբրեւ եհաս յամուր պարիսպն դժոխոց և յերկաթի պղնձանիգ դուռնն, ձայն ահագին մեծ կարապետին զպարիսպն առ հասարակ դողացուցեալ կործանեաց. և գօրութիւն կենդանի հրոյն զկարծրանիգ դրունսն իբրեւ զմոմ հալեալ սպառեաց. և ճառագայթք ինքնածագ լուսոյն առ հասարակ սփռեալ տարածեցան ՚ի գոգս և ՚ի խորչս անմատոցս ամուր վայրացն նորս. մաշեցաւ և սպառեցաւ թանձրացեալ խաւարն, և երեւեցաւ մերկ խայտառակեալ զազրառեսիլ զարդ սանդարամետականին:

Յայնժամ Սահու զձիչ առեալ, զազաղակ բարձեալ և լայր դառնապէս. գոչէր բարձրաձայն և ասէր. Ս՛վ է սա՛ որ եկն եմուտ յանմատոց ամուրս իմ, մեկնեաց զիս ՚ի բնական խաւարէն զգետտէ իմմէ, և այրիմ ՚ի առաջ տապակիս յահագին ՚ի հրեղէն փառաց նորս. ոչ մնաց ինձ խորչ խաւարի և ոչ մութ գիշերոց, ոչ դաշտ փախստեան և ոչ լեռոն թաքստեան և ոչ ծործոր ապաւինի. չիք հեռաստան՝ թէ փախեայց, և ոչ խորխորատ մօտաւորութեան՝ թէ կացցէ: Ընդունդք աղաղակեն թէ աստ է, և լերինք իբրեւ զմոմ հալին առաջի փառաց սորս. գերեաց զամենայն տարտարոս, դու զացոց զգօրս խաւարինս՝ զձախոյ մանկունսն իմ: Սպէ զինեւ, եղուկ եմ ես. կողոպտեաց զգանձս իմ, յաւարի էառ զամենայն զմեծութիւնս իմ, ոչ եթող ինձ յոյս միւրթարութեան, և ոչ զմի որ յիմոց սեփակահասցս: Ս՛վ արդեօք իցէ սա, զի ես ոչ գիտեմ. Եւսովք և Եւրիս այսրէն ոչ եկին. Եւրահամ և Սահակ և Յակովբ ընդ իս զայս ոչ գործեցին. Եւր և Եբէլ և ամենայն արգարքն ընդ ինեւ անկեալ դնին. Սովսէս և մարգարէքն ինձ հնազանդեալ են. Սեբբիսեդեկ և ամենայն թագաւորք արգարք յինէն ոչ ապստամբեցին: Եւ զի մի մի թուիցեմ յանուանէ զազգս արանց կամ կանանց. ահա ՚ի սկզբանէ մինչեւ ցայսօր արգարք

և մեղաւորք, հզօրք և տկարք, ծերք և տղայք, նա և որք չտեսին զլոյս աշխարհի, առ իս ժողովեալ են. ամենեքեան ընդ իմով իշխանութեամբ կան հնազանդեալ: Իսկ ով իցէ սա, տայր ոք գիտացեալ: Եթէ զտեղին կարէի գիտել, թերեւս և հնարս ինչ իմանայի. եթէ յերկրէ է, ապա և զբաւառն գիտէի և զսօզաւտոհմն. զբնութիւնն զոր տեսանեմ, ըստ ամենայն սազաւտոհմի մարդկան բերէ զնմանութիւն. մանաւանդ զթիւ մասանց մարմնոյն ոչ աւելի և ոչ պակաս գտանեմ, այլ ըստ ամենայնցն և զտրայս: Իայց յերեւոյց սորա կարի իմն զարհուրեալ եմ. զի եթէ յիջաներն իւրում առ իս զբազումս կորզեաց եհան յինէն, վայ ինձ եթէ չարակամաց սա անդրէն ելանիցէ, երկնչեմ եթէ բնաւ իսկ զամենայնս ընդ իւր տանի, և ես յիմոց միայն մնացից: Եւ և յանձնէ մեծ երկիւղ է ինձ. զի ոչ միայն զիմն հանէ յինէն, այլ և զտեղի խաւարինս ինձ ոչ թողու. և որպէս իմանամ, յայսմ խաւարէ զիս յայլ խաւար առաքելոց է. և երանի եթէ այսպէս էր խաւարն՝ ուր տանելոցն էր զիս: Իայց եթէ այսպէս էր ուր տանէրն, նա և հանէր իսկ ոչ զիս աստի: Եւ արդ և ահա յայտնի եղեւ, որպէս ոչ գիտացի զգաւառ սորա, սոյնպէս և ոչ գիտեմ զխաւարն յոր զինն տանելոց է: Իայց չար այս իսկ է ինձ քան զամենայն, որպէս երեւի՝ զի ոչ միայն վասն արդարոց եկեալ է այսր, այլ և վասն ամենայն մեղաւորաց: Եւ եթէ ածէ և համար առնէ ընդ իս, և պահանջէ յինէն զուկերս վախճանելոցն որք առ իս եկին, թերեւս կարեմ տալ: Իսկ արդ եթէ զլշնովք և զլշիլիա յինէն խընդբեցէ, և եթէ զայս եւս արասցէ ընդ իս, յայնժամ է ինձ վտանգ տագնապի և վարան տարակուսի, զի ոչ ուրեք գտանեմ երթալ:

Եւ որ իբրեւ այսու ամենայնիւ մահ յանձն իւր տագնապէր, և ոչ յումեքէ գտանէր բան միսիթարութեան, դժոխք ետուն պատասխանի մահու և ասեն. Սքսութիւն դորա գիտեմք մեք, և զազգատոհմն դորա ճանաչեմք. դա է, վասն որոյ ասաց յառաջագոյն հողին սուրբ. «Համբարձէք իշխանք զդրունս ձեր ՚ի վեր, և համբարձցին դրունք յաւիտենից, և մոցէ թագաւոր փառաց», Եթէ կրկնեսցես և երեքկնեսցես և բազում

անգամ հարցցես, զնոյն լուիցես՝ Տէր զօրութեանց,  
 սա ինքն է թագաւոր փառաց: Եւ իբրեւ լուա մահ  
 զտէր անունն և զհօր և զպատերազմող և ՚ի կոիւ ե-  
 կեալ ընդ իշխանութեամբ մահու, լուծաւ լքաւ և բե-  
 կաւ ամենայն զօրութիւն նորա, և հատաւ յոյս թա-  
 գաւորութեան նորա. զահի հարեալ յերեսաց նորա՝  
 ճեպէր փութայր փախչել և թաքչել, և տեղի ոչ գտա-  
 նէր. ձայն բարձեալ յողերս մեծ աղաչէր և ասէր. Գի-  
 տեմ՝ զբեզ, Յիսուս նազովրեցի. դու ես սուրբն Լս-  
 տուծոյ. մի՛ յառաջ քան զժամանակն տանջեր զմեզ:  
 Եւրդ իբրեւ կապեաց զնա, և բեւեռեաց բեւեռօք. բե-  
 ւեռեաց զոտս և զձեռս նորա, և պրկեաց կապեաց ընդ  
 զօրութիւն անպարտելի խաչին. և ետ իշխանութիւն  
 ամենայն մարդկան՝ որ խաչելոցն հաւատան և կատարեն  
 զպատուիրամն Լստուծոյ Բանի, զնալ ՚ի վերայ իժից  
 և քարբից և ամենայն զօրութեան մահու. հառ աւար  
 բազում և բերեալ բաշխեաց ամենայն հաւատացելոց:

Եւ մինչ Տէրն զայս ամենայն նահատակութիւնս կա-  
 տարէր, պահապանքն ՚ի քուն կային, և քահանայքն  
 զեղէգնն և զբաղարջն ուտէին: Իսկ Տէրն կանխագոյն  
 քան զասացեալ ժամադրութիւնն յարուցեալ և հրեշ-  
 տակացն երեւեալ, այլ ոչ զգերեզմանն խախտէ, և ոչ  
 զդուրսն բանայ, և ոչ զմատանիսն բեկանէ, և ոչ պա-  
 հապանացն յակն անկանի: Յոյժ գոհանան հրեշտակքն  
 զայնմանէ, որ յառաջ ժամանակաւ ոչ կարէին հայել  
 և տեսանել զճածկութիւն փառաց որդւոյն Լստուծոյ,  
 և այսօր ՚ի պատճառս մերոյ փրկութեանս եկեալ, և  
 զամենայն տնտեսութիւնն իւր կարգաւ կատարեալ վեր-  
 նոց և ներքնոց և սանդարամետականաց, և նորոյ աչ-  
 խարհի նոր պտուղ երեւեալ նորոգապէս նոր և նախ-  
 նիս, նախ հրեշտակք ընդունին և ուրախ լինին ՚ի տե-  
 սիլ այնորիկ՝ որովք յառաջն կարօտեալն էին: Եւ քան  
 զի կամս աննախանձ ունին հրեշտակք և սէր սուրբ ա-  
 ռանց ստութեան, ճեպեալ փութային տալ աւետիս  
 կանանցն, ոչ միայն բանիւք, այլ և աչաց տեսլամբք:  
 Ա աղվաղակի ՚ի բաց տապալէին զվէմն ՚ի դրաց գերեզ-  
 մանին, և ՚ի ներքս մտեալ երկիր պառանէին տեղւոյն՝  
 ուր Լստուածն մարդացեալ բազմեցաւ ՚ի փրկութիւն  
 մեղաւորաց և ՚ի կենդանութիւն հրաժարելոց: Իսոնար.

հէին և համբուրէին զպարեփն, և մեծապէս պատուէին զտէրունեան զտեղին, և սքանչացեալ զարմանային՝ եթէ այնմ որում երկինք երկնից չէին բաւական ՚ի բնականութիւն, մարդասիրութեամբ իւրով ամփոփեաց զմեծութիւն փառաց իւրոց. էջ և բազմեցաւ ՚ի փոքր տեղումս, և բաւական համարեցաւ լինել երեքօրեայ ժամանակաւ :

Յայնժամ միանգամայն կատարէին զբանն զոր ասաց Վաւիթ. « Երկիր պագցուք ՚ի տեղումը՝ ուր կացեալ են ոտք նորա », և դարձեալ. « Երկիր պագէք պատուանդանի ոտից նորա, զի սուրբ է », Եւ այնչափ սիրելի է տեղին, զի ոչ միայն ՚ի ներքս մտին հրեշտակքն, այլ և նստէին, ասէ աւետարանագիրն, մի ՚ի մնարիցն և մի յանտիցն : Արդ զնստէինն իբրեւ լուիցես, մի վաղվաղակի ՚ի բաց գնասցես ՚ի տեղումէ անտի. քանզի ոչ եթէ ժամանակաւ նստէին, այլ նստան և նստին և նստցին մինչեւ յօրն յայն՝ յորում միաբանութիւն լիցի մեր և հրեշտակաց և այնր աշխարհի՝ յոր գերիս աւուրս չողաւ Վրիստոս, և ժամադրեաց ամենեցուն ժողով լինել առ դուրս նորին գերեզմանի :

Արդ յոյժ սիրեմ զտեղին, և ոչ կամիմ հեռանալ ՚ի դրաց գերեզմանին. այլ անդէն նստել ընդ հրեշտական, և տեսանել զմեծամեծ սքանչելիսն, և լսել ՚ի բերանոյ նոցունց հրեշտակացն՝ որ խօսէին ընդ կանայան, և հնչեն բարբառ աւետարանաց նոցա ընդ ամենայն աշխարհս : Վանդի կանայքն այնորիկ անուամբ յորջորջին տեսանամայրք. իսկ հաւատովք ճանաչին մեծ և սքանչելիք : Վանդի գիտեն զնոյն հէր անմայր յերկինս և անհայր յերկրի, և առ զութ մեծի սիրոյն զոր ունէին առ նա՝ բերին իւզս անուշունս, զի հեղցեն ՚ի վերայ գերեզմանին :

Եւ քանզի հատեալ էր քուն յաչաց նոցա զայն երիս տիւս և զերիս գիշերս, կանխագոյն յարիամ մագդաղենացի եկն եհաս ՚ի գերեզման անդր. և քանզի ըզվէմն ՚ի բաց Թաւալեցուցեալ էր հրեշտակացն, հայեցաւ ՚ի ներքս, և զտէրունական մարմինն անդ ոչ ետես. վասն այնորիկ լայ կոծի որբալով և ասէ. Օրինչ արարից, յո՞ երթայց, ո՞ւր խնդրեցից. ՚ի խաչէն իջուցին, ՚ի

գերեզմանիս եզին, զդուրս վիմուլ կեքեցին և պահեն զգուշութեամբ. աշակերտացն վկայեմ, զի ոչ ուրեք շարժեցան զգիշերս ամենայն. 'ի Տրէիցն զայս ոչ ոք առնէր վասն մեծի շքաթուն պատուոյ. հեթանոսաց չէր ինչ փոյթ. նա և ումեք 'ի մարդկանէ չէ օրէն դիագող շրջել. 'ի զազանաց կասկած ինչ ոչ է վասն մեծի վիմիս ծանրութեան, և առաւել վասն զինուորացն պահպանութեան: Ալ եթէ յարութիւն կարծեցից, այս վաղ կարի է. ընդ երեկս ուրբաթուն թաղեցաւ. զի շերքս ահա երկու են, իսկ տիւս օր մի է և ժամք երկու, և նա զերիս տիւս և զերիս գիշերս ասաց լինել 'ի սիրտ երկրի: Ալ զհարգ՝ որ յամենայնի արգարն խօսէր, յայսմ վայրի ստեանց արդեօք. քաւ լիցի, ոչ կարեմ վասն նորա յերկբայս լինել. սուտ և ոչ երբեք խօսէր, այլ արդար յամենայնի. քանզի զամենայն զոր ասաց 'ի կենդանութեան իւրում, եղև և կատարեցաւ. իսկ արդ յայսմ միայն ստիցէ՞ արդեօք: Արդ ես ոչ գիտեմ եթէ արդարեւ յարուցեալ իցէ և կամ նենգեալ յումեքէ:

Օ այս ասէր և զկրժիցն հարկանէր և զարտասուս յորդէր. մեծաձայն ճչել ոչ իշխէր վասն ահի քահանայիցն և զգուշութեան պահպանանցն, այլ 'ի սրտին փղձկէր և 'ի միտս հեղձնոյր, և իրացն մխիթարութիւն ոչ գտանէր. մինչև յոյժ գթացեալ ողորմեցաւ նմա հրեշտակն և ասէ. Աին դու, զի լաս յուսահատութեամբ և սուգ առեալ կոծիս անմխիթար. ասա ցիս զպատճառս իրացն, թերեւս լուիցես անսուտ պատասխանի: Ալ նա ասէ. Օ ի զտէրն իմ բարձին 'ի գերեզմանէ աստի, և ոչ գիտեմ ուր եգին զնա: Այն ցնա հրեշտակն. Վեղեցիկ ունիս զսէր սուրբ հաւատոցդ, այլ ոչ իմաստութեամբ արկանես զգառն արտասուող 'ի վերայ գերեզմանիդ. ոյր ուրուք լուեալ և տեսեալ իցէ՞ թէ մեռեալք զկենդանիս խնդրեն, և կամ մարդիկ 'ի խընդիր լինին կենդանոյ Աստուծոյ. թուի ինձ թէ քան զպահպանսն յիմարագոյն ես դու: Արդ եթէ կամիս, եկ մերձեցիր 'ի տեղի աստ և տես, զի յարեաւ, չէ աստ. և բնաւ ընդէր իսկ խնդրես զկենդանին ընդ մեռեալս: Ալ զայս ասացեալ 'ի մեծ տարակուսանս զկինն արկանէր:

Ղարձեալ ասէ ցնա հրեշտակն . թէ և ինձ ոչ հաւատաս իբրեւ օտարաշխարհացւոյ, հարց զգաւառականսդ քո՝ որք են հաւատարիմք դատաւորին և խորհրդակից քահանայից ձերոց . նոքա պատմեն ոչ միայն ձեզ որ սիրելիքդ էք, այլ և թշնամեաց նորա : Բայց զժամ յարութեան նորա և ես ոչ գիտեմ . այլ ՚ի շարժել երկրիս յայնժամ կարծեցի թէ յարեալ . և առ գերեզմանի աստ՝ ես և բազում ընկերք իմ էաք, զիտաց և ոչ ոք ՚ի մէնջ . ՚ի դուրս գերեզմանիս հայեցաք ամենեքեան, վէճն անխախտելի կայր, և կնիքն յայտնի երեւէին : Իսկ մեր ՚ի շարժմանէն կարծիս առեալ բացաք զդրունս և զնա ՚ի ներքս ոչ գտաք, մինչև ինքն ողորմելով երեւեցաւ մեզ առ ժամ մի : Եւ այժմ և մեք ոչ գիտեմք ուր է . բայց զտեղիս ոչ իշխեմք թողուլ, ուրովհետեւ այնչափ սիրէ զվէճդ և զխաչդ և զվիմանփոր գերեզմանդ, և առաւել զձեզ որ ՚ի խնդիր էք նորա : Եւ յայտմ ամենայնի պատճառս՝ և մեզ զարձեալ ողորմեսցի, և արժանի լիցուք միւսանգամ տեսանել զյարուցեալն ՚ի մեռելոց :

Եւ մինչ դեռ զայս ամենայն հրեշտակն ընդ կնոջն խօսէր, ահա ոմանք ՚ի պահապանաց անտի յորդեցան մտին ՚ի քաղաքն պատմել քահանայապետիցն . Վ՛վ, զի՛ կայք, ասեն, զի՛ նստիք, տեսէք զինչ գործիցէք . յարեալ ճմարիտ, թագուցանել ոչ կարեմք . ահա բողբեմք յապարանս դատաւորին, և ամենայն քաղաքիս զաղաղակ հարկանեմք . ոչ կարեմք յուրաստ լինել զահագին տեսիլ յարութեանն, քանզի մեծ էր երկրիս շարժումնս վերջինս քան զառաջինն . վասն զի և ՚ի ժամ խաչին անդ դիպեցաք մեք և տեսաք զմեծամեծսն և զահագինսն որ անդ գործեցան : Եւ մեզ այն օրն դիւրագոյն էր քան զայս օր . վասն զի ոչ ՚ի շարժմանէն միայն բեկան սիրտք մեր, այլ և արք ոմանք երեւեցան մեզ՝ ոչ գիտեմք ուստի էին, յերկրէ կամ յերկնից, անհնարին մեծապէս լուսաւորք և ահագինք, և այնպիսի լուսաւորք՝ որ թէ ՚ի մէջօրէի երեւէին, ծածկէին ճառագայթք արեգականն առ նոցա անմատոյց լուսով : Բայց զարմացեալ եմք, եթէ դուք զխարդ ոչ տեսէք, և կամ տապ բոցոյ նոցա սյար զխարդ ոչ ազդեաց . քարինք տեղոյն եռացին և հողն երաշտացեալ ցամաքեցաւ . մեք

կիտամահ 'ի վայր անկեալ զնէաք, և բազումք 'ի մէնջ որ անդ մնացին՝ արդ եւս մեռեալ իսկ իցեն :

Իբրեւ լուան քահանայապետքն զայս ամենայն 'ի բերանոյ զինուորացն, սկսան տալ պատասխանի . Յորժամ այդպիսի ահագին գործք գործեցան, որպէս դուքդ ասեք, թէ ոմանք 'ի ձէնջ կիտամահ անկեալ զնին, դուք զհարգ կարացեք գալ և պատմել մեզ : Ետուն պատասխանի զինուորքն և ասեն . Կանայք ոմանք երանելիք եկին 'ի գերեզման անդ՝ մինչ դեռ կայր եւս գիշերոյ, որք բարձեալ բերէին իւզս անուշունս և խունկս սքանչելիս իբրեւ նուէրս աստուածայինս : Եւ 'ի մերձենալ կանանցն 'ի գերեզմանն՝ յոյժ դիւրութիւն եղև մեզ 'ի ժամուն . օրհնեալ լիցին կանայքն այնքիկ, և երանի քաղաքին՝ ուստի նորա իցեն . և յիրաւի երանելիք այնպիսի կանանց : Մեք այնպէս թմբերեալ և անկանգնելի 'ի վայր անկեալ էաք, և մի ոմն 'ի նոցանէ աներկիւղ և անկասկած մերձեցեալ 'ի գերեզմանն հայէր . և իբրեւ զմարմինն անդ ոչ տեսանէր, յարտասուս հարեալ լայր դառնապէս . և վասն մեռելոյն պատասխանի լեք յարանցն զյարուցելոյ և զկենդանոյ : Եւ որպէս 'ի ժամուն ազդեցաւ՝ թէ հրեշտակք էին և ոչ մարդիկ, որք մերձաւորագոյն զնշանն տային կանանցն զխաչելոյն՝ Ետուած խոստովանել և ոչ մարդ, կենդանի և ոչ մեռեալ . քանզի իբրեւ դիւրացաւ մեզ 'ի գալ կանանցն՝ մեք մեզէն իսկ լուաք պատասխանի 'ի բերանոյ երեւեցելոցն՝ որք ասէին . Օ՛ր ինդրէք զկենդանին ընդ մեռեալս . ոչ յիշէք զոր յառաջագոյն ասաց՝ թէ պարտ է որդւոյ մարդոյ մեռանել և թաղիլ և յերիր աւուր յառնել : Եւ եթէ զայն ոչ յիշէք, արդ ահա տեսէք՝ յարեաւ չէ աստ, և յառաջագոյն քան զձեզ երթայ 'ի Վալիլիա, անդ տեսանիցէք զնա . ահա ասացի ձեզ :

Օ այս լուեալ քահանայապետիցն՝ զարմացան հիացան և բեկան սիրտք նոցա . գիտացին եթէ ոչ պատճառանօք պատմեն . 'ի խորհուրդ մտին և ասեն . Ըրդ զինչ գործեսցուք, որովհետեւ այսպիսի յայտնութեամբ յարեաւ, մարդիկ և հրեշտակք տեսին . զպահապանն զոր ինդրեցաք 'ի դատարորէն, նորա մեծամեծ նշանօք պատմեն զյարուցեալն . արդ 'ի Վալիլիա եւս երթայ, և մեծամեծ յայտնութիւնս առնէ անդ :



Եւ իբրեւ այլ հնարս ոչ կարացին իմանալ, արհիւն ձեռս 'ի գանձս տաճարին . արծաթ բազում ետուն պահապանացն և ուսուցին նոցա պատճառս զառաջին պատասխանոյն՝ յաղագս որոյ զինուորքն հրամայեցան նոցա 'ի դատաւորէն :

Եւ յլ Սարիամ անդէն ընդ հրեշտակսն պատեալ փարի զգերեզմանաւն, և 'ի խնդիր է յարուցելոյն . և առ յոյժ ջերմ սիրոյն անդադար ածէ զայն զվայրօքն մինչեւ շնորհեալ նմա երեւումն փափաքելի ոչ հրեշտակի ուրուք, այլ նորին տեառն Յիսուսի : Բանզի գրէ աւետարանագիրն . Օ այս իբրեւ ասաց նմա հրեշտակն, հայեցաւ նա 'ի կողմն մի տեղոյն՝ ուր 'ի խաչ հանեալ էր զՅիսուս . և ետես անդ զՏէրն, այլ ճանաչել ոչ կարաց . այլ կարծեաց եթէ պարտիզպանն իցէ, ասէցնա խանդաղատալի բանիւք . Տէր, եթէ դու բարձեր, ասա ինձ՝ ուր եղիր զնա, զի ես առից զնա :

Բարիոք տընիս, ով Սարիամ, զգիշերս ամենայն, և գեղեցիկ են խնդիրք առաւօտիդ . ոչ ոք 'ի մարդկանէ զրկէ զվաստակաւորս իւր, և ոչ Մտուած զանայ ըզվարձս վաստակոց քոց . զվարձս գիշերային աշխատութեան քո հատուցանէ քեզ հրեշտակդ՝ տալով աւետիս զյարուցելոյն 'ի մեռելոց, և զտապ անձկոյ սրտի քո փախուցանէ երեւումն պարտիզպանիդ : Որպէս ինձ թուի, գտեր զգողն . և ոչ միայն զգողն, այլ և ընդ գողոյն զգողոնսն . քաջ պնդեա 'ի վերայ, դա է ճշմարիտ . և ոչ զայլոյ գողացեալ, այլ զիւրն իսկ առեալ ունի . մի ասեր՝ եթէ դու բարձեր, իբրեւ այլ զայլոյ ինչ, այլ ունի իսկ և զիւրն ունի : Ղա է որ եղաւ 'ի գերեզմանիդ, դա է որ յարեաւն այտի, դա է որ խաչեցաւ, դա է որ 'ի մեռեալս չողաւ, դա է որ եմուտ 'ի տուն հզորին, դա է որ կապեաց զհզորն, դա է որ առ զգանձս նորա յաւարի, դա է որ բաշխեաց պարգեւս բազմաց, դա է ճրջմարիտ պարտիզպանն, դա է որ տարաւ զաւազակն 'ի պարտէզն . զգա խնդրէիր, վասն դորա լայիր, վասն գորա լուար 'ի հրեշտակէն թէ յարեաւ, վասն գորա ողբայիր, վասն դորա հրեշտակն զգերեզմանասն շրջի, վասն դորա բերեր զիւզդ և զխունկս . եթէ վասն դորա բերեր, այլում 'ի խնդիր մի լինիր : Բայց զոր ասացերն՝ ուր եղիր զնա, ցոյց ինձ՝ զի ես առից և գնացից, զի-

տե՛մ՝ զի առ սէրդ ասացեր . և եթէ ասց զինքն քքեզ , տանիլ ոչ կարես , նա և ոչ միւս . Սարիամն յակովբեանց և ոչ կղէտղեանց Սարիամն և ոչ քոյր՝ Ի ազարու և կոյնն Սարիամ՝ որ է մայր գորա : Աւ եթէ ամենեքեան միաբանիք , բառնալ զգա ոչ կարէք , քանզի յոյժ ծանրացաւ . ծանր է այսուհետեւ որ կամին մարմնապէս մերձենալ 'ի նա , և թեթեւ այնոցիկ՝ որք հաւատով մերձենան՝ առ նա , զոր այժմ իսկ լուիցես 'ի նժմնէ : Վանզի իբրեւ ծանեաւ , առէ , Սարիամ , եթէ Յիսուս իցէ այն , յորջորջեաց զնա հին սովորու թեամբն՝ րաբունի ասելով , որ թարգմանեալ կոչի վարդապետ : Ահա դեռ եւս աւաղիկ Սարիամ , 'ի մարմնի ես և մարմնապէս լնա , և մարմնապէս խօսիս , և մարմնապէս խընդիր առնես . արդ զհարդ արգահատեաց և յայտնեաց քեզ 'ի նոյն առաջին կերպարանսն , նոյնպէս կամիս մերձենալ 'ի նա թանձրութեամբ . վասն որոյ լուիցես պատասխանի՝ թէ մի մերձենար յիս , զի չեւ եւս ելեալ եմ ես առ հայր իմ : Աւ վասն էր արդեօք զայս ասէր . քանզի պտուղ էր նորոգ ծառոյն կենաց , ոչ կալաւ յանձին եթէ կանայք յառաջ քան զարս մերձեցին 'ի նա . բաւական համարեցաւ զազգս կանանց պատուել 'ի ձեռն ծննդեանն . այլ զերեւումն յարութեանն առնէ հրեշտակօքն որ ունին զյանգութիւն առ արու բնութիւնս . միջնորդաւ ակտութեանն և 'ի ձեռն հրեշտակացն առաջնորդութեան երեւի կանանց , և առաքէ առ աշակերտսն :

Արկուս իրս յայտնելով 'ի տեղոջն , զՍարիամ ուսուցանէ վասն իւրոյ վերաբեր բնութեանն՝ հայր իւր յերկինս անուանելով , և զաշակերտսն միսթարէ եղբարս զնոսա անուանելով : Վանզի յորժամ ասէ , երթամ ես առ հայր իմ և առ հայր ձեր , հաւասարէ զինքն ընդ աշակերտսն , և մի հայր իւր և նոցա ցուցանէ . բայց իւրն առանձին ասելով , իսկ նոցա ամենեցուն 'ի միասին : Յոյժ անջրպետեալ զատանի 'ի միմեանց , և իմանի յայտնութեամբ յոգիս իմաստնոց . քանզի մարդ է ըստ բնութեան ամենեցուն , հաւասարէ զինքն ըստ աշխարհի . և Վստուած է անեղութեամբ ընդ հօր , զատուցանէ զինքն ոչ միայն յաշակերտացն , այլ յամենեցուն բանական գոյութեանս : Աւ առ Վստուած իմ ,

ասէ, և առ Լ'ստուած ձեր: Ս'եր ահա գիտեմք զի Լ'ստուած է, արարիչ և թագաւոր և տէր. և թէ գոհանամք զարարչական զօրութենէն, է նա մեր թագաւոր վերակացու և խնամածու. և եթէ զընդդէմն գործեմք, է նա մեր տէր, դատի խրատէ և ածէ յուղղութիւն:

Իսկ քո, Տէր, հայր զի է՝ գիտեմք, վասն զի ուսաց 'ի քէն ճշմարտապէս զայդ. զիարդ ասես՝ երթամ ես առ Լ'ստուած իմ և առ Լ'ստուած ձեր: Լ'ստ, ասէ, քանզի հայր է ձեր արարչութեամբ, հայր է և իմ ծնողութեամբ. Լ'ստուած է ձեր, որպէս ասացի, ըստ հաւտողութեան, Լ'ստուած է և իմ ըստ տնօրէնութեանս: Լ'ստ իմ, ասէ, առանձին միայն. իսկ ձեր ոչ առանձին, այլ ամենայնի՝ մարդկան և հրեշտակաց և երկնի և երկրի և տարերաց գոյացութեանց: Եւ որպէս հայր բարերարութեամբ իւրով՝ չաղաչեցեալ ուրուք՝ 'ի ձեռն Արդոյ արար զաշխարհս ամենայն զերեւելիս և զանելերեւոյթս, նովին մարդասիրութեամբ և Արդի կամօք հօր յանձն իւր էառ զմարմին մերոյ բնութեանս, և ընկալաւ չարչարանս յիւր մարմինն մինչեւ 'ի մահ խաչին, 'ի թաղումն և 'ի յարութիւնն: Եւ վասն այնորիկ Լ'ստուած մարմնայեալ. և այսուհետեւ ոչ եւս մարմին, այլ Լ'ստուած. և Լ'ստուած ոչ առանց մարմնոյ, և մարմին ոչ եւս ծանր բնութեամբ, այլ մարմին աստուածային, անորակ և անքանակ, աներբ և անուր: Լ'նբաժանելի և անքակ է Լ'ստուած բանն, միշտ անձառ և անպատում, և ընդ նմին անձառելի և մարմինն: Ս'իշտ Լ'ստուած ինքն յինքեան, ոչ 'ի տեղոյ, այլ տեղի ամենեցուն. ոչ 'ի ժամանակի, այլ ժամանակ 'ի նմանէ. ոչ յեղանութեան, այլ լինելութիւնս նուաւ, և գեր 'ի վերոյ ամենեցուն երկնի և երկրի, և երկնից երկնի չըրջագոյ բնութեանն. ընդ նմին իմաստիւր և զկուսածին մարմինն: Ս' ասն այսր ամենայնի ունիմք իշխանութիւն սնուանիլ եղբայր Վրիտառի, և ասել ընդ նմին հայր մեզ զԼ'ստուած. զի ընդ միոյ մասինն որ միացաւ ընդ Լ'ստուած բանն, և վերաբերեցաւ և ել յերկնս՝ նըստաւ ընդ աջմէ հօր, ամենայն մասունք մարդկային բնութեանս ընկալան զաւետիս յուսոյ. զի նովաւ և 'ի ձեռն նորա վերաբերեցին և հասցեն և ժառանգեցեն:

զանախտ և զանչարչարելի տեղին, ուր որդին Մտուծոյ նստի ընդ աջակէ Մտուծոյ :

Ս ան այսորիկ առաքէ Տէր զՄարիամ մագդաղէնացի առ աշակերտան ասելով. « Երթամ ես առ Հայր իմ և առ Հայր ձեր, և Մտուած իմ և Մտուած ձեր », Եւ եկեալ Մարիամ պատմեաց Պետրոսի և Յովհաննու եթէ էտես նա զՏէր, և զայս ինչ խօսեցաւ ընդ նմա : Օ այս լուեալ Պետրոսի, ազդեցան նմա յիշատակ առաջին բանիցն Տեառն զոր ասէր՝ եթէ « Յետ երկից աւուրց յառնելոց եմ ես », Յոտն եկաց վաղվազակի Յովհաննու Հանդերձ, և ընթացան երկոքեան ՚ի գերեզման անոր . և քանզի մեծ էր ճեպ փութոյն, ելեւերա առնէին զմիմեամբք . յառաջագոյն Հասանէր Յովհաննէս . զհայերն հայի, այլ ՚ի ներքս ոչ մտանէ . և հասեալ Պետրոս, ՚ի միասին մասնեն տեսանեն զգերեզմանն զի ունայն և թափուր էր ՚ի մեծ գանձէն որ աւանդեցաւ . բայց միայն կտաւքն՝ զի անկեալ դնէին ՚ի վերայ բարձրացեալ խարակին . իսկ վարչամակն որով զգլուխն պատեալ էր, ոչ խառն ընդ այլ կտաւին կայր, այլ ուրոյն ծալեալ եղեալ :

Եւ այս զինչ նշանակէ՝ ընկենուլ կտաւոցն, և կամ չխառնել վարչամակին ՚ի կտաւն : Մտ բնախօսութեան յայտնի է ամենեցուն . երկնաւոր բնակիչքն՝ երկրաւոր հանդերձիցն չեն կարօտացեալք . իսկ Տէրն երկնի և երկրի, ինքնագոյ զօրութեամբն և բնական փառօքն ծնաւ ՚ի սուրբ կուսէն . ոչ սպաքէն՝ որով եկն առ մեզ ՚ի Հօրէ, նովին զօրութեամբ առ Հայր վերաւ նայ : Մյլ ես և ըստ մերում բնականիս ասացից . ապաքէն վասն մեր եկն յաշխարհ Տէր աշխարհիս . իսկ յորժամ զմերս յիւրսն տարաւ, պէտք մերայոցս անդ ոչ ինչ էին պիտոյ . եթող զկտաւսն աստէն, և ՚ի ձեռն կտաւոցն մնալոյ՝ աշխարհս մնացին իբրու թէ ՚ի սուգ և ՚ի չարչարանք ՚ի ձեռն այս երեւման, զի և դու քեզէն ըստ քում վարդապետին կազմեցես : Վանզի ամենեկն մերկ էիր յաշխարհի . և մինչ էիր յաշխարհիս, վերացար ըստ պիտոյից սորա . իսկ յորժամ ելցես աստի, ոչ ինչ կարացես տանել ընդ քեզ . այլ որպէս եկիր, նոյնպէս երթիցես : Եւ եթէ յառաջագոյն զայս իմասցիս, կեանք վարուց քոց զուարթնոց նմանեցին, և ելք կատարածի քո զնի Տեառն հետեւեցին :

Ըստ վասն վարչամակին յոյժ մեծախորհրդութիւն տեսանեմք . քանզի յարութիւն էր մարդոյ և Բստուծոյ . մարդոյ ըստ բնութեան , Բստուծոյ ըստ տարաբնութեան . և երկոցունց միացելոյ՝ ոչ եւս այնուհետեւ երկու թուին , այլ միական՝ գոյականին : Յոյժ օրինաւոր իրք ՚ի տեղւոջն երեւեցան , զոր և մեծ Բաքեալն հաստատուն վկայութեամբ ցուցանէ մեզ . “ Գլուխ կնոջ այր իւր է , և գլուխ առն Վրիսաոս , և գլուխ Վրիսաոսի Բստուած ” . գլխոյ ՚ի գլուխ աստիճանեաց զաշխարհս , և զամենեսեան հանեալ տարաւ առ Հայրն բողոքեցունց : Ասան այտորիկ պատուականագոյն երեւեցաւ վարչամակն ՚ի մէջ այլոց կտաւոցն . զի դու իմասցիս ճմարտապէս ոչ զորոշումն զատանելոյ , և ոչ զմիութիւնն սեղմութեան . և ոչ այլ ուրուք է գլուխն , այլ որոյ է մարմինն . և ոչ մարմինն այլ ուրուք է , այլ նորին գլխոյ . և ոչ մարմինն գլուխ է , և ոչ գլուխն դարձեալ ուրք են . այլ անդամք բազում՝ կարգեալ և հաստատեալ և կազմեալ են ըստ իւրաքանչիւր մարմին . քանզի պատիւն ՚ի գլուխն է , ընդ նմին գլխոյ և ամենայն մասունք մարմնոյն պատուեցան :

Իսկ եթէ առ մերս այգալիսի է տեսաւորութիւն , որչափ եւս առաւել իմանալի բնութեանն : Գլուխ է և աստուածութիւնն , գլուխ է և որդիութիւնն , գլուխ է և սուրբ Հոգին : Ըստ աղէ , մտացդ աչօք հայեաց և տես , և լուր հաւատովք զբանն տէրունական որ ասէ . “ Ոչ որ գիտէ զՀայր՝ բայց եթէ Որդի , և ոչ զՈրդի՝ եթէ ոչ Հայր ” , և ՚ի ձեռն սուրբ Հոգւոյն ճանաչին Հայր և Որդի՝ նորին սուրբ Հոգւոյն : Վասնզի Բստուած հոգի է , և հոգի Բստուած . հոգի՝ Որդի , հոգի և սուրբ Հոգին : Եւ արդ զի այս այսպէս է , ոչ եթէ Հայր Որդի , և ոչ Որդին Հայր , և ոչ սուրբ Հոգին Հայր և Որդի : Հայր արարչական զօրութիւն , որ ունի նշանակ թագաւորական զօրութեանն . Որդի բնական զօրութիւն , որով երեւի դատողական զօրութիւնն . Հոգի հաշտական զօրութիւն , որով յայտնի երեւի կենսարար զօրութիւնն . և ասի միասնական աստուածութիւն : Հաճեալ է Որդի ՚ի բնական անուանն , որ է զօրութիւն և իմաստութիւն , և նոյն ինքն ծնելութիւն և անեղութիւն . հաճեալ է և սուրբ Հոգին յիւր անձն և յեւո-

Թիւն, հանդուժեամբ յԱստուծոյ, անճառելի և անօրատմելի: Հանդուցեալ է և կամք հօրն յաստուածութիւն հայրութեանն, որ է պատճառ ճառելեացս և անճառելեայն: Արդ ծաղեաց և եղ զվարչամակն մեկուսի. ինքն Վրիստոս զիւր գլուխն պատուեաց: Եւ արդ ոչ մեծ իցէ, արդեօք որ պատուիցէ, եթէ որ պատուիցին: Իսկ եթէ այլ յայլմէ ունէր զպատիւն, այդպէս էր. արդ եթէ ինքն զինքն պատուէր, զհարդ կարացես 'ի մէջ անբաժանելոյն բաժինս ցուցանել. և որպէս ընդ Վրիստոս և ընդ իւր գլուխն չիք անջրպետութիւն 'ի մէջ արկանել, և ոչ ընդ Վրիստոս և ընդ իւր հայրն, այլ միայն խորհուրդ պատուոյ, զի ուսուցէ գերկոտասանս . . . . . Հայր յարուցանէր, Արդի յառնէր, հոգին սուրբ աւետիս մատուցանէր արարածոց: Եւ որպէս յարարչութեանն հաւասարութիւն էր, Հայր կամէր, Արդի առնէր, և սուրբ հոգին զարդարէր, ապաքէն և նորոյ աշխարհիս սկիզբն լինելութեան էր յարութիւնն Վրիստոսի. վասն այսորիկ բոլոր բողոքովին բովանդակ անդ էր սուրբ Երրորդութիւնն. միանգամայն և ամենայն զօրութիւնք արարածոցս:

Տեսանես զի ոչ ինչ պիտոյ էր զկտաւան տանել ընդ իւր. այլ փոխանակ կտաւոցն զամենայն աշխարհս զգեցաւ, և զաշխարհի հայրենի փառան զարդարեաց: Իսկ զխորհուրդ գերեզմանին և զկտաւոցն և զվարչամակին յայտնեաց զլիսոյն աշակերտաց: Վրանգի գերեզմանն է նմանութիւն աշխարհիս՝ յորում թաղեալ եմք, և կրտաւքն ժամանակեան՝ պատանք զարդուց սորա. իսկ պատիւ վարչամակին, որպէս վերագոյն ասացաք, ակընկալութիւն յուսոյ այնոցիկ՝ որ կարեն բացահայեաց ա կամբ 'ի հեռաստանէ տեսանել զհայրն բողոքեցունց, որ պատուելոց է զգլուխ ամենեցուն, որք արժանի լինին երկնաւոր պարգեւաց պատկին:

Իայց թերեւս որ յուսումնասէր փափաքողաց քննել կամի և լսել զայս եւս՝ եթէ ո՞ ծաղեաց զվարչամակ գրլիսոյն և եղ մեկուսի, Տէր ինքնին, եթէ հրեշտակքն. գիտացէ այնպիսի հարցոյն, զի զԱստուծոյ ակնարկութիւնն ամենայն որ կատարէ՝ բանաւորք և անբանք. բանաւորք 'ի ձեռն զգայութեանց կատարեն զհրամանս

նորա . իսկ անբան տարերքս 'ի բնական շարժմանցն . իսկ հրեշտակք առաւելեալ են բանաւորութեամբ , և բնակութեամբ մերձաւորագոյնք են առ աստուածութիւնն , գիտելով զխորհուրդ կամաց նորա : Եւ որպէս երեւի' առ սէր Տեանն իւրեանց յոյժ փարեալ խանդաղատին զգերեզմանաւն , և 'ի ներքս մտեալ զանձուկն 'ի կտաւան սփռէին , բառնալով և դնելով և բազում անգամ համբուրելով . որպէս որ զի գտանիցէ զնիշ անձկացելոյ' պատիցէ փարելով և յոյժ խանդաղատիցէ , և զինչ գործել արժան է' զայն ոչ գիտեմ : Եւ յսպէս իմն և հրեշտակքն առնէին ընդ կտաւան . և 'ի ձեռն առեալ զվարչամակն , ծալէին կազմէին և մեկուսի դնէին ըստ բնութեան մարդկան սենեկապանաց գոր գործէն յարբունիս , և զամենայն հանդերձ թագաւորին դնեն 'ի պատուական տեղոջ . իսկ թագին ուրոյն իմն առնեն զգուշութիւն , և ոչ խառն ընդ այլ հանդերձան պահեն : Եւ յսպէս և երկնաւոր թագաւորին մերոյ զօրքն երկնից 'ի սպաս իջեալ' շողային զցանկալի գերեզմանաւն . և երկուքն 'ի ներքս մտեալ' զամենայն ինչ տեղոյն պատուեն . բայց զթագն ոչ խառն ընդ այլն ընկենուն , այլ ուրոյն դնելով ուսուցանեն մարդկան զմիասնական զլիաւորութիւն ) արորդութեանն , ուստի ամենեքեանս առին զլինելութիւն :

**Ա**րդ Պետրոսի , զայս խորհուրդ իմացեալ գնաց 'ի գերեզմանէն ընդ միտս զարմացեալ , եմուտ 'ի տունն հանդերձ այլովք աշակերտօքն : Եւ բանդի երկիւղ մեծ էր վասն ահին հրեից , զգուշութեամբ մեծաւ զգուռն 'ի փակի ունէին' լուռ նստելով . բազում խորհուրդք յածման մտանէին 'ի սիրտս իւրեանց , և իբրեւ զորքս և անլերակացուս զանձինս համարէին . 'ի հրեիցն հալածեալ և յատուծոյ մնացեալ և յընտանեաց վաղու իսկ հեռացեալ էին , տխուր և տրտում և ողորմելի քան զամենայն մարդիկ երեւէին 'ի ժամուն . քանզի գոյր որ ոչ իսկ 'ի նոսա որ կարէր բանալ զբերան իւր , և բան մի թարութեան խօսել ընդ նոսա :

Եւ մինչ դեռ յայսմ նեղութեան էին , եկն Յիսուս , եկաց 'ի մէջ նոցա և ասէ . Ողջոյն ընդ ձեզ : Եւ այս էր մեծ զարմացումն և ահագին տեսիլ . դուրք փակեալ , և

շուրջ զշինուածոնքն ամենայն զգուշութիւն պատրաստութեան, և մուտ 'ի ներքս ամենեւին ոչ գոյր: Իբրեւ ետես Տէր եթէ յեւս յափշութիւն կրթեցան սիրաքնոցա, վազվապակի եցոյց զձեռան և զկողս, զի 'ի մեծ և յերեւելի նշանայն ծանիցեն զՏէրն, և փարատեսցէ զտրտմութիւն սրտից նոցա: Իարձեալ կրկնեաց և քաջալերեաց կրկին ողջունին: Եւ քանզի ընդդէմք են խռովութիւն և խաղաղութիւն, մատոյց զողջոյնն օգնական խաղաղութեանն. հալածեաց և հեռացոյց 'ի սրտից նոցա զյոյզ խռովութեանն, և փարատեաց յանձանց նոցա գերկրային զսուգ և զտրտմութիւն, և արար զնոսա անխախտս մտք և անչարչարելիս հոգւով:

Եւ իբրեւ յամենայն կողմանց մաքրեաց զնոսա յերկրաւոր ապականութեանցս, պնդեաց և կարծրացոյց զանձինս նոցա առաւել քան զհարստութիւն անդամանդի, զի կարասցեն ընդունել զանպատում շնորհս նորա, որ մեծն է և առաւել քան զամենայն, ընդ որում ոչ ինչ կշռի յերեւելեացս: Իսկ արդ զիարդ կշռեցից ընդ այնմ որ ոչ տեսանի և ոչ զնսի, և ամենայն տեսանելեացս և ըմբռնելեացս նա է կենդանութիւն: Եւ զհնչ, այն որ այնչափ մեծացեալ առաւելաւ քան զամենայն, ես ոչ կարեմ ասել իմանամ է, գիտելով ձմարիտ՝ զի գոյ Լստուած. հաւատարիմ է ինձ. զորպիսութիւն նորա ոչ գիտեմ. ես որ երեւինս՝ զայս եւեթ գիտեմ, զաներեւոյթան Լստուծոյ՝ Լստուած միայն գիտէ: Բայց արդ ահա հարկեցայ ասել զոր ոչ գիտեմ. զի որպէս եմուտ դրօքն փակելովք, և որմքն ող կոյրին և դուրքն ոչ էին խախտեալք, և ինքն բոլոր 'ի ներքս էր, մինչեւ զձեռան և զկողսն եցոյց նոցա, երկիցս անգամ բերանալիր ողջունիւ հաստատեաց զնոսա, ըստ նմին օրինակի շնորհէ Տէր աչակերտացն իւրոց զայն պարգեւս՝ զոր ծով ոչ տանի, և ցամաք ոչ հանդարտէ, և երկինք թէ բաւեսցեն առ 'ի բնակութիւն:

Ըրդ ասա զոր ասելոց ես, մինչեւ յերբ մեծացուցանես յանչափութիւն: Լսել ահա կամիմ, այլ 'ի գիտելոյն վաղ հրատարեցի: Իարձեալ և երկնչիմ յոյժ. գուցէ իբրեւ ես ասիցեմ, ոչ հանդարտիցես լսել. և յոչ հանդարտեալք քո՝ կասկածեմ գուցէ և մեռանիցիս իսկ. և մեռանիցիս իսկ ոչ միայն ըստ բնութեան, այլ ըստ



ընութեան և ըստ տարաբնուութեան : Տայց ես գիտեմ զի դու այսրէն ընդդիմանաս ինձ և ասես, թէ դու ուստի լուար, և յորժամ լուար՝ ընդէր ոչ անդէն և մեռար, այլ այժմէն կեաս և կելոյ ակն ունիս : Եւ յայտպէս է . ես ոչ միայն այժմէն՝ և կամ սակաւ կելոյ ակն ունիմ, այլ և անմահացայ իսկ : Եւ եթէ արդարեւ այդ այդպէս է, ասա ինձ զի և ես լուայց և ընկալայց և անմահացայ :

Եւ եթէ յանձն առնուս . բայց սրբեցիր մարբեցիր, ամենեւին պարկեշտացիր, ամենեւին առողջացեալ՝ ի բաց արա զքեզ յերկրայնս ախտիցս չարչարանօք և տանջանօք . պատրաստեա զքեզ երկնադնաց ընտրելոցն . արտաքոյ դիր զքեզ ամենայն աշխարհական հոգոց և ամենայն աղտերութեանց սորա և ՚ի պատիր ՚ի զքօսանաց սորա, որ է ժամանակեան մեծութիւնս : Յորժամ զայս ամենայն թողում ՚ի բաց, զինչ տացէ ինձ ընդ այսր ամենայնի : Եւ ցացից քեզ . միայն հաւատա, միայն յուսա, միայն կամեաց, միայն ախորժեաց, միայն բուռն հար և զհետ երթ : Եւ ուր երթամ և զոյր զհետ . զխաչեցելոցն : Եւ ուր տանիցի . ՚ի տուն : Յոր տուն . ուր աշակերտքն ժողովեալ նստին, և դուքն փակեալ են . ընդ որ կամի՝ մտանէ, և արարածք չարգելուն զնա . և դու եթէ կամիս՝ կարես : Եւ որա ընութիւնն, ասէ, տանի զայն . և դու հաւատա, վստահացիր քեզ, և կարես մտանել ընդ նմա : Եւ խոնարհեցոյց զերկինս և էջ ՚ի գալն իւր առ քեզ . և դու հաւատա առաջին գալստեանն և թռչիս և ՚ի վեր ելանես : Եւ ծնաւ ՚ի սուրբ կուսէն, և կուսութիւնն ոչ խախտեցաւ . և դու հաւատ ունիս ՚ի կուսածին բանն Եւստուած, և ծնանիս ՚ի սուրբ կուսէ աւազանին, և անուանիս եղբայր Քրիստոսի, և կուսութիւն աւազանին ոչ լուծանի : Եւ յիւր մարմինն ընկալաւ զչարչարանս, և չարչարելի մարմնով եբարձ զչարչարանս ամենայն մարմնոց, և ինքն անփնաս պահեցաւ յամենայն չարութենէ . հաւատա և դու սուրբ չարչարանացն Քրիստոսի, և լեր նմա չարչարակից չարչարելի մարմնովդ, և անփնաս պահեա զոգիդ յամենայն փնասալի ախտից աշխարհի : Եւ զի ոչ էր պարտ մահու՝ մեռաւ, և թաղեցաւ և յարեաւ ՚ի մեռելոց, և զգուրս գերեզմանին ոչ եբաց . դու հաւատա ՚ի թաղեցեալն և յարուցեալն,

որ գայ աւերել զամենայն գերեզմանս , և յարուցանել զամենայն ննջեցեալս առանց թերութեան և պակասութեան : Եւրդ եթէ զայս զօրութիւնս հաւատոց ըզգեցցիս , և 'ի տուն Պետրոսի մտցես , և նստցիս ընդ աշակերտան ամենեսեան նովին հաւատովք , զնոյն ողջցն ընկալցիս , և նովին ողջունիւ դարձեալ արժանի լինիցիս մեծի պարգեւին այնմիկ զոր ասելոց եմ :

Քանզի յորժամ կայր Տէր 'ի մէջ աշակերտացն 'ի տան՝ յոր եմուտ դրօքն փակելովք , նմանեցաւ տունն այն երկնի և երկրի , և ամենայն զարդուց և զուարթնոց երկնից և ամենայն էիցս կենդանեաց և մարդկան որ յերկրի , և մանաւանդ ինքեան Հօր և Սրբոց և Հոգւոյն սրբոյ : Եւ որպէս յարարչութեանն ըստ ճառեցելու մն իմանի « Երասցուք , ասէ , ըստ պատկերի մերում » , իբրեւ առ թուական , իսկ արարն՝ ըստ պատկերի Եստուծոյ , և փչեաց իմանալին ըստ միականի զօրութեանն , սոյնպէս և 'ի տանս յայնմիկ երկիցս ողջունիւն : Եւ « որպէս առաքեաց զիս Հայր իմ , առաքեմ և ես զձեզ » , ճանաչի ըստ առաջին երբեակ թուին : Իսկ որ փչեաց 'ի նոսա և ասէ « Եւէք զՀոգին սուրբ 'ի ձեզ , և եթէ ումեք թույլիք զմեզս իւրեանց՝ թողեալ լիցի , և եթէ զոք կապեալիք , կապեալ եղիցի » , այս դարձեալ տանի հանէ անդրէն յառաջինս յիսկզբան բանիցն զլիաւորելով . « Եւ արար Եստուած զամենայն ինչ . և ետես Եստուած զամենայն զոր արար , և ահա բարի է յոյժ » :

Եկա՞ք ինչ արդեօք շուրջ զտաճքն , եթէ և այլ եւս պիտիցի գալ : Օգայն ահա եկաք , և 'ի ներքս եւս մըտաք , և սակաւ բանիւ զամենայն ասացաք . այլ հաւանեցուցանել զամենեսեան ոչ կարացաք : Եւ ընդէր արդեօք . վասն զի ոչ ամենեքեան 'ի ներքս էին : Եւ եթէ երկինք էր տունն , ո՞ մնայր արտաքոյ : Երբձեալ բազում անգամ հարցանեմ զասացեալսն , և այլ տայ ասել . որ ոչ հաւատս ունէր՝ այն էր արտաքոյ . քանզի առանց հաւատոց անհնարին է զսուրբ Հոգին ընդունել : Ե՛հա այս է մեծ պարգեւն զոր ոչ կարէի ասել , և հարկեցայ ասել : Եւ եթէ ժպրհեսցի որ և կամեսցի առանց հաւատոյ մերձենալ 'ի զօրութիւն Հոգւոյն , եթէ քահանայ իցէ՝ իբրեւ զՍայիափայն պատառի և

Տէրձու . և եթէ յաշխարհէ՝ իբրեւ զ՝նանիա և զՍափիրա : Իսկ արդ ո՞վ իցէ բաւական առանց մեծի օգնականին ընդունել զարարող սուրբ Հոգին , բայց եթէ ինքն Տէր փչեցէ ասելով՝ առէք զՀոգին սուրբ ՚ի ձեզ :

Օարմանամ ընդ այս և յոյժ եմ սքանչացեալ , եթէ զինք որմք տանն ժոյժ կալան , և յատակքն ոչ պատահեցան : Բայց դարձեալ յիշեցի , զի երկնից երկինք էր տունն . որպէս զի թէ յանապատի բնակիցի թաղաւորն , շինեցաւ անապատն , և ասէն նմա մեծ քաղաք այնուհետեւ և ոչ անապատ . առաւել քան զայն՝ տունս այս քաղաք երկնային եղեւ , և որք ՚ի ներքս էին՝ երկնաքաղաքացիք , և որք ոչ անդ դիպեցան՝ դեռ եւս երկրայինք են՝ դժուարաւ առ ՚ի հաւանութիւն : Բայց եթէ նոյն ինքն Տէրն դիպեցի նովին զօրութեամբ , զնոյն շնորհս ընկալցի . ապա կարացէ վիճակակից լինել երկոտասանիցն , և մանաւանդ եթէ ՚ի նմին տան և ՚ի նմին տեղւոյ նոյն Տէր : Աւ եթէ կամիս լուր աւետարանագրին , զի ասէր զամենայն ճշմարտութեամբ . « Թովմաս , ասէ , մի յերկոտասանիցն ոչ էր ընդ աշակերտան , յորժամ եկն Յիսուս և երեւեցաւ նոցա » : Օ՛ի թէպէտ և լուաւ յայլոցն , ոչ ինչ կալաւ յանձին հաւանել նոցա . այլ ինքնատես կամի լինել , և մերձաւորագոյն զվերս բեւեռացն զննել : Աթէ յիշէք զօր ես ձեզ յառաջագոյն ասացի , որպէս դժուարագոյն է կեալ ջրայնոց ՚ի ցամաքի և ցամաքայնոց ՚ի ջուր , առաւել եւս դժուարագոյն է առանց հաւատոյ ընդունել զպարզեւս Հոգւոյն սրբոյ . որպէս վիճէր այրս այս թերահաւատ բանիւքն ընդդիմանալով ընկերացն :

Ո՞վ տէր իմ Թովմաս , ո՞չ ապաքէն հաւատք ՚ի լսելոյ են . եթէ տեսանես և զննես և կաս ՚ի վերայ ճշմարտին , ոչ եւս ասին հաւատք , այլ ճշմարտութիւն : Ի՞Տեառնէ բազում անգամ լուար զչարչարէն , զմեռանէն և զյառնէն : Աշակերտքդ բանից նշանաւ խօսին ընդ քեզ և զօրպիտութիւն յայտնութեանն պատմես քեզ . և զի սուտ չեն՝ դու քաջ գիտես , և զի Տէրն արդար խօսէր՝ այնմ տեղեակ ես . ընդէր այդչափ յամռնեալ սնդիս : Աթէ ոչ տեսանեմ , ասես , ոչ հաւատամ : Տեսանել արդեօք ահա տեսանես . մի գուցէ ոք պարսաւիցէ զքեզ : Ոչ , ասէ . թող միայն երեւեցի

ինձ, միայն տեսից ես . զի եթէ տեսից և զննեցից, և զիմ միտս անխիղճս արարից . և եթէ պարսաւեսցե՛ք զքեզ, ես յանձն առից, ոչ ինչ պատկառեմ ես յայնմանն . գիտեմ ես զքաղցրութիւն Տեառն իմոյ, զի մարդասէր է, և ողորմած : Այնքա՛ն ես, ասէ, մեծ քան զՍտորոս, և ոչ թերահաւատութիւնս իմ քան զուրացութիւնն նորա մեծ . և եթէ նմա արտասուքն իւր եզէն փրկութիւն, և ինձ ամօթն իմ լինի թողութիւն . բայց միայն տեսից զայն՝ որում ցանկացեալն եմ : Այնքա՛ն եթէ իշխեմ ասել զայս եւս, աղաչեցից զՏէր զի ՚ի նմին տան երեւեսցի ինձ նովին յայտնութեամբ . ոչ միայն զրօքն փակելովք, այլ և նովին ողջունիլ ՚ի մէջ նորին ընտանեաց : Այս ահա ասացի զիմ կամքն . հրամանն ոչ իշխեմ տալ, այլ ազաչել կամիմ . եթէ իցեմ արժանի, օգնեսցէ տկարութեանս իմոյ :

Իսկ բարերարն ամենայնի իբրեւ ետես զտապնեղութեան աշակերտին, գթացեալ ողորմեցաւ ՚ի յոյզ մտաց նորա . բայց թոյլ ետ զի լծեալ կատարեսցին աւուրք թուական առաջին նշանադրութեանն, մինչեւ թլփատեսցի անթլիատութիւն թերահաւատութեան իւրոյ, և ապա արժանի լիցի նորոգել և ընդունել զառանց երկմտութեան աւետիան, որպէս և աշակերտակիցքն նորա : Բանդի ցօցանէ աւետարանագիրն . “ Այնքա՛ն եղեւ, ասէ, յետ ութ աւուր դարձեալ անդէն միւսանգամ անդ էին ՚ի միոջ վայրի ՚ի ներքս աշակերտքն ՚ի նմին տան, և թոյլմաս ընդ նոսա . եկն ՝ Նիսուս եկաց ՚ի մէջ նոցա զրօքն փակելովք, և ասէ . ողջոյն ընդ ձեզ : Այնքա՛ն թոյլմաս ասէ . բեր զմատունս քո՝ ՚ի ձեռս իմ և զձեռս քո՝ ՚ի կողս իմ . տես և շնորհակալ, և մի լինիր թերահաւատ, այլ հաւատա ” :

Այնքա՛ն ասացեալ թոյլմայի լինի միանգամայն յամօթ և յերկիւղ, յընկերացն ամաչէ, և ՚ի Տեառնէն երկնչի ասելով . “ Տէր իմ և Մտուած իմ ” : Այնքա՛ն զէր յառաջ Տէր, և ապա Մտուած : Յարարութեանն ոչ այնպէս . և ՚ի հինգ աւուրսն՝ Տեառն անուն լուեալ դադարեաց, Մտուած անուն ՚ի մէջ անցեալ զամենայն առնէ . իսկ ՚ի վեցերորդին ապա և Տեառն անուն երեւի : Իբրեւ յայտնի է պատճառ իրացոյ . քանզի Մտուածդ անուն արարչական զօրութիւն է, և է հաշտ .

և համբոյր և արարող: Իսկ ուր արարչութիւն է՝ օրինադրական չեւ եւս է. ապա եթէ ՚ի դատողութիւն եկեացեն արարածք, պիտոյ է և օրէնսդրականն. որպէս և Մաքեալս այս յայտ արար. ընտրող իմաստութեամբ ետ պատասխանի և ասէ՝ Տէր իմ և Մտուած իմ: Քանզի անկայ, ասէ, ընդ դատաստանաւ թերահաւատութեան իմոյ. դատես զիս, քանզի արժանի եմ խորատու. այլ ՚ի թուոյ աշակերտացդ զիս մի հաներ, քանզի զիտեմ եթէ մեծ են յանցանք իմ. բազում են վրկայք յարութեանդ քո, և ինձ ոչ միայն բազմութեանն պարտ էր հաւատալ, այլ քոց բանիցն իսկ, որ հանապազ ուսուցանէիր և կրթէիր զմեզ, զոր և գործով իսկ կատարեցեր: Բայց արդ որովհետեւ ողորմութեամբ երեւեցար ՚ի սմին տեղւոյ առաջին օրինակաւն, և պարզեցեր զթերահաւատութիւն խորհրդոց իմոց, և բացան աչք մտացս, և դէմ յանդիման տեսի զՏէրդ իմ, իշխեցից ասել՝ Տէր իմ և Մտուած իմ. զի յանդիմանելովդ քով զիս՝ նոր մարդ արարեր, և ոչ թողեր յողիս իմ և ՚ի մարմինս իմ տեղի դատողութեան: Եւ յսուհետեւ Մտուած իմ ես դու. և որով Մտուած իմ ես դու՝ դովիմք և տեր, դովիմք և օրէնսդիր, դովիմք և թաղաւոր, դովիմք և Հայր, ծնիչ և սնուցիչ, տրւող պարգեւաց, և ժառանգեցուցիչ զկեանսն յաւտեանականս:

Բայց թերեւս ասացէ որ. ահա երիցս անգամ երեւեցաւ Տէր ՚ի նմին տան, ընդէր ՚ի պետրոսեանս փրջեաց և ասէ՝ առէք զՀոգին սուրբ ՚ի ձեզ, և լծովմայի զայս ոչ արար. զի եթէ կատարումն տուչական շնորհին Հոգին սուրբ է, երեւի թէ Մաքեալս այս զրկեցաւ: Եւ ասացից և վասն այդր որչափ և ՚ի կարի է, ոչ նորոգս և ոչ այլաձայնս, այլ զոր զիտէք ամենեքեան և հաւատովք ընդունիք: Սուրբ Հոգին Մտուածոյ արարող զօրութիւն է, և գութ սիրոյ իւրոյ թափանցէ ընդ արարածս. այլ ինքն յինքեան իմանի անհատ և անբաժանելի. և ոչ յինքենէ շնորհքն, այլ շնորհքն ՚ի նմանէ. և ոչ յինքենէ պարգեւն, այլ պարգեւատու ամենայնի: Եւ որպէս Հայր իւր յանձնէ էութեամբ, սոյն պէս և սուրբ Հոգին ըստ Հօր և Արդւոյ: Եւ որ յասեն Արդւոյ ցաշակերտան՝ ողջոյն ընդ ձեզ, Հոգւով

սրբով լցան ամենեքեան . իսկ զի փչեաց 'ի նոսա, զառաջին արարչութիւնն . յերկրորդում աստ յիշեցոյց եթէ որ արար զմարդն առաջին, նոյն և որ եկն և փրկեաց և նորոգեաց : Իսկ յասելն՝ առէք զՀոգին սուրբ 'ի ձեզ, իմացութիւն տեսական : Արպէս զգեցաւ Արդի մարմին բնութեան մերոյ կամքը Հօր, նոյն կամք են և Հօգւոյն սրբոյ . զի որպէս Արդի զգեցաւ զմարդկութիւն, նոյնպէս և մարդկութիւնս զգեցաւ զՀոգին սուրբ, զի 'ի ձեռն սուրբ Հօգւոյն զգեցեալ իցեմք զօրդիութիւն և զՏայրութիւն : Եթէ ոչ այսպէս էր ճիշմարտիւ, զիմարդ կարէաք ասել Հայր մեզ զՍտուած, և եղբայր մեզ զՎրիտառ, և նորոգումն մեզ զսուրբ Հոգին . զի ասկը եմք յոսկերացն Վրիտառսի, ապա և միտք 'ի մտացն Հօր, նոյնպէս և զօրութիւն Հօգւոյն սրբոյ :

Եթէ զարձեալ որ հարցանիցէ, եթէ դու ասացեր՝ անհատ և անխառն զօրութիւն սուրբ Երրորդութեանն, ևս ոչ յուրատ լինիմ յիմոց ասացելոյցն, և ոչ քումդ ընդդիմանամ, և ոչ զարարիչն ընդ արարածս համեմատեմ, և ոչ զանշարժելի բնութիւնն խախտեմ : Բանզի անյեղէղուկ է աստուածութիւնն . իսկ մերս անկեալ դնի ընդ բազում ապականութեամբք և փոփոխմամբք, և կարօտ է օգնականի արարչական զօրութեանն . զի որ արարն, նոյն նորոգեացէ յանապատկանութիւն : Եւ որպէս բազում անգամ ասացաք, նորոգումն 'ի ձեռն փլմանն յաշակերտսն՝ ետ զՀոգին սուրբ, և նովին Հոգւոյն նորոգելոց է զամենայն արարածս, և առաւել զբնութիւն մարդկութեանս մերոյ . բաժանէ 'ի մասունս բազումս, և պիտոյ է մի Հոգի 'ի կապ և 'ի զօր ամենեցուն, որպէս և որ յիւր մարմնի ուսցի ճմարտապէս :

Եւ այց իմ զքեզ ազաշեցեալ, այդէն զքեւ 'ի քեզ հայեաց և տես զխառնուածս քոյոյ բնութեանդ . մարմին մի է, և անդամք բազումք, և իւրաքանչիւր անդամքն 'ի բաժանմունս են անքէն և աննախանձ և յոյժ սիրելիք միմեանց և վաստակաւորք ամենեքեան : Իսկ յորժամ ընդունին զհատուցումն ըստ իւրաքանչիւր վաստակոց, ոչ որ 'ի նոցանէն առանձին զպարգեւն իւր համարի . և մանաւանդ եթէ իցէ նահատակու-

Թիւնն ընթացից ոտին, և կամ կորովութեան ձեռին, կամ ճարտարութեան բանի, կամ մտաց առատութեան յիմաստութիւն, և կամ բնաւ իսկ որոյ և իցէ մասանց մարմնոյն: Վանգի ոչ եթէ խառն 'ի խառն ընթանան, այլ կարգաւ օրինաւորք են՝ ըստ դրականութեոց մասանց մարմնոյն: Վրդ ասա դու ցիս, օ՛րհնոցանէ ընդունիցի զպարգեւն: Ասա գիտեմ՝ ընթանասա դու 'ի զլուխն, այլ ոչ նախանձին ոտքն. և եթէ ձեռքն ընկալցին, ոչ ինչ զչարին այլքն. թէ միայն 'ի մարմնի իցէ պատիւն, հասարակաց է ինդութիւնն: Ասա և առնուն զոր ունի մարդն, դրական է և ոչ բնական, իբրեւ ոչ է նա դործակից քաջ նահատակութեանն. յառաջ քան զմարմնն անուան վկայեալ և պատուի և պսակի. զվէրս և զսպին մասունք մարմնոյն ունին, և զքաջութիւն՝ անուն ժառանգէ. իսկ անգամք ամենայն ինդացեալ բերկրին ընդ անուանն, և այնպէս միաբանութիւն լինի բազմութեանն ամենայնի: Իսկ արդ եթէ առ մի մարդս այսպէս երեւի, որչափ եւս առաւել 'ի ձեռն որդւոյն Վստուծոյ, որ զգեցաւ զմի մարմին ըստ թուականի միոյ մարդոյ, և միով մարդով ունի զամենայն մարդկութիւնս:

Վրդ եթէ փչեաց 'ի նոսա, և ասէ՝ առէք զՏողին սուրբ 'ի ձեզ, թուով են որ 'ի ներքս են. այլ ոչ գիտեմք եթէ ամենեքեան ընկալան զՏողին սուրբ: Ասա և ոչ 'ի վարան տարակուսի պիտի անկանիլ յայսմ տեղւոյ. քանզի ոչ եթէ տեղին էր որ սրբէր զմարդիկն և արժանիս առնէր ընդունել զՏողին, այլ տէր տեղւոյն. զի վասն տեառն սուրբ երեւի տեղին: Աթէ վասն Տեառն լինիցի ամենայն, Տէրն յամենայն տեղւոյ է. և մինչ էրն յերկինս՝ յերկրի էր, և մինչ յերկրի էր՝ յերկինս, և մինչ 'ի տան էր՝ յաշխարհի էր և յամենայն տեղիս և առ իւրաքանչիւր մարդոյ և մարդկան. ապա և ընդ թովմայի էր. ապա ուրեմն և յամենեւեան:

Առ փչեաց 'ի հաւատացեալսն: Վ. յո. իսկ 'ի թերաւ հաւատան՝ թէ և 'ի ներքս 'ի տան էին՝ և ոչ յոք: Ուրմին իսկ Տեառն յասեղն ցթովմաս՝ ոչ գովելով, այլ պարսաւելով. «Վ. յո զի տեսերդ դու զիս և հաւատացերդ, երանի որ ոչ իցէ տեսեալ և հաւատացէ յիս,»: Իսկ արդ փոքր ինչ համարիցիս զերանութիւնս զայս. զի ե

Թէ մարդ մարդոյ երանի տայր՝ սակայն և այն մեծ էր, Թող Թէ Մտուած մարդոյ երանէ. զի Թէ 'ի հաւատալ մարդոյն որ ոչ էր զնա տեսեալ՝ երանի ետ, զինչ ինչ կարծես զերանութիւնս զայս, բայց եթէ զՀոգին սուրբ:

Եւ եթէ դարձեալ ասիցես. Մհաւասիկ պետոսեանքն հաւատացեալք էին, որպէս դու ասես, և զՀոգին սուրբ ընկալեալ էին, կրկին փչումն զինչ պիտոյ էր: Դու իբրեւ զմարդ հարցանես և իբրեւ զմարդ տգիտանաս. զաներեւոյթան Մտուծոյ ոչ գիտես, նմա և ծածուկքն մեր յայտնի են: Եւ և քեզ աւաղիկ վերըստին իսկ պիտոյ է ոչ փչումն, այլ նախ հաւատք, և 'ի ձեռն հաւատոյն ապա կարես ընդունել զսուրբ փչումն՝ ոչ բերանով և ոչ ըռնդամբք, այլ իմանալի ըզգայութեամբն Մտուծոյ: Դու զինչ գիտես Թէ ոչք էին 'ի տանն և քանիք էին: Այլ վայրապար ինչ ասացի, և զինչ պիտոյ էր նոցա: Այլ ասացի եթէ յոյժ դղըրդման ժամանակք էին, և ամենքեան 'ի շարժման էին, Թէպէտ և հաւատովք հաստատեալ էին, սակայն և միութարութիւն հաւատացելոցն պիտոյ էր մատուցանել. և միութարիչ միայն սուրբ Հոգին է:

Բայց այն զի ասացի Թէ ոչք էին անդ և քանիք էին, ոչ վայրապար ասացի. քանզի խռովութեան պատճառք ոչ այլ ոք է, բայց մեղք, և մեղաց զօրութիւն՝ սատանայ, և սատանայի զօրութիւն՝ դեւք: Եւ ոչ փչելով Տեառն յԱռաքեալսն, ասելով՝ առէք զՀոգին սուրբ՝ 'ի ձեզ, դեւք հալածեցան, սատանայ յետս չողաւ, մեղք կորեան, Առաքեալքն լցան Հոգւով սրբով: Բայց ասելով՝ առէք 'ի ձեզ, ոչ ես բռնաբար տամ. քանզի ստուածային Հոգին յանձն երկմիտ ոչ մտանէ, և 'ի հոգի նենգաւոր ոչ բնակէ, այլ 'ի մարմինս սուրբս և յոգիս յստակս և 'ի միտս հաստատեալս: Եւ քեզ, ասէ, 'ի ձեզ կամօք ձերովք, և կատարեցէք զկամս սուրբ Հոգւոյդ:

Բայց զփչեաց յորժամ լսես, քաջիմաց լեր, մանր քննեա, սրատես լեր մտօք առաւել քան աչօք: Եւ քանզի զանուռն ուրուք ոչ ասաց, և առանձինն յոք ոչ փչեաց. այլ 'ի նոսա, ասէ, փչեաց. և 'ի նոսա ասելովն՝ ըստ գրեցելումն երեւի՝ Թէ ոչք 'ի տանն էին. իսկ ըստ իմանա-



լըն՝ յամենայն աշխարհ . և յամենայն աշխարհ ասելով՝ երեւի թէ յամենայն մարդ . և յամենայն մարդ ասելով՝ ՚ի ձեռն Ճշմարիտ հաւատոցն . քանզի ուր հաւատք են, անդ և Մտուած . և ուր Մտուած է, ամենայն ոգ անդ է :

Արդ Առաքեալս այս իբրեւ լուաւ ՚ի պետրոսեանց, եթէ տեսաք մեք զՏէր, և զայս ինչ խօսեցաւ ընդ մեզ, և սորա թէ հաւատովք ընկալեալ էր զուր տեսեանն, նոյն յայտնութիւն էր նմա, նոյն ողջոյն էր ընդ նմա, նոյն փշումն էր նմա, նոյն սուրբ Հոգին երեւէր նմա . որպէս և Տէրն ինքնին ասէ . “ Այրանի որոց ոչ իցէ տեսեալ, և հաւատասցեն յիս ” : Այլ որպէս վերագոյն աւասցաք, եթէ միոյ մարդոյ մի մարմին է, և մասունք բազումք, և միաբանութիւն առ հասարակ, ապաքէն և աշխարհս մի նիւթ՝ միոյ ձեռին արարած, և ՚ի բազում տեսակս բաժանեալ, և սեռք տեսակացն ըստ իւրաքանչիւրոցն զոյգք և հաւասարք առ մի անդր հային ամենեքեան, ուստի զգոն և զկեանն ունին յՄտուածոյ . և աւմենեցուն իշխան և առաջնորդ՝ մարդ, և առաւելեալ քան զամենեսեան բնական խոհականութեամբ, և տալցական առաքիլութեամբք . երկոցուն կատարումն՝ յորդին Մտուածոյ հաւատալ :

Արդ առ որում գտանին հաւատք Ճշմարիտք, ՚ի նմա տեսանին ամենայնքս՝ որ են առանց ախտից և չարչարանաց . որպէս և մեծն Սովսէս ունէր փշումն ՚ի Հոգւոյն սրբոյ, և ՚ի նմին շնորհաց Հոգւոյն զոր ունէր Սովսէս տուչութեամբն Մտուածոյ՝ լնուին եօթանասուն և երկու ծերքն, և մարգարէանային ՚ի մէջ ժողովորդեանն . և Սովսէս ՚ի Հոգւոյն սրբոյ շնորհացն ոչ թերացաւ . թէպէտ և արկին ուննք նախանձուկս, նա եւս առաւել լցեալ Հոգւով սրբով՝ ըղձանայ զամենայն ժողովուրդն Տեառն դառնալ ՚ի մարգարէութիւն : Այլաքէն նոյն Տէր է, որ Սովսէսի շնորհեաց զՀոգին սուրբ, և ՚ի տանն նա փչեաց զնոյն հոգի : Օ ՚ի ձեռն սակաւ թուականին անթիւ են բազմութիւնք հաւատալցելոց ՚ի Վրիստոս . ընկալցին զնոյն շնորհս Հոգւոյն անքէն և աննախանձ : Վրանզի ոչ եթէ մասն է պարգեւն, այլ ամենայն մասունքն աստուածատուր շնորհին, որով արար զերկինս և զերկիր և զամենայն գոյսս որ ՚ի սոսա :

Բայց թերեւս 'ի թիւ երկոտասանիցն յոթ ինդրեւ լի է՝ յորս փչեաց զՀոգին սուրբ, թէպէտ և ոչ ամենեցուն. սակայն այնորիկ որ սիրեն մեծապէս կամօք զեմաստու թիւն ոգւոց և մարմնոց, ստացին 'ի վիճակս երկոտասան Բաքելոց, որ լինին երրեակ չորք, և վեց երկու. և 'ի միասին գլխաւորելով լինի երկոտասան. որ է սկիզբն միակին 'ի գլուխ երկոտասանիցն փչումն սուրբ Հոգւոյն. և 'ի միողէն և յերկուցն և 'ի չորիցն ընու և կատարի եօթներեակ թիւն. զի 'ի վեցի անդ տեսանիցի աշխարհարարութիւնն, և 'ի միականին՝ կատարումն եօթներեակին, և 'ի չորրորդումն՝ նիւթական գոյացութիւնս: Իսկ 'ի միում վեցեկին երիւք կրկնակօք ընու երրեակ թիւն, և բերէ զնմանութիւն զանեղին և զանսկզբնաւորին զինքնագոյ զօրութեանն: Իսկ միակ երիցն գեր 'ի վերոյ անուն և անձառելի, միայն իմանալի, որ է անբաժանելի. յերիցն լինի և պատարուն երրեակ թուոյն: Դարձեալ և ըստ եօթանն տեսանի գոյացութիւնն և մերոց զգայութեանցս, որ բաժանեալ է յեօթն մասունս տեսակաց՝ աչօք և ընչօք, ականջօք և բերանով: Իչև որպէս 'ի սկզբանն լինելութեան 'ի ձեռն սորին թուականի աշխարհ գոյացաւ 'ի պատճառէն, որ ունի զնմանութիւն միակին՝ աւուրբք վեցիւք, յորում սեռք լինելութեան գոյացան. իսկ յառաջխաղացութեան աճանն 'ի միակին՝ որ է եօթներեակն, 'ի թիւ անկեալ ընդ վեցեկին՝ աճէ և բազմանայ և ընու երկոտասան թիւն, յորում և ամենայնքս տեսանին՝ երկնայինք և երկրայինք. երկնայինքն՝ արեգական և լուսնին, հինգ մարդականքն և եօթն անմոլար աստեղքն, որ լինին եօթներեակ երկու. և յայս երկու եօթներեկացս գոյանան ամենայն լինելութիւնք խտաւորացս, որ են պատճառք կելոյ և տեւողութեան աշխարհիս: Դարձեալ նովին թուականաւ եօթներեակ՝ ունին երկինք եօթն պարունակս, որ անուանին գօտիք, և են յարկք օգեղէնք անմրպետեալք՝ ի միմեանց բացատ միջոցան, չրժագայ կազմութիւնն հրամանաւ արարողին ոչ միայն կելոյ պատճառք 'ի ներքոյ արեգական, այլ և կելոյ և բարի կելոյ, և տեսական խոհականութիւն յերկնաւոր իմաստութիւն. զոր և մարգարէն Եսայի ասէ լցեալ Հոգւովն Տեառն, և տեսեալ զա-

մենայն արարածս զի են մեծամեծք և սքանչելիք , և 'ի սման իմանի սորին արարիչն և հաստատիչն , և լուեալ եւս 'ի նմին Հոգւոյ որ ասէ 'ի բերանոյ Ղաւթի . “ Իբրեւ զի մեծ են գործք քո Տէր , և զամենայն ինչ իմաստութեամբ արարեր , , : Եւ մեծ իսկ են արդարեւ , զի Լստուած 'ի գործս իւր տեսանի . և իմաստութեամբ են , զի Վրիստոսիւ արարեալ է . և Վրիստոս Լստուծոյ զօրութիւն և Լստուծոյ իմաստութիւն : Եւ որպէս էր իմաստութեամբն Լստուծոյ որ է Վրիստոս , նոյնպէս և Հոգւոյն սրբով . որպէս և նոյն Ղաւթի ասէ . “ Հոգւով բերանոյ նորա ամենայն զօրութիւնք նոցա , , . նորայն ասելով՝ զՀօրն՝ Հոգւոյն , իսկ նոցայն՝ լինելութեանս : Լրդ ուր ասէն “ երկինք պատմեն զիստս Լստուծոյ , , , զաստուածութիւնն յայտ առնէ . իսկ ուր “ զամենայն ինչ իմաստութեամբ արարեր , , , անդ զորդին Լստուծոյ ասէ . իսկ ուր բերան և Հոգի ասէ և զօրութիւն , անդ զՀոգին սուրբ զէակիցն Հօր և Որդւոյ : Ի այց Լսայի 'ի շնորհս սուրբ Երրորդութեանն՝ ըստ եօթն պարունակացն երկնից բաժանէ յեօթն մասունս զտուջութիւն նորին Հոգւոյն , և բուռն հարկանէ զերկնէ և զերկրէ , և ածէ 'ի մի միաբանութիւն , և ասէ այսպէս . “ Ի զիստեցէ գաւազան յարմատոյն Յեսեայ , և ելցէ ծաղիկ յարմատոյ անտի . և հանգիցէ 'ի վերայ նորա հոգի Լստուծոյ , հոգի իմաստութեան և հանձնարոյ , հոգի խորհրդոյ և զօրութեան , հոգի գիտութեան և աստուածպաշտութեան , և լցցէ զնա հոգի երկիւղի Լստուծոյ , , :

Լրդ բազում անգամ ասացեալ զեօթներեակ թիւն՝ որ է վերաբեր բնութեանն , մարգարէս Լսայի բօլորեաց բովանդակեաց՝ ած և կատարեաց 'ի բանն Լստուած , որ արար զերկինս և զերկիր անդատին 'ի սկզբբանց . զինքն յարարածս կերպարանեալ տալաորեաց , և յիւրն եկեալ զիւրն առնու , զիւրն զգենու : Եւ զգեցեալ ոչ զիստուածով և ոչ յայլ ընդ այլոյ պատահումն , այլ զինքն ձեացոյց երկնիւ և երկրաւ և միջոցաւս . երկնիւ՝ ըստ միակին , որ է Լստուածն բան . և երկրաւ՝ որ է մեր հողեղևութիւնս . իսկ միջոցաւս՝ թուական գօտեօք՝ ըստ եօթն զգայութեանցս : Օ ի որպէս առ զհողուտ մարմինս մեր , որ է մասն երկրի , նոյնպէս և զօղեղէնն և

զհրայինն որ յերկնէ, և 'ի մեզ Վրիստոսիւ են. զոյն և Տէր յիւրեան մարմին ունէր, յոր կատարի ամենայն ինչ. քանզի նախաւ է սկիզբն լինելու թեան և կտառումն նորոգման նորոյ աշխարհի: Եւ քանզի զգայու թիւնքս որ 'ի մեզ են՝ անօտրագոյն բնութիւն են քան զթանձրութիւն մարմնոյս, յանգութիւն ունին իմանալի խոհականութեան, զոր և մարգարէն հոգւոյ մասունս ասաց: Եւ ճշմարիտ. քանզի ականջօքս լսեմք Մտուծոյ, և աչօք տեսանեմք զարարածս՝ յորում իմանի Մտուած, և ըւրնգամբք ծծեմք զունչ օդոյս՝ որ է կենդանութիւն ամենեցուն, և ձայնաւոր գործեալս բերեմք փառատրութիւն Մտուծոյ փոխանակ արարածոցս:

Իսկ է թէ առ մերս այսպէս է, զինչ ինչ իմանացեմք առ ւերունի զգայութիւնն: Այլ յերկրի, և աչօք տեսանէ զՀայր յերկինս. շրջի 'ի Վարդիւեա, և հոտ՝ Վազարու մահուն ազդի նմա 'ի հեռատանն: Եւ կենդին ընդ միտս իւր յողինս հայհոյէր ասելով. Եւ ե թէ մարգարէ որ էր, գիտէր՝ զիարդ ոչ՝ որպիսի կին մերձենայ 'ի սա: Իսկ Տէր իբրեւ զբարձրաձայն զաղաղակ լուեալ յանդիմանէ զնա առակօք պարտապանաց երկոցունց հաւատարաբերական բանիւք ըստ մերում նմանութեան: Եւ առանց ականջաց լսեն նմա ամենայն տարերք, ջուրքն 'ի թակոյկան, նկանակն 'ի ձեռին, հողմք 'ի ծովուն, մեղք 'ի մարդկան, մեռեալք 'ի գերեզմանս:

Ըրդ այս է զոր մարգարէն Ասայի ասէ՝ եկեացէ և հանգիցէ 'ի վերայ նորա եօթն հոգի, 'ի ձեռն եօթն զգայութեանցս զոր էառ Տէր, և գործեաց զամենայն կատարելութիւնս Հոգւոյն սրբոյ, և յինքն բովանդակեաց զեօթնեբեակն երկնացին, և զեօթնեբեակն գերկրային, որ է սկիզբն առաջինն, և կատարումն վերջինն: քանզի սկսանիմք 'ի միակէն՝ որ է հիմն և հաստատութիւն, և կատարեմք յեօթնեբեակն՝ որ է ծայր և յանգումն ոչ թուական մասինն, այլ տեսական իմաստութեանն: Վանգի 'ի վեցն, ասէ, արար Մտուած զամենայնքս, և յեօթներորդումն հանգեաւ: Եւ հանգի Մտուած. և ոչ երբեք: Եւ զիարդ կարացից ասել նմա հանգչել՝ այն որ ոչն վատակէ: Եւ լ քաջ իմացեալ ած զմտու զինչ է հանգչելն Մտուծոյ, բայց ե թէ կատարեսցին կամք նորա: Եւ ո՞ երբեք յեղեղոց

աստի կարաց հաճոյ լինել Մտուծոյ և հանգոյց զգատողական զօրութիւն նորա . բայց միածինն 'ի հօրէ և կուսածինն յերկրէ, որով զամենայն արար Մտուած, և նա եկն գործեաց զամենայն հաճոյս Մտուծոյ : Մշտուրեմն այս է օրն եօթներորդ, յորում հանգեան աւսեմք Մտուած . քանզի 'ի վեց աւուրսն ամենայն ախտականքն եղեն, և Մտուած հեռի է յախտից և 'ի չարչարանաց : Բարի անուանեաց, այլ ախտս ոչ . քանզի յախտաւորաց անտի մարթի բարի լինել, այլ ոչ առանց չարչարանաց և ճգնութեան : Իսկ ուր առաքինութիւն է, անդ և բազում ճնշումն մարմնոյ տեսանի . իսկ ուր մարմնոյ ճնշութիւն է, անդ և աւուրք և ամիսք և տարիք և ժամանակք ընդ ապականութեամբ են անկեալք : Ս ամն որոյ 'ի միում աւուրն եւեթ հանգիստ սուրբ, որ անուանեալն է շաբաթ, և թուականաւ եօթներեակ . և եօթն թիւդ բերէ զմանութիւն անծնի, և անծինն զանեղի, և անեղն ունի զարարչական զօրութիւնն :

Մրդ 'ի վեց աւուրս տեսանի հազար ամն, յորում ամենայն աշխարհս անկեալ էր ընդ ապականութեամբ, մինչեւ եկն եհաս թիւ եօթներեկին՝ զոր 'ի վեր անդր շաբաթ անուանեաց, և հանգիստ զնա համարեցաւ : Մյս է զալուստն Տեառն, որ եմուտ դրօքն փակելովք, և սրբեաց և մաքրեաց զազտ վեց աւուրց առաջնոց . և անուամբ եօթներեկին՝ որ է կոյս և անծին 'ի մահկանացու գոյացութեանցս, և բազմածնունդ առանց ախտիցն և չարչարանացն, զայն զօրութիւն չնորհեաց երկոտասան Մաքելոցն, որով զաշխարհս յարդարեացեն և կազմեացեն 'ի վեցիցն 'ի դարն եօթներորդ . զի իցեն բազմաբեղունք յարդարութիւն, և անծինք իցեն 'ի չարութեանն և յատելութեանն և յամենայն ապականացու պիտոյից աշխարհիս . որպէս և նոյն իսկ երկոտասան թիւ Մաքելոցն ունի տեսութիւն 'ի ձեռն զբլխաւոր միակին՝ որով բարձին զախտ յաշխարհէ, բաւ երկոտասան մասինն որ յայանութեամբ տեսանիւր 'ի հիւանդութեանն տեւատեսին երկոտասանամեայ : Բանդի կինն զցաւն առանձինն միայն ունէր . իսկ աշխարհ 'ի ծածուկ տանջեալ լինէր երկոտասան մասամբք աւուրջեան և գիշերոյ . քանզի օրն ունի զթիւ երկոտա

սան ժամուց, և զոյգ նմին՝ գիշերն, և ՚ի ժամու անդ օր մի ըստ թուական աւուրց ամօոյն, և օրն ողջոյն գիշերային մասամբն հնազանդեցան ունայնութեան: Աւունայնութիւն ասեմ ՚ի բարեգործութենէ. իսկ որ ՚ի բարւոյն ունայնացեալ է, լի է անարգութեամբ: Աւանարգութիւն ասեմ զվրիպելն ՚ի ճմարտութենէ, և վրիպումն է թողուն զԱստուած:

Աւ քանզի ՚ի սկզբանէ մարդիկ զՏեօ թշնամւոյն գնացին, և կամօք ՚ի հնազանդութիւն մաին ամենայն ապականութեան. առաջին թողուն զԱստուած. երկրորդ ձեռագործաց երկիր պագանել. երրորդ անգգայնիցն զօՏել. չորրորդ անխտիր լինել յասպականութիւն. հինգերորդ զպատկերակից իւր սպանսնել. վեցերորդ ագահութիւն, որ է արմատ դաննութեան. եօթներորդ ատելութիւն, որ է անպտգաբերութիւն արդար մասինն. ութերորդ գողութիւն, որ է սկիզբն աւերածոյ աշխարհին. իններորդ յափշտակութիւն, որ գրգռէ զպատերազմունս. տասներորդ ստութիւն, որ է ուրացութիւն զԱստուծոյ. մետասաներորդ ամբարտաւանութիւն, որ է բեկումն ոգւոց և մարմնոց. երկոտասաներորդ պտուղ մահու, զոր ժառանգեցաք յասպականութիւնս:

Արդ այս երկոտասան մասամբ ամենայն աշխարհ անկեալ էր յախտ հիւանդութեան, և բղիւէր ՚ի ամանէ արիւն աներեւոյթ վիրացն. և բազում անգամ ջանայր առ բժիշկս, ոչ զի ողջացուցանէին միայն ոչ՝ այլ և յբժ վէրս ՚ի վերայ վիրացն դնէին. և ոչ միայն ՚ի մարմնոցն հոսեր արիւն, այլ և յաներեւոյթ և յանարիւն ոգւոցն, որ էր բխումն աներեւոյթ ապականացու: Վրանզի ՚ի վեր հայելով յերկինս՝ տեսին աստեղս և մոլորեցան, որ են պատճառք ժամանակեայ կենացս. զանժամանակն Աստուած ընդ նոսա փոխանակեցին և աստէն յերկրիս ըստ երկոտասան թուոց, ՚ի նմին զորս քերթողք առասպելաբանեցին՝ ասելով այսպէս. Արոմն մեծ, ասեն, և առ նմին անհուն ժամանակ. և ՚ի մերձենալ նոցա առ իրեարս, ծնան որդիս վեց, որում Տիտանս նկարագրեցին. և զոյգ ընդ նմին էգս, զորս Տիտանիոն ասացին, և ծնունդս կարգեցին, և զախտս անձանց մարդիկ յերկրէ յերկինս ձգեցին. անդ ՚ի վեր

գումարելով յաստուածութիւնն մեծամեծ հայհոյութիւնս արձակեցին :

Եւ այսու երկուտասանիւքս զպարզութիւն ոգւոցս իբրեւ թանձրացեալ մարմինս՝ յարեան թաթաւեցին երկրորմբ մասամբս՝ հոգւովք և մարմնովք . ոչ միայն զսէեցին , այլ և զօհեցան : Եւ զօհեցան ասեմք՝ աչք անառակութեամբ հայելով , և ականջք՝ լիտի ձայնս լսելով . ոչնզունք՝ ՚ի ճէնճերս և ՚ի ծուխս . և ճաշակաւորութիւն՝ անյագութեամբ ըստ անասնական բնութեան , ուստի բազմանայ անառակ ցանկութիւն . և ամենեքեան թաթաւեցաք յարիւն աղտեղութեան գործոց մերոց . և վասն մեր օրն պղծեցաւ , և յաւուր անդ ժամքն երկուտասան և տարին , և ՚ի տարւոջ անդ ամիսք երկուտասանք . և ահա միանգամայն և երկիրս ամենայն :

Եւ եթէ երկրայնովքս երկիրս պղծեցաւ , և երկնայնովքն երկինք , արդ ՚ի բժշկել Տեառն զկինն երկուտասանամեայ տեռատես , որ էր նշանակ ցաւոց աշխարհիս , պիտոյ էր ապաքէն և զաշխարհ բժշկել : Օ՛ի ոչ եթէ Տէր վասն մասինն միայն եկն յաշխարհ , այլ վասն ամենայն մասանց աշխարհիս : Բժշկեաց զմի մասնն . զի ՚ի ձեռն միոյ մասինն ուսցին ամենայն մասունքն ընթանալ առ նոյն բժիշկն , և բուռն հարկանել ոչ զնոյն գրռակէ , այլ զհոգւոյն սրբոյ , և զհոգին սուրբ տեսանիցեն յերկուտասան Վաքեալսն : Վանդի կինն ոչ եթէ զձորձոյն բուռն հարկանելով էառ զառողջութիւնն , այլ յառաջ քան զհանդերձիցն՝ զհաւատոյն բուռն եհար , և ստանալով զհաւատսն՝ արժանի եղել ոչ միայն ՚ի ցաւոցն ապրել , այլ և զաստուածութիւնն Որդւոյն տեսանել : Եւ տեսեալ ուրուք զՎստուած , անդէն ՚ի նոյն միացաւ ՚ի նմա : Որպէս և Տէր ինքնին ոչ միայն գովէ զկինն , այլ և յոյժ զարմանայ . “ Ո՛մն , ասէ , մերձեցաւ յիս . և զօրութիւն , ասէ , բազում գնաց յինէն , ” : Օ մերձենայն իբրեւ լսես , զմիանայն ընդ Վստուծոյ ի մնաջիր . իսկ զօրութիւն բազում գնաց յինէն՝ հոգին սուրբ պահապան և պաշտպան կնոջն հաւատոց :

Եւրդ եթէ մին մարդ այսպէս լցաւ անչափ մեծութեամբն Վստուծոյ , որչափ եւս առաւել երկուտասանքն , որք ընկալան զբիւռմն աստուածային հոգւոյն , և լցան անթերութեամբ , և լին զամենայն աշխարհս առանց

ապականութեան նովին Հոգևոյն : Եւ ոչ միայն զմարդիկ բժշկեցին, այլ և զօր. և յաւուրս անդ զերկոտաւսան ժամ և զտարի, և 'ի տարւոյ անդ զերկոտասան ամիս : Եւ զխնոր բժշկիցի օր : Ընեմ. որպէս ախտացաւ, նոյնպէս և բժշկեցաւ. ախտացաւ 'ի կուպաշտութեան, բժշկեցաւ յաստուածպաշտութեան : Բստ երկոտասան ժամուց աւուրն՝ մոլորեալ էին մարդիկ յերկոտասան աստեղն. ուստի խաբէին զնոսաւ և պատրէին աստեղագէտքն : Իսկ այսօր ըստ երկոտասան ժամուց աւուրն՝ հնչին բարբառք մարգարէիցն՝ յեկեղեցւոյ, և թարգմանին բանք երկոտասան Ընաբելոցն, և բաշխեն զաւետիս կենաց ամենայն հաւատացելոց. որով մարդիկ յորդորին յառաքինութիւն, և փոխանակ առաջին մոլորութեանն՝ խօսին զճշմարտութիւն և զարժեն զարդարութիւն և տան պտուղ աստուածային՝ սրբութեամբ ամուսնութիւն, զկուսութիւն, զողորմածութիւն, զօտարսիրութիւն, զլոյս առ Ըստուած, հաւատաւ ճշմարիտս, զսէր առանց երկմտութեան : Եւ փոխանակ պղծագործ զոհիցն, որք հեղուն զարիւն անասնոցն՝ դիւաց նուիրելով, այսօր մարտիրոսք կամօք և ոչ բռնութեամբ հեղուն զարիւնս անձանց վասն արեանն Վրիտասի :

Ըստ են երկոտասան Ընաբեալք որք սրբեցին և սրբեն զամենայն աշխարհս : Վրանդի օր է սկիզբն ժամանակաց, և աճեաց լցաւ և եհաս 'ի դարն վեցերորդ. և 'ի սրբել աւուրցս, որպէս և ասացաք, քարոզութեամբ Ընաբելոցն, սրբեցան ամիսք և տարիք և ժամանակք և յաւիտեանք. Օ ի եթէ սկիզբն սուրբ է, ապա և ամէնքն որ 'ի նմանէ առնուն զաճումն՝ սրբեցան : Վրանդի ոչ թիւ երկոտասան Ընաբելոցն դիպուածով ինչ եկն եմուտ 'ի կարգ առաքելութեանն, այլ 'ի հեռուստ ժամանակաց յայանութիւնք երեւեցան յԸստուծոյ տուչութենէն : Ընաջին երկոտասան որդւոցն՝ Յակոբայ. որով թուով ազգն աճեաց և բազմացաւ, և ժառանգեաց զերկիրն պարգեւաց : Իարձեալ և 'ի ձեռն Յեսուայ փոքր ինչ էր յայտնութիւն երկոտասան թըւոց վիմացն, մանաւանդ զի կէսքն ելանէին և կէսքն իջանէին. իբրեւ յայտնի տեսիլ պանչելեացն, որք ելանէին իբրեւ 'ի խաւարէ 'ի լոյս, և որք իջանէին 'ի լու-



սոյ 'ի խաւար : Ըրդ հեթանոսք որք ընկզմեալ էին 'ի գործս մեզայ իւրեանց, ելին յանդնդոց ծովու մեզաց 'ի ձեռն երկոտասան Ըռաքելոց, որ են վէմբ Ճմարտու թեան . և հողմբ և հեղեղք զնոսա ոչ կարեն շարժել, և ոչ անձրեւաց բռնութիւն : Իսկ երկոտասան ազգապետքն վերջացան և մնացին, իջին և դադարեցին յատակս գետոյն ընդ ջրոյն թանձրութեան, և անդէն եղեալ զնին մինչեւ ցայսօր :

Եւ թէ և յանապատն երթիցուք 'ի Գալիլեա, ուր Տէր զկարօտութիւն ժողովրդեանն լցոյց սքանչելեօք բազմութեան հացին, իսկ մնացորդքն ոչ աւելի և ոչ պակաս, այլ լի երկոտասան սակառի, ոչ ահա յայտնի է և այս տեսիլ սքանչելեաց : Յառաջ քան զբազմանալ հացին՝ ունայն կրէին զսակառիսն, և ընունին 'ի մնացորդաց ճաշոյն : Եւ կարի քաջ արժանապէս . զի Ըստուած էր որ մատակարարէր . առժամայն յաղեցոյց, և առյաւ պայսն մթերեաց զխոհականութիւնն : Ըստ յայտնի գրեցելումն՝ սակառիքն որ լցան հացին, իսկ ըստ ծածուկ իմանալոյն՝ երկոտասան Ըռաքեալքն լցան շնորհօք տեառն մերոյ Յիսուսի Վրիստոսի, և սփռեալ տարածեցան յերկոտասան կողմն աշխարհի, և լցուցին զզորս կողմն երկրիս, յորում բնակեալ են ամենայն ազգ հեթանոսաց :

Եկաք բազում անգամ շուրջ գտամբն, որպէս և յառաջն ասացաք, որ երկրացաւ և երկնացաւ, և բաւական եղեւ ընդունել զամենայն : Թուի ինձ թէ եւս բազմազոյն պատեցաք զերկոտասան թուովս : Օյ թէ պէտ և մեք ոչ կարացաք ըստ արժանին յառաջ մատուցանել, այլ յորժամ Տէր ինքնին սփռեալ տարածեցէ զնոսա ընդ ազգս ամենայն զօրութեամբ հոգւոյն սրբոյ, յայնժամ կատարեսցի բան մարգարէին որ ասէ .  
 “Պատմեցի և ասացի, և բազում եղէն քան զթիւ .”  
 այսինքն եկեղեցիք հաւատացելոց 'ի Վրիստոս Յիսուս 'ի Տէր մեր, որում փառք և զօրութիւն այժմ և յաւիտեանս :

Բարձեալ միւսանգամ յայտնեաց Յիսուս զանձն իւր աշակերտաց իւրոց 'ի վերայ ծովուն տիբերացւոց : Վանդի էին 'ի միոջ վայրի Պետրոս և Սովմանս և Ես-

Թանայէլ, Յակովբոս և Յովհաննէս եղբայրն Յակոբայ և երկուք այլ եւս յաշակերտաց անտի: Եւրդ զինչ առնէ զնոսա. ՚ի տանէն եհան զնոսա. շորհօք չորդւոյն սրբոյ ելից զնոսա. յաշխարհ առաքեաց զի գործ գործեացն: Եւքա յանհոս եղեալ պարապորդ շրջէին. և շրջէին ոչ այլ ուրեք, այլ անդէն զԺողուն, և զՏայրենի արուեստն ոչ կարէին թողուլ. այլ զնովիմբ գան, ՚ի նոյն հոգան, ՚ի նոյն կրթին, և զմուսացեալն անդէն կամէին յիշել: Տեսանեն որչափ է թանձրութիւն մրտացն, շնորոտանային՝ այնչափ խրատեալք և վարժեալք ՚ի Տեառնէն. և թեքեալք և մխեալք ՚ի չորդւոյն սրբոյ, և չեւ եւս են հատու, և այլ ուրեմն պիտի սրել:

Օ քնչ խօսիս, տէր իմ Պետրոս. ՚ի ծովեզերդ նրտիս, և վասն ծովուդ հոգաս, և զմահոյկդ կազմես. երթամք, ասես, ձուկն հանեմք: Տեսանեն, զայդ ասելով և ՚ի դոյն կրթես զայլ Եւաքեալսդ, և հարկ է դուցա զհետ քո գալ. զի ուր միտք կամին, ոտք անդր տանին. և միտք ՚ի գլուխ են, և գլուխ Եւաքեալսդ դուես: Յորժամ դու ասես՝ երթամք ձուկն հանեմք, այլ զքնչ լես ՚ի դոցանէ. բայց եթէ ասեն ցբեզ, եթէ և մեք ընդ բեզ: Եւ քանզի ուր և երթան իսկ, դու ես նոցա տուն և քաղաք և ամենայն ինչ զինչ և պիտոյ է երկրաւոր վիճակիդ ձերում, մի դու և մի մոռաջիր. Թիւդ ձեր գեղեցիկ է. ահաւաղիկ եթան էք. ՚ի ձեզ տեսանի աշխարհս, միանգամայն և տէր աշխարհիս: Եւրդ ոչ է բարի դատարկութիւն ձեր: Եթէ յապաստան անձանց պարապեալ էք, և այլ ինչ գործ ոչ է ձեր, անդրէն ՚ի հրէաստան գնացէք, զյարութեան տեղեան շրջեցարուք, զվիճան պատեցայք, զխաչիւն դիտեցէք. միտ դիք, տեսէք ուր Թագուցին քահանայքն, նկատեցէք զտեղին: Ինդիր լինեալոց է վաղիւ խաչին. ոչ թողու Տէր զգէնն իւր ՚ի հող, որով զԺճամին իւր եսպան, և զգերին Թափեաց ՚ի նմանէ: Եւս ածէք զտեղեան, եկայք զդրօքն. Թերեւս անդ իցեն հրեշտակքն, որպէս զի են իսկ անդէն: Ի Սիոն երթայք, ելէք ՚ի վերնատունն, հայեցարուք ՚ի դուրան փակեալը՝ ընդ որ եմուտ Տէրն. յիշատակեցէք զտեղին՝ ուր եկն եկաց ՚ի միջի ձերում և ողջոյն ետ ձեզ, ուր և

զհողին սուրբ փշեաց 'ի ձեզ : Յայս ամենայն կրթեցեք զանձինս ձեր , և 'ի սոյն խոկացեք , զի մի մտասցին 'ի սրտից ձերոց մեծամեծ զօրութիւնքն որ 'ի միջի ձերում գործեցան :

Այս թէ 'ի հրէաստան երկնջիք երթալ , զասն զի անդ են Աննա և Սայրափա և ամենայն դառնաշունչ ժողովուրդն , թոյլ տուք , զայդ եւս շմեղադրեմ : Անդ է մեծն Յակոբոս , որ բաւական է ամենայն իրաց տուաքինութեան . և որպէս նա արդար է 'ի քարոզութեան յարուցեղն , և աներկիր թարբառի 'ի մէջ խաչահատուացն , փութա ձեպեա և զու Սետրոս . մի զայդչափ Աբաբեալը խափաններ , զորս առեալ 'ի ծովեզորդ իջեալ ես : Այս ասեմ ' մի ասեր երթամ ձուկն հանեմ : Թոյս այդպէս է , երթ . ո՞ գիտէ , դու քաջ իմանաս . ո՞ կարէ քեզ վարդապետ լինել . զի ահա աղիկ դու ունիս շնորհս վարդապետութեան զսուրբ Հողւոյն . բայց ինձ թուի այսօր՝ դեռ 'ի կարծ երթաս . քանզի այլ շնորհք են ձկնահանաց , և այլ այլոց արուեստից : Իսու ոչ զձկնահանաց շնորհ ունիս և ոչ զծովուն արուեստ նաւաց . զի թէպէտ էիր երբեմն՝ թողեր 'ի բաց , և թողուն ոչ 'ի քէն եղեւ , այլ յայնմանէ որ ընտրեաց զքեզ . և եթէ կամիս՝ յիշեա զամն զոր ասաց . “ Ի՞նչ եղին , ասէ , զորս արուեստի ձկնահանութեանդ , և արարից զձեզ որսորդս մարդկան ,” . մարդկան որսորդ ես , ձուկն հանել այսօրհետեւ դու ոչ կարես : “ Եւ եղին , ասէ , 'ի նաւ , և զգիշերն ամենայն աշխատ եղեն , կալան և ոչ ինչ ,” . Արդար և ճմարիտ . գիշեր իսկ է ամենեցուն՝ որ առանց Աստուծոյ չըջին յաշխարհի . և ունայն է ծոցնուց յորոյ կենաց , զորս հաւատացեալք միայն բմբռնեն օգնականութեամբ Տեառն իւրեանց :

Արդ իբրեւ այգ եղեւ , ասէ , երեւեցաւ նոցա Տէր զի կայր յեզր ծովուն : Եւ ոյր երբեք տեսեալ է , թէ յառաջ քան զչոյս՝ արեգակնն երեւեցցի : Այս միայն 'ի ծովուն տիբերացուց երեւեցաւ . իմանալի արեգակն յերկնէ յերկիր իջեալ կայր առ ափն ծովուն , և ինքն ամբոփեալ պահէր զձառագայթս անմատոյց լուսոյն իւրոյ : Եւ բարեղ ասեմ եթէ ամբոփեալ պահէր . քան զի չիք հնար զայն արեգակն տեսանել : Կայ զծովականն որպէս յառաջնումն նուազին , մինչեւ կրթեաց և

Եհան զնսաա 'ի ծովէն, և հասոյց 'ի վիճակ առաքելութեան. ըստ նմին կարգի և այժմ առնէ : « Մանկունք, ասէ, ունիք ինչ ուտելոյ », : Սան մանկանց արգարէ ուտելոյ եւեթ. Ես զձեզ վաղ կորզեցի հանի, ասէ, յաշխարհէ, և 'ի չափ արութեան հասուցի' ընդ բազում հանդէսս առաքինութեան անցուցեալ, մինչ զի և զհոգի սուրբ ընկալարուք՝ որով երկինք և երկիր կաւարեցան. և զուք դարձեալ մանկունք էք, և զմանկանոց եւեթ խոկայք և զգովիմք պատաղիք : Տեսանէք, աւաղիկ և այդ միանգամ առանց իմ ոչ կարէք ընուլ զպակասութիւն պիտոյից ձերոց, որովհետեւ ոչ ունիք ինչ. զի եթէ ունէիք, ոչ հարցանէի, այլ միայն բերել հրամայէի. վասն այնր հարցի, զի ոչ ունիք. ոչ եթէ ես ոչ գիտէի զձեր ունայնութիւնդ, այլ զձեզ ուտցից զարդարն խստովանել զտգիտութիւն անձանց ձերոց : Եթէ կարօտ էիք ձկան, և յոյժ պիտոյ էր ձեզ՝ 'ի ժամանակիս, վասն որոյ և աշխատեալ էք զգիշերսս ամենայն, ընդէր ոչ յիմ անուն արկէք զուռկանսդ. զի և տեղեակ իսկ էիք իմոց անուանս : Բազում անգամ լուեալ էք՝ յոյր անուն գեւք հնազանդեցան ձեզ. ոչ ահա յանուն Յիսուսի՝ Բրիտանոսի. Յիսուս՝ Բրիտանոս այն որ 'ի Լազարեթէն է, և Լազարեթ սահմանք են ձերոյ աշխարհիս, և մանաւանդ յայս ծովու. և զսովիմք ծովեզերք այնչափ նշանք և արուեստք երեւեցան և բազում զօրութիւնք, և ձեր տակաւին չէր իմնցեալ : Կա ուրեմն դեռ եւս 'ի սմին թանձրութեան մարմնի էք, և չեւ էք թեթեւացեալ յառաջին ծանրութենէն. ոչ 'ի զգայութենէդ ասեմ, այլ 'ի մտացդ սուտեցեցեցոց, որ ոչ աձեցուցին զաստուածային տունկան :

Երդ եկայք, ասէ, զգործիսդ յաջակողմ նաւիդ արկէք. զի որ առանց իմ արկէք, գիշեր էր և ձախակողմ. իսկ զոր ինեւդ արկանէք, տիւ է և աջակողմ. և եթէ աջակողմ է՝ անգ գտանէք. և իբրեւ գտանէք, մի զլանայք զչորհոս հողւոյն սրբոյ գիտութեանն, զի հաստատուն պահեմք յոգիս ձեր : Եւ զայս արարեալ նոցա փակեցին 'ի ներքս բազմութիւն ձկանցն, և այնչափ բազում, մինչեւ կարօտել նոցա օգնականաց. և 'ի քարչել նոցա զուռկանն՝ մեծամեծ աշխատութիւն կրեցին, մինչեւ ածին 'ի ցամաքն : Եւ Պետրոս յոյժ էր

զարմացեալ ոչ միայն ընդ բազմութեանն, այլ և մեծամեծք եւս էին, և անչափք և բազումք, և սակայն գործին ոչ պատառեցաւ: Քանզի և նոցա ոչ էր սովորութիւն այնպիսի որս ուրեք երբեք գտանել, նշանաւ գործութիւն կարծեցին և ոչ պատահումն որոյ. վասն որոյ և ասէ Յովհաննէս. «Տէր է այն», և Նա 'ի բանիցն Յովհաննու և 'ի հրամանէն Տեառն՝ յաջակողմն ասելով՝ ընդոստեալ Պետրոս և ետ զինքն մերկ 'ի ծով, և վաղագոյն քան զնաւն հասանէր առ Տէրն, և ահիւ և խնդութեամբ լցեալ ոչ ինչ կարէր զարժանն իմանալ. այլ 'ի նոյն սովորութիւնն յառաջին ձգէր զմիտս իւր՝ իբրեւ կերակրոյ և հանգստեան կարօտացեալ: Վասն որոյ և Տէրն ողորմեալ նոցա՝ գտանէ 'ի տեղւոջ անդ պատրաստութիւն ճաշոյ: Եւ ոչ որ յաշակերտացն իշխէր հարցանել՝ թէ դու ով ես: քանզի գիտէին թէ Տէր ինքն է: Օգիտէին ահա գիտէին, այլ ոչ ըստ առաջին նմանութեանն: Իսկ Յիսուս եւս քան զեւս մօտ մերձեցոյց զնոսա, և ըստ առաջին սովորութեանն տայր նոցա օրհնութիւն, և ընդ նոսին հաղորդի 'ի կերակուրս, և զլորորդութեանն յայտնութիւնն ընտ և կատարէ յետ յարութեանն:

Եւ զգիտեմ՝ զինչ ասելոց էք ցիս. Օպր ամենայն աւետարանագիրն պատմեաց մեզ. արդ առ ինչ իցէ յայտնութիւն Տեառն 'ի վերայ ծովուն, և կամ բազմութիւն ձկանցն, և գործւոյն չպատառեն, և հացին և ձկանն 'ի վերայ կայծականցն գտանիլ: Եւ նոյն Տէր մեր Յիսուս Քրիստոս, որ մարդասիրութեամբ իւրով յայտնեաց զինքն աշակերտաց իւրոց, ցուցցէ և մեզ զծածուկս առակաց իւրոց՝ ոչ միայն 'ի վերայ ծովուն Տիր բերեայ, այլ յամենայն ժամու և յամենայն տեղւոջ. ոչ միայն զի գիտիցեմք և ասիցեմք զպատուիրանս նորա, այլ և սիրիցեմք զնա յամենայն զօրութենէ մերմէ, ոչ 'ի պատճառս նշանաց միջնորդի: Քանզի բազումք են 'ի մարդկանէ որ 'ի յաջողութեանց աշխարհի սիրեն զլ'ստուած. և են ոմանք որ 'ի ստգտանել 'ի գործոց իւրեանց՝ դառնալով յապաշխարութիւն սիրեն զլ'ստուած և նոքա. իսկ որ քաջն են և կատարեալք յամենայնի, անդստին 'ի տղայութենէ նուիրեն զանձինս իւրեանց յաստուածպաշտութիւն, և ոչ են 'ի

խնդիր նշանաց և արուեստից, և հեռի են յամօթալի գործոց աշխարհի: Սոքա են որ գեր 'ի վերոյ են քան զերրեակ թիւն, ընդ որում ոչ ինչ համեմատի յեղելոցս ամենեւին: Բայց սակայն աստուածու թիւնն բարերար է, ընդունի զերեսին հատածն, և ամենեքին յաստուածային յարկսն շրջին: Այ մեք, եղբարք, թէ պէտ և ոչ յառաջնոցն իցեմք, սակայն զվերջնոցն զհետ երթիցուք. աղաչեսցուք զնոյն Տէր, զի և զմեզ ընկալցի 'ի գուժ սիրոյ իւրոյ, որպէս և այլոցն շնորհեաց թողութիւն. և արժանիս արասցէ յամենայն ժամ ըզմեզ երթալ զհետ բանի աւետարանին սրբոյ, զնովմիք գալ, զնոյն սիրել, նմին միտ դնել, և նովաւ ժամանել 'ի լուսնն աւետեացն խոստացելոց:

Բորդ առաւել զայս իմանալի է, եթէ ծովն տիրարացոց ոչ մասն է անբաժանելի մեծի ծովուն, այլ ուրոյն զատ և առանձնի. անուանի ծովակ՝ և ոչ ծով. և աշխարհ՝ ծովու է գուգութիւն և ոչ լճի: Այ որպէս երեւի, յառաջ քան զգալուստն Տեառն ցամաքայինքս ջրայնոց նմանեցան անիշխան և անառաջնորդ, խառնա վար կենօք զմիմեանս զրկելով և կորուսանելով առանց խղճելոյ և պատկառելոյ, և չձանաչելով զարարիչն արարածոց, իբրեւ 'ի գիշերի և 'ի թանձրացեալ խաւարի՝ 'ի վեր ամենեւին ոչ կարացեալ հայել. նմանեալք ձկանց մեծամեծաց՝ որք զմանունս անխտիր կլանեն, և ինքեանք եւս 'ի մեծամեծաց կլանին, և կարծեն ոչ ամենեւին՝ թէ քան զմեզ այլ արարածք վերագոյն գուցէ. որպէս և սուրբ մարգարէն բողբօք. «Օ մէ՛ հայեցար յարհամարհոտս, և ստունգանեցեր 'ի կլանել ամբարշտի զարդարն, և առնիցես զմարդիկ իբրեւ զձկունս ծովու, և իբրեւ զսողունս՝ որոց ոչ գոյ առաջնորդ», իբրեւ յայսնի է ամբաստանութիւնս զերկայնմտութենէն Բստուծոյ. ընդէր, ասէ, յայնց ժամանակաց հետէ թոյլ ետուր: Աեղի մարգարէս սուրբ Հոգւովն. ոչ կարէ տեսանել զթշուառացելոցն զնեղութիւն: Փութա ճեպեա, ասէ, եկ Տէր և երեւեցիք, մերձեցիր 'ի փրկութիւն. հան աշխարհ 'ի ծովէ մեղաց, զի ծանիցեն գբեզ տէր և արարիչ, իշխան և առաջնորդ կենաց. զի մի իցեն գազանք ջրայինք, այլ մարդիկ երկրայինք և երկնայինք, պատկեր և կերպարան իմանալի զօրու-

Թեանն : Ս ան պատրիկ առ յաջակողմ կոյս արկէք նաւոր :

Եւ ո՛ է որ զայս ասիցէ : Ար նստի ընդ աջմէ Հօր յերկինս : Ըսէ զաշակերտսն . Եւ ընդ աջմէ Հօր նըստացից զձեզ , և զամենայն ինչ յաջողեցից ձեզ . չիք ՚ի ձեզ մասն խաւարի , և ոչ կողմ ձախոյ . մի որսայք զիչերի , զի հետի է լոյս ՚ի նմանէ , և բազումք զայթակղին նուլաւ : Եւրք մանկուծք լուսոյ էք և որդիք տուրն ջեան . եւ որպէս որդիք էք լուսոյ , նոյնպէս և լուսաւորեսցին գործք ձեր յաշխարհի , և գնասցէ աշխարհ ըզհետ ձեր ՚ի լոյս կենաց : Եւ մի ՚ի ձախ կողմ արկանէք զգործիս ձեր . քանզի որ որդիքն ձախոյ են՝ և ծնունդք են խաւարային իշխանութեան . և որպէս չիք նոցա մասն և բաժին յաջակողման , նոյնպէս ձեր մի եղևցի մասն և բաժին ձախակողմանն :

Եւ զայս լուեալ Սետրոսի և ընկերաց իւրոց՝ մտօք առաւել քան ականջօք իւրեանց , արկանեն զուռկանն յաջակողմն նաւին , և ունին հարիւր և յիսուն և երիս ձկունս : Երբեւ յայտնի է տեսակ իմաստութեանս այս : Արպէս ՚ի հինսն ոմանք զբանական իմաստութիւն ՚ի վար արկեալ , ոչ ինչ պակաս յերկնաւոր իմաստութենէն գտանին : Ըմենայն ինչ , ասեն , որ երեքիկն է , բաժանելի է . իսկ որ բաժանելին է՝ նա ունի անդրէն յանգութիւն միաւորութեան և զանախտութիւն հարլստութեան : Ըրդ բաժանի թիւ ձկանցս յերիս յիսնեակս և միական երրեակ , և յարին անդրէն առ իրեարս ՚ի միութիւն : Յերիս յիսներորդս՝ յորում տեսանի վեց մասն՝ կրկնաբաժանելով , երթեալ ելանէ անդր ՚ի սիզւանն լինելութիւն . իսկ այսրէն ընդյարութեամբ՝ ՚ի նոյն թիւ իջուցանելով , զոր և յիսներորդ ասեմք . զոր և Սովսէս օրինադրեաց ասելով զնա յոթելեան և հանգուցիչ յերկրէս և ազատարար ՚ի մարդկան ծառայութենէ : Ըրդ յոյս ամենայն զոր Սովսէս ժամանակեան օրէնս կարգեաց , անարկութիւն նորա ՚ի ժողովուրդն կատարեցաւ . իսկ ճշմարտութիւն յամենայն ազգս մարդկան երեւեցաւ , որպէս և թիւ ձկանցն յայտ առնէ : Վանզի ՚ի Տեառնէն տրւեալ լինէր կարգադրութիւն օրինացն . իսկ ուր Տէր ինքնին գլխովին էր , անդ ոչ եւս խորհուրդ , այլ յայտ

նութիւն ճշմարիտ . որպէս և պարզապէս իսկ ասացաք 'ի ճառեցելումս : Վրանգի բազմութիւն երկոց յիմնիցն ամենայն աշխարհս էր , և աւուրք և ամիսք և տարիք և ժամանակք և կենդանիք . քանզի նիւթական է և ծննդական և անկեալ ընդ ախտիւ ասպականութեան , որում պիտոյ է անախտ օգնական . որպէս և պարզապէս իսկ երեւի թիւ երկոց ձկանց ստիկ ասացելոց միայնութեամբ : Վրանգի ոչ եթէ վեցեակք են եթէ աճեցեալ ընուցուն զթիւ երկոտասանիցն , և կամ երկոտասանք՝ կրկնութեալ բաղկանայցէ վեց թիւն , այլ երկուսաց , ոչ աւելի և ոչ սակաս . քանզի հրամանն տէրունեան էր , և կողմն աջոյ էր , և խորհուրդն տեսաւուրութիւն էր :

Եւ զինչ մեծ քան զայս՝ որ բանիւ Մտուծոյ գործ կատարիցի , և ինքն 'ի գործ անգր նկարեալ երեւի : Վրանգի անբաժանելի է սուրբ Երրորդութիւնն , և անսեղմութեամբ տեսաք առանձնացեալ , որպէս և 'ի թիւ ձկանցս՝ Նայր որսակից եղեւ Արգւոյ , և Նոզի սուրբ սատար օգնականութեան Ղաբելոցն : Արսան յայտնի ձուկն 'ի ծովու , և 'ի ձեռն ձկանցն երեւի թէ զամենայն աշխարհ որոսպան , ոչ 'ի ջրոց 'ի ցամաք , այլ յերաշտացեալ ցամաքէ 'ի ջուր կենդանութեան : Վրանգի մարդիկ առ կարօտութեան որսան զձուկն 'ի ծովէ 'ի ցամաք , և 'ի կենաց 'ի մահ . և երբեք զինքեանս յորս որսալ ոչ տան , քանզի մահկանացուք են և ինքեանք և որպէն իւրեանց : Իսկ Մտուած կենդանի և կենդանաբար և կենդանացուցիչ ամենայն մեռելութեանց՝ որսայ զորս 'ի մահուանէ 'ի կեանս , և 'ի կեանս ոչ դուզնաբեայ , այլ յանժամանակս և առանց անցանելոյ : Եւ ոչ միայն որսայ , այլ և ինքն յորոյն որացեալ լինի , ոչ պատճառանօք , այլ ճշմարտութեամբ . քանզի աներկիւղ է և անկասկած , անհատ և անբաժանելի : Արպէս 'ի թիւ ձկանցն խառնեաց զինքն երբեակ տեսակուն առանց նախանձու չարակնութեան , սոյնպէս որսացեալ լինի յորոյ իւրմէ և տայ զինքն 'ի խանձ կերակրոյ , զի միանգատեցն իցէ ինքն ծով և տեղի և խանձոց և կերակուր և ձկանցն որորդ : Եւ կարի յիրաւի պսպէս . քանզի կեանք են անպակաս և անսարսուելի կերակուր . և ամենայն որ սւտէ 'ի կենացն՝ ընդ



նմին և կենդանանայ . և կենար ոչ մեռանին, այլ առաւել եւս բազմանան և մեծանան և ինդան և ուրախ լինին :

(Թէպէտ ասացի փոքր 'ի շատէ տարացոյց զձնորդիտ, որ ունի զմանուծիւն, այլ ոչ եթէ զէութիւն . բայց ասացից ոչ զիմ, այլ զնորին զկենացն բանի : Բառդի իբրեւ մատեաւ առ նա փորձիչն, ասէ յնա փորձելով . “ Եթէ արդարեւ որդի Մտուծոյ ես, ասա քարանոցդ զի հաց լինիցին ” : Եւ անդէն լսէ պատասխանի զոչ միայն հացիւն կեալ, այլ բանիւ Մտուծոյ : Եւ բանն Մտուծոյ՝ որդին Մտուծոյ է, և զինքն տայ կերակուր, և պատկառի ինչ ոչ . որպէս կերակրէ զաշխարհս . առանց աշխատութեան, սոյնպէս ուտի աշխարհի առանց հատանելոյ և բաժանելոյ : Բայց ես զնոյն իսկ զփորձիչն հարցանեմ . դու իսկ զինչ ուտես . երկիր չունիս, վարք և հունձք քո չիք . յայտ է թէ հացիւ ոչ կեաս, և ոչ այլ թանձրագոյն կերակրուիք : Եւ հաւադիկ երեւեցաւ թէ բանիւ Մտուծոյ կերակրիս . զի թէպէտ և չես արժանի, սակայն Մտուած բարերար է, և ինքն կայ մնայ առանց ծախելոյ և պակասութեան : Եւ յոր ասացի՝ թէ որսայ զմահկանացուս 'ի կեանս, և ինքն որսացեալ լինի, և հաւասարելով զինքն ընդ տպականացու որսոյ, և գաղտնեօք և յայտնի կորզեալ հանէ յապականութենէ :

Եւ էին, ասէ, ամենայն ձկունքն մեծամեծք : Բնդ այդ զի զարմանաս . յորժամ Մտուած ձուկն որսայ, ոչ ինչ թաքչի յամենատես ականէն, յորժամ կամի՝ զմեծամեծն, յորժամ կամի՝ զմանուսն, յորժամ կամի՝ զմիջինն, և այսու երեք թուական մասամբք՝ ամենեքեանս նորա են : Եւ ձկունսն այդպէս է . նախ զմեծամեծն որսացաւ, զի խորհուրդ էր և ոչ ձշմարտութիւն . այլ առ ընտրութիւն Մաքեղոցն ոչ այդպէս, նախ զմանուսն, և ապա զմեծամեծն : Եւ ասացի փռքրկունս, և յիրաւի . ոչ միայն փորունք են, այլ և տգէտք և գալիելացիք, անպիտանք լեզուով, զձուձք գաւառաւ, աղքատք և տնանկք : Եւ զինչ աղքատ քան զձկնորս, և քան զնոյնս՝ յիմարս . զի ամենայն հոգք իւր 'ի վերայ ջրային մակուկին է, իօսք իւր ընդ անբան ձրկունս . երեւի թէ քան զամենայն մարդ ոչ միայն տը-

գէտք, այլ և փայրենագոյնք : Այլ կայեմ ես քեզ ոչ այդչափ միայն խոնարհագոյնք որչափ ասացաքդ, այլ բազմապատիկ եւս քան զդոյն : Դու մի յայնպիսի աղքատութիւն հասցիր, որ ոչ 'ի կամաց իւրեանց է, այլ 'ի պատահարաց աշխարհիս . զի մարդիկ ագահութեամբ ակամ հասունեն յիշխանութիւն տէրութեան . զրկեն և զլանան, և հասուցանեն զընկերակիցս իւրեանց 'ի մեծ թշուառութիւն :

Ըրգ հայեաց 'ի բարերարութիւնն Լստուծոյ և տես վասն էր եղեւ գալուստն Տեառն յաշխարհս : Ըրգաբէն զի զպէս ավենայն խափանեցէ, և զուգութիւն հաւասարութեան կենաց գործեցէ : Իսկ արդ զի տայիր ընտրել որ յաղքատաց գարշիս և 'ի տնանկաց փախչիս . քանզի " Իմաստութեամբն Լստուծոյ, ասէ, աշխարհ ոչ ծանեաւ զ'լստուած ,, . հարկ էր զյիմարս ընտրել : Գարծեալ որ հզօրքն էին՝ ոչ միայն Լստուծոյ ամբարիշտք էին, այլ 'ի վերայ տկարագունիցն մեծամեծ հարուածս հասուցին . վասն այսորիկ զտկարս աշխարհիս ընտրեաց Լստուած զի յամթ արասցէ զհզօրս . և որպէս տկարօքն զհզօրս ամաչեցոյց, նոյնպէս յիմարօքն զիմաստունն լուեցուցէ : Իւանզի ընտրեաց, ասէ, Լստուած . և ուր Լստուծոյ ընտրութիւն է, չիք անդ տրկարութիւն և յիմարութիւն . և որպէս յանդոյութենէ էած զաշխարհս 'ի գոյութիւն, սոյնպէս 'ի տկարութենէ էած 'ի զօրութիւն և յաղքատութենէ 'ի մեծութիւն : Իւանզի նոր աշխարհ առնէ . ոչ զնիւթն ասեմ և ոչ զտեսակն, այլ զառաջինն որք ապականեցան կամօք, 'ի նոյն բնութիւն տարեալ հանէ նորօգապէս . և նախ որովք նորօգեն զնոսա՝ նորս արար և հարուստս, միանգամայն և իմաստունս, և իմաստութեան նոցա առաջնորդ և վարդապետ և ընդ նոսին սուրբ Հոգին է գործակից, որով ավենայն ինչ եղեւ յառաջագոյն :

Տեսանես զի ոչ այնուհետեւ 'ի Գալղիեա չրջին զծովական, այլ զմեծ ծովուս . և զծովու՝ ոչ զըրով, այլ զկղզեօք և զամենայն ցամաքօք . և գործի ոչ զտվորականն ունէին, այլ զնորսն՝ որով ինքեանք որսացեալ եղեն, որ ոչն պատառի . քանզի երկայն է գործին, և առաւել քան զգործին՝ լար գործւոյն . զի խանձն դնէին

'ի միջոցին, և զգործին սիւսեալ տարածանեն զբոլոր երկրաւս :

Եւ քանզի թուով են երկոտասանք, և երկու են լաքը ուսկանին, և չորք ծագ լարացն, յորոց երեք երեք զմի մի ծագ առնուն . քանզի երեք կրկինք է անվթար հաստատութիւն . մի կողմն ընդ արեւմուտս, միւսն զջոզ նմին ընդ արեւելս, և երկուսն ընդ հիւսիս և ընդ հարաւ : Եւ բոլորակ պարուրածեւ զամենայն աշխարհս 'ի ներքս առեալ փակեցին . և ոչ յիւրաքանչիւր կողման ձգեն զուսկանն, այլ միաբան ամենեքեան . ուր խանձն եղեալ է, 'ի նոցն ժողովեն զամենեսեան 'ի կեանս և ոչ 'ի մահ . քանզի կերակուրն կենդանի է, կենդանեաց և ոչ մեռելոց :

Բայց զիտեմ զինչ ասելոց ես : Օ քինչ օգուտ է, ասես . 'ի ծովակէ եհան, և 'ի ծովու դարձեալ ձուկն որսաց : Այլ ասացի զայգ ես, եղբայր . այլ քանզի իմաստութեան 'ի խնդիր ես, դու քեզէն իսկ ուսիր զառակս ուսկանին զոր Տէր յառաջագոյն իսկ նմանեցոյց : Կարձեալ և զհզօրն սիրես . ո՞րք 'ի մարդկանէ քան զայս զօրագոյն, որ զամենայն աշխարհ 'ի մի միաբանութիւն կարէ բովանդակել . նա և ոչ մեծատուն որ քան զնոսա երեւեսցի : Եւ եթէ յայս երիս մասունս հաճեալ հաւանեցցին միտք քօ, ասացից քեզ և զուսկանն և զուսկանաւորսն, և զորս ձկանցն 'ի քէն ոչ լծագուցից : Եւ վասն բազմութեանն թէ կարես՝ դու թուես, ես ոչ կարեմ : Ետն աշխարհս է, ուսկանն քարոզութիւն Տեառն, ծագք ուսկանին չորք աւետարանք, ուսկանաւորք երկոտասան Եւաքեալքն, որսք ձկանցն ամենայն ազգք հեթանոսաց . իսկ խանձոցն 'ի միջին մարմին և արիւն տեառն մերոյ Յիսուսի Վրիստոսի . և միջոցք ամենայնի՝ հաւապք ճշմարիտք : Բանզի գեր 'ի վերոյ է աստուածութիւնն . իսկ մարդկան բնութիւնս զստորին կողմ՝ երկրի առեալ ունի . զօրութիւն հոգւոյն վերոյ 'ի վայր խոնարհեցաւ, և հաւապք ներքոյ 'ի վեր կանգնեցան, և բուռն հարեալ զգօրութենէն հաստատեալ կայ 'ի վերջնոցն, զի ձգելով 'ի վեր կորցեսցի :

Եւ որ զորովհետեւ ելաք 'ի ծովէն 'ի ցանաք, և 'ի ձրկանցն եկաք հասաք յազգս մարդկան, եկ և տես զեր-

կոտասանն . ոչ միայն ուռկանաւորք են 'ի ծովու , այլ  
 և նաւավարք . և 'ի ցամաքի սուրհանդակք , և 'ի պա-  
 տերազմի զինաւորք , և յաշխարհի քաղաքավարք , նո-  
 քին և օրէնադիրք : Եւ ոչ եւս են կարօտք այսու հետեւ  
 ունել զոր օրնական 'ի մարդկանէ . քանզի ընդ նոսա է  
 զօրացուցին ամենայնի , աներկիւզ և անկասկածք են .  
 ուստի զահի հարեալն փախչէին յԱշրուսաղէմէ , անտի  
 իսկ առնէն սկիզբն նորոյ քարոզութեանս . և համար-  
 ձակութեամբ ուսուցանեն ոչ 'ի խորշ ուրեք ծածկեալ  
 և թաքուցեալ , այլ անդրէն 'ի ներքս 'ի տաճարին՝ ուր  
 ամենայն աշխարհ ժողովեալ էր . և ստէպ 'ի մէջ բե-  
 րելով զանունն Յիսուսի՝ բաղում նշանս և արուեստս  
 առաջի ամենեցուն ցուցանեն : Եւ ոչ վաղվաղակի ե-  
 լեալ մեկնին յանձկալի քաղաքէն . նա և ոչ անարգանս  
 ինչ համարին զտեղին՝ ուր Տէրն ամենայնի մեռաւ ա-  
 նարզանօք . այլ մեծապէս պարծանք և կենդանութիւն  
 ամենայն արարածոց : Չայնիւ բարբառին , ձեռամբ ցու-  
 ցանեն , ակամբ տեսանեն զ'Եթէհէմ' ուր ծնաւ ,  
 զՆազարեթ՝ ուր սնաւ , զՆալիւէա՝ ուր եկաց , զՆոդ-  
 գոթա՝ ուր խաչեցաւն , զգերեզմանն՝ ուստի յարեաւ ,  
 զլեառն ձիթենեայ՝ ուստի վերացաւ , զերկինս՝ ուր ընդ  
 աջմէ հօր նստաւ :

Ըրդ ո՞վ իցէ մեծատուն քան զՂաբէալն , և ի-  
 մաստուն քան որ զայս ամենայն գիտեն . նա և առատ  
 եւս տուող միանգամայն : Մի մի լամայ ընդունէր տը-  
 կարն՝ որ նստէր առ գեղեցիկ դրան տաճարին , և զա-  
 ւուրն պարենիկն թէ ընոյր : Տես զմեծութիւն Ղաբէ-  
 լոցն , և ընդ նմին զառատութիւնն . ոչ միայն աւուր և  
 ամոյ տան զուռնիկն , այլ զամենայն աւուրս կենաց  
 նորա . քանզի ընկալաւ զբժշկութիւն ոչ միայն յառ-  
 ժամայն ցաւոցն ողջացեալ , այլ 'ի ձեռն հաւատոցն և  
 զյաւիտեանն ժառանգեաց :

Ըրդ ուստի սկսաւ Տէր յայտնել զաստուածութիւն  
 իւր աշխարհի , անտի սկիզբն արարին և Ղաբէալքն .  
 իբրեւ բաղում անգամ ուսուցանելով զնոսա և զնե-  
 լով վկայութիւն ընդ քահանայսն և ընդ մեկնիւն՝ ե-  
 թէ չիք իմ այլ անուն 'ի ներքոյ երկնից՝ որով լինի  
 բժշկութիւն , բայց միայն անուն Տեառն մերոյ Յիսու-  
 սի Քրիստոսի : Քանզի Յիսուս և Քրիստոս վանն

մարդասիրութեան իւրոյ թանձրացոյց զինքն՝ ՚ի մարմնաւորութիւն, զի մարմնաւորք տեսանել կարապէն զնա և ուսանել. և եթէ նովաւ եղեն երկինք և երկէր, և նա է օրէնսդիր ՚ի ձեռն Սովսէսի. վասն նորա մարդարեքն քարոզեցին յառաջ ժամանակօք, և զնոցա օրն գալատեան ցանկային տեսանել Հայրապետքն մեզ ի թագաւորք: Եւ այսու ամենայնիւ վկայութեամբ Մաքեալքն խօսէին ընդ ամենայն բազմութեանն, մինչև զքահանայապետն անգամ՝ զՎայրափա ածէին ՚ի հաւանութիւն լսել նմա ՚ի նոցանէ:

Եւ այնչափ համարձակագոյնք էին, մինչև ուրիշ Ստեփաննոս՝ թէպէտ մանկագոյն էր քան զայլն ՚ի ժամանակին, առ սէրն զոր ունէր ընդ Վրիստոսի, զիւր արիւն փութացաւ հեղուլ վասն նորա: Օ ի ոչ միայն բանիւք իցէ վկայութիւնն, այլ և մեծաւ զօրութեամբ, մինչև ցմահ անգամ: Տես զզօրութիւն խաչեցելոյս, յիւր բարձունս ձգեաց զաշխարհս. զոր և յառաջագոյն ասաց. « Զորժամ բարձրացայց, զամենեւեան ձգեցից առ իս », . Վանգի սա նոյն Ստեփաննոս մինչ դեռ ողջաւ մարմին էր, խօսել եւեթ գիտէր յանուն Նիսուսի Վրիստոսի. զի թէպէտ օւնէր նորհս և առնէր նշանա մեծամեծս, սակայն դէմ յանդիման զնա չէր տեսեալ. այնպէս իսկ այն օր քարինքն ՚ի վերայ տեղային, արիւն զերեսօքն իջանէր, մարմինն անկեալ գնէր յերկրի: Եւ ըրա զայնմանէ փոյթ ինչ ոչ արարեալ, ՚ի վեր հայեցեալ՝ զերկինս բանայր, զՎրիստոս ընդ աջմէ հօր տեսանէր, ՚ի վերայ սպանողաց աղօթս առնէր: Եւ այս էր նմանութիւն մահուն Վրիստոսի, և ազօթք աղօթից նորա. զի որպէս նա ՚ի վերայ խաչահանուացն, սոյնպէս և սա ՚ի վերայ քարկոծչացն աղօթս առնէր:

Իայց թերեւս ասիցէ որք, թէ զինչ օգուտ իցէ ՚ի վերայ չարացն աղաչել, զի և այլ եւս յաւելցեն ՚ի չարիան: Այդպէս է. մի գու և մի զայդ ածեր զմտաւ. աղէ տես զզօրութիւն աղօթից, և ուրախ լեր ՚ի սրտուղն զոր կթեաց անտի: Իպարէն Սաուղ էր որ քար կոծել ետ զնա. և Ստեփաննոս որ աղօթէր՝ « Հապր, թող դոցա, զի ոչ գիտեն զինչ գործեն », ձմարտութեամբ աղաչեաց, և արդարութեամբ լուաւ նմա. զի ոչ միայն եթող նոցա զմեղսն, այլ և ՚ի վիճակ ըրա քելոցն խառնեաց զնա:

Արդ զամենայն վկայութիւնս բանիւք և գործովք կատարէին յԱրուսաղէմ առաջի քահանայապետիցն : Եւ թողուն անդ զՅակովբոս փոխանակ ամենեցուն՝ բաւական համարելով զառնն զազնուականութիւն, և զի մի դատարկ թողցեն զտեղին՝ ուստի և Տէրն հրամայեաց ամենեւին մի մեկնել : Եւ ինքեանք՝ ՚ի վիճակե առեալ զամենայն ազգս և զազինս, Ճեպէին ՚ի քարոզութիւն աւետարանին : Տեսեր, յայնժամ այնչափ հեղգացան, մինչեւ Տէր ինքնին զարթուցանէր հազիւ հազիւ ՚ի քնոյ . իսկ այսօր անդադար զտիւ և զգիշեր Ճեպին փութան յասել և ՚ի լսել և ՚ի կատարել զամենայն կամս առաքչին իւրեանց, և մանաւանդ իբրեւ տեսին զգայն գազանացեալ՝ որ ընդ խառնեն կոտորէր զամենայն հօտն անհոյիւ : Արպէս նոյն իսկ մեծն Յակովբոս, փութա, ասէ ցՊետրոս, և հասիր ՚ի Աեսարիա ստրատոնեանց . զի աւանիկ է Սիմոն կախարդ, որ զգեցեալ է դեւս իբրեւ զհանդերձ, և յոգիսն գէն ունի զսատանայ . զի ոչ ինքն միայն մոլորեալ է ՚ի ճանապարհ կորստեան, այլ և ամենեքեան որք լսեն նմա : Արդ փութա, եղբայր, և վաղ հասիր յօգնականութիւն բազմութեանն, որ տգիտութեամբ կորնչին . բանզի գտցես քեզ անդ բազում օգնականս : Եւ զայս ասացեալ Յակովբոս, և յանձն արարեալ հոգւոյն սրբոյ, զնա յուղարկէր և ինքն անդէն մնայր :

Եւ հասեալ Պետրոսի ՚ի բաղմահոյլ քաղաքն շնորհօք տեսան մերոյ Յիսուսի Վրիստոսի՝ մեծամեծ նշանօք և արուեստիւք հաստատեաց զբազումս ՚ի ժողովրդենէն . զաստամբութիւն կշտամբեաց, զչար զազանն հալածեաց, զանմեղ հօտն ապրեցոյց ՚ի մոլորութենէ, և շնորհօք սուրբ հոգւոյն և զմահ եւս հալածեաց ՚ի սահմանաց նոցա : Եւ մինչ դեռ էր ՚ի Աեսարիա ստրատոնեանց, կին ոմն՝ անուն Մծեմնիկ՝ աշակերտեալ էր Ղաբելոցն, և տեսուչ էր որբոց և այրեաց ՚ի Լիզիա քաղաքի . դէպ եղեւ ՚ի նմին ժամանակի հրաժարել նմա, և հասեալ Պետրոսի դարձոյց այրէն զհրաժարեալն մինչեւ զարմանալ բնակչաց աշխարհին : Եւ յաւելան ՚ի թիւ հաւատացելոցն բիրք բազումք : Օ այս լուեալ զՊետրոսէ Յակովբոս, խնդայր և ուրախ լինէր ՚ի հոգին սուրբ, և համարձակագոյն եւս դնէր զվկայութիւն յա-

նուն Տեառն առաջի ամենայն ժողովրդեանն, և 'ի նմին կայր հաստատութեամբ : Իսկ Պետրոս դարձեալ բերդ կեաց զգէրս այնոցիկ՝ որոց առեալ էր 'ի չարաթոյն զազանէն . և ուսուցանէր զամենեսեան 'ի մուար կոոցն պաշտմանէ դառնալ առ մի Բ՛ստուած հայր ամենեցուն որ արար զամենայն , և 'ի միածինն որ եկն իւրով բարերարութեամբն և երեւեցոյց զինքն ազգի մարդկան . զի ոչ միայն լսելով գիտացեն զԲ՛ստուած , այլ եւ հայեւ լով և տեսանելով , խօսեցեալք ընդ նմին մտաւորութեամբն՝ ճանաչիցեն և ճանաչիցին . որպէս է եղեւ իսկ : Բանդի մինչ դեռ էր Պետրոս Յարպէ յարաքի , յայտնեցաւ հրեշտակ Տեառն առ կրօնականս 'ի կեասրիս՝ որ էր յազգէ հեթանոսաց , և գործողս առաւելեալ քան զամենայն իսրայէլացիսն . բոցց միայն կարօտէր ճանաչելոյ զԲ՛ստուս Բ՛րիստոս , և յանուն նորա ընդունել մկրտութիւն . հրամայի միանգամայն կոչիլ Պետրոսի 'ի տուն նորա :

Երդ տես զգործս ուսկանին մեծի՝ որ ոչ պատաւեցաւ , և ունի ձկուռնս մեծամեծս . զի ոչ միայն 'ի ջրոց՝ այլ և 'ի ցամաքէ , որպէս յայտնեցաւ հօգին սուրբ առ Պետրոս 'ի նմանութիւն կտաւի անօթոյ , և կախի զչորեցունց տանոցն . ունի յինքեան զամենայն կենդանիս՝ զսուրբս և զանսուրբս , զմանունս և զմեծամեծս : Եւ եթէ յիշեք՝ ես յառաջագոյն ասացի , թէ երկնային ուսկանին չորք որոցք՝ են , և զչորեալն անկիւնս երկրիս 'ի ներքս արգելեալ փակէ : Երդ իբրեւ լսես զխոնարհել անօթոցն յերկնից յերկիր , մի հարկաներ կար մտօքդ առ անօթն կտաւի , կամ բնաւ իսկ 'ի տարր ինչ նիւթեղէն . քանզի և կարէ իսկ ոչ մի մասն յեղելոցս ընդունել յինքն զամենայն կենդանիսն . այլ անդէն ի մացիր զգորութիւն սուրբ հօգւոյն , որով եղեւ ամենայն ինչ : Տարածեաց արկեաց զինքն 'ի նմանութիւն կտաւի անօթոյ : Եւ ընդէր արդեօք . վասն զի սրբագոյն է անօթ կտաւոյ , և լուսափայլ տեօիլ ունի : Եւ զովեաց զամենայն ազգս որ սուրբ էին և որ ոչ էին սուրբ . ըստ երեւման յայտնութեանն իբրեւ թէ յերկնէ յերկիր խոնարհեցաւ , այլ ըստ իմանալի խոհականութեանն

1 Միւսն ուշ :

զերկրաւորս յերկնայինսն մերձեցոյց : Ըն Պետրոս յայտնի կենդանիք՝ որ տուեալ են ՚ի կերակուր մարդկան . և են անդ ամենայն զոր օրէնքն ուտել հրամայեն , և զորս ոչ հրամայեն : Եւ քանզի քաղցեալ էր Պետրոս , կերակուր երեւի նմա ՚ի մեծ տեսչեանն , միանգամայն և ուսուցանէ նմա զկատարեալ զիտուութիւն Ըստուծոյ . « Եթէ կերակրոյ քաղցեալ ես , ասէ , զեն և կեր , » : Իսկ նա ՚ի սովորութիւն օրինացն ընթացեալ , « Իմ , ասէ , խառնակ և անսուրբ ինչ չիք կերեալ , » : Իսկ անդէն պատասխանի . « Օր Ըստուած սրբէ , դու մի պիղծ համարիր , » : Եւ որպէս սրբեաց արդեօք . քանզի ՚ի վերայ կտաւոցն ետես զամենայն կենդանիսն . և եթէ նմանութիւն է կտաւի անօթն՝ արարող հոգւոյն , և կենդանիքն որ ՚ի նմա՝ ազգք հէթանոսաց , ապա յոյր վերայ էինն՝ ՚ի նմին և սրբեցան . քանզի ամենայն որ մերձենայ ճշմարիտ հաւատով ՚ի սուրբ հոգին , ընդ նմին և հոգիացաւ . քանզի պատասխանի ըզդոյն ասէ . « զոր Ըստուած սրբեաց , » : Ըստուածային էր տեսիլն և ոչ մարդկային . արդ եթէ Ըստուած սրբեաց և դու քաղցեալ ես կերակրոյ , քաղցեալ է և Ըստուած մասին արդարութեան :

Ըրդ ով է սուրբ ըստ քոյոց կամացդ . թերեւս ասիցես՝ որդիք օրինացն : Երբ ոչ միայն սուրբ չես , այլ և յոյժ պղծեցան : Ես գիտեմ , դու ՚ի հէթանոսաց գարշիս , և ոչ կամիս մերձենալ առ նոսա . քանզի անթիփատք են մարմնով և ոչ սրտիւ : Օ այդ և ես ոչ մեղադրեմ . այլ արի և երթ ՚ի տուն հէթանոսաց , և մի ուսուցաներ թիփատել , այլ մկրտել . և անդ տեսաւ նես դու մեծամեծ յայտնութիւն հոգւոյն սրբոյ : Օ ինչ մեծ քան զերեւումն հրեշտակի առ մարդ , որպէս առ Կուռնելիոսն եղեւ . ոչ միայն տեսաւ նմա , այլ և յոյժ գովութիւն եւս ետ . « Ըջօթք քո , ասէ , լսելի եղեն , և ողորմութիւնք քո ելին առաջի Ըստուծոյ , » : Իսկ արդ զինչ եւս պիտոյ է առնս այսմիկ . աղօթիք սուրբ էր , տուրս տալով բարեգործ , ինքն հաւատացեալ , և ընտանիս ունի ըստ կամաց արդարութեան , և յիշխանութեան մեծի՝ կարէ և այլոց առաջնորդ լինել ՚ի բարեգործութիւն :

Եւ արդ տես զգորութիւնն Քրիստոսի , զի և մի



բան ոչ ստեաց 'ի բանից Տեառն զոր ասաց . “ Օ ի Յովհաննէս մկրտեաց 'ի ջուր , այլ դուք մկրտիցիք 'ի Տոգին սուրբ , , : Եւրդ ինքն Տոգին սուրբ եկեալ առ Կռուներ լիս , և ոչ իշխէր ձեռնադրել զայրն 'ի մկրտութիւն . եկն Պետրոս , և ընդ մտանէն նորա յապարանսն հարիւրապետին՝ լցան ամենեքեան Տոգուով սրբով որք 'ի տանն էին , և լեզուս մեծամեծս խօսէին : Եւ զայն գիտացեալ Պետրոսի՝ վազվազակի զամենեսեան մկրտեաց :

Եւ զինչ պիտոյ էր զցեարն Տոգուով մկրտել 'ի ջուր , ասացից քեզ . զի ոչ միայն զմարդիկն՝ որք ընկալան զՏոգին՝ արժան էր մկրտել , այլ և զՏոգին սուրբ . որպէս և եղև իսկ : Քանզի որք ընկալան զՏոգին սուրբ և ձեռնադրեցան 'ի Պետրոսէ 'ի մկրտութիւն աւագանին , ապաքէն և Տոգին ընդ նոսա մկրտեցաւ : Եւ թէ և ոչ Տոգին սուրբ մկրտիցի ընդ մկրտեալն , ոչ մկրտութիւնն կատարեալ ասի , այլ լուացումն ջրոյ . որպէս և ոմանք մկրտեալ ջրով առանց ընդունելութեան Տոգւոյն սրբոյ , անդրէն արժանի արարին Եւաքեալքն վերջատին մկրտութեան , զի ընկացին զսուրբ Տոգին : Քանզի և սկիզբն մկրտութեանն՝ Եստուծոյ եղև և ոչ մարդոյ . Եստուած 'ի մարդոյ ընկալաւ մկրտութիւն : Քանզի յասէն Տեառն ց՝ Յովհաննէս , “ Թող տուր այժմ , ասէ , կատարեսցուք զարդարութիւնս ամենայն , , : Եւ կատարումն արդարութեան՝ ճշմարտապէս Խնաւչէլ զսուրբ Երրորդութիւնն . և գիտութիւնս այս յայտնեցաւ մեզ 'ի մկրտութեանն Որդւոյ : Տայր վկայեաց ձայնիւ , և Տոգին սուրբ երեւեցաւ յայտնութեամբ , և Որդի մկրտեցաւ ճշմարտութեամբ , և արդարութիւնն կատարեցաւ առանց պակասութեան : Երջնպէս և 'ի տանս Կռուներ լիսի Տայր յայտնեցաւ 'ի ձեռն Տրեշտակի , Տոգին սուրբ լցոյց զամենեսեան , Պետրոս մկրտեաց յանուն Յիսուսի Քրիստոսի զեղորեսին : Օ որ և յառաջադոյն ասաց Տէր . Եման է արքայութիւնն երկնից ուռկանի արկելոյ 'ի ծով , և ածէ ժողովէ յամենայն ազգաց , յորոց զպիտանացունս բառնան , և զանպիտանսն 'ի բաց ընկենուն : Եւ մարդկան ուռկանս այդպէս է , իսկ առ երկնաւորն ոչ այսպէս . չիք անդ անպիտան և խոտան . այլ ընտիրք ամենեքեան , և խոտան ոչ գոյ 'ի նոսա . նաև մեծամեծք , բայց եթէ կանաւ որ

ինքնին լինի անարգ և վատթար, և երանիցէ ընդ հռ-  
գեւոր ուսկանն արտաքս, լինի նա ոչ միայն 'ի բաց ըն-  
կեցեալ, այլ և կոխեալ քարչի յայնցանէ՝ որ քան զինքն  
եւս վատթարացոյց են:

Արդ սկիզբն մկրտութեան Արդւոյ 'ի Հորդանանն  
գետ անուա, և պատի սնդէն 'ի հրէաստանի, աճէ և  
գայ հասանէ 'ի մեծ ծովեզն, և 'ի սկզբանէ 'ի սկզբան  
միւսանգամ սկիզբն լինի 'ի տան հարիւրապետին, և  
սիրեալ տարածանի ընդ ամենայն ազգս հեթանոսաց:  
'Բանցի իբրեւ ետես Պետրոս՝ թէ և 'ի հեթանոսս  
առան չնորհք սուրբ Հոգւոյն, ինքն իսկ եւ Արուսա-  
ղէմ, և եղոյց Հակոբայ. զի թէպէտ և խզէին 'ի  
նմանէ որք 'ի թլփատութենէ անտի հաւատացեալք,  
իսկ իբրեւ լուան 'ի Պետրոսէ հաստատուն վկայութիւն  
վան զօրութեան սուրբ Հոգւոյն՝ եթէ յայտնազոյն  
եւս երեւեցաւ 'ի մէջ հեթանոսաց որպէս 'ի միջի մե-  
րում, ոչ ինչ այնուհետեւ խզէին 'ի Պետրոսէ. այլ  
փութացան ամենեքեան ճեպել յիւրաքանչիւր կողմանս  
լստ առաջնորդութեան սուրբ Հոգւոյն. ինքն Պետ-  
րոս 'ի մեծն Հռոմ. Սարկոս յՂեքսանդրիա. Թով-  
մաս յաշխարհն հնգկաց, որպէս և Թադէոս յարեւելք  
պատահէ, և Փիլիպոս ներքինւոյն 'ի վերայ կառացն  
ուսուցանէ և մկրտէ, և առաքէ զնա զօրութեամբ սուրբ  
Հոգւոյն 'ի յԵթովպիա. գտանի և Հովհաննէս 'ի  
յԱսիա, որպէս և Բնգրէաս 'ի կողմանս հիւսիսոյ: Եւ  
ճեպէին ամենեքեան՝ ունանք 'ի կղզիս հեռաւորս, և  
այլք 'ի խորշս և 'ի գոգս ցամաքի ձգեալ սփռեցան յա-  
մենայն կողմանո երկրի: Իսկ Պաւղոս սկիզբն անու  
մկրտել 'ի Ղաանսկոս, և անդադար ընթացիւք հասա-  
նէ յԱրուսաղէմէ մինչեւ 'ի Եւրիկան:

Եւ այս են գործք մեծամեծք և տեսիլ սքանչելի.  
զի ոչ եթէ յանկեան ուրեք քարոզէին, և ոչ 'ի ծած-  
կոյթ պատմէին զանուն Հիսուսի Քրիստոսի. այլ յայտ  
յանգիմանն բարձր բարբառով 'ի քաղաքս մեծամեծս՝  
ուր իշխանքն նստէին. և 'ի բուն իսկ մեծն Հռոմ՝ ուր  
անգ թագաւորութիւն էր. և յԵթէնս՝ ուր ճարտա-  
րապետք փիլիսոփայիցն էին և օրէնարդիք աշխարհաց.  
և յԵթէոսս՝ ուր երեւելի մեհեանքն էին և յայտնա-

դոյն պաշտամունք հեթանոսական օրինաց . և 'ի խուժադուժ կղզիս՝ որք ոչ ինչ պակաս էին բարուք 'ի բնութեանն 'ի վայրենի գազանաց . և յերկիրն եգիպտացոց՝ որք առաւել զանգեալք էին կախարհութեամբն , և դէւք թանձրացեալք խառն ընդ մարդկան շրջէին , և օրէնք պարսկականք՝ անխտիր տալով զանձինս յանառակ պոռնկութիւն : Եւ և ո՞ իսկ կարէ ասել զամենայն չարիս որ գործէին 'ի մէջ հեթանոսաց . զի ոչ միայն զանատուն կենդանիս զօհէին դիւաց , այլ և զուտերս և զզատերս իւրեանց զօհելով և նուիրելով 'ի սպանումն և 'ի յայրումն ածէին , և անխտիր էին յամենայն չարիս . մինչեւ ոմանք 'ի խուժադուժ կղզիսն օրէնս սովորութեան ընկալան առանց խղճելոյ և պատկառելոյ զենուլ և ուտել զընկերակիցս իւրեանց , ոչ միայն յօտարայն հասելոց առ նոսա , այլ և անդէն իսկ յազգէն տոհմայնոց իւրեանց . որպէս յայտնադոյն ցուցանէ մեզ պատմութիւնն ('նդրեայ՝ որ ապրեցաւ 'ի ձեռն Ս'ատթէոսի աւետարանչի :

Եւ արդ զի մի մի ասացից . այլ որպէս յառաջագոյն ասացաք ըստ ամբաստանութեան մարգարէին՝ եղևն մարդիկ իբրեւ զգազանս վայրենի և իբրեւ զսողունս 'ի ցամաքի և իբրեւ զձկունս ծովու . սատակեցին զիրեարս և սատակեցան 'ի միմեանց : Իսկ 'ի գալստեան տեառն մերոյ Յիսուսի Քրիստոսի՝ 'ի ձեռն երկոտասան Ղաքեղցն՝ զոր յառաջագոյն ընտրեաց , փրկեալ ապրեցոյց զամենայն ազգս մարդկան : Եւ քարոզութիւնն էր սակաւ բանիւք , իսկ գործք մեծամեծք և առաւել զօրաւորք . քանզի ոչ էթէ բազում բանիւք յանդիմանէին զհեթանոսս , և ըստ մասանց բազմամթեր մեղացն պատմէին նոցա զյանդիմանութիւնսն , այլ այսչափ ինչ . « Ի բաց լինել ձեզ 'ի պոռնկութենէ և յարենէ զօհից և 'ի շնչհեղձուցիկ ուտելոյ » . և զայս պահելով՝ ընդունել զմկրտութիւն յանուն տեառն մերոյ Յիսուսի Քրիստոսի , և նովաւ ճանաչել զուրբ հոգին և զհայրն ամենեցուն : Եւ զայս սակաւաբանութիւն բաւական համարեցան Ղաքեալքն առ ամենայն լուսն արդարութեան : Օ ի թէպէտ և մոլեալք կատարէին հեթանոսք 'ի մոլորութիւն դիւայն և յանարժան պոռնկութիւն , սակայն օրէնս ունէին քաղաքավարութեան , որ

կարճէր 'ի գողանալոյ և յափշտակելոյ և յանխտիր սպա-  
նանելոյ . զեզեալ օրէնս բաւական համարեցան մարդ-  
կան առ իշխանութիւն մարմնոց :

Իսկ վասն յորդորման հոգւոյն զորմէ ոչ փոյթ ա-  
րարին իշխանքն և թաղաւորքն, երիւք այսու կանո-  
նեալ բանիւքս՝ մեծաւ զօրութեամբ յամենայն մա-  
սունս արդարութեան նշանայն և արուեստիցն՝ զոր Մը-  
տուած 'ի ձեռս Մըաքելոցն կատարէր, ահ և երկիւղ  
անկանէր 'ի վերայ ամենայն կռապաշտիցն : Քանզի  
դեւք հալածեցան, զոհք խափանեցան, ծուխք ձենձե-  
րացն դադարեցին, երգք լիտութեանց լռեցին, մոլորու-  
թիւն կախարդութեանն հատաւ, պոռնկութիւն ամա-  
չեաց, անուսնութիւն զգաստացաւ, սրբութիւն բացաւ :

Եւ այս ամենայն լինէր 'ի ծագել իմանալի արեգա-  
կանն 'ի մէջ հեթանոսաց : Յորժամ փարատեալ մեր-  
կացաւ 'ի նոցանէ զխաւարն մոլորութեան, ապա կարա-  
ցին տեսանել զլոյս շնորհի հոգւոյն սրբոյ, ընդ որում  
կայր հակառակ անդրանիկն սատանայի Սիւնն, որ պատ-  
րեալ մոլորեցոյց զբիւրս բազումն, և զինքն անուանէր  
զօրութիւն երկնաւոր 'ի փրկութիւն եկեալ ազգի մարդ-  
կան : Եւ հասեալ Պետրոսի զօրութեամբ սուրբ հո-  
գւոյն, ոչ միայն զնա յանդիմանեալ կշտամբեաց, այլ  
և բազմութիւն մարդկան հանեալ 'ի նմանէ՝ և հաս-  
տատեաց զնոսա 'ի ճշմարտութիւն քարոզութեան ա-  
ւետարանին : Իսկ նորա 'ի ցամաքէս հալածական եղեալ  
ճովամուխ լինէր, անցանէր անցանելով 'ի հռովմէ . և  
Պետրոս զհետ լինելով ոչ ինչ փութացեալ ձեպէր,  
այլ շրջէր ընդ քաղաքս փիւնիկեցոց, առնէր նշանս և  
արուեստս յանուն Յիսուսի Քրիստոսի, և հաստա-  
տէր ժողովուրդս բազումն . և ինքն անցեալ զհետ կա-  
խարդին և հասեալ 'ի հռովմ, ոչ եւս հալածէր զնա  
'ի քաղաքէն, այլ բանիւք յանդիմանէր և նշանօք հաս-  
տատէր զքաղաքն : Եւ Սիւնն 'ի դիւաց յափշտակեալ,  
և սակաւ մի գեր 'ի վերոյ քաղաքին զինքն վերացու-  
ցեալ, և անդէն առաջի ամենեցուն խորտակեցաւ ան-  
կեալ 'ի վայր . որք ոչ միայն ահանատեք եղեալ, այլ  
և ձեգօք իւրեանց քարշեցին և արտաքս քան զքաղաքն  
ընկեցին : Եւ զայս տեսեալքն ճշմարտեցին վասն քա-  
րոզութեան ավետարանին՝ բազմութիւն արանց և կա-

նանց, որք մկրտեցան 'ի Պետրոսէ, և եղեն ժողովուրդք բազումք, մինչեւ 'ի տուն թագաւորին աղղեցաւ, և հաւատացին, և հաստատութեամբ զաւետարանն ընկալան, և մարտիրոսութեան շնորհաց արժանի եղեալք կատարեցան :

Որպէս և ինքն իսկ Պետրոս զլուխ աշակերտացն 'ի նմին քաղաքի ընկալաւ զվճիռ մահու ըստ նմանութեան խաչին Վրիստոսի, և եղ վէմ հաստատութեան 'ի հիմն եկեղեցւոյ, և կատարեաց զբանն Տեառն որ ասէ . “Պու ես վէմ, և 'ի վերայ այդք վիմի շինեցից զեկեղեցի իմ”, արգարեւ իսկ վէմ է ճշմարիտ դաւանութիւն հաւատոցն : Որպէս Պետրոս 'ի վերայ Վրիստոսի շինեաց զանձն իւր վկայութեամբ մահու, նոյնպէս և եկեղեցի շինեցաւ 'ի վերայ Պետրոսի հաւատոցն՝ ոչ միայն 'ի հռովմ, այլ և ընդ ամենայն քաղաքս և 'ի գեօղս մեծամեծս մինչեւ ցփոքունս . նոյն հաւատք և նոյն հիմն և նոյն հաստատութիւն : Վան զի մի է տէր և մի մկրտութիւն, որով ընկալաք զթողութիւն մեղաց և զկենդանութիւն ոգւոց յանուն տեառն Յիսուսի Վրիստոսի :

Եւ որպէս Պետրոս 'ի հռովմ հաստատեաց զեկեղեցին, նոյնպէս և այլ Լուսաբեալքն ըստ իւրաքանչիւր վիճակեցելումն աշխարհաց, ուր հրամայեցաւ նոցա լի առնել զաւետարանն Վրիստոսի : Եւ նոցա Լստուած շնորհս 'ի հոգւոյն սրբոյ, և կատարեաց 'ի ձեռս նոցա նշանս և արուեստս մեծամեծս . որք զախտս մարմնոց բժշկէին, և զհիւանդութիւնս ոգւոցն զօրացուցանէին, մինչեւ զմեռեալս անգամ յարուցին, և առաւել քան զբնութիւն մարդկան պայծառագոյնք երեւեցան 'ի մէջ հեթանոսաց . որոց առեալ ցուլս և պսակս՝ իբրեւ աստուծոյ զոհս մատուցանէին : Եւ այնչափ մեծացան երկնաւոր յայանութեամբքն և իմաստնացան 'ի հոգւոյն սրբոյ, մինչեւ զճարտարապետ փիլիսոփայիցն ածէին 'ի հաւանութիւն, և հաստատէին 'ի հաւատս ճշմարիտս, և գործակից աւետարանին զնա կացուցանէին :

Եւ այս էր տեսիլ նոր և սքանչելի . զալիլեացիքն հռոմայեցիք եղեն . և որ քան զամենեսեան տկարագոյնքն էին, զօրութեամբ մարտնչէին՝ ոչ միայն ընդ իշխանս, ընդ քաղաքապետս, այլ ընդ ինքնակալսն և ընդ

զօրս նոցա . և որ անբանքն սնեալ էին 'ի ծովակին Վեննեսարեթայ, ընդ աթենացիսն վիճէին պայքարաւ . և ոչ միայն յաղթէին և լուեցուցանէին, այլ և կորզէին հանէին 'ի բնական գիտութենէն, ուսուցանելով և հաստատելով գնոսա 'ի շնորհս հոգւոյն սրբոյ :

Եւ ո՞ իսկ կարէ պատմել զմեծութիւնս նոցա . ինքեանք անտունք և անքաղաք յերկրի, և այլոց տունս և քաղաքս խոստանային յերկինս . ինքեանք ազքատք, և զայլոց մեծութիւնս յաւարի առնուին . հալածեալք 'ի մարդկանէ, և զդէս հալածական առնէին յաշխարհէ . մարմինք իւրեանց գանալիցք, և զայլոց վէրս ողջացուցանէին յանբժշկելի հարուածոց . հացիւ քաղցեալք, և զկերակուր հոգեւոր ջամբէին բազմաց . ջրով ծարաւիք, և բաժակ մխիթարութեան մատուցանէին ամենեցուն : Ինքեանք բանդարգեալք, և զայլոց խզէին զկապանս մեղաց . դատապարտեալք, և զդատապարտս լուծանէին . մահապարտք, և մահոյից թողութիւնս առնէին : Երեւէին յերկրի, և չրջէին յերկինս . կրուուէին ընդ մարդկան, և յաղթէին դիւաց . ձողկս յիւրեանց մարմինս ընդունէին, և տանջեալ լինէին դունդք դիւաց :

Ոչ կարեմ յերկրի նմանութիւն գտանել երկոտասան առաքելոցն . զի քան զդաշտս ծաղկալիցս պայծառագոյնք են, և քան զլերինս մեծամեծս բարձրագոյնք : Աեծ են քան զմեծութիւն ծովու, և խորք են քան զանդունդս նորին . յերկրէս հրաժարեցին, և քան զերկինս գերագոյն գտան : Իսկ արդ ո՞ւմ նմանեցուցից կամ զո՞վ ածից տարացոյց : Եթէ զամպս սսեմ, ոչ ինչ են համեմատ . ամպք 'ի ծովէ ջուր առնուն և ցանեն զերկրաւս . իսկ սոքա զհոգին սուրբ ընդ ինքեանս ունին՝ ոչ տեղալով և ցանելով, այլ միանգամայն մտեն և թաղեն 'ի ջուրս աւազանին, և առնեն բոյսս երկնաւորս, տունկ կենդանի առանց անցանելոյ : Եւ եթէ զլուսին ասացից, լուսին ընու և պակասի . իսկ Մռաքեալքն ընուն և լցուցանեն առանց պակասութեան, և ինքեանք միանառանց անցանելոյ : Եւ եթէ զաստեղս ասացից, ոչ մի փառս ունին, և ոչ միով պայծառութեամբ երեւին . այլ ոմն յովով և ոմն սակաւ, ոմն արուսեակ և ոմն գիւշերալար . իսկ Մռաքեալքն ամենեքեան արուսեակք :

ամենեքեան պայծառացեալք, ամենեքեան զուարթունք զոյգք և հաւասարք, միաբանք և անհակառակք : Տինաս օն անդր, զինչ նմանութիւն աստեղացն և Ղաքելոյն : Ղատեղք ոմն 'ի վեր, ոմն 'ի վայր, ոմն 'ի միջի . Ղաքեալքն ամենեքեան վերաբերք և բարձրացեալք : Ղատեղք գիշերի եւեթ երեւին, և 'ի տուընջեան ընկզմին և ծածկին 'ի լուսոյ արեգական . իսկ Ղաքեալքն 'ի տուէ և 'ի գիշերի փայլեն, 'ի տուընջեան լոյս են ոգւոյ, և 'ի գիշերի զգաստութիւն ոգւոյ և մարմնոյ :

Ղաքեալք քան զարեգակն պայծառագոյնք են զօրութեամբ հոգւոյն սրբոյ : Ղրեգակն իշխանութիւն ունի աւուր տուընջեան . Ղաքեալք իշխանութիւն ունին տուընջեան և գիշերոյ : Ղրեգակն 'ի տեսաւորութիւն երկրի և 'ի գործառնութիւն մարմնաւոր պիտոյից . Ղաքեալքն 'ի տեսաւորութիւն երկնի և երկրի, և 'ի խոհականութիւն ոգւոյ և մարմնոյ : Ղրեգակն յեղյեղու և փոփոխի . իսկ Ղաքեալք առանց յեղյեղման և փոփոխման, առանց շարժելոյ : Ղրեգակն ժամանակաւ ծաղէ և մտանէ . Ղաքեալք զժամանակ ծագման լուսոյն քարոզեցին աշխարհի : Ղրեգակն ոչ երբեք ծնանի այլ արեգակն . իսկ ծնունդք Ղաքելոյ զգործս հարց իւրեանց կատարէին : Նոնոնդք արեգական ճառագայթք լուսոյ իւրոյ են, և մի կոյր ոչ երբեք կարացին լուսաւորել . ծնունդք Ղաքելոյն բազում անգամ 'ի սուրբ եկեղեցւոջ զկոյրս լուսաւորեցին, զկաղս բժրկեցին, զախտս հալածեցին, զմեռեալս յարուցին : Ղոյս արեգական զմարմնովք պարի, և զերեւելիսս ցուցանէ, և առաջնորդէ 'ի ճանապարհս ուղէգնացից . լոյս քարոզութեան Ղաքելոյն և զմարմնովքն պարի, և զաչս հոգւոյն բանայ, և առաջնորդէ 'ի քաղաքն երկնաւոր : Ի լոյս արեգական մարդիկ և անասունք շրջին 'ի տուընջեան, և 'ի գիշերի հանգչին յաշխատութենէ . 'ի լոյս հաւատոյ Ղաքելոյն երկնաւորք և երկրաւորք հրաւրեցան 'ի նորոգումն կենաց, որ առանց անցանելոյ և պակասութեան է :

Ղյս են Ղաքեալքն որ մեծացան և վերաբերեցան և գեր 'ի վերոյ եղեն քան զերկինս և հասին առ հայրն բոլորեցունց, և յորդորեցին զաշխարհս ամենայն 'ի քարոզութիւն աւետարանին ճմարտութեան, զի ամենե-

քեան հասցեն 'ի նոյն քաղաքն վերին, ուր երկուսս սանքն ընդունելոց են զանարատում պատկն արքայութե :

Իբրպէս ինքն տէր մեր (Ստուս Վերիտոս երիցս անգամ հարց ցգլուխ աշակերտացն ասելով : « Ը մաւռն յողմանեանց, սիրէս զիս », : Եւ նա ձգմարտութեամբ ետ վկայութիւն. եթէ նա միայն է կատարեալ սիրոյ արժանի, վասն զի արարիչ է. եկն զիւր արարածս նորոգել՝ ոչ 'ի ձեռն հրեշտակի, և ոչ 'ի ձեռն մարգարէի, և ոչ 'ի ձեռն այլոց իրիք պատճառանաց յերեւելեացս, այլ 'ի ձեռն իւրոյ ստեղծուածոցն : Օ ի որպէս առ սէր իւր արար զմարգն, նոյնպէս և վասն սիրոյ եկն 'ի խնդիր կորուսելոցն. վասն սիրոյ իւրոյ եգիտ զկորուսեալ ոչխարն. վասն սիրոյ իւրոյ եբարձ 'ի վերայ ուսոց իւրոց. վասն սիրոյ իւրոյ գգուեաց և եղ 'ի վերայ բազկաց իւրոց. վասն սիրոյ իւրոյ եբեր և խառնեաց 'ի հօան բանաւոր, որ արածին յարօտս հոգեւորս, և հանգչին 'ի մակազատեղս անմահութեան : Վասն սիրոյ Վերտոս ետ պատասխանի և ասէ . Տէր, դու զամենայն ինչ գիտես, և զամենայն ինչ ճանաչես. եթէ սիրէ որ զքեզ՝ դու քաջ գիտես : Վիտեմ զի վասն փորձելոյ հարցանես. եթէ բազում անգամ հարցցես, զգոյն լուիցես յինէն : Ի դու իբրեւ զ'ստուած և զօրդի բարերարի՝ առանց չափոյ սիրեցեր զաշխարհ, և զանձն քո եղիր 'ի վերայ. ես իբրեւ զմարդ՝ ըստ իմում տկարութեան սիրեմ ըզքեզ. տալ ինչ ոչ կարեմ, զի աղքատ եմ. և եթէ տաց, 'ի քու միջ անտի առից և տաց քեզ :

Իայց տայր որ զպատճառսն գիտել, եթէ ին իցես դու կարօտ, և զինչ կամիցիս ինդրել, և եթէ զինչ կայցէ իմ զոր տաց քեզ : Բանզի յառաջն ոչ երբեք զպայտիսի բանս հարցեր զիս : Ըրդ եթէ նոր է հարցուածս, ես գիտեմ զի նոր իմն հրաման տաս ինձ. առա, տէր իմ, համարձակ. գիտեմ ոչ զայն ինչ հրամայես դու ինձ, զոր ոչ կարեմ առնել. և ոչ զայն ինչ ինդրես յինէն, որ չիք իմ տալ քեզ :

Իբրեւ ետես Տէր եթէ սրտիւ ամենայնիւ սիրէ և ամենայն կամօք կամի և ամենայն զօրութեամբ համարձակի, քանզի զամենայն զինքն ետ ցնա, յանձն արար նմա զակիզքն և զմիջոցն և զկատարածն, զողայրութիւն, զերիտասարդութիւն և զձերուութիւն : Եւ յայս



երևոյ Տատածս է տեսանելի աշխարհս, և իմանի կատարեալ արարչութիւն. բայց լաւագոյն առաջինն է, և կրտսերագոյն միջինն: Եւ քանզի յասեւն Տեառն ց՝ Պետրոս « Լ'արձեա դու զգառինս իմ », զանմեզսն յանձն առնէ. և երկրորդ զոչխարսն ասելով՝ անորիչ ասաց, այլ ոչ պարզագոյն իբրեւ զգառինս. քանզի գառինքն օղեաց են ծնունդք, և օղիքն խոհականութեան իմն տեսակ երեւին աջակողմանն: Իսկ ոչխարսն ասելով՝ է սովորութիւն մարդկան, օղոյն՝ զնոյն և այծոյն, այլ ոչ պարզագոյն և խառնուածն. քանզի որոշեցաւ սեաւն և սպիտակն, և հատածք բնութեանն ոչ խառնեցան ՚ի միմեանս: Եւ որպէս լաւագոյնս յաջակողմանն երեւեցաւ, նոյնպէս և վատթարագոյնն ձախակողմն ընտրեաց կամօք և ոչ բնութեամբ:

Եւ ընդէր այս այսպէս լինիցին: Աշմարիտ է ինձ ասացեալն յանսուտ բնական բանիցն: Եւ այն արուաց բերէ զմանսնութիւն օղային շնմանն, և նա է Աշմարիտ տեսակ երկնաւորացն. իսկ քօշն այծեաց՝ նմանեալ ջրային մասինն՝ մարմնաձեւ թանձրութիւն, որ ունի զախտս ապականութեան, և բաժանեալ որոշի ՚ի բանաւոր բնութենէ, ուր տեսանի յաջակողմանն: Եւ արձեալ ասելով Տեառն՝ արձեա դու զխաշինս իմ, այս եւս խտագոյն բազմութիւն և յայանագոյն բաժանումն. խաշն ասեմք միանգամայն անասուն պաճարիդ. և միով բառիդ զամենեսեան ՚ի ներքս արգելեալ փակեցաք զանմեղս և զմեղանչականս, զսուրբս և զանսուրբս, զպիտանացուս և զանպիտանս. և որ միանգամ մարդընդէր են և հնազանդեալք ընդ իշխանութեամբ մարդոյն, ամենեցուն խաշինք ասեմք. քանզի և կարօտ իսկ են առաջնորդութեան հովուի: Եւ որք քանզի մի է հօտ և մի է հովիւ, և մի արօտք են և մի մակաղատեղ հանգստեան ամենեցուն, անդ են գառինք և ոչխարք և ամենայն բազմութիւնն, զոր խաշինս ասաց. մանաւանդ նոքին իսկ Եւրաքեալքն, զորս յանձն արար Պետրոսի, և որք գործակից եղեն նոյնն քարոզութեանն, ամենեքին սոքա գառինք սուրբք են և աստուածայինք:

Իսկ որք պատճառանօք աշակերտեցան յաւետարանն, և նորաձեւ ճանապարհս ցուցին բազմաց, ընդդէմք եղեն Աշմարտութեանն: Եւ քանզի ունիին զանունն

Վրիստոսի, և զկերպարանս ձեւոյ Ղաքեւրոցն յան ձինս ցուցանէին, և գործովք չարութեան նմանեալ էին սատանայի, նորա են այժիք որ կան 'ի ձախոյ կողմանն հօրն իւրեանց սատանայի. զոր ընտրեցին կամօք իւրեանց, ընդ նմին երթիցեն 'ի հանդերձեալ տեղին իւրեանց: Իսկ զոր խաշինս ասաց, այնոքիկ են՝ որք ընդդէմ կացին ճշմարտութեանն. և ոչ միայն արգել և խափան եղեն աւետարանին, այլ և ձեռն արկին 'ի սուրբ Ղաքեալն և 'ի նոցուն աշակերտսն՝ բազում անգամ հարկանելով և չարչարելով, և սրոյ մահուամբ վախ ճանեցին զբազումս 'ի նոցանէ, որպէս և Վերոն և այլ բազում ընկերք իւր. մինչեւ յայսօր ժամանակի այն գործ գործեցեալ է և գործի:

Ղրդ արածեա դու, ասէ, զանմեզս և զմեղաւորս և զայնոսիկ որ զմահ 'ի վերայ ձեր ածիցեն. արածեա, ասէ, դու, մի զանգիտեր, որպէս ինքնին հասարակ ամենեցուն չարեաց և բարեացն եկի 'ի փրկութիւն և 'ի կենդանութիւն նորոգման, զի իցեն մի հօտ ընդ միոյ ձեռամբ հովուին միոյ. նորուն ձայնի լուիցեն, զնորայն զհետ ընթացեն, զնոյն կեանս ընկալցին. զի իցեն ամենեքեան դառինք անմեղք, և ոչ զրթցողք և հարկաւ նողք և բեկանողք: Ղպա թէ իցէ որ և ելցէ ըստ ցուպ հովուութեանդ քո, և ընդգիմասցի ճշմարտութեան աւետարանիդ, սակայն դու մի զանգիտեր, այլ քաջալերեաց և զօրացիր, մինչեւ ցմահ անգամ պատերազմեա, որով և փառաւոր իսկ առնիցես զիս:

Իայց թերեւս փափագիցեմք ամենեքին լսել թէ ուր հրամայիցէ Տէր արածել զխաշինան, և կամ զինչ արօտքն իցեն, կամ որպիսի ջուրքն իցեն, և կամ զինչ տեղի հանգստեան: Ղրդարեւ ինձ և ամենեցուն որք սիրեն լսել արտօթելի է: Ղանդի հովուութեան է թագնութիւն վարուց և հաւատոցն Պետրոսի. իսկ խաշինք՝ ամենայն ազգ հեթանոսաց. և տեղիք արօտից՝ սուրբ և առաքելական եկեղեցի. ձարակք՝ օրէնք և մարգարէք և Ղաքեալք. իսկ ջուրքն՝ անանց աւետիքն աւետարանին. և ուր հանգչինն անհոգութեամբ առանց երկիւղի՝ 'ի վերինն Ղրուսաղէմ, որ է մայր մեր ամենեցուն: Ղանդի ոչ գոն անդ այժիք ձախոյ կողմանն, և ոչ քօջք հարկանողք, և ոչ խոյք խեթկողք, և ոչ

ցուլք սպանողք. նա և ոչ բնաւ իսկ ամենեւին 'ի վնասակարաց, այլ ամենեքին միամիտք, անսեղք, սուրբք, պարզք, յստակք. ոչ միայն գունով սպիտակագգեստք, այլ և ոգւովք, և ճառագայթածեւք՝ նմանեալք երկնաւոր հրեշտակական գնդին. զի ընդ նոսին ունիցին յանգուն միաբանութեան ձայնից և ձեւոց և գունոց. ընդ նոսին դարձեալ խրախակիցք և պսակակիցք՝ հպեալք և մերձեցեալք առ նահատակակիցն Վրիստոս: Որում լուան, որում աշակերտեցան, որում հնազանդեցանն, որում ըստ կամաց նորա զամենայն պատուիրեալն գործեցին և կատարեցին, և չարչարակիցք եղէն նորա մահուանն, ընդ նմին և ընկալցին զանանց ուրախութիւնն, ընդ նմին և տեսցեն զհայրն բողոքեցուն զօրութեամբ հօգւոյն սրբոյ՝ յորոյ ձեռնն կատարեցին վնահատակութիւնն երկնաւորս. ընդ նմին եկեացեն յերկրորդ պալատան նորա դատել զիեւդանիս և զմեռեալք, և հատուցանել իւրաքանչիւր ըստ գործոց իւրեանց՝ բաժանեալ 'ի կողմանց երկոցունց զիւրաքանչիւրսն, զոր և աստէն ընտրեցին, ոմանք յանողորմ տանջանն, և ոմանք յանպատում 'ի կեանս յաւիտենականս:

Ըրդ որդիք և եղբարք, հարք և տեարք, ամենեքեան մեծք, ծնունդք մկրտութեան սուրբ եկեղեցւոյ, ընթերցողք օրինաց և մարդարեից, աշակերտեալք աւետեաց աւետարանին, հաստատեալք 'ի հաւատս Մաքելոցն, շինեալք 'ի վերայ վիմին հաստատութեան, ակնկալեալք երկնաւոր յուսոյն 'ի գալստեան տեան մերոյ Յիսուսի Վրիստոսի, և նորա ընդ առաջ ելանել մեզ ամենեցուն, զի իցեմք առանց ամօթոյ և պատկասանաց, և ճանաչել վնա 'ի նորուն չարչարանացն նըշանօք բեւեռացն, և 'ի բանից նշանագիր աւետարանին: Կաւ 'ի գործոց մերոց դարձեալ ճանաչիցիմք նմա. զի իցեն գնացք մեր ըստ սուրբ քարոզութեան Մաքելոց, թէ կատարեալ իցէ մարգն Մտուծոյ ամենայն ճշմարտութեամբ. զի լուիցեմք զձայն բարերարին, որ ասէ ցամենայն պատուիրանապահսն. « Եկայք օրհնեալք հօր իմոյ, ժառանգեցեք զպատրաստեալ ձեզ արքայութիւնն 'ի սկզբանէ աշխարհի, »: Ընդ որում հօր և հօգւոյն սրբոյ փառք և պատիւ այժմ և միշտ և յաւիտենան յաւիտենից. ամէն:

## ՎԱՍՆ ԴԱՏԱՍՏԱՆԻՆ

### ԵՒ ՄԻՒՍԱՆԳԱՄ ԳԱԼՍԵԱՆՆ

Լ՛Տեղ և զարմանալի է զաղուստն Վրիստոսի, և ահա որ դատաստանն՝ յորժամ երկինք և երկիր դղըր գեալ շարժին, և հրեշտակք Մտուծոյ այս անդր ընթանայցեն. ձայն ահա որ փողոյն Մտուծոյ, որ ժողովէ զազգս և զազինս յատեան դատաստանին. համարք սաստիկ անդ լինին, և բովանդակ ՚ի դուրս պահանջէ ՚ի նմանէ զժեր ամենեցուն հոգիս, զշունչ և զմարմին: Երարողն և Մտուած ոչ մտանայ ամենեւին զոսկերս վախճանելոյն, ՚ի կատարեալ հասակէն մինչև յանցուցեալն յորովայնէ: Երկն սաստիկ հասանէ երկրի, և զշուշութեամբ զամենայն մարմինն ՚ի դուրս բերելով երկրի: Լ՛Տեղ և ահա որ է տեսանել զօրն զայն. եթէ երկրաւոր թաքաւորացս առաջի էր, սահայն մեծ էր և սաստիկ: Երբ տեսանեն արարածք ամենայն զՄտուած յերկնից յերկիր խճարհեալ, և շարժեալք զօրք լուսեղէնք և բազմութիւնք հրեշտակաց և հրեշտակապետաց. աթա դատաստանին դնի փառք դատել զամենայն արարածս, և կարգին առաջի ահա որ տեսնին Մաքեալք և մարգարէք, հայրապետք և մարտիրոսք և բազմութիւնք ընտրելոյ Մտուծոյ: Եւս դժնդակագոյն է զայն տեսանել. յայնչափ բազմութեան չիք ումեք փախուսա ՚ի հանգիսապետէն և ոչ ընդարձակութիւն երկրի թագստեան. ՚ի ծագէ ՚ի ծագ տեսանէ զամենայն հեռաւորս և զմեքձաւորս, և ըստ գործոց իւրաքանչիւր հատուցումն լինի: Երոց գործք դժնդակագոյնք են, դատապարտեալ լինին, և անողորմ դահիճք աւերն զմարդն որպէս թշնամի. հերաքարչ արարեալ ածեն առաջի գատարորին և տանջեն ՚ի հուր գեհենն. և դասք արդարոցն փայլեն որպէս լուսաւորք յարբայութեան երկնից:

Փողն երկնաւոր ՚ի բարձունս գոչէ առ ննջեցեալսն և ասէ. Երբ, սիրելիք Վրիստոսի, ահա եկն թագաւ

ւորն երկնաւոր և պարգեւէ ձեզ հանգիստ և ուրախութիւն և կեանս անմահականս փոխանակ աշխատութեան ձերոյ և ճգնութեան: Ըրիք և տեսէք զժապաւորն Վրիստոս՝ զփեսայն անմահ, որում ցանկացեալ էք. վասն զի նմա փափագելով՝ վասն նորա եղէք պանդուխտք՝ ի վերայ երկրի: Ըրիք տեսէք զնորասքանչ վայելչութիւն և զմեծ փառս: Ըրիք մտէք յարքայութիւն նորա զոր պատրաստեաց ձեզ: Ըրիք տեսէք ըզտենչալի զՏէրն զոր սիրեցէքն, յաղագս որոյ և վշտացայքն: Ըրիք տեսէք զնա բաղում համարձակութեամբ և ցնծացէք անդ նովաւ, և զանձառելի բարութիւն ձեր և զուրախութիւն ոչ որ բարձցէ ՚ի ձէնջ: Եկայք վայելեցէք զոր ակն ոչ ետես և ունին ոչ լուաւ և ՚ի սիրտ մարդոյ ոչ անկաւ զոր պատրաստեաց Լստուած սիրելեաց իւրոց, զոր շնորհեաց փափագողաց իւրոց:

Օ ուարձանանս արարածք ամենայն մեծաւ ուրախութեամբ, և փառաբանութիւն և երկրպագութիւն մատուցանեն թագաւորին Վրիստոսի. և ընդ ամպս լուսաւորս ՚ի վերայ օդոց թռուցեալ սուրբքն բազմութեամբ զորօք հրեշտակօք վերանան ընդ առաջ Վրիստոսի, և անպատմելի փառօք ցնծացեալ հրձուին ՚ի տեսանէն զանմահն Լստուած զերկնաւոր փեսայն, և մըտանեն ՚ի քաղաք սուրբ ՚ի վերին Երուսակէմ ժառանգել զանձառ բարինս զոր պատրաստեալ է Լստուած սիրողացն իւրոց: Յայնժամ ածեալ վինին և ապրտամբքն ՚ի հրեշտակացն հանդերձ ամենայն դիւական գնդիւն առաջի ահաւոր բեմբին և անկաշառ դատաւորին: Յայնժամ թագաւորն Վրիստոս հրամայէ տանջող հրեշտակացն արկանել զնոսա ՚ի հուրն անշէջ և ՚ի տանջանս մշտնջենաւորս. և միանգամայն զամենեսեան որ գործեալ են զանօրէնութիւն և ոչ են քաւեալ զըջմամբ և խոստովանութեամբ՝ մատնեն անգերծ խաւարին և անբուն որդանցն զոր պատրաստեալ է սատանայի և հրեշտակաց նորա: Յորմէ փրկեսցէ Վրիստոս Լստուած զամենայն հաւատացեալս անուան իւրում սրբոյ:

# ՎԱՍՆ ՅԻՇԱՏԱԿԱՑ ՄԵՌԵԼՈՑ

## Ի ԿԱՆՈՆԱՑ ԳՐՈՑ

Յայտնի են օրէնք և հաստատեալ են 'ի ձեռն օրի-  
նադրին Ս' ուխտի և այլոց մարդարէից . իսկ կանոնա-  
կանք 'ի ձեռս Ղ' աքբելոցն տուան , և ետուն իշխանու-  
թիւն վարդապետաց եկեղեցւոյ . զի անկաղբիւրն իցեն  
Ս' ուխէս և մարդարէքն , և Ղ' աքբեալքն տնկողք զմար-  
դիկ առողջ հասակովք հաւատոյ : Այ 'ի հողեղէնս եր-  
կիր՝ որ անկեալ կայ ընդ ապականութեամբ , այլ 'ի վեր  
հայերով տնկեն 'ի կենդանի դրախտն . ուր ոչ գոյ ծառ  
գիտութեան բարւոյ և չարի , այլ կենաց և անապահա-  
նութեան : Այւ ունի ցանկ անխրամ , ուր ոչ Այւ և ոչ  
օձն կարասցէ սողել մտանել , և ոչ տալ գլխտարնդ-  
դէմ խրասն , և ոչ մերկանալ զհայրենի փառսն , և ոչ  
ամայել և թաքել ընդ ծառովք : Այւ ոչ գոյ անդ ա-  
պահնել 'ի տերեւ թղենոյն , և ոչ ելանել 'ի դրախ-  
տէն և անկանել յերկիր նզովից : Այւ և ոչ պէտք են  
'ի դրախտիս յայս գործելոյ և պահելոյ ըստ առաջին  
պատուիրանին , այլ միշտ կեալ և վայելել : Այրդ յայս  
դրախտ տեսական հաւատով տնկեցին զվեզ երկտա-  
սան Ղ' աքբեալքն , և ուողանեն զդրախտս զայս 'ի բուն  
յակնակիտ յաղբերէն բղիմանց : Օտոյն զսա տեսա-  
նէին 'ի հեռաստանէ , և փափաքանօք 'ի դարս ժառն-  
նակաց իւրեանց ցանկանային լինել նմն : Բայց սակայն  
թէ և երեւակի ոչ հանդիպեցան , այլ կանխագէտ մար-  
դարեւութեամբն հաստատուն հաւատով վիպու թեամբ  
իմն կատարեցան . որ և այսօր յեկեղեցւոջ գովին 'ի  
մարդկանէ և յ' սրուծոյ փառաւորին :

Այրդ այս խորհրդական ջուրք հովիւքն բանաւորք  
զբանաւոր հօտս մկրտեն . որ մկրտեալք մատուցանէ  
յորդէգրութիւն երկնաւոր Հօրն և անուանեալ եղ-  
բայր Վրիտաոսի , և առհաւատեալ 'ի բաց զհանդեր-

ձեւոյ իրացն զյայտնի շնորհս մատուցանել: Օ ինքն մարմնացուցեալ և արիւնացուցեալ 'ի վերայ սրբութեան սեղանոյն, հրամայեաց սրբութեամբ համարձակել, քաջաբերութեամբ հաւատոյ մերձենալ, և ապա առնուլ ուտել և ըմպել: Իսկ ոչ մկրտեալքն թէպէտ և իցեն կատարեալ ամենայն արդարութեամբ, ոչ ունին իշխանութիւն մերձենալ կամ ճաշակել 'ի մարմնոյ և յարենէ որդւոյն Լստուծոյ . քանզի տէրունական է կանոնս: Օ ի մինչ դեռ մարդն կենդանի է, արժանի եղեալ վայելել յայսպիսի անանց պարզեւս, և յետ մեռանելոյ մարմնոյս ունի հաւատովք իշխանութիւն և 'ի մեռեալս սովիմբ կենդանի և խնայական պաշարաւս՝ քաւեալ 'ի մեղաց և ազատեալ 'ի տանջանաց, խառնեալ 'ի գունդս արդարոց: Եւ հրաման տուեալ մնացելոցն որ աստէն՝ զի առնիցեն յիշատակ հանգուցելոցն . զի մեռեալ է մարմինն և կենդանի է հոգին, և կենդանարար է աստուածութիւնն՝ որ ան ճշմարտութեամբ զհողեղէնն զոր ինքն ստեղծ:

Քանզի ետ յառաջագոյն աշակերտացն 'ի ժամ ընթրեացն, յորժամ կամաւ մատնէր 'ի ձեռս անօրինաց, առեալ զհացն և զգինին 'ի փառս հօր . զի մինչ դեռ էր 'ի մարմնի, անձամբ անձին յիշատակ մատուցանէր, և կերող զինքն և զՎարեալսն զոյգ հաւասարէր: Որպէս և մեծն Պապն խորհրդակիցն Քրիստոսի ասէ՝ թէ “ հացն զոր բեկանեմք, հաղորդութիւն է մարմնոյն Քրիստոսի . և բաժակն զոր օրհնեմք, ոչ ապաքէն հաղորդութիւն է արեանն Քրիստոսի: Քանիցս անգամ թէ ուտիցէք զհացս կամ ըմպիցէք զբաժակս, զմահ Տեառն պատմեցէք մինչեւ գայ նա ”: Օ ի պատմելով զմահն Քրիստոսի 'ի վերայ տէրունական սեղանոյն, հացն և զինին ոչ որպէս էրն յառաջնոյնպէս լինի, այլ մարմին և արիւն ճշմարիտ Քրիստոսի, ոչ ապականացուի ուրուք, այլ անապականի . և մերձեցեալ ուրուք արժանապէս՝ զապականութիւնս մեր յանապականութիւն զարձուցանէ: Եւ է սա յիշատակ արարեալ Լստուածն Քանի կատարեալ և կուսածին մարմնոյն, զոր ոչ կարաց մահ արգելուլ ընդ ապականութեամբ . և խառնեալ 'ի սա Տեառն ըստ իւրոյ բարերարութեանն, և յիշատակ մերոյ մարդկութեանս: Օ ի եթէ ան մարմին զիմ բնա-

կիցս և ետ ինձ իշխանութիւն գիւրոյ աստուածու թեանն և պատմիչ կացոյց զիս իւրոյ չարչարանացն, ահա յայտ է՝ թէ և ետ անիմ իշխանութիւն հանգուցելոցն առնել զիշխանակ նոցա ՚ի յիշատակն Վրիտասի: Օր յորժամ արբութեամբ ասնեմ, օգտիմ և օգտեցուցանեմ. օգտիմ՝ զի և զիմ հոգիս ՚ի հանգուցելոցն խառնեմ, և օգտեցուցանեմ՝ զի վկայ եմ ճշմարիտ հաւատոյ հանգուցելոցն: Ի պա եթէ այդ այդպէս իցէ, ոչ միայն պարտիմք հանգուցելոցն յիշատակ ասնել, այլ և ասորս առաստաձեռն բաշխել մեզ ՚ի քառութիւն մեզաց, ՚ի գալեքի հաւատոս աղքատաց, ՚ի հանգիտ միութարութեան հանգուցելոցն, և որ զինի մեր գաղտն էն յուզգախառ վարդապետութիւնս:

Իսկ փանն մեզաւորաց յիշատակի՝ որք վերայեցան ՚ի կեանս իւրեանց, և ջնջեցին զգիր արդէգրութեանն ՚ի ստուծոյ, և անձամբ անձանց եղեն պատճառք երանելոյ յերկնից յարքայութենէն, և բազմութիւնք հրեշտակացն ստգ առին վասն պնայտեացն, և միայն աստանայ իւրաք սեւագունգ զօրքն ինորայ, զի քակեցաւ տաճարն կենդանի, շեղեւ արժանի բնակութեան թաղաորին Վրիտասի. քակեցաւ ՚ի դասուէ արքայն, հեռացաւ յուզգախառ եկեղեցւոյ, չխառնեցաւ ՚ի գունդն Վրիտասի, չկարգեցաւ ՚ի շրջապայ պարս հրեշտակայ լուսաղեկտարից, միաբանեաց ՚ի սեւաթոյր գայն ներկեալ մեզացն, խառնեցաւ յերամակս այժից ձախակողմնն. ժառանգն արքայութեան եղեւ կերակուր որդանցն անմահից. որդին լուսոյ բնակեաց ՚ի խաւարն արտաքին. փոխանակ արախ լինելոյ և ինորայոյ յանթառամ պրտախն, լայ աչաց և կրճտել ատամանց, և վայ ՚ի բերանոց մի պակասեացէ: Վանգի կրկին է հարուածք գժոխոցն և երեքկին. սարսուռ է քան զամենայն ցուրտ ձմերայնոյ սառամանիքն, և տալ բոցոցն այրեցող քան զամենայն հուր հնոցի. գետ հոյ յորգեալ երանէ քան զամենայն սառակութիւն ջուրց բազմաց. բոցք հրեղէնք ՚ի վեր ցարցեալք, և շանթք հրածեք եռալով հասանեն. մեթին է բոցն և խաւարային է հուրն, վասն որոյ արտաքին անուանեցաւ. հրածին է որդին և թիւնասոր և անբուն, և անմահ անուանեցաւ. ահաւոր են ժանիքն և անյագ որովայնն. անսպառ կերակուրն և ան



դադար կերողքն . չիք առ որ աղաղակել , և ոչ այն որ լսէ զձայն պաղատանաց . ցամաքեալ է սեր , և ոչ իջանեն արտասուք ընկերի 'ի վերայ սիրելեաց իւրոց . քան զի հեռացաւ դուժ , և թագաւորեաց ստուգութիւն՝ որ հատուցանէ իւրաքանչիւր ըստ գործս իւր :

Բայց որովհետեւ եկն 'ի մկրտութիւն , ուրացաւ 'ի սատանայէ և 'ի խաւարային հրեշտակաց նորա , խոտովանեաց զձայրն բոլորից , յանձն էառ չարչարակից լինել Մտուածն Բանի՝ որ էառ 'ի սրբոյ կուսէն զբնակից մարմինս մեր շնչով հոգւով և մարմնով , հաւատաց 'ի սուրբ Հոգին քաւիչ մեղաց ամենայն մարդկան որ հաւատան , այսպէս և ճաշակեաց 'ի կենդանարար տարազէս Վրիստոսի , և թէպէտ և մեղաւ՝ ոչ կարաց տկարութիւն մեղացն լուծանել զանբեկանելի կնիքն տէրունական . և զոր օրինակ առաջին մարդն ապականեալ մեղօք հոգ եղեալ , և դարձեալ անդրէն 'ի նոյն բնութիւն յերեւմանն Վրիստոսի , ոչ նոր կամ այլ մարդ փոխանակ նորա արարաւ , այլ զայն զապականեալն յանապականութիւն նորոգեաց , ըստ նմին օրինակի և որ յետ մկրտութեանն կարգի մեղանչէ՝ և զղջանայ և դառնայ յապաշխարութիւն , առաքինութիւն պիտի գործել այնպիսեացն , այլ ոչ վերստին մկրտիլ . քանզի և յառաջնումն ոչ բռնաբար որ էած զնա՝ 'ի հաւատս , այլ ինքն կամօք . և Մտուած զկամաւորն ընդունի յորդէգրութիւն : Ինքն հաւատայ բոլոր և զինքն տայ Մտուծոյ , որով լինի միաբանութիւն Մտուծոյ և մարդոյ . և զի ճշմարիտն այսպէս , և մեք հաւատամք : Եւ թէպէտ թերահաւատ լինիցի ըստ մարդկային մտաց , Մտուած յիւրումն հաւատարիմ է , զտուեալն պարզեւնն ոչ հանէ : Եւ յորժամ դատի , զմեղն դատեցէ . սուրբ մկրտութիւնն ոչ լուծանի , և ոչ ընդ դատաստանաւ անկանի :

Եւ թէ կամիս , առ քեզ միւս եւս տարացոյց : Կատարեալ մեղաւ մարդն առաջին 'ի դրախտին . 'ի հողոյ մասն դարձաւ յերկիր , իսկ կենդանի փլումն ոչ անկաւ ընդ ապականութեամբ , այլ վերաբերեցաւ ըստ առաջին բնութեանն : Ինչք հաւատքն են՝ որ 'ի սուրբ Երրորդութիւնն , որում լուծանել անհնար է , և կամ ընդ ապականութեամբ անկանել : Մյա եւ թէ որ պէս

Հաւատայն կամք՝ դարձեալ ուրանայցէ, ինքն 'ի բաց կեայ 'ի կենացն, կենանքն ոչ մեռանի ընդ մահկանացունսն . թուի ինձ և ամենեցուն՝ թէ այնպիսունսն յիշատակ չէ արժանի առնել, և ոչ տուրս բաշխել 'ի բուռութիւն մեզաց նորա : Երբ եթէ 'ի ժամ վախճանին զզջատցի, ընդունել արժանի է՝ հայերալ 'ի մարդասիրութիւնն Եստուծոյ . 'ի վերայ այս տուրս տալ արժան է յանուն հրաժարելոյն, թերեւս ընկալցի ողորմութիւն՝ գթացեալ 'ի նա :

Իսկ վասն անմեղ երախայիցն որք հրաժարեցին յաշխարհէս առանց մկրտութեան, որպէս ասասցուք նոցա անմեղս . զի առաջին պատուիրան մկրտութիւնն է, զի 'ի նմա կատարին հաւատքն . և նա արհամարհեաց զայն և զբողոքեցունց հայրն զԵստուած և զքառիչ զՀոգին սուրբ և զմիածին որդին Եստուծոյ՝ որ խնարհեցոյց զինքն զբողոքն դնել զաջ մարդկութեանս 'ի վերայ աստուածութեանն . և Սկրտիչն 'ի բաց հրաժարել ասելով ինձ պիտոյ է 'ի քէն մկրտել, և զու առ ին զաս : Իսկ Տէրն մեր զի զմարդիկ որդիս Եստուծոյ արասցէ, ասէր՝ թող տուր, զի այսպէս արժան է մեզ ինու զամենայն արդարութիւնս . փութամ մկրտել 'ի մարդոյ, զի կատարեցից զարդարութիւնս ամենայն, որչափ եւս առաւել մարդ փութասցի ապաւինել 'ի սուրբ Չուրս աւաղանին, զի առցէ զանջինջ որդեգրութիւնն Եստուծոյ : Երբ որ զայսու ամենայնիւ արհամարհեաց և զանց արար, եթէ արժան իցէ նմա անմեղ ասել՝ որ լի է ամենայն կորստական փնասիւք : Երբ եթէ ասիցէ դք, 'ի տղայութեանն վրիպեցաւ, ես գիտեմ զայնպիսեացն զքնաս զծնողքն արկանել . և զինչ առ պատուիրանն . եթէ յօտարէն սպանու, սակայն մեռաւ . և եթէ յեղբօրէն, նոյն անցք անցին . և բազում որդիք և 'ի հարց իսկ մեռան : Երբ մի է ամենեցուն, իբր բաւական է վրէժ առնուլ 'ի փնասեցելոցն և 'ի փնասակարացն :

Երբ թէ յայսպիսեացն անուն ոչ է արժան պատարագս մատուցանել, քանզի 'ի կենդանութեանն իւրում ոչ եղեւ արժանի կենարար շնորհին : Երբ այնչափ յանդուգն իցէ և տգէտ, որ աստի անդրումն յուզարկեցաւ, և քակեալ տրոհեցաւ բարժանելեան և անբարժանելեան . զոր չիք հնար 'ի միմեանս յարել

մինչեւ 'ի ժամանակս վերստին նորոգմանն' . այլ տուա  
 տալ միայն վասն այնպիսեացն յարժանաւոր տեղիս . ա  
 ղաչել զգատաւորն ամենեցուն բազում բարեխօսիք ,  
 զի ապրեցաւսցէ զվրիպեալն յանջէջ հրոյ գեհնոյն' ,  
 յոր երթալոց է սասանայ և ամենայն դարձակցոցն իւ  
 բովք : Յորմէ պահեսցէ Վրիտառ Մտուած մեր զսի  
 րելիս իւր և զհամօրէն գինս արեան իւրոյ . և նմա փառք  
 յաւիտեանս . ամէն :

1 Պակասին բառք ինչ : միայն առանց պատարազի . զի դո  
 2 Վայ վրիպակ ինչ գրչի . սպա նեա լինցոսի արժանի լինի , և ոչ  
 թէ ոչ չեբանէ ստոյգ իմաստ : Եւ դժոխոց : ՂԺՈւարաթարգմանել  
 կամ իմա այսպէս . Թէպէտ և ան են և բանք սրբոյն Օգոստինոսի առ  
 կնուցն չափահաս ունի 'ի դժոխս աստուածաբանս վասն անկնուց  
 երթալ , այլ եթէ անչափահաս տղայոց զրկելոց յարքայութենէ ,  
 գտցի կամ տարակուսելի , յայն թէ յոր վնճակ անկցին :  
 ժամ թերեւս օրէն իցէ աղօթել



## Կ Ա Ն Ո Ն Ք

ՎԱՍՆ ԴԻԻԱՀԱՐԱՆՔՆԵՐԷ՛ ԵՔԷ՛ ՉԱՐՑ Է՛ ՕՐԷՆՍ ՏԱԼ, ԿԱՄ ԵՐԱԽՈՅՈՑ ԿՆԻՔ՛  
ՄԻՆՁ ԴԵՌ ԴԵՌ ԻՆՄԱ ԻՑԷ՛

Բազում են ախտք 'ի մարդն, վասն զի ունի մարմին չարչարելի. և են յախտիցն որ 'ի ձեռն ճարտար բժշկաց ընդունին զառողջութիւն, և են որ ինքեանք իսկ ախտքն գիւրաւ թօթափին 'ի մարմնոյն, և են որ անբուժ յերկար հիւանդութիւնս գործեն, միանգամայն և մահ հակ 'ի վերայ ածեն: Եւ են ամենեքեան եկամեա ըստ իւրաքանչիւր պատճառի ժամանակացն կամ 'ի խորշակաց, կամ յանչափ խառնակութենէ, կամ 'ի ստանամանեաց ցրտոյ, կամ 'ի ժահահասութենէ օրոյն, կամ 'ի գէջ խանաութենէ: Դարձեալ լինին ախտք և 'ի յորով կերակրոց և յերկար անսուզութենէ. և այլ բազում պատճառք են ցաւոց զոր գիտեմք ամենեքեան: Բայց նման գիւահարութեան միւս եւս այլ անսակ է՝ եթէ խելքն ուրուք փասեալ են յանչափ արկածից ստամոքսին ցաւոց. և մանաւանդ ընդ ժամանակս ժամանակս ընդ ընուլ լուանիդ և ընդ մաշել՝ աճմունք և նուազութիւնք լինին ամենայն կենդանեաց, կամ 'ի զեղուլ խելացն, կամ 'ի նուազել, կամ յերկտին յուզի ախտ ցաւոցն՝ փրփրէ այնպիսին, և արինասխան բերելով ընդ բերանն և ընդ քիթն, զարկանի ցնորի յիմարի և միտքն յապուշ գառնան: Եւ յորժամ գաղարէ ախտն, անդրէն ինքն 'ի նոյն յառաջին միտան գառնայ. հարցեալ ուրուք, անյիշելով՝ պատմել ոչ գիտէ. կարծիս տայ ամենեցուն՝ զի 'ի դիւէ չարչարի և ոչ 'ի ցաւոց: Եւ որ այսպիսեացս իբրեւ հասանէ առողջութիւն. և է՞ որ արնովին վախճանի: Եւ զարձեալ այլ ախտ, զոր կողացաւութիւն կոչեն և թիկնա-

ցաւութիւն . և յայլ օրից ոտից , ձեռաց , ողաց , կարկամելով սարսառելով և դողալով բերէ զմանաութիւն դիւահարի . մանաւանդ զի օր ըստ օրէ լինի և ժամ ընդ ժամ , և է զի յետ ամսոյ , և է զի մի անգամ 'ի տարւոջն : Այլ արդ պատճառք նոցա յայտնի են . 'ի ձեռն բժշկաց բազումք ընդունին զառողջութիւն . բայց մարդիկ այդմ ամենայնի դիւահարութիւն ասեն :

Այլ վասն այնոցիկ որ չարչարին յայտոց պղծոց , յայտնի է և ոչ կարեմք ուրանալ . և մանաւանդ զորս ածէին առ տէր Ախուս , և բժշկէր զբազումս 'ի նոցանէ բանիւ միայն և ոչ մարմնական հնարիւք . նա և զանուանս եւս ասէր , զոր մարդիկ յախտէ անտի սովորեցան կարդալ վերնոտ և լուսնահար : Այս' աղաչեմ , յայտմ վայրի միտ դիր . է ուրէք' որ իբրեւ զմարդ և զԱստուած 'ի միասին' ուր բացէ 'ի բաց աղաղակէին դեւքն աղաչելով , Ախտեմք զբեղ ուլ ես սուրբդ Աստուծոյ , մի յառաջ քան զժամանակն տանջեր ըզմեզ : Այս խոստովանութիւն յակամայ դիւայն' զաստուածութիւն Արդւոյ յայտ առնէին : Իսկ ուր ձեռն դնէր 'ի վերայ հիւանդացն , իբրեւ զմարդ աղաչելով զԱստուած' զբժշկութիւնս կատարէր : Իսկ ուր զվերնոտն և զլուսնահարսն և զայսս պիղծս սրբէր , անդ իբրեւ զմարդ և զԱստուած . քանզի դեռն 'ի ձեռն մարդոյ Աստուծոյ լտէ և ելանէ 'ի մարդոյ : Իսկ ջերմանք և հիւանդութիւնք և վերնոտք և լուսնահարք' մարդոյ առանց դեղոց ոչ լտեն , իսկ Աստուծոյ ամենայն ցաւք լտեն և բժշկին . որպէս 'ի Աստուածնս սաստեաց ջերմանն , և զնաց 'ի նմանէ :

Արդ յայտնի է զի զմն դիւահարք , ոմանք 'ի ծածուկ և ոմանք յայտնի : Այլ են պատճառք մտի դիւին 'ի մարդն' մեղք . և մեղքն բազում մասամբ պաշտին 'ի մարդն , սրտմտական , ցանկական , ուրացական , ամբարտաւանական : Արտմտականին պտուղ սպանութիւն , ցանկականին պոռնկութիւն , ուրացականին ստութիւն , ամբարտաւանականին ազահոութիւն . չորքս այս միաբանին ընդ միմեանս և պատին զմարդոջն և պատրաստին բնակութիւնք սատանայի . և անուանին սոքա դազանք բազմադուրիք , և կամք մի է ամենեցուն : Արեանց զհետ ցանկութեան , պարտրէ զմարմինն պէսպէս

խորտկօք և ազգի ազգի ըմպելէօք, յանկողինս փափուկս ննջել խողաբար. այնպիսիքն կատարեն զկամս ոչ զմիոյ և զերկուց, այլ զամենայն դիւաց, որով ծածկապէս և յայտնապէս հանեն զնա յԱստուծոյ: Իսկ որ չոգաւ զհետ սրտմտականին, հեռացաւ 'ի մարդկային բնութենէն, և նմանեցաւ չար զազանի 'ի մոնչէլ և յափշտակել, 'ի բեկանել զիւր մարմնակիցս, միանգամայն ապականել զպատկեր Աստուծոյ: Իսկ ուրացականն որ ծնաւ զստութիւն, եղեւ անաստուած, գործեաց առանց պատկառելոյ զամենայն չարիս. սա ոչ միայն դարան է դիւաց, այլ և կամակիր չար կամաց նոցա: Իսկ որ յաճախեաց յամբարտաւանութիւն, սա է որ կատարեաց զկամս առաջին թշնամոյն մերոյ՝ ընդ որ եմուտ մահ յաշխարհ և տարածեցաւ յամենայն մարդիկ: Եւ որ յայտնիկ ըմբռնեալ են, ոչ ինչ փոյթաւնեն զանձանց բժշկութենէ. քանզի և ոչ դեւք յայտնի չարչարեն զնոսա, այլ 'ի նեբբուստ հաշէն և մաշէն զանուրս ոգւոցն անմահութեան:

Իսկ որ յայտնի յայտոյն պղծոյ լլկին, կամ երախայ կամ կնքաւոր, կամ արդար կամ մեղաւոր, կամ ծեր կամ տղայ, և ոչ ելանէ դէն յումեքէ 'ի նուցանէ, երկու պատճառք երեւին յայսմ տեղւոյ, դիււին բռնութիւն և մարդոյն տկարութիւն. և տկար ոչ մարմնոյ զօրութիւն ասեմ, այլ ոգւոյն անօրութիւն. և դիւին բռնութիւն ոչ անպարտելի զօրութիւն է, այլ լրբութիւն: Եւ զօրացուցանէ զդէն մարդոյն անժուժութիւն. քանզի ցանկայ պէսպէս կերակրոց և ըմպելեաց, գծազրէ յիւր ոգիսն մարդն զաղտեղութիւն և զանհաւատութիւն: Իայց ես ասեմ՝ թէ բնականաբար և բարոյականապէս զոր կարէ տանել բնութիւն դիւին, հանապաղ ցանկայ համոց կերակրոց և ըմպելեաց. իբրեւ իւր չիք ճաշակելիք և որովայն, նրբի սպրդդէ մտանել ընդ կերակուրն 'ի սիրտ մարդոյն, և քարշէ հանէ յինքն զհամեղութիւնն և անյագ առնէ զմարդն յորկորստութիւն և առաւել յարբեցութիւն, իբրութէ 'ի ձեռն մարմնոյն ինքն կերակրեցի և ըմպեց: Եւ առնէ իւր բնակութիւն ոչ միայն զմարմնոյն թանձրութիւն, այլ և զնրբութիւն ոգւոյն. ուսուցանէ զործել զամենայն չարիս: Սա է որ ոչ թողու զմարդն մինչեւ յօր վախճանին:

Իսկ ուր դիպի մարդոյն առաքինութիւն կարծել ուրոյել յամենայն չարութենէ, զոր ոչ ինչ գիտիցեն ամենեւին մարդիկ՝ զի զարտաքոյս տեսանեն, և չարչարի այնպիսին՝ ՚ի դիւէն, և բազում անգամ վաստակօք ոչ կարէ հալածել զգէւն յինքենէ, կարծեմ՝ թէ դէւն տեղեկագոյն է ներքին գործոց նորա քան զմեզ՝ ըմբռնեաց զնա, կամ յառաջինն սողտանելի երկեցոյց զնա, և կամ առժամայն՝ ՚ի վատթար խորհրդոց՝ յորմէ արկ ձեռն և սկսաւ չարչարել, արար զմարդն անհոգ հանգիստ։ Բայ թէ մարդն յառաջագոյն անարատ էր, և առժամայն ՚ի յստակ խորհուրդս, ահա յայտ եղեւ դիւին լրբութիւնն և անձանձրոյթ համբերութիւն։ Բայ ոչ միայն ճնշել ՚ի պահոց պիտի, այլ և սուրբ աղօթս առ Բստուած, և ՚ի բազում տեղիս՝ ուր սրբոց ոսկերք հանգուցեալ են՝ ուխտք և խնդրուածք, զի հեռասցի չարն ՚ի մարդոյն։ Բայ եթէ զայս ամենայն կատարեալ իցէ, և դէւն ոչ ելանէ ՚ի նմանէ, և մարդն ոչ կատիցէ և թուլանայցէ առաքինութենէ մինչեւ յոր վախճանի իւրոյ, այնպիսումն ասեմ՝ եթէ երախայ է, կնիք տալ արժան է. և եթէ կնքաւոր է, օրէնս։ Օ՛ ի զայնպիսի առաքինի այր դէւ յԲստուծոյ հեռացուցանել ոչ կարէ, այլ յաղթի պարտի և ամաչէ. որպէս երբեմն առ կատարեալ նահատակին, որոյ առաքինութիւնն մինչեւ ջայսօր հնչէ յեկեղեցւոյ։ Բայց այլոց դիւահարաց՝ որ պորտաբոյժք են, որ պարարեն զդէւն և զանձինս ՚ի միասին, և անյազ են յանառակութիւն, եթէ երախայ իցէ՝ կնիք չէ արժան տալ, և եթէ կնքաւոր՝ օրէնս, և վկայէ մեզ տէրունական հրամանն. «Ս՛ի տայք զսրբութիւն շանց, և մի արկանէք զմարդարիտս առաջի խողաց»։

Բայ եթէ որ ասիցէ, տղայոց զինչ մեղք էին, զի անդտօին ՚ի սկզբանն սկսաւ չարչարել զնոսա, զայս ասեմ՝ եթէ է ուրեք, զի Բստուած իբրեւ զմարդ դատի զաշխարհ, և է ուրեք իբրեւ զԲստուած. ուր ըստ գործոց հատուցանէ իբրեւ զմարդ, որ իշխէ դատել. իսկ որ չէ՛ ՚ի մեղս եկեալ է, իբրեւ զկանխագէտ՝ զի արգելցէ ՚ի չարէ։ Տես իսկ զի աշխարհի օրէնք թագաւորաց ՚ի յանցաւորաց առնուն վրէժս, իսկ Բստուած ՚ի յանցաւորէն և յազգէն. ՚ի յանցաւորէն որպէս օրէնսգիր, ՚ի յազգէն իբրեւ զյառաջագէտ։ Բնորիչ

հարցուածն և առանց զատուցանելոյ չիք պատասխանի . եթէ յախտէ՞ իցէ, եթէ յաշխարհէ . եթէ յախտէ՞ յոր տես հասակ լեալ իցէ, և զինչ պատճառք յանցունաց են . եթէ ուրացող իցէ՞ ոչ մարթի, եթէ արիւնահեղ է՞ նոցն է, եթէ պտանիկ իցէ, եթէ վրիպահաւ ՚ի ստայութիւնն իցէ, խորեւ եթէ միով ժամու և կամք ՚ի զգումն եկեալ իցէ, և յայնմ հետէ բազում առաքինութիւն ցուցեալ իցէ վիպութեամբ եղբարց և գլխաւորին, մերձեալ եւս իցէ ՚ի ծերութեան ժամանակն, անձամբ անձին այնպիսոցն չէ արժան յօժարել ՚ի ձեռնադրութիւն :

Եւ վասն կարօտութեան պիտոյից և վասն բազմաց օգտի մերձաւորագիտացն բռնի արժան է ածել զայն պիտին յերիցութիւն . զի առաքինութեան ծնունդ է, լինի բազմաց բարեաց պատճառք :

Եւ զայն թէ ոմն լի հասակաւ էր և հասեալ ՚ի չափ մրտաց ճանաչել զչար և զբարի, և ընտրեաց զչարն և անարգեաց զբարին և անխտիր եղև ՚ի պոռնկութիւն, և ապա կամ յամօթոյ մարդկան, կամ ՚ի բռնաւորի յերկիւղէ եկն յապաշխարութիւն, և արգելեալ խափանեցաւ յանառակ գնացից, մարգասիրութեամբ արժանի է մերձենալ ՚ի սրբութիւնն, և զամենայն աւուրս կենաց իւրոց նովին կատարել յերիցութիւն : Եւ անձամբ և ոչ այլով յորդորելով զնա չէ օրէն ընդունել . ՚ի մեղս անդ հայեցին, և ՚ի ժամանակա տիոցն՝ յորում գործեացն . եթէ յերախայութեան իցէ՞ ունի համարձակութիւն, եթէ ՚ի կնքաւորութեան՝ զատուցեալ որոշեցեն, և զառաքինութիւնն ընտրեալ փորձեցեն, և զարժանաւորն յառաջ մատուցեն . քանզի մարդիկ են, և յալեներեսեան գոյ հոգի Մտուծոյ :

Եւ զայն թէ զք վասն իւրոյ հպարտութեանն մարմնաւոր սէր ունիցի ընդ ումեք, մարմնասիրագոյն յանդգնի, և արհամարհէ զաստուածային կանոնական հրամանս, և զանարժան յառաջ մատուցէ, և զմարդկային միտս գողանայ, և պատճառս զկանոնս ունի՞ թէ հրամայեն զապաշխարողս ընդունել ՚ի ձեռնադրութիւն, և զայս եւս պարտ է նմա գիտել . զի Մտուած որ քննէ ըզգաղանիս, ըստ ներքին գիտութեանն զատի զգատաստան . զի ոչ միայն յապաշխարողաց պիտի ընտրել և



առնել զարժանն, այլ և յանապաշխարողաց. քանզի բազումք են որ յաչս մարդկան անմեղք երեւին, այլ՝ ի դործ Մատուծոյ անպիտան, գիրգք, յիմարք, ցնորեալ, անսէր, ապուշք. թէ և անամնոց հովիւ արասցես, ոչ երբեք յառաջ անցեալ հանգոյց զմիտս հովուապետին : Իսկ զիւրդ արժան իցէ յայնպիսեացն յառաջնորդութիւն մարդկան, ասելով կեղծաւորութեամբ՝ թէ ոչ ինչ գիտեմ զյանցանս դորա : Եւ ասն որոյ (որ) ետ առնել և որ արար, երկոքեան ընդ դատապարտութեամբ են յամենագէտ ատենին Մատուծոյ :



## ՎԱՍՆ ՀՈԳԻՈՑ ՄԱՐԿԱՆ

ԹԻ ԱՌՍՅԻ ԳԱՆ, ԵՒ ՅԵՑ ԵԼԱՆԵԼՈՑ Ի ՄԱՐՄՆՈՑ ԱՌ ՈՎ ԵՐԲԱՆ,

ԿԱՄ ԹԻ ԱՌԱՒԵԼ ԻՄՔԱՅՆԱՅԵՆՆԵՐ

( ) Ի գոն և հոգիք՝ զայս և բնութիւն մերոյ լինելութեանս ցուցանէ. քանզի կրկին է տեսակ մարդոյ, մին շարժէ և միւսն շարժի. շարժողն ունի զիմացական բնութիւն, և շարժեցեալն գործէ զանդական տեւողութիւն. և է միութիւն յորժամ երկոքեանն ունիցին զտնկեցութիւն. ապա թէ թողցէ շարժողն, անկեալ գնի մարմին անխլրտելի: Բայց օրինադիրն մեր զհոգի մարդոյ փչումն Մտուծոյ ասէ. և նորուն ծանօթ և բարեկամ՝ ոմն մարգարէ իբրեւ յերեսաց Տեառն ասելով՝ «Հոգիք յինէն արձակին, և զամենայն շունչ ես արարի, ասէ Տէր», նովին հոգւով Ովսէէ մարգարէ ասէ. «Ով հաստատեաց զհոգի մարդոյ՝ ի նմա», Բարեոք է այն միաբանութիւն, զի առանց Մտուծոյ եղեալ և ոչ ինչ. այլ զորպիսութիւնն պիտի իմանալ: ( ) Ի արար Մտուած զարարածս զիտեմք՝ ոչ ՚ի նիւթոյ և ոչ ՚ի հատոյ իմիք էութենէ, քանզի անհատ բնութիւն իմանամք զՄտուած. իսկ արարածս հատկոտոր: Բարձեալ յոչնչէ ոչ կարեմք ասել զայս մեծ մարմինս արարածոյս, և ոչ ինքնաբոյս գոյացութիւն, նա և ոչ ՚ի վարանս տարակուսի անկանիմք թէ ուստի եղեւ բնական կամքն Մտուծոյ իմանալ և առնել ինչ. այլ միշտ Մտուած, միշտ արարող զօրութիւն ընդ իւր: Եւ յորժամ կամեցան՝ նոյնպէս կամեցաւ. զոր ունէր յիմանալու ինչն էա՞ծ ՚ի գոյացութիւն, զի իմանալեաց իցէ արարիչ

\* Զհրեանն հատակոտորս զորոց յիշեալ էաք յառաջնում տպագրութեանն, ցարդ չընկալեալ ուստիք զայլ օրինակ, յարեմք ՚ի կատարած ճառիցս, անյար միմանց որպէս գտաք յօրինակին գրելա ՚ի նլ. ոչ իբրեւ

ամբողջ յօրինուած ճառի և ոչ զարձեալ անկարօտ պարզաբանութեան, ակն ունեւով անթերի օրինակաց, յորոց միաբանութենէ թերեւս ՚ի յայտ գայցէ հարազատութիւն իմաստիցն:

բնական իմացութիւն : Իսկ արարչական զօրութիւնքն՝ զհարգ նիւթն անմարմին . իսկ արարութիւնն զանմարտնոց և զմարմնացեալն՝ ի բազմադիմի մասունս , յիւրաքանչիւր ի զարգս , զի իցէ ոստն մի , և ստեղն մի , և արմատն բազում , և յոտոց անտի բազմատեսակ շառաւիղք :

Ըրդ որպէս վերագոյն ասացաք՝ յերկնէ երկնայինքն և յերկրէ երկրայինքս , և մարդ խառնուած յերկնէ և յերկրէ . անօրագոյնն յերկնէ , թանձրագոյնս յերկրէ : Օ ի թէ զպոպացութիւնս հրեշտակաց ծնունդ ասեմք երկնի , հրոյ և օգոյ , որպէս և մեծն Վաւիթ ասէ , « Եւ արար զհրեշտակս իւր ՚ի հոգիս , » և զպաշտօնեայս անուանէ հուր կիզելոյ , ապա յայտ է եթէ ոգիք մարդկան ՚ի նմին նիւթոյ գոյացեալք՝ կամօք արարչին ւտաքին ՚ի բնութիւն մերոյ լինելութեանս , ոչ հրեշտակացեալք և ոչ դիւացեալք ըստ ոմանց անուանելոյ , այլ միայն հոգիք և հոգիք մարդկան : Հոգիք հրեշտակաց պարզ բնութիւն , անմարմին , անյօդ , անորակ , անքանակ , անձն կատարեալ . և կատարելութիւն անձին ոչ յումեքէ , այլ ինքնակատար էութիւն , կատարեալ գոյացութիւն :

Իսկ ոգիք մարդկան գոյացութիւն պարզ , էութիւն յստակ , սուրբ , մաքուր , իմացական բնութիւն , ձեւ սկզբնատպին , հարկաւոր շարժմունք , վերաբերութիւն , անմահ տեւողութիւն , յարկակից մարմնոյ , միաբան որակութիւն , անձանձրանալի միութիւն , անբաժանելի մասունք , անհատ զօրութիւն , անժեքանալի յերկարութիւն , անտեղի բնակութիւն . յառաջ քան ըզգալն ՚ի մարմին ՚ի գոյացութիւն եղանութեանն՝ ունի իմացական , անքանակ . և ՚ի մարմնի եղեալ զամենայնն ունի զհարդ որպէս կամի ախորժեւ : Եւ իմանի բնութիւն տարբերել ընդ մարմնոյն . բայց ես ասեմ ըստ բնութեան և ըստ բարոյական ձեւացելոյ հոգւոյս զառ ՚ի միմեանց զմերձաւորութիւն :

Գովի քնար , այլ ՚ի ձեռն քնարահարին . գեղեցիկ են ձայնք երաժշտականք , այլ երաժշտականսն . տեսեր զքննալ ինչ շինուած , ոչ ՚ի նմին հարեր կացեր , այլ ձարտարապետին ետուր զգովութիւնն : Եւ զթէ ոչ իցէ քնարն , չերեւի քնարահարն . սոյնպէս և ամե-

նայն գործիք ձայնաւոր երգոցն 'ի ձեռն արուեստաւորին երեւին : Ի՞նչաւ թէ գործիքն ապականեալ իցեն , իբրեւ թէ որոհս փող ջարջարեալ , աղի խոնաւեալ , և ճարտարն առողջ և լի արուեստիւն և գիտութեամբ , ոչ կարէ ցուցանել զՏանգէս առաքինութեան արուեստին . և գտանի ամենայն մասամբ ապականեալ 'ի գիտութեանն : Ի՞նչաւ թէ կատարեալք առ միմեանս հանդիպիցին , ափովիչք և մխիթարիչք առ միմեանս հանդիպեացեն բարձրամարդոյ քաղաքաց , և սրահի իւրաքանչիւր բնութիւնք զատ և որիչ խառն բնութեամբն :

Ի՞նչաւ կարի գեղեցիկ մեր արարիչն զբնութիւն մարմնոյս հաստատեաց շինուած բաժանելի , և զգոյացութիւն հոգւոյս արար անբաժանելի բնութիւն . և միաբանեաց իբրեւ քնարահար ընդ քնարի , զի շարժեսցի և շարժեսցէ զակն 'ի տեսանել , զընդգունս 'ի հոտուտեղ , զբիւնն 'ի ճաշակել , զլեզու 'ի խօսել , զխեղճն յիմանալ : Օ այս ամենայն զբարձրութիւն մասանցս մարմնոյ շարժէ 'ի կենդանութիւն և 'ի գործառութիւն ցորբան ժամանակ միաբանութիւն և շարժողին և շարժեցելոյն : Ի՞նչաւ եթէ չբաւեսցէ՝ սա քակտեալ և նա 'ի բաց կացցէ , լռեալ դադարեալ լինի ամենայն բարձրութիւն արուեստիցն . սա դառնայ յիւր բնութիւնս , և նա վերանայ յիւր կայանն . ինքն յինքեան իմանայ , ինքն յինքեան հանգչի , ինքն յինքեան առաւելու , ինքն յինքեան խնդայ , ինքն յինքեան տրտմի , ինքն յինքեան շարժի , ինքն յինքեան և դադարի , ինքն իւր բաւական ինքնազոյ իմացութիւն , ինքնալուր , ինքնատես :

Իսկ եթէ որ զտեղեաց կամ՝ զկայենից հոգւոց կամ մեցի գիտել , զՏեա եկեսցէ բանից մերոց . մի գեանաբար զնացիւք և մի ծովական ճանապարհորդութեամբ և մի առասպելական բարբանջմամբ , այլ ճշմարիտ վարդապետութեամբ վիպութեամբք օտորք գրոց . ուր Լուսաբեալն յափշտակեցաւ , ուր պարգեւքն պատրաստեալ են . զոր մարմնաւոր զգայութեամբքս թարգմանել ոչ կարեմք , զանյող տեղեացն՝ վերնոց քաղաք ասեմք , վերին Լըրուսահէմ անուանեմք նմա , այլ ազատ բանակեալ . անդ բիւրաւորք հրեշտակաց , բանաւոր իմանալի , և ոչ զգալի հոգիք են անդ մարդկան : Ի՞նչ զարդարոցն կատարելոյ կամիցի գիտել , թանձրաբոյն սաս-

ցից . յորմէ նիւթոյ առաւ , 'ի նմին և չոգաւ գաղթա-  
րեաց : Եւր և մեծին Ախմեթի վիմի յուսուցանելն մա-  
նաւանդ և ճարտարապետսն փիլիսոփայոց . իբրեւ հա-  
ճեաց զմիտս նոցա արարչութեանն ճառիւք , ստոյց և  
վասն հրեշտակացն կայանից՝ զսուրբ զանազակուն զան-  
սլղտոր զհողմնս վերինս , զոր և բանակեաղ Առաքեալն  
անուանեաց :

Ապա թէ որ 'ի գրեալնս Ա՛ռնէսի ընթացի , և փը-  
չումն Ա՛ստուծոյ զհողիս մեր ասիցէ , և զայն եւս ի-  
մասցի անկանել նմա 'ի մեծ վարանս տարակուսի , մին-  
չեւ զանմարմին Ա՛ստուած 'ի ձեւս մարմնոյ ածել՝ փշին  
որպէս թէ բերանով , որնդամբք և չթամբք , հարկ է  
եթէ անենայն անդամքն զհետ գայցեն , զոր քաւ և մի  
լիցի , և մի 'ի միտս անգամ այս եկեացէ ուրուք՝ զ՛՛ք-  
տուած 'ի կարօտութիւն . զգայական գործւոյ ածել . այլ  
խնացուք զփշին ոչ 'ի նմանէ 'ի նա , այլ նմա փշին զնա  
հողիացոյց , որպէս զանգոյսն գոյացոյց , որպէս զանհո-  
գին հողիացոյց և զկենդանութիւն եզ 'ի վերայ նորա :

Օ՛ր ի եթէ Ա՛ստուծոյ էութենէն փչումն ասէք ,  
զինչ պիտոյ էր լսել զձայնն “ փշեաց յերեսս նորա  
չունչ կենդանի , և եղև մարդն 'ի հողի կենդանի , ” :  
Իբրեւ յայտնի է զօրութիւն բանիդ , անուանեաց զա-  
ռաջին արարչութիւնն հողւոյն շունչ կենդանի իբրեւ  
զփ արարչութիւն . այլ վասն մեծախորհրդութեան՝ զի  
պատուականագոյն երեւեսցի մարդն յարարչութեանն՝  
մեծարեաց զնա . իբր զի ստեղծ ձեռք զմարմինն , և  
բերանով զփչումն հողւոյն : Բանզի աննախանձ է ա-  
տուածութիւնն և անչարակաւութեամբ պարգեւասէր ,  
ոչ ինչ դանգաղեցաւ անուանել զմեր բնութիւնս պատ-  
կեր աստուածութեանն . իբրեւ յայտնի է իմաստնոց  
եթէ օրչափ հեռի են 'ի միմեանց մարդ և Ա՛ստուած՝  
բնութեամբ : Բլստի և մեծ մարգարէն Այայի ետես  
զ՛՛ստուած և հիացեալ զարհուրեցաւ . զօրութիւննս  
պատմէ , զիսկութիւննս լուէ . և զիտացեալ զմեր բնու-  
թիւնս՝ խոնարհութեամբ բարբառի . “ Անկէն արձա-  
կին հողիք , և զամենայն շունչ ես արարի , ասէ Տէր , ” :

Ահա յայտ է արարչութիւն հողւոյ . արձակին կա-  
մօքն Ա՛ստուծոյ յանօր բնութենէ , որպէս վերագոյն  
ասայաք . կենդանաճնեցան երկինք մօտաւորս իմանա-

լիս, և ոչ չօչափելիս: Սոյնպէս և յորժամ արտաքոյ մարմնոյս եղեալ ոչիք, զամենայն արտաքնոց զգոյն տեսեալ և ընդ նոսա լինելով՝ ոչ կարէ 'ի մարմնի լինել, և ոչ զպիտոս մարմնոյ կատարել. որպէս Հարիեալ էր յառնաջաղոյն 'ի բռնութենէն շեղանել 'ի մարմնոյն, նոյնպէս ոչ յետ եղանկոյն անկանել նմա ընդ մարմնական սխտոյիք մինչեւ յօրն յայն յորում յայտնեցի արարին արարածոց:

Բնութեամբ կրկին է տեսակ մարդոյ, մին կառուիար և երասանակալ և ուղղիչ, և միւսն բնակարան բնափողին և շինած զարեանապի, անմահական հոգւոյն անուարեանապի բնակարանս. որով իմանալին ընդ մարմնականս ընդ այս կենցաղավարութիւնս սովաւ հաղորդի մնալով յուրախութիւնս, և տեսանելիս ընդ անտեսանելին հաղորդեալ՝ ոչ հեռանայ 'ի թանձրութենէ: Օ ի սա քաղաք է իշխանականին, զարմանաւոր, սննդական և կենդանի տաճար, այլ եղծանելի և արագալոցծ և առժամայն վայելչութիւն. իսկ տիրական՝ իբր զթագաւոր և տեսուչ և դատաւոր իրաւախորհողութեան, զի ոչ ունի պէտս առ զարման սննդեան. սակս այսորիկ և անապականելի և անապական. զսա աստուածային օրինադիրն Սովսէս փչումն յ'ստուծոյ ասաց: Ընդ մի որ ծառայեցէ բանին, այլ մտացն հնազանդեցի. զի անհանձար խորհրդոյ է իմանալ փչումն յ'ստուծոյ՝ բերանոյ և ուրնգանց որոշեալ տեղի. ապա և այն 'ի ներքս եկեալ լինին մասունք մարմնոյն, և զանմարմին և զանկարօտն ընդ զգայականիս շինեալ կարօտութեամբ: Ընդ 'ի սա փչել զգոյացուցանողն հողմաշարժ կենդանութեամբ հաւանելի է. յորմէ եղեալ մարդն 'ի հոգի կենդանի՝ աստուածահրաշ միաւորութեամբն հաստատեալ ըստ եղութեան թագաւորական բանին թէ՛ « Ս հաստատեաց զոգի մարդոյ 'ի նմա », Ընդ և արձակեալ որ ոչ հաստատեալ, զոր Լըրեմիաս ասէ. « Կենդանի եմ ես, ասէ Տէր, զի հոգի յինէն ել, » որով յայտարար զնա միայն գոլ արարիչ բարեացն կամողաց:

Ըստուած անհաստանելի բնութիւն է, ոչ ինչ հատեալ լինի յ'ստուծոյ. և դարձեալ ոչ այլ ինչ յա-

ուսմն կայր նիւթ յորժամ ստեղծանէր, զպատուական զայս հոգի. այլ և ոչ ինքնաբոյս եղեալ ըստ ինքեան, զի չէ որ մշանջենակից Մատուծոյ. զի ոչ է յամբքե եղեալ. զնորա սահման ինեւութեան ոչ որ գիտե. այլ սա ոչ է անխնդրելի, զի արարիչ սորա Մատուած է: Եւ զի երկնային է հոգւոյն ընութիւն, ցուցանէ զի եւ լանելով 'ի մարմնոյս՝ ոչ ստորիջէ յերկիր. այլ զարձարանալոյ մայրածննդեան իւրոյ ցուցանէ զիմանալի երկիրն: Եւ որոշեալ մարմին յիմացականէն՝ ոչ վերաբերի 'ի գերակայն, այլ վայրիջի յերկիր ծնող իւր. յորմէ յայտ է թէ յախտականէս զախտաւորն ստեղծ Մատուած, և յանախտէ զանախտն. և յետ որոշման ոչ հեռանայ, այլ յիւրն երթեալ դադարէ 'ի տեղիս, ըստ քանին՝ «Վնաց մարդ 'ի տուն իւր յախտենից. և հոգին դառնայ առ Մատուած որ ետն զնա»:

Մարդ երթեալ միանայ 'ի լոյսն ուստի ծնաւ, զի լուծաւ 'ի կապաւոր մարմնոյն որպէս կապեալ ունէր մութեամբ: () 'ի որպէս քար մենքենայի յօդ պարզեալ, զի յորժամ լուծանի՝ հասանի վաղվաղակի յերկիր. ուստի առաւ, նոյնպէս և հոգին զի այժմ՝ ծանրացեալ է քան զընութիւնս օրոց, իսկ 'ի միւսում խառնուածին դարձեալ զօրանայ քան զնա, և առ ինքն վերամբարձեալ ձգի: Եւ է նա հուր, հողմ, լոյս. իսկ մարմին հուր, ջուր, օդ, հող, հակառակախառն գուգակչիտ մութեամբ ընտանեցեալ, երկու՝ վերաբերական հանապազսթօից թեթեւութեամբ. իսկ երկու՝ վայրաբերք ծանրութեամբ մշտաշարժ երկրաստղութեամբ. զի ոչ այլ ինչ քան զընական իմաստութիւն Մատուծոյ իմանալ նիւթ արարելոյ այս է, զոր մշանջենապէս յիմանալուցն ունէր զիմացեալն. յորժամ կամեցաւ 'ի գոյութիւն ածել, սահմանեաց և եղեւ իբրեւ մայր իմանալին: Եւ երկու 'ի նմանէ երեւեցան ծնունդ, տեսանելի և իմանալի. և յերկոցունց եղեն բազում տեսակք, յանմարմնոյն անմարմինք և 'ի մարմնոյ մարմնաւորք, ոչք են հրեշտակք և մարդիկ:

Մարդ յերկնէ է և յերկրէ խառնուած գեղեցիկ, զգէմն 'ի միասին կապեալ արուեստաւոր իմաստութեամբն Մատուծոյ. պարզ և թեթեւագոյնն յերկնէ,

Ծանր և շարադրական յերկրէ : Օ ի թէ զայլ ազգաց զգայականաց զընուծիւն աստ իմանամք, սահայն ծառայականք և անհանձարք . իսկ ի ժմանալիս այս 'ի մեզ վեհագոյն ազատ և անկարեկան նիւթից, մտաւոր լ'ստուծոյ բնուծեանն, հրեշտականման և 'ի նոյն էութենէ, այլ ոչ հրեշտակ . այլ հոգի միայն և ընդ անարգ նիւթոյս կապեալ, և 'ի բարձանց և երկնային, հակառակ և երկմիտ և անընտանի ստորակայից, այլ հնազանգեալ կապանօք մարմնոյ :

Օ ի թէ զմարդկան հոգւոյ կամի որ ուսանել զկայանս, մի թանձրագոյն մտօք հայիցի երկրաբարչ ախտիւք ծանրացեալ . այլ թռուցեալ ըստ սրբոյն Սաղոսի որ ասէ՝ անձառելի տեղի, զոր 'դրախտ անուանեաց և երրորդ երկինս . այլ իմացեալ քան զվերին զայն և զհաստատութիւն : Լ'բզ աստի յափշտակեալ հոգիս՝ 'ի հոգեւորականն եհաս կայանս, որ աստուածային պատմութիւն՝ վերին անուանէ Նշուսաղէմ՝ ուր բիւր հոգիք արդարոց կատարելոցն ուրախանան, յառաջատես լեալ լ'ստուծոյ բարեացն . անպատմելի և անուշահոտ և լուսաւոր օդն, յորս ոչ է այլախառնութիւն դառնութեան :

Լ'յլ ասացի պարզագոյն ինչ բանիւք, զի ուստի եղեն հոգիքն՝ առ իւրն երթեալ լինին 'ի բնակութիւն . և մարմին դարձեալ յիւր տեղին միանայ ազգակցեալ և յապականութիւն դարձեալ : Լ'յլ անտեսանելին և անեղծական յառաւելատեսիլ փոփոխեալ, չունի պէտս առ մարմնականս առ այս կեանս, և ոչ կարօտութիւն 'ի տեսութիւն . և ոչ կարող իսկ են և ոչ նոքա որ առաւելագոյն արժանաւոր եղեն պատուոյ՝ մարտիրոսքն : Լ'բքա յայտնիլ ումեք ոչ կարեն . ոչ ի : տ : գ : Լ'պս թէ անգոմնաբար որ կամ անխրատ սովորութեամբ երազովք վարեցի, վերստին անցանելով ըստ հեթանոսական սովորութեամբ, բազում են օրինակք, որ մոգքաղղէացիք աստեղագիտութեամբ աստուածածանօթ, և բաբելացւոց գաւազանահարացն և լերդահմայ, և ընդ աջմէ ելանել հմայիցն հրէաստանի և Նշուսաղէմի, զոր մտանել սրոցն ընդ Սաբուլթ՝ որդւոցն լ'մոնայ եկեալ 'ի

1 Յօրինակին կարգին որդւոցն Եմնայ :



զրուի երկուց ճանապարհացն, երկու առաջք 'ի միոյ աշխարհէ', և ստուծեամբ արդարացեալ լինին հմայքն մտանել սրոյն 'ի պարանոցն' 1) ովտայ ինդրէր զանիրաւուծեան վրէժս 'ի նոցանէ: Այլ և կին ոմն վհուկ Աւուղայ ճշմարտապատումն, և իղձն Վաղամայ 'ի Սիջադետաց մարգարէ ստուգատես. Արեմ 'ի հրէաստանէ բաբելոնացւոյն իմաստնէն ապրեցուցիչ երազահանուծեամբ. և Յովսէփ երազատես և երազահան Փարաւոնի: Այլ այս 'ի բաց մերժեալ է յեկեղեցւոյ Վրիտտոսի ըստ ճշմարտապէս գրոց. զի այս հեծանոսաց է և ոչ քրիստոնէից:

Այս թէ որ այլանդակապէս ընդ այս մտածուծիւնս անցանէ՝ օտար խորհրդովք նշանադիրս գծել, կամ մաքգարէանալ առ յապայան և երազահանայ լինել, ցնորել մոլորուծեան երազահան ստուծեան, ընդ անկոխելին գնալ պողոտայ անքրիստոնէաբար, և բնական 'ի մեզ կիրսն ճշմարտուծեան պատմել, որ լինի այս և փնասել խելապատակին ընդ վայրաբանուծիւն, և հիւանդուծեամբ բազում ինչ տեսեալ խօսի անհանձարաբար, զոր և արբեցողաց իմն թուի շրջադայուծիւն լինել երկրի զինքեամբք, և յայլայլեալ զգայուծեանն 'ի ջերմուծեանցն զայսպիսի սովորականուծիւնն 'ի մեզ օրինադրէ զորժ ինչ լինել: Այս զայն զոր դեւքն կերպարանեալ 'ի նմանուծիւն մոլորեալ մեռելոց՝ զոր գիտակն էին 'ի կեանս մարդոյն, և զնոյն նմանեալ յայսնին 'ի տրտում երեսս կամ 'ի զուարթս իբրեւ պատուէր ինչ տալով և զգուշացուցանելով, որպէս թէ մեռեալն և սպանեալ մարմնոյ հոգիացեալ, և 'ի միասին գտեալ. զոր ոչ յօգուտ, այլ 'ի փնաս և 'ի մոլորուծիւն փութացեալ լինի, և նա զայն անուամնաբար ճարտարուծեամբ պատմէ, այն արտաքոյ է քրիստոնէուծեան:

1 Նախընթաց բանիւքդ ակնարկէ զբան Եղեկ. իմ. 18-22:

# ՅԼՆԿ

Վահագրահո-ւթիւն Վարդանանց . . . . .	5
Խորասր մանչանց . . . . .	159
Սեբեո-ւթիւն Յետաւայ և Ղազարա-որաց . . . . .	167
Յաղօթան որ ասէ Հայր Տէր . . . . .	199
Ի մրտո-ւթիւնն Վրթսպոտի . . . . .	207
Յայլաչերդո-ւթիւնն Վրթսպոտի . . . . .	213
Ի շարժարանն Վրթսպոտի (և 'ի խաչելո-ւթիւնն , 'ի Լա- ղու-ն և 'ի յարո-ւթիւնն , յերե-ու-ն աշաչերդացն , և առ-Տիբերէայ ծովուն , և 'ի Կարողութեամբեւրց)	240-354
Սան դարաստանին և մի-սանգամ գալստեանն . . . . .	355
Սան յիշատակաց մեռելոց . . . . .	358
Սաննիք . . . . .	363
Սան հոգւոց Տարդիան . . . . .	369



## ՅԱՆԿ ԱՆՈՒՅՆՑ

- Արրահամ խոստովանող** 142-149.  
**Արրահամ նահապետ** 37. 82.  
**Արրահամ սարկաւազ** 101. 111.  
 139.  
**Արէն** 116.  
**Ալանաց գրուիք** 154.  
**Ակէ** 71.  
**Ակէացիք** 77.  
**Ալբակ** 139.  
**Ալմիք** 10. 39. 72. 103.  
**Աղուակք** 10. 16. 39. 48. 53. 56. 58.  
 59. 61. 72. 100. 103. 104. 153. 154.  
**Ամառունի** 22. 33. 71. 77. 82. 150.  
**Այրարատ** 22. 61. 139.  
**Այրուկ** 77.  
**Անանիա** 22.  
**Անատոլ** 8. 56.  
**Անդ** 44.  
**Անի** 52.  
**Անձաւացի, անձեւացի** 22. 33. 77.  
 150.  
**Անտիոքացիք** 81.  
**Անտիոքոս** 103.  
**Աշնակ** 60.  
**Աշոտ** 150.  
**Ապահունի** 22. 33. 57. 71.  
**Ապար** 10. 110. 112. 142.  
**Ապարհայիկ** 90.  
**Ապրամ** 77. 150.  
**Ասանձար** 82. 150.  
**Ատաւան** 150.  
**Ատաւեղէն** 150.  
**Ատնակ** 150.  
**Ատիացիք** 55.  
**Ատրեստան** 142. 145. 146.  
**Ատրեստանեայ** 142.  
**Ատրի** 56.  
**Ատոմ** 54. 77. 103. 150.  
**Ատրորմից** 100.  
**Ատրպատական** 53. 56. 60.  
**Արագած** 60.  
**Արած** 139.  
**Արդեանք** 60.  
**Արդնարդիւն** 10.  
**Արիք** 9. 22. 23. 63. 73. 90. 92. 95.  
 110. 153.  
**Արծրունի** 22. 32. 77. 90. 101. 150.  
**Արհմն** 20. 25.  
**Արհնի, որ և Արինի** 52.  
**Արձախ, Արցախ** 72. 97. 99.  
**Արմաւիր** 60.  
**Արշակ Բ. Հայոց** 7.  
**Արշակունի** 7.  
**Արշարունի** 58. 77.  
**Արշակիր** 58. 77. 90. 150.  
**Արշէն** 98. 101. 119-121. 131. 339.  
**Արուճ** 60.  
**Արան** 77. 90. 93.  
**Արտաշէրս** 52.  
**Արտաշ** 77.  
**Արտաշ մակացի** 33.  
**Արտաշ պալունի** 77. 93. 117.  
**Արտաշ սըշունի** 32. 71.  
**Արտաշատ** 22. 52. 60. 77. 101.  
**Արտաշէս Գ. Հայոց** 7.  
**Արտաշիր** 92.  
**Արտաւազդ** 150.  
**Արտէն** 71.  
**Արցախ. տես Արձախ.**  
**Արփանեալ** 52.  
**Աւարայր** 145.  
**Ա.քար, որ և Ա.քարք** 84.  
**Բաբգէն** 150.  
**Բաբիլացի** 145.  
**Բաբիլոն** 12.  
**Բաբիկ** 150.  
**Բագրատունի** 57. 71.  
**Բագրեւանդ** 22. 139.  
**Բակ** 95.  
**Բակուր** 150.

Բաղասական 58. 104,  
 Բասեան 22.  
 Բասիլ 22.  
 Բարձրաբուլ 52.  
 Բզնունիք 22.  
 Բէլ 110. 111.  
 Գարեղեան 57. 71. 77.  
 Գազ 22.  
 Գազերովն 55.  
 Գազէշոյ, Գազիշոյ 32. 71.  
 Գաղբիկ 58. 77.  
 Գառնի 52. 60.  
 Գարեգին 12.  
 Գարեգին Սրբուանձտայ 93.  
 Գաւ 73.  
 Գեղէովն 84.  
 Գեղք 90.  
 Գիւա 33. 71.  
 Գիղար 73.  
 Գնթունի 77. 90. 93.  
 Գնտնի 54. 77. 93.  
 Գուպք կամ Գուլթք 10.  
 Գուեալ 52.  
 Դաղ 150.  
 Դանն 39.  
 Դաւիթ երէջ 5.  
 Դաւիթ մարգարէ 84.  
 Դենիմազգէշն 20. 102. 126.  
 Դենշապուհ 19. 111. 122-124. 126.  
 131. 133. 135. 136. 138. 139.  
 Դինաբեան 58. 77. 93. 150.  
 Դրունք Ալանայ 154.  
 Դրսհանակերտ 60.  
 Եգիպտացի 83.  
 Եղնիկ 22.  
 Եղբայր 22.  
 Եղեգեակ 139.  
 Եղիսա 84.  
 Եղիշայ 22.  
 Երամնիք 60.  
 Երան և ամներան, Արեայ և ա.  
 Կարեայ 20. 22.  
 Երեմիա 22.  
 Երեմիաս 32.  
 Երկայնորդք 52.  
 Եւզակ 22.  
 Եւրովպէ 55.  
 Եփլալիտա 56.  
 Զանդակ 71.  
 Զանգիկ 46.  
 Զարաւանդ 57. 81.

Զարեհաւան 103,  
 Զուարէն 150.  
 Զրադաշտական 16.  
 Զրագեշտ, որ և Զրագեշ, Զրա-  
 գաշտ 126.  
 Զրագեշտական, որ և զրագեշա-  
 կան 112.  
 Զրուան 20.  
 Ընձային, ընձայացի 77. 90. 93.  
 Ընթուլ 71.  
 Թաթիկ 22.  
 Թաթիկ ալ 139.  
 Թաթուլ գինաբեան 77. 150.  
 Թաթուլ կամնարական 150.  
 Թաթուլ վանանգեցի 90.  
 Թաւասարք 73. 100.  
 Թէոդոս փոքր 8. 54. 55.  
 Իշաւանք 139.  
 Խարայէ 84.  
 Խաղական երկիր 16.  
 Լափնաս 58.  
 Լիփնիք 10. 39. 58. 73. 100.  
 Խաղտալ 57.  
 Խաղտիք 72. 97.  
 Խայլանդուք, Խայլնդուք 11.  
 110. 154.  
 Խարաման, անս Հարաման:  
 Խարիովան 100.  
 Խարով 77.  
 Խորանիսա 52.  
 Խորէն խոտովանայ 142-146.  
 Խորէն խորխոռունի 77. 90. 93. 117.  
 Խորխոռունիք 32. 57. 71. 77. 90. 93.  
 Խոժասասան 36. 146.  
 Խուժիկ 125. 140. 141.  
 Խուրս 77.  
 Խրսան 73.  
 Ծախանիսա 52.  
 Ծօղէք 10. 39.  
 Կամնարական 150.  
 Կապկոհ, որ և Կապկոխ 59.  
 Կապոյտ 52. 98.  
 Կատիշք 90.  
 Կարէն 77.  
 Կորդիք 72.  
 Կորդուք 10. 39.  
 Կուաշ 60.  
 Կուր 57.  
 Կուրան 124.  
 Համաղասալ 150.  
 Համաղասսական 90. 150.

**Հայք աղչ.** 5. 7. 10. 12. 15. 16. 33.  
 55. 57. 65. 66. 73.  
**Հայք աշխարհ** 45. 48.  
**Հայք սասորին** 72.  
**Հարաման , որ և Խարաման** 40.  
 21. 35.  
**Հարեւոյում** 152.  
**Հեճմանակ** 73. 100.  
**Հեռան** 104.  
**Հէր** 57. 81.  
**Հմայեակ դիմաբարեան** 77. 93.  
**Հմայեակ մամիկոնեան** 99.  
**Հնդիկք** 45.  
**Հողոցիք** 139.  
**Հոն** 11. 33. 53. 59. 60. 61. 73. 99. 99.  
 101. 104. 110. 154.  
**Հոռոմ , Հոռով** 8. 10. 11. 21. 72.  
 104.  
**Հոռոմ . տես Հոռոմ .**  
**Հոռով , որ և Հոռոմ** 55.  
**Հրեայ** 30. 46.  
**Չողկերտ , որ և Չողակերտ** 60.  
**Ղեւնիք երեց** 77. 82. 88. 96. 101.  
 104. 116. 126. 133. 139.  
**Ճիւղք** 73. 100.  
**Ճորպղ աղահակ** 11. 73. 154. **մարդ-**  
**պան** 56. **կողմանք** 57.  
**Մաղչէն** 63.  
**Մապուլթ** 154.  
**Մակաբայեցիք** 81.  
**Մակուրան** 124.  
**Մամիկոնեայ , Մամիկոնեան** 32 .  
 72. 93. 150.  
**Մանաղկերտ** 22.  
**Մանդակոնի** 77. 150.  
**Մանէճ** 33. 71.  
**Մանէն** 71.  
**Մատաժի** 81.  
**Մատեան դունդ** 90. 91.  
**Մարգաղի** 22.  
**Մարդաստան** 22.  
**Մարիամ մայր Տեառն** 21. 30.  
**Մարիանոս** 56. 66.  
**Մեհրան** 153.  
**Մեհրուժան** 150.  
**Մեղեա** 22.  
**Մեշոն** 146.  
**Միհր** 25. 27. 128. 144.  
**Միհրնարեհ** 20. 22. 68. 70. 74. 100.  
 104. 105. 111. 151.  
**Մծբն** 7.

**Մովք** 22. 33. 90.  
**Մովան** 124. 128.  
**Մովան** 27. 83.  
**Մուշ գիմաբարեան** 58.  
**Մուշեղ** 150.  
**Մուշէ եղիակոպոս** 22.  
**Մուշէ երեց** 101. 139.  
**Մուշկան Կիւսապուրտ** 74. 82.  
 89. 91. 93. 95. 96. 100. 103.  
**Յաղկերտ Ա.** 34.  
**Յաղկերտ Բ.** 7-153.  
**Յեշոն** 84.  
**Յեփեթայի** 84.  
**Յոյնք** 7. 9. 10. 55. 62. 72. 103. 104.  
 149.  
**Յովհաննէս** 30.  
**Յովեփ եղիակոպոս** 22. 33. 54. 77.  
 82. 96. 101. 104. 114. 120. 131.  
 132. 139.  
**Յովեփ Հայր Տեառն** 21.  
**Յորդանան** 30.  
**Յովնան** 150.  
**Կածարացիք , Կածրացիք** 21. 123.  
 140.  
**Կերշապուհ** 32. 54. 56. 77. 150.  
**Կերսէ կամարական** 150.  
**Կերսէ ուրծայի** 71.  
**Կերսէ քաղքերունի** 77. 90. 93.  
**Կիւշապուհ** 110. 139. 142.  
**Կիւսապուրտ . տես Մուշկան .**  
**Կոյ** 82.  
**Ըահ** 77.  
**Ըահուղ** 146.  
**Ըապուհ Բ. որմիջեան** 7. 34. 45.  
**Ըապուհ Հարեւոյում** 152.  
**Ըաւասայ** 150.  
**Ըմաւոն անձեւացի** 33. 77. 150.  
**Ընգին** 150.  
**Ողական** 52.  
**Ոտանիկ** 10. 71.  
**Ոսն Արաքաժու.** 60.  
**Որմիղք** 20. 25.  
**Որմիղք արքայ** 23.  
**Որտոն** 52.  
**Ուրծ** 57. 71.  
**Պալունի** 77.  
**Պալունիք** 57. 93.  
**Պալունիք միւս եւս** 71.  
**Պարգեւ** 150.  
**Պարսիկ** 7. 8. 19. 122.  
**Պարսիկք** 7. 12. 52. 59. 62. 98. 103.

- Պարիք** 39. 41. 45. 46. 53. 56. 57. 66.  
 68. 72. 73. 81. 89. 91. 95. 98. 99.  
 100. 104. 154.
- Պաւլոս Արարեալ** 11.
- Պետրոս Երէջ** 71.
- Պերոյ** 153. 155.
- Պիլատոս** 30.
- Քնիկան** 124. 139.
- Ռահամ** 153.
- Ռափտոնեան** 150.
- Ռըմբոսեան** 54. 56.
- Ռըշտունիք** 22. 32. 71. 77. 101. 104.  
 136. 139.
- Սահաստան** 36.
- Սահակ եպիսկոպոս արշտունեայ**  
 22. 101. 104. 105. 115. 119. 126.  
 129. 131. 135-139.
- Սահակ եպիսկոպոս Յարօնոյ** 22.
- Սահակ մանդակունի** 150.
- Սահակ նահապետ** 37.
- Սահակ սարկաւազ** 71.
- Սահառունի** 77.
- Սամուէլ Երէջ** 101. 112. 139.
- Սասան** 7.
- Սասոյ** 150.
- Սերուխտ** 57.
- Սերք** 55.
- Սինէ** 27.
- Սինիք** 22. 32. 48. 49. 56. 61. 69.  
 77. 105. 106. 150.
- Սիկունի** 77.
- Սուրմակ** 22.
- Ստահրաշապուհ, որ և Վլամշապուհ** 7.
- Ստեփանոս** 139.
- Սրուանձտայ աղք** 93.
- Սրուանձտայք** 77.
- Վահան Աղուանից** 59.
- Վահան ամատունի** 33. 77. 150.
- Վահան գնունի** 93.
- Վահեռունիք** 33. 57. 71. 77.
- Վաղինակ** 106.
- Վայոյ ձոր** 139.
- Վան** 52.
- Վանանդ** 22. 139.
- Վանանդեցի** 90.
- Վասակ մամիկոնեան** 72.
- Վասակ սինի մարդպան** 32. 48-50.  
 54. 56. 57. 60-62. 69. 70-75. 82.  
 89. 94-96. 98. 100. 101. 103-109.
- Վասակաշատ** 52.
- Վատ** 73.
- Վարադէն** 150.
- Վարադապուհ** 71.
- Վարդան մամիկոնեան** 32. 49. 54.  
 56. 57. 61. 74. 76. 77. 80. 90-92.  
 99. 117.
- Վարդանաշատ** 60.
- Վասպետք** 139.
- Վարձ** 150.
- Վերք** 10. 16. 37. 39. 56. 57. 72. 73.  
 103-105.
- Վուրկ** 58.
- Վլամ Բ. 7.**
- Վլամական** 54.
- Վրէն** 77. 150.
- Վրկան** 110.
- Տաճատ արծրունի** 150.
- Տաճատ գնթունի** 77. 90. 93.
- Տաճատ եպիսկոպոս** 22.
- Տաճկաստան** 10. 46.
- Տայք** 22. 99.
- Տաշրացի** 77. 150.
- Տարուերան** 22.
- Տարօն** 22.
- Տիգրոն Կ.**
- Տիրան Բ. 7.**
- Տիրոյ** 71.
- Տղմուտ** 90.
- Տմորիք** 72. 97. 98.
- Տրդատիոս** 55.
- Տրպատունիք** 77.
- Փայտակարան** 67. 73.
- Փանդուրակ** 29.
- Փապակ** 150.
- Փառախոտ** 60.
- Փասիս** 73.
- Փարսման** 77. 150.
- Փենեհէզ** 83.
- Փիւքօնան** 73.
- Փոսիս** 73.
- Քաղզէացի** 12.
- Քաշկար** 146.
- Քաջաջ** 101. 139.
- Քաջբերունի** 77. 90. 93.
- Քասու** 22.
- Քողեանիք** 77.
- Քուշանք** 9-11. 16. 37. 46. 110. 111.
- Օրական** 60.

















3 2044 009 530 650

THE BORROWER WILL BE CHARGED AN OVERDUE FEE IF THIS BOOK IS NOT RETURNED TO THE LIBRARY ON OR BEFORE THE LAST DATE STAMPED BELOW. NON-RECEIPT OF OVERDUE NOTICES DOES NOT EXEMPT THE BORROWER FROM OVERDUE FEES.

~~WIDENER  
BOOK DUE  
FEB 1 1991~~

WIDENER  
BOOK DUE  
FEB 10 1992

WIDENER  
FEB 10 2000  
BOOK DUE

Widener Library



3 2044 108 733 130

**HD**